








Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5383/A










Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5383/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5383/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5383/A

plin. l. 9. c. 9  
Paeonia naturaliter medetur Epilepticis  
Racia pellit Venenarum.

Toriculum & Chelidonia, profunt o-  
culis. Ronib. lupulj, Serpillum capiti.  
Hyslopum cordi.

Dolores capitis. levat ansam suffitum  
naribus. Plin. l. 10. c. 17.

Pampini triti et impositi, tumorem  
omnem siccant. Plin. lib. 35. in p.

Esus rictae, acuit visum. Ov. l. 2. de  
succus intyborum, cum rosaceo  
et aceto, capitis dolores lenit. Phil.

in Grammat. in Anom. gre. voc. Indub.

Vul. de Ruta Decimator. h. in vocib.

Nasturtium clarificat visum. Plin. l. 20.

electrum / Succinum 2. & Anis. cuius

odor cerebro mire confort, et oculis.

Prodest et Apoplecticis.

Dolores capitis emendatur con-  
trito nasturtio. Decimat. in Emol.

Rena



Remedium ebrietatis.

Græci ante reliquas dapes, sal velut  
amicitia symbolum hospitib. appone-  
bant: et vino madentes, oleo perun-  
gebant et sale, quod adversus ebrieta-  
tem remedium esse putabant. Trin-  
ger. in th. vit. hum. fol. 430. vol. 2.  
lib. 6.

Portulaca. Dierbachius Augeri cunctis  
medetur. Decim. in portulaca.

Mues avellana pinguedini corporis con-  
forunt, pluri quam sit verisimile. Plin

Gravitas aurium emendatur, nastur-  
tio trito, aurib. imposito. Decimato  
in Emendo.



Rapum fervens impositum sanat  
perniones gekochte oder gabra-  
tete Rüben, griß auß der ur-  
falten Füße gelnzt, heilt sin  
Decim. in vcc. Pernio. Außbruch  
ex Plin. l. 20. c. 3.

Corium Upuae, dolenti capiti  
impositū, dolen sedat. Oculi  
pro amuleto suspensū, lepram  
sanat. Horrenschmidt in postill.  
F. 36v.

A. xxv. a

5383/A



*Sm. Jernick*

REGIMEN SANI-  
TATIS

4/53

*nm*



720 2/4  
Memo: This little book was stolen  
by a Prussian Soldier from the  
Château of Comté de Ségur, during  
the Franco-Prussian War, and given  
to me in January 1872, by Doctor  
Kastan, a Prussian Surgeon  
attached to the Prussian Army.

Lib. 67.



*Syl. Devenish*

MEDICINA  
SALERNI-  
TANA:

*Id est,*

CONSERVANDÆ  
BONÆ VALETUDINIS  
PRÆCEPTA,

CVM LVCULENTA ET SKC-  
CINCTA ARNOLDI VIL-  
*lanouani in singula capita*

*Exegeti,*

PER IOANNEM CVRIONEM  
*recognita & repurgata.*

NOVA EDITIO MELIOR.

*& aliquot Medicis Opusculis (quæ se-  
quens pagella exhibet)*

*Iohannes auctor. Felix Rector*

Cum Gratia & Priuilegio Imper.

FRANCOFVRTI,  
EXCVDEBAT IOANNES SAV-  
rius, Impensis Vincentii Stein-  
meieri.

ANNO M. D. CV.



93637



*J. J. A. K. R. R.*  
*J. W. B.*





REVERENDO VIRO,  
SAPIENTIA, ERUDITIONE  
& virtute præstantissimo D. Docto-  
ri HENNINGO HOPFF, Iuris  
& æquarum legum consultiss. Ec-  
clesiæ maioris Deiparæ Virgini a-  
pud inclytam Erphordiam sacræ  
Præposito & Seniori, &c. compa-  
tri ac Meccænati suo plurimum  
obseruando, Ioannes Cu-  
rio Berckensis.

υγιαειν.

**P**OSTQVAM reueren-  
dus in Christo pater ac  
summa pietate spectabi-  
lis D. Ioannes Picus, Regi-  
monasterii Montis S. Pe-  
tri apud inclytam Erphordiam Abbas lon-  
ge dignissimus, anno superiore è vita ex-  
cessit.



P R Æ F A T I O.

cessit, obscurum humanitati tuae non fuit,  
quantopere hoc tanto viro, tam sincero  
amico, tam candido monitore, tamque  
liberali Mecenate atque incomparabili  
patrono amisso, animus meus consterna-  
tus fuerit. Erat vir ille in omni discipli-  
narum genere non infeliciter versatus,  
sed Theologico studio praeter ceteris tanta  
pertinacia addictus, ut Biblia sacrosan-  
cta assidue lectione non solum memori-  
ter ad unguem pronunciare, sed eadem  
fratribus quoque suis felicissime inter-  
pretari posset: eoque rem deduxerat, ut  
nisi immatura mors consilium eius prae-  
uenisset, Doctoris iam nomine haud du-  
bie censeretur. Hic talis ac tantus vir,  
quamvis grauioribus interea curis disti-  
neretur, nihilominus tamen succisuius ho-  
ris in medicorum etiam vireta diuertend-  
um sibi duxit, quo nimirum ea quoque  
quae ad sanitatem tuendam necessaria vi-  
derentur, thesauro rerum omnium me-  
mo-



## P R A E F A T I O.

moria in tempus opportunum concrede-  
 ret, unde illud etiam consecutus est, ut  
 quotiescunque incideret mentio aliqua de  
 rebus, ad medicinam proprie spectanti-  
 bus (incidebat autem saepissime) non se-  
 cus, ac si in medicorum scholis duntaxat  
 versatus fuisset, de ipsis differeret. Beni-  
 gnitas vero eius in iuuandis & prouehen-  
 dis ingenuorum adolescentum studijs non  
 obscura, sed cuius obuia & exposita fuit.  
 Ac ne longius quidem abeam, ecquis in-  
 uentus est vnquam, qui dum firmo adhuc  
 & vegeto corporis robore frueretur, libe-  
 raliior ac munificentior in Academiam no-  
 stram extiterit? Reliquorum Δεσπότη-  
 μαλα, quotquot huc ab initio dimana-  
 runt, si paucula quaedam excipias, à te-  
 stamentorum executoribus ad id subordi-  
 nata prius fuerunt. At noster hic Picus  
 mentis incitatione magis, atq; sponte sua,  
 quam aliorum hortatu, munificus esse vo-  
 luit. Quare iuxta augurum obseruatio-  
 nes,



# P R Æ F A T I O.

nes, ἐπὶ δὲ ξὶ ἐτλν ἡμῶν, οἰωνόν τε παρῆχεν  
 ἀπίστον. Cui, utinam, reliqui quoque, auium  
 greges consimiles aliquando volatus me-  
 ditentur. Porro autem qualis idem erga  
 me extiterit, fugere neminem arbitror,  
 quippe cum in oculis fere omnium positum  
 fuerit. Familiaritatem semel mecum ini-  
 tam non fide simulateque, sed pie admodum  
 & sancte coluit, eamque dissolui atque re-  
 scindi, licet hoc strenue sane à quibusdam  
 ipsi suggereretur, ægerrime passus est. Bo-  
 ne Deus, quam amice ac sedulo, si quæ ad  
 vitæ honestatem, aut ad rei familiaris in-  
 crementum facere viderentur, ea mihi in-  
 culcabat omnia. Ad postremum vero, quæ  
 in me contulit beneficia, tot ac tanta fue-  
 runt, ut molestum humanitati tuæ fore  
 putem, si ea hic singula recensere pergam.  
 Vnum tamen silentio non facile præter-  
 miserim, nempe sine repulsa me semper ob-  
 tinuisse, quicquid ab ipso peterem. Me-  
 rito igitur ac optimo quidem iure, tam  
 imma-



## P R A E F A T I O.

immaturo atque inexpectato eius obitu animus mihi vsquequaque demissus atque magno adeo mœrore hactenus confectus est. Sed hunc tu mihi, vir humanissime, iam magna ex parte (haud scio, an aliquo etiam meo merito) erexisti, doloremq; profecto omnem absterfisti: qui me ultro statim simul ac tali patrono orbatum vidisti, in tuam fidem & clientelam singulari quodam modo suscepisti. Nam etsi ab eo vsque die, quo Erphordiam primum veni, in amicis me semper habueris, ac maximis interea beneficijs obstrinxeris, adeoq; primus omnium obnixè *χρησίν τε ποσίν τε* contenderis, vt summis honorum gradibus onerarer: nunquam tamen propensio- rem in me sensi animi tui voluntatem, quam vbi singularis ille Mecœnas presenti vitæ subductus est. Hic reuerenda humanitas tua aperte demum atque palam indicauit, quo antea in me fuisset animo, vt quæ nullum omnino pretermise-



## P R A E F A T I O.

rit amicitia officium, quin cumulatifsi-  
me in Curionem suum detulerit. Nam  
quæso te, quod Pici morte ademptum est,  
quod tu vir humanissime non αὐτῷ τῷ μέ-  
τρῳ καὶ λόγῳ, ut est apud Hesiodum, com-  
pensaueris? Nunquam quidem tristem me  
à conspectu tuo, siue consilio, siue auxilio  
opus esset, discedere memini. In quo sane  
animum agnosco vere liberalem, & pri-  
mario viro dignum, ac mei amantissimum:  
Cui, dī faxint, ut officijs mutuo responde-  
re quandoq; valeam. Præterea vero, cum  
hoc mihi fatale quodammodo sit, ut ex  
ijs, qui sese amicorum nomine apud me  
venditant, permultos indies experiar mi-  
hi χηστὲς μὲν λόγῳ, πολέμιους δὲ τοῖς τεύ-  
χοις, qui coram blandiantur quidem, sed  
absentes mordeant, tu in firma tamen &  
perpetua amicitia præsens absensq; idem  
semper, hoc est, ex animo amicus, vereq;  
beneuolus ac fidelis permanens, innocen-  
tiam meam strenue tueris atque defendis.

Cum



## P R A E F A T I O.

Cum igitur saepe & multum mecum cogitarem, quo tandem officio pro tot tantisque in me meritis Reuerendam H. T. vicissim demererer, neque vllum satis idoneum inuenirem, ac tristis interim essem, & conturbatior, timeremque, ne contumeliosissimum mihi τῆς ἀχαριστίας aliquando obijceretur conuiitium: Ecce commodum mihi literæ ab excellentissimo D. Adamo Lonicerō, Imperialis vrbis Francofortensis Medico physico, amico & fautore meo singulari, allatae sunt. Is obnixè me honestissimæ socrus suæ nomine rogabat, vt libellum Scholæ Salernitanæ, quem ipsa rursus obdiuendita ac distracta proximæ editionis exemplaria, prelo iamiam commissura esset, denuo quam diligentissime perlegere, atque à mendis vindicare non grauarer. Cui, quod honesta ac vtilia essent, quæ peteret, refragari equidem nec volui, nec debui. Libello itaque ἐκ κεφαλῆς ἐς πόδας, καὶ πάλιν ἐκ τῶν ποδῶν ἐς τὴν κεφαλὴν, vt di-



## P R A E F A T I O.

*ci solet, reuisto ac perlecto, dii boni, quos  
 passim occurrerunt menda, partim qui-  
 dem operarum incuria, partim vero mea  
 ipsius etiam (vt apparet) ἀπείρονα com-  
 missa. Quae sane, quanta potui diligentia,  
 correxi: nonnulla quoque vt superflua &  
 ἀπερὸς διόρῳα exempla reieci: quaedam ex  
 Græcis minus commode reddita diluci-  
 dius explicui: insuper & alia quaedam le-  
 ctu non indigna ad finem adiunxi. Eai-  
 gitur omnia, cum suo iam destituta sint  
 Mecenate, adeoq; sine patrono in manus  
 studiosorum redire vereantur: sub reue-  
 rendi nominis tui patrocinio, vir huma-  
 nissime ac vnice mihi in perpetuum ob-  
 seruande compater, in publicum emitte-  
 re placuit. Ac primo quidem, vt, cui in col-  
 locandis beneficijs par semper fueris, ei-  
 dem remunerationis quoque honore exae-  
 quareris. Deinde vero, vt pro ingentibus  
 beneficijs, quibus me hætenus deuinx-  
 isti, vicissim gratitudinis meae aliquod ha-  
 beres*



# P R Æ F A T I O.


βερες μνημόσυνον. Hoc ergo, vir humanis-  
 sime, munusculum, si non nominis tui  
 splendori ac virtuti par, saltem ab homine  
 tui studiosissimo atq; obseruantissimo pro-  
 fectum, porrectiore fronte accipias, & do-  
 nantis potius animum, quam muneris ma-  
 gnitudinem ponderes, patrociniog; demum  
 tuo, atque fauore à vitilitigatorum & sy-  
 cophantarum calumnijs tutum reddas, et-  
 iam atq; rogo. Ego hoc vicissim Reueren-  
 de H. T. polliceor, me, quacung; sanitati  
 dignitatiq; tuæ conducere arbitrabor, tan-  
 to studio esse facturum, quanto semper tu  
 & studio & officio in meis rebus fuisti. Va-  
 le nobis quam diutissime incolumis, & Cu-  
 rionem tuum, qui H. T. plurimi facit,  
 amare perge. Erphordia 3.

Non. August.



T R A-









TRACTATUS, QVI IN  
*hoc opusculo continen-*  
*tur.*

- i. Emissi sanguinis observatio, ex  
Ioannis Fernellii de vacuandi  
ratione cap. 20. pag. 402
- ii. Dioclis Carystii aurea ad Anti-  
gonum Asiæ regem Epistola,  
de morborum præsagiis & eo-  
rundem extemporaneis auxi-  
liis. 406
- iii. De salubri diætâ incerti auctoris  
liber, Hippocrati quondam  
falso adscriptus. 413
- iv. De ratione victus salutaris post  
incisam venam & emissum  
sanguinem ad Armatum, Epi-  
gramma Anastasii. 421
- v. Vi-



v. Victus & cultus ratio exposita  
quaternis in singulos menses  
versibus: per Ioachimum Ca-  
merarium. ibid.

vi. De moderatione cibi & potus,  
itemque somni & vigiliarum,  
ex Ph. Mel. 423.

vii. Nonnulla de regimine sanitatis  
iuxta sex res non naturales Pla-  
cita ex Hippocratis & Galeni  
libris deprompta per Io. Katz-  
schium Hallensem Doctorum  
Medicum. 472.

ANTO-





ANTONII MVSÆ BRA-  
*saui de præsenti libello iu-  
dicium.*

Vulgatus Salernitarum de tuenda valetudine  
libellus, his qui legunt non parum utilitatis  
præstat, illisque multo maiorem, qui libelli præ-  
cepta obseruant.

GALENVS Lib. 6. cap. 10. de  
*Sanitate tuenda.*

ARS quæ sanitati tuendæ præsidet, iis qui sibi  
paruerint, constantem sanitatem promittit.  
Qui vero parere recusant, iis perinde est ac si o-  
mnino non esset. Recusant autem alii ab ipsa in-  
præsens voluptate victi, quos incontinentes in-  
temperantesque nominant: alii ab ambitione,  
quam Græci hodie *κενοδοξία*, id est, va-  
nam gloriam vocant.



M. MAR-



M. MARCVS FRYT-  
SCHIVS LAVBANVS,  
Candido Lectori  
S.

**Q**uisquis es, & medicam non plane respuis artem,  
Hunc studiose librum (sic quia dignus) ama,  
Qui nouus egrediens, vitio purgatus ab omni,  
Liberius clarias gestit adire domos.  
Curio fatidici decus insuperabile Phœbi  
Edidit hoc plenum frugis & artis opus.  
Vni ipsum igitur complectere utrisque iuuentus,  
Ac bene de merito dic bona vota viro.  
Nam quibus instructus sine morbis membra tueri  
Possit homo, liber hic dogmata certa tenet.  
Magnanimo Anglorum regi qua dedita quondam,  
Iam renouata tibi Teutonũ ora vides.  
Tuque cohors iuuenum, teneris quæ protinus annis  
Sedula das operam verba Latina loqui,  
Incolumem, moneo, si gestis ducere vitam,  
Membrorumque cupis prosperitate frui:  
Curio mane tibi, tibi Curio nocte legatur,  
Non imitabilis est absque labore labor.  
Exiguum certe, quo pagina venditur, as est,  
Quæ discas, magna commoditatis erunt.  
Nam decet, affectus qua sint ratione regendi,  
Omnis ab excessu semina morbus habet.  
Vini, epulique modum præscribit, Cypridis usum  
Temperat, & quæ sint sana lauacra monet:  
Cum corpus nimio repletum sanguine turget,  
Incisis venis euacuare iubet.  
Vesper ait somnum capiendum, namque diurno  
Tempore qui dormit, multa pericla ciet,

Inscius



## AD LECTOREM.

*Inscius in febrim dilabatur, atque catharrum  
 Colligit, & toto corpore languet iners.  
 Hic quoque certa leges anni discrimina: namq;  
 Diuersos radios ardor & algor habent.  
 Non eadem Veri, Mesti, Autummoq;, Hyemiq;  
 Conueniunt, tribui vult sibi quodq; suum.  
 Quid sibi quodq; velit, quid qualibet exigit atq;  
 Curio monstrabit, si tibi lectus erit.  
 Si sapias ergo, moras tollens studiosa iuuentus,  
 Hunc tibi emes (paruo venditur aere) librum.  
 Insuper Autori, grato pro pignore, fata  
 Optabis Pyllo non citiora sene.  
 Sic tibi non deerunt qui scripta salubria condant,  
 Materia ingenii conueniente suis.  
 Hisce vale, atque bono feliciter utere seculo,  
 Castalium ad fontem iam via trita patet.  
 Tempora quae forsitan subito ventura sequentur,  
 Non ita fecundae conditionis erunt.  
 Si sapias ergo, tibi haec quos porrigit, arripe crines.  
 An bona vel mala sint secula futura latet,*

EIDEM HENRICVS SPI-  
 naeus Bercizenfis, S.

**Q**uod male curarent homines languentia membra,  
 Viderat ex alto pulcher Apollo loco.  
 Tertius exclamat qua morbis quaeritis a gri  
 Pharmaca mortales? qua medicina datur?  
 Tenditis in mortem taliratione medendi.  
 Corruit, & labens non reparatur opus.  
 Restitui in melius si vultis corpora laesa,  
 Viuendiq; frui commodiore via:  
 Huic operi vigilantes oculos imponite claro,  
 Veluite tam doctum tempus in omne librum.

*Disputo*



AD LECTOREM.

*Discitis hinc certas medicandi saucia leges.  
Integra quoque modo sit retinenda salus.  
Praestitit hoc artis medica tibi Curio Doctor,  
Curio Apollinei gloria magna chori.  
Extendi vitam qui longum vultis in aevum,  
Curio Tithoni, dicite, vive dies.*

ODEM. LUDOVICI  
HELMOLDI MUL-  
hufini.

**N**ulla vis virtusque manet pereennis  
Rebus his, quae viribus extruuntur  
Corporis: quae mens operatur omni  
Tempore durant.

Nunc ager, vel sylva, vel est rubetum,  
Quod fuit quondam Phrygii aula Regis,  
Arx sit econtra modo Carolea,  
Quod seges olim.

Firma sunt, fidemque sibi tuentur  
Nomen & famam documenta, quorum  
Auctor est Phoebus sine honore nunquam  
Commemorandus.

Utilis res est medicina, totum  
Sustinet mundum: nisi salva namque  
Membra sint, princeps domui univarse  
Turbo minatur.

Claret idcirco Podaliriana

FINIS.



AD LECTOREM

*Fama, nec laus Hippocratis remittit,  
Æmulus fertur volucrum per alta  
Astra Galenus.*

*Hos duces, hoc signiferos secutus  
Curio excellit simul, & referri  
Inter heroas medicos profunda  
Mente meretur.*

*Mentis hic index liber est, amomum  
Plantat, extirpat tribulos, venena  
Enecat, morbos fugat atque sanos  
Protegit artus.*

*Sanitas cura sua sit cuius,  
Huic viam monstrans igitur tuenda,  
Gratiis omnem comitatus ibit  
Curio in orbem.*



b 2 EPI-





EPIGRAMMA DOCTIS-  
SIMI VIRI, DOMINI MAGI-  
stri Hieronymi Oſii.

PRæſidium humanæ ſunt artes vtile vitæ,  
Hoc rerum dubius languor aſylon habet,  
Quo ſine tempeſtatum exercita mole laborat,  
Et vexata gemit publica clade, ſalus.  
Atque togata quies violata tyrannidis auſu,  
Exutum patriæ luget honore decus.  
Barbaries magnum imperio tunc occupat orbẽ,  
Et regnum populat viribus omne feris.  
Tunc calcata iacet Pietas cum iure ſub armis,  
Inſtitiaque decor debile robur habet. (uo,  
Tunc furor arma mouet, dominatu fulta pter-  
Viſque aliena mali ſceptra timore gerit,  
Et feritas animos patiente Cyclopica ſato,  
Cædis in aduerſum raptat amorẽ ſcelus.  
Mentibus inſidunt cum cæca obliuio legum,  
Atque redit ſtudiis gratia nulla piis.  
Pieria coetus cum deditus exulat arti,  
Ingeniũ precium vileque cultor habet.  
Ceu neruos rerum Deus edidit uſibus artes,  
Ordo quibus læto dureret in orbe ſtatu.  
Corporaq; innumeris cū ſint obnoxia morbis,  
Quæ labor admiſſa labe caduca facit.  
Ne ſubitis morti ſuccumbat vita periclis,  
Pharmaca munificus prodidit arte Deus.

Quam



## EPIGRAMMA.


Quam fauor humanæ diuinus amore salutis  
Edocet, ingenio qui valuerunt viros.  
Morborum ut trepidos valeant sanare dolores,  
Artifici causas & remouere manu. (chrī  
Ratzschius hac expers vir nomen ab arte sepul-  
Et dignum meruit nobilitate decus.  
Laurea Doctoris cui tempora lata coronat,  
Quam nascens titulo plurimus ambit honos,  
Edidit hic vitæ regimen de fospitis usu,  
Et bene viuendi de ratione librum.  
Qui, quo cuique salus maiori propria cura est,  
Auspicio debet carior esse suo.  
Concinno siquidem præcepta volumine vitæ  
Tradat, alenda quibus sana diæta fuit.  
Ergo qui doctos hoc donat munere coetus,  
Gratia erat tali digna labore viro.  
Cui quo plura queat cura illius edere, votis,  
Aspirante Deo, fata secunda precor.






INDEX SVMMATIM COM-  
PREHENDENS EAQVÆ HOC  
Libello tractantur.

A

 Ceti proprietates	228
Aeris electio	124
Aestatis cibus	141
Albica piscis marinus	183
Allii facultates	114
Aluum blande & facile resoluentia	409
Amarellus avis aquatica	178
Anguilla esus calculosis noxius	191
Anguillaram & Lampredarum coctio.	ibid.
Animalium viscera	232
Anima accidentia	472
Anisi utilitates	236
Anni tempora quatuor	316.435.
Aqua crapula confert	165
Aqua inter cutem	32
Aqua potus nocumenta	162
Auditus grauitas	297
Aues esui apta	167
Aurium tinnitus causa	297.298.

B

 Raffica temulentiam curat	261
Butyri proprietates	203
Butyrum ad quid conducatur.	202
Cal-	



# INDEX.

## C

<b>C</b> aluiciem cepe emendat	276
<b>C</b> ancrum curat chærefolium	283
Capitis dolor	23.315.
Capo, siue gallus castratus	169
Caput purgat sinapi	277
Capitis morborum instantium prasagia	407
Capitis morborum remedia	407
Capitis accidentia ex neglectis remediis.	ibid.
bouina	67
{ caprina	68
{ ceruina	65
<b>Caro</b> { leporina	66
{ porcina	96.158.
{ vitulina	167
{ salsa	65
<b>Carpio</b> piscis squamosus	183
<b>Casei</b> esus	63
<b>Casei</b> facultates	205
<b>Caseus</b> recens	94
<b>Catarrhus</b>	25
<b>Caulium</b> effectus	259
<b>Ceparum</b> effectus	275
<b>Ceparum</b> vsus	115
<b>Cerebri</b> confortatio	11
<b>Cerasorum</b> esus commoda	216
<b>Cereuisia</b> confectio	226
<b>Cereuisia</b> potus	137.138.139.226.
<b>b 4</b>	<b>Chære-</b>



# INDEX.

<i>Charefolii herba effectus</i>	283
<i>Chelidonia</i>	289
<i>Cholerica complexio</i>	345
<i>Cibi bene nutrientes</i>	78.91.
<i>Cibi &amp; potus alteratio</i>	139
<i>Cibi melancholici vitandi</i>	56
<i>Cibus iucundus</i>	9
<i>Cibandi tempus</i>	445
<i>Cibi &amp; potus moderatio</i>	423
<i>Cibi &amp; somni ordo</i>	426
<i>Cibi substantia</i>	437
<i>Cibi omnibus hominibus vitandi</i>	440
<i>Cibi quantitas</i>	ibid.
<i>Cibi qualitas</i>	443
<i>Cena parca</i>	36
<i>Colorum hominis indicia</i>	355
<i>Columba cibus cholericus</i>	172
<i>Colica passio</i>	34
<i>Condimenta generalia</i>	149
<i>Conspicilia vitrea</i>	19
<i>Consuetudo altera natura</i>	250
<i>Consuetudo varianda nonnunquam</i>	254
<i>Corporis partes quatuor</i>	407
<i>Corporis situs per somnum</i>	470
<i>Coturnix, siue Quiscula</i>	173
<i>Croci proprietates.</i>	292

## D

**D**Entes à putredine, &c. cōservandi modus



# I N D E X.

<i>Dentium dolori conducentia</i>	308
<i>Dentium immundities</i>	13
<i>Dieta administratio</i>	236
<i>Dieta habenda ratio</i>	230
<i>Dieta moderata</i>	10
<i>Dieta salubris liber</i>	413
<i>Dispositio cibi, edendi item ac ciborum ratio</i>	

47

<i>Dormiendi ratio</i>	29.30
------------------------	-------

## E

<b>E</b> <i>Brietatis incommoda</i>	128
<i>Edendi &amp; bibendi modus</i>	209
<i>Enula campana</i>	285
<i>Epilepsia medela</i>	278
<i>de Euacuatione</i>	455
<i>Excrementorum retentio</i>	7

## F

<b>F</b> <i>Ames duplex</i>	49
<i>Febris causa</i>	22
<i>Ficum proprietates</i>	222
<i>Ficum usus in cibis</i>	ibid.
<i>Fistula curatio</i>	313
<i>Flatuum in aluo retentorum nocumenta</i>	31
<i>Fœniculi semen</i>	235
<i>Fons oculos recreat</i>	17
<i>Frictio</i>	466
<i>Frictionis quatuor præcipua genera</i>	ibid.
<i>Frigellus avis cibo accommoda</i>	176

b

s

Galbio



# I N D E X.

## G

<b>G</b>	<i>Albio piscis marinus</i>	184
<b>G</b>	<i>Gallina commendatio in cibo</i>	168
	<i>Gaudii repentini commoda</i>	8
	<i>Gornus piscis marinus albus</i>	183

## H

<b>H</b>	<i>Umores quatuor in homine</i>	325
<b>H</b>	<i>Hydrops</i>	33
	<i>Hyemis cibi</i>	145
	<i>Hyssopi virtutes</i>	282

## I

<b>I</b>	<i>Ra</i>	4
	<i>Irasci utile quibus</i>	5
	<i>Iura è carnibus</i>	39

## L

<b>L</b>	<i>Ac</i>	94
<b>L</b>	<i>Lactis electio</i>	199
	<i>Lactis esus</i>	60
	<i>Latitia valetudini confert</i>	8
	<i>Lotii retentio</i>	6
	<i>Lucius piscium tyrannus</i>	181

## M

<b>M</b>	<i>Alia facultates</i>	263
<b>M</b>	<i>Manuum lotio</i>	12
	<i>Manuum lotio calida vermes generat</i>	ibid.
	<i>Manuum lotionis utilitas</i>	152
	<i>Manuum tremor</i>	268
	<i>Medulla ossium</i>	97

**Me**



# I N D E X.

<i>Melancholica complexio</i>	350
<i>Mentha</i>	265
<i>Merula avis</i>	174
<i>Mespilorum utilitates</i>	224
<i>Mictio nocturna</i>	<i>ibid.</i>
<i>Motus &amp; quies</i>	462
<i>Musti potionis nocumenta</i>	160
<i>Mutatio subita nociva</i>	252

## N

<b>N</b> <i>Asturtium herba</i>	287
<i>Nauseam marinam qua prohibeant</i>	147
<i>Nocturna repletio noxia</i>	6
<i>Nuces contra venena</i>	123
<i>Nuces post pisces</i>	211

## O

<b>O</b> <i>Rtygometra</i>	175
<i>Ossa, nervi, &amp; dentes homini quot</i>	322
<i>Otis, gallina sylvestris</i>	177
<i>Oua sorbilia</i>	98
<i>Quorum differentia</i>	78

## P

<b>P</b> <i>Andiculationis utilitas</i>	12
<i>Panis calidus nocivus</i>	153
<i>Panis crusta</i>	157
<i>Panis electio &amp; ratio</i>	<i>ibid.</i>
<i>Pectere crines utile</i>	13
<i>Perca piscis squamosus</i>	181
<i>Perdix in cibo usus.</i>	175
<i>Per-</i>	



# I N D E X.

<i>Persica, passula</i>	220
<i>Persica prima mensa edenda</i>	56
<i>Phasianus gallus sylvestris</i>	174
<i>Phlebotomia effectus</i>	376
<i>Phlebotomia impedimenta</i>	364
<i>Phlebotomia &amp; vena sectio</i>	358
<i>Phlebotomia quibus mensibus conueniat</i>	363
<i>Phlebotomia quibus morbis &amp; atatibus conueniat, &amp; quantum sanguinis quoquo tempore detrahendum</i>	384
<i>post Phlebotomiam considerata quæ</i>	383
<i>circa Phlebotomiam quæ obseruanda</i>	373
<i>de Phlebotomia &amp; scarificatione</i>	459
<i>Phlegmatica complexio</i>	348
<i>Pigrities</i>	23
<i>Piper nigrum</i>	295
<i>Pisa</i>	195
<i>Pisorum coctio</i>	198
<i>Pisces qui, &amp; quibus conducant</i>	185
<i>Pisces saliti</i>	189
<i>Plagitia piscis</i>	183
<i>Pomorum esus</i>	58
<i>Porri effectus</i>	294
<i>Potus mali correctio</i>	146
<i>Potus triplex</i>	193
<i>Pruna</i>	218
<i>Pulegii effectus</i>	286
<i>Pulices fugari quomodo soleant</i>	273
<i>Pyra</i>	



# I N D E X.

*Pyra sylvestria contra venena valent* 119  
*Pyrorum nutrimentum.* 59.214

## R

**R** *Apa* 230  
*Raphanus sativus viperarum ictus discuti* 119

*Repletio & Euacuatio* 454

*Res septem naturales* 428

*Res sex non naturales* 431

*Rheumatis remedia* 310

*Ruta contra venena valet* 117

*Ruta cruda, saleq; condita, visus aciem exacuit*  
 117

*Ruta duo genera* *ibid.*

*Ruta facultates.* 272

## S

**S** *Al* 240

*Salicis effectus* 290

*Salvia potus malitiam emendat* 146

*Salvia operationes & effectus* 266

*Salis commendatio in cibis* 240

*Saluatella sectionis commoda* 394

*Sanguinea complexio* 341

*Sanguinis emissi observatio* 402

*Sanitatis regimen iuxta sex res non naturales*

*Sapores, & eorum qualitates* 243(427

*Saxatilis piscis* 182

*Serpentes fugat sinapi suffitum* 277

*Serum*



# I N D E X

<i>Serum lactis</i>	204
<i>Sinapis effectus</i>	277
<i>Sitis aqua extinguenda</i>	162
<i>Situs corporis per somnum</i>	470
<i>Somni tempus conuenientissimum nocturnum</i>	
28.29	
<i>Somni quantitas</i>	470
<i>Somnus meridianus</i>	6.22
<i>Somnus diurnus</i>	25
<i>Spasmus</i>	31
<i>Speculum oculorum aciem excitat</i>	18
<i>Spodium</i>	238
<i>Sturnus cibo commendatur</i>	170

## T

<b>T</b> enesmus	7
<i>Tencha, vel tinca, piscis glaber</i>	183
<i>Testiculi gallorum</i>	95
<i>Theriaca contra venena auxilio est</i>	121
<i>Thoraci impendentium morborum signa</i>	408
<i>Thoracis morborum remedia</i>	ibid.
<i>Thoracis incommoda ex neglectis praesidiis</i>	408
<i>Timor</i>	3
<i>Tranquillitas sanitati confert</i>	10
<i>Tremor manuum</i>	267
<i>Tremulus auis</i>	178
<i>Tristari utile quibus</i>	4
<i>Tristitia nocet valetudini</i>	2
<i>Truta</i>	



# I N D E X.

<i>Truta</i>	184
<i>Turtur boni alimenti</i>	169
<i>V</i>	
<b>V</b> <i>Apores stomachi prohibentia</i>	149
<i>Vena scissura quanta</i>	379
<i>circa Venæ sectionem quæ consideranda</i>	373
<i>Venenorum lethalia remedia</i>	113
<i>de Venere</i>	474
<i>Ventris morborum futurorum indicia</i>	409
<i>Vermes progenerantia</i>	12
<i>Vertigo</i>	35
<i>Vesica morborum propinquantium signa</i>	410
<i>Victus ratio quolibet anni tempore utilis</i>	140
<i>Victus salutaris post incisam venam &amp; emis-</i>	
<i>sum sanguinem ratio</i>	421
<i>Vina theologica</i>	88
<i>Vini boni proprietates</i>	104
<i>Vini differentia</i>	84
<i>Vini nimia potatio</i>	128
<i>Vini iuuamenta</i>	452
<i>Vino parce utendum</i>	5
<i>Vinum dilutum</i>	135
<i>Vinum enulatum</i>	285
<i>Vinum est lac senum</i>	137
<i>Vinum melius</i>	133
<i>Vinum saluiatum</i>	268
<i>Vinum vetus</i>	134
<i>Viole effectus</i>	278
<i>Vippa</i>	



# INDEX.

<i>Vippa</i> quid	249
<i>Viridia</i> oculis dant releuamen	19
<i>Visum</i> conseruantia	307
<i>Visus</i> nocumenta	302. & deinceps
<i>Visus</i> recreatio	17
<i>Vocis</i> rancedinis causa	309
<i>Vomitorium</i> Vomitus	458
<i>paratu</i> faci, Vrtica effectus	280
<i>linu</i> m. 408. Vna passa.	103

FINIS INDICIS.







DE

# CONSERVANDA

BONA VALETUDINE,

Liber Scholæ Salerni-  
tanæ.

DE ANIMI PATHEMATIS,  
& remediis quibusdam ge-  
neralibus.

## CAPVT I.

**A**nglorum Regi scribit Schola tota Salerni.  
Si vis incolumem, si vis te reddere sanum,  
Curas tolle graues, trāsci crede profanum,  
Parce mero, cœnato parum, non sit tibi va-  
num

*Surgere post epulas, somnum fuge meridianum.  
Ne mictum retine, nec comprime fortiter anum.  
Hac bene si serues, tu longo tempore viues.*

**P**RÆSENS hic liber, à Doctoribus Scho-  
læ Salernitanæ in gratiam Regis Angliæ  
conscriptus, multa & varia conseruandæ  
bonæ valetudinis præcepta complecti-  
tur.

In hoc autem capite octo inprimis generatim  
referuntur, quæ nos singulatim deinde, ac suo  
quodq;



## DE CONSERVANDA

2  
quodque ordine explicabimus. *Primum* ergo est, ut tuenda sanitatis suae studiosus anxiferas, graueis & pertinaces curas relaxans, ex animo penitus exterminet. *Cura* enim corpus vehementer extenuant & exsiccant, somnum impediunt, perpetuisque vigiliis conficiunt, vires destruunt, febres etiam accendunt, ac grauissimis valetudinibus initia praebent: ipsae quoque Melancholiam generant, pariterque calorem innatum resoluunt & extinguunt, & magis, si diutius durarint: Autor Galenus cum multis aliis locis, tum praecipue Aphor. libro 2. comment. 28. & lib. 3. commen. 31. & de tuenda sanitate lib. 1. cap. 11.

*Tristitia.*  
*Galenus de*  
*parua pila*  
*exercitio, ca-*  
*pite 1.*

*Sub eodem* praeepto comprehendendi debent & *Tristitia*, quae & ipsae corporis naturam frigiditate & siccitate corrumpunt: id quod Salomon quoque capite 17. Prouerbiorum suorum attestatur: Spiritus tristis, inquit, exsiccat ossa. Sed cum omnis moestitia generanda melancholiae vim habeat, quo tamen vehementior ac diuturnior haec affectio fuerit, eo plus adfert periculi. Nam praeterquam quod corpus macie paulatim extabefacit, cor etiam ipsum immodice constringit, spiritum obtenebrat, ingenium hebetat, rationem impedit, iudicium obscurat, & memoriam obtundit. In moeroribus item fortibus, uti à Nemesio capite vicesimo, de natura hominis, ex tertio libro Demonstrationum Galeni refertur: biliosa quaedam superfluitas consuevit in ventriculum defluere, & multo magis, quum per se ipse male affectus fuerit: quae sane molestiam exhibet, ut non prius à moestitia & cruciatu cesset, quam superfluitas illa vomitu eiecta fuerit, id quo Galenus etiam Aphor. lib. 6. comment. 50. testatur.

*Idem*



*Idem de timore quoque intelligendum: nam & Timor*  
 ipse intro & ad principium tum spiritum, tum  
 sanguinem vna cum refrigeratione eorum quæ  
 in summo corpore sunt, abducit ac contrahit:  
 itaque etiam pulsus tum arteriarum, tum cor-  
 dis, iis qui timent, minimi ac maxime imbecilli  
 sunt: partes in superficie positæ algent, corpus-  
 que pallescit, tremor incidit, vox interrumpitur,  
 & vires denique conuelluntur omnes. Quod au-  
 tem in tristitia paulatim patiuntur homines, id  
 in timore confertim accidit, dissidentibus scili-  
 cet inter se passionibus iis, non toto genere, sed  
 magnitudine & vehementia. Itaq; etiam ob ti-  
 morem & immensum moerorem nonnulli re-  
 pentina morte interierunt, quod scilicet imbe-  
 cilla suapte natura animula eorum sub valido  
 affectu oppressa confertim extincta & suffocata  
 sit, quemadmodum luculenter & perspicue do-  
 cet Galenus, libro 2. capite 5. de causis sympt.  
 Quippe extingui eam accidit propter affectus i-  
 plius naturam, vt cuius generatio in refrigeran-  
 do consistat: Suffocari autem, eo quod totus san-  
 guis vna commeet, atq; ad principiū deferatur.  
 Cuius sane rei insignia exempla extant apud  
 Plinium, libr. 7. cap. 36. naturalis historia. Quo-  
 circa eum qui sanitatis suæ tuendæ curam susce-  
 perit, cane peius & angue omnia illa, quæ non  
 aspectu & auditu modo, verum & mentis agita-  
 tione tristitia existunt, fugere oportebit. Quod A-  
 ristoteles quoq; innuisse videtur, quum proble-  
 mate 5. sect. 7. scribit, in λειποθυμίαν incidisse  
 quandoque, qui homines suffocari laqueo vidis-  
 sent solum. Lege plura apud Stephanum Athe-  
 niensem in librum 1. ad Glauconem comment.



## DE CONSERVANDA.

4

*Tristari  
quibus uti-  
le.*

12. *Hoc tamen* ignorandum non est, quod obefis nonnullis quibus corpus immodice plenum est, ac iis etiam qui spiritus admodum mobiles & calidos habent, interdum utile sit, si curis, timore, & tristitiis conficiantur: quo nimirum spiritus calor hebetetur, & nimia moles, quæ corpus onerat, extenuetur aliqua ex parte atq; auferatur: id quod vno ore confirmant Paulus Aegineta libro 1. cap. 57. Aetius libro 4. capite 32. & Rhazes. libr. 4. cap. 9. ad Almanforem.

*Ira.*

*Secundum* ut ab ira temperet. Nam cum ira sit feruor quidam ac vehemens motus caloris in ipso cordis corpore, qui in extimas tandem partes cum impetu diffunditur, ut eam plane dilacideq; Galenus libro 1. cap. 4. de different. feb. & in libro de causis morborum cap. 2. definit, necessario corpus ipsū immodice calefacit & exiccet, quo fit, ut febrim nonnunquam accendat, in iis præsertim corporibus, quæ in se admissam caliditatem longo tempore retinere apta nata sunt. Et si enim motus cordis sedetur, in hisce tamen remanet calor præter naturam, atque inde hominem febricitare contingit. Quidā etiam ira commoti, quasi attoniti ac extra se positi videntur. Sunt præterea qui impotenti ira impetuosis cōcitatos in ἀποπληξίαν incurrisse multos, repenteq; animam expirasse, nonnullos vero furore comitialis morbi accessione, παραλύσει, conuulsione, podagra, & articulorum maxime ac totius corporis tremore comprehensos concidisse tradant. Obstat etiam animi iudicio, & rationis opera perturbat, & ut Cicero ait, ira præsentē nihil recte fieri potest. Offenduntur autem

tem



tem ab ira potissimum, qui temperaturam corporis totius calidiorem quam par sit, aut morbo, aut natura consequuti sunt: præcipue quando cor & caput naturali intemperie immoderate feruent, aut aliquo aduentitio calido affectu laborant. Animalibus tamen vitiis, morbis frigidis, & natura frigidiori cordi & capiti, Galenus lib. 6. Epidem. partic. 5. comment. 9. autore, ira non leue præsidium adfert. Innatum enim calorem in ipsis iam torpescens excitat adaugetq; Quod Hippocrates etiam libro 2. Epidem. partic. 4. in eum scribens modum confirmat: Diligentia, inquit, adhibenda est, vt excandescencia inducatur, & coloris reparandi, & sanguinis in vasa subter cuticulam colligendi gratia. Quocirca ipsa à perfrigeratis, pallido colore præditis & ~~καταρρεσθια~~ laborantibus ex quibusdam interuallis & temporibus opportunis assumenda est: non sane ita continenter, vt facultas offendantur: sed perinde vt exercitationes innatum calorem corroborantes non immoderatas facere oportet, sed tum opportune, tum moderate assumere, ita & excandescencia, si clarissimis Medicinæ scriptoribus Galen. lib. 3. cap. 10. de difficul. respir. Paulo lib. 1. cap. 58. & Aetio lib. 4. capite 33. credendum est.

*Quibus irasci utile.*

Tertium, vt moderate vino vtatur. Vinum enim modice haustum natium calorem adauget, teste Galeno cap. 4. de causis morborum. Vbi vero immoderatus bibitur, quam vt vinci possit, tantum abest vt animal calefaciat, vt etiam frigidiora vitia gignat, quemadmodum copiose Galenus libro 3. capite 5. de temperamentis ostendit: quippe apoplexia, paraplegia, & quæ Græci

*Vinum,*



caron & comata vocant, neruorum resolutio, comitiales morbi, conuulsiones, tetani, & debilitas ventriculi ac reliquorum membrorum omnium immodicum vini potum comitantur, quorum vnumquodq; frigidum est vitium. Sed de his plura infra capite decimoquinto.

*Cena.*

*Quartum*, vt in cœna modico cibo vratur: exiguus namque cibus à facultate vinci perfecte & facile potest. Qui vero noctu multum ingerunt, ventriculumque nimio cibo onerant, dolorem primum & angustiam perpetiuntur, deinde nec probe dormire, nec recte concoquere possunt, quod nimia copia facultas aggrauetur, ceu nimio pondere pressa, subindeque superare ingestum cibum nequeat, id quod & infra cap. 5. vberius ac fusius declarabimus.

*Quintum*, vt statim à sumpto cibo surgat: hoc enim ad cōcoctionem facit, quia cibus sumptus ita facilius descendit in imum ventriculi, in quo Gal. lib. 5. cap. 5. de locis affect. teste, coctionis opus perficitur. Infra cap. 2. & 76.

*Somnus medicus.*

*Sextum*, ne à pradio somno indulgeat. Is namque somnus, qui cibum statim excipit, fumosis exhalationibus caput replet, destillationesque parit. Sed de hoc vberius infra cap. 3.

*Lotii retentio.*

*Septimum*, ne lotium diutius, quam natura fert, remoretur: hinc enim interdum oriuntur δυσχρεια & ισχυρεια hoc est, vitia in quibus vrina aut ægre & difficulter excernitur, aut in totum supprimitur ac cohibetur. Eodem modo calculus aliquando & aqua inter cutem gigni perhibentur, neq; aliud quidquam æque vesicam lædit, atque longior ultra mingendi voluntatem lotii retentio, id quod testantur cumprimis Galenus



lenus lib. 6. cap. 4. de loc. affect. Rhazes lib. 4. ca. 6. ad Alman. & Auicen. Fen 19. 3. tract. 2. cap. 6.

*Octauum*, ne compressis natibus ventris onus suppressere & retinere tentet: ita namq; indurantur faeces in intestinis ob continuam sustionem venarum mesaraicarum, quæ cum intestinis continuata omnem humiditatem è fecibus exugunt: quo fit, vt illæ exsiccatæ difficilioris exitus intestina obstruant oppilentque: oppilationem vero ob flatuum educationis præclusionem & aliarum consequentium facum coaceruationem, nocumenta sequantur, cum illa quæ cap. 4. enumerantur, tum etiam quæ referuntur à Cornelio Celso lib. 1. cap. 3. Ex ventre, inquit, suppresso inflammationes, caligines, capitis dolores, aliæq; superioris partis mala increscunt. Quibus accedunt etiam, vt Rhazes testatur, *τενερμὸς* & cibi fastidium, quod malum Græci *ἀνορεξία*. Latini vero appetentiæ amissionem vocant.

*Excrementorum retentio.*

*Summopere* præterea cauendum, ne in exoneranda aluo nimio conatu vtatur: nam & hinc nõ raro sequi solet *τενερμὸς*, hoc est, crebra & inanis egerendi voluntas, aut exitus intestini, quod ab esse sacro ad anum vsque pertinet, Græcis, *ἀπὸ θυμίου τῆς γαστρὸς καὶ ἀρχὸς* dicitur, Latinis longa, non rectum, & princeps, teste Andrea Vesalio lib. 5. fabricæ humani corporis.

*Vltimo* tandem loco subiungitur, longissimo tempore victurum, quicumque hæc præcepta studiosè & diligenter obseruauerit.

*Si tibi deficiant Medici, medici tibi fiant*

*Hæc tria: mens hilaris, requies, moderata diæta.*

*Hoc loco fit mentio trium remediorum, quæ*

A 4 m



in defectu Medici vicem eius cum apud alios, tum nobiles maxime & excellentes viros supplere possint.

*Mens hilaris.*

*Galenus de parua pile exercitio capite 1.*

*Primum*, Animus hilaris ac latus: latitia enim calorem excitat naturalem, spiritus temperat & puriores reddit, virtutem corroborat, aetatem floridam facit, iuuenile corpus diu conseruat, vitam prorogat, ingenium acuit, & hominem negotiis quibuscumque obeundis aptiorem reddit. Conuenit autem ut hæc ipsa latitia siue gaudium bonæ valetudini commodum, sit temperatum, non excedens modum, neque repentinum. Nimmio enim & repentino gaudio, quemadmodum Galenus lib. 2. cap. 5. de Symptomaton causis, & Alexander Aphrodisæus problemate 21. memoria prodiderunt, tanta fit cordis relaxatio, ut virtus vitalis una cum innato calore tota egeratur ac dissipetur, adeoque syncope nonnunquam & repentina mors consequatur. Atque huius quidem rei extant horribilia ac pertimescenda exempla apud T. Linium Deca. 3. libr. 2. Val. Maximum libro 9. cap. 12. Plinium lib. 7. cap. 32. & 53. & A. Gellium lib. 3. cap. 15. At enim cum iuxta tritissimum scholis medicorum dictum, contraria contrariis curentur ac depellantur, illis potissimum gaudium adsciscendum est, qui tristioribus animi pathematis immodice cōficiuntur. Quod sane per illa cumprimis consequentur, quæ principes facultatum partes corroborant, sanguinem bonum generant, & spiritus instaurant: eadem quippe & menti, Auicenna 4. 1. capite 1. & 11. 3. tract. 2. cap. 10. teste, gaudium & lætitiā conciliant adiunguntq;. Huiusmodi porro sunt cibi suaves & boni succi, vinum subtile

*Gal comment. 5. in 6. de morbis vulg. aphor. 9.*

ac



BONA VALETVDINE.

9

ac delectabile, boni & fragrantis odores, delectabilem rerum commemoratio, & cum amicis & familiaribus frequentior & iucunda conuersatio. Quare, vt Eobanus noster diserte canens admonet:

*Vtere conuiuiis non tristibus, vtere amicis,  
Quos nuga, & risus, & ioca salsa iuuant.  
Quem non blanda inuent vari modulamina cantus  
Huic iecur & renes, agrag, corda stupent.  
Nam nihil humanas tanta dulcedine mentes  
Afficit, ac melica nobile vocis opus:  
Tange lyram digitis, animi dolor omnis abibit.  
Dulcisonum efficit tristia corda melos.*

Atque hinc inde adeo est, quod grauissimus autor Plutarchus in libro de virtute morum tradit, Pythagoram animo pacando sedandoq; ab affectibus & perturbationibus vehementioribus Musicam adhibere solitum. Sic Saul quoq; per David psallentem à spiritu maligno liberatum legimus. His similia & scitu non indigna libro 1. & 14. Dipnosophiston Athenæus refert. Atque hætenus quidem dicta magna ex parte hisce etiam versibus ex Hieronymo Fracastorio complexi sumus:

*Tu tamen interea effugito qua tristia mentem  
Sollicitant, procul esse iube curasq; metumq;  
Pallentem, vltices iras: sint omnia lata.—  
Alma Ceres te in hoc, Bacchi quoq; lata iuuabunt  
Munera, sic dulces epulae, sic copia rerum,  
Sic urbis, sic ruris opes, & summa voluptas,  
Visere saepe amnes nitidos iucundaq; Tempe,  
Et placidas summis sectari in montibus auras,  
Accedant iuuenumq; chori misteq; puellæ.*

*Secundum, Animi tranquillitas: Nobiles enim*

*Tranquillitas animi,*

A S &



& excellentes viri, ob maximas & diuersas curas, quas sustinent, (si ipsis cætera omnia ante pariter adfuerint,) mentis inquietudine magis quàm mediocris conditionis homines læduntur. Nam si quid aliud, hæc maxime somnum impedit, qui nobilibus, cum biliosæ fere & siccioris naturæ sint, inprimis conueniebat. Vigiliæ vero, vt Galenus lib. 7. cap. 6. Therap. metho. autor est, magis adhuc totum corporis habitum siccant, adeoq; iis qui alioquin ex siccitate laborant, infestissimæ sunt. Vel *requies* hic ad corporis quietem, quæ motui opponitur, referenda est. Nam & hæc quoque ad valetudinem necessario adhibetur. Calorem enim naturalem assiduis laboribus fractum ac dissipatum reuocat, vires exhaustas ac pene perditas recuperat, adeoq; præstat vt animal se colligat, ac durare possit. Quod diserte admodum apud Ouidium lib. 1. epist. 4.

*Quod caret alterna requie, durabile non est,*

*Hæc reparat virus, fessaq; membra leuat.*

Eleganter autem alternam requiem vocat: sicut enim non semper laborare, ita nec semper quiescere expedit.

*Dietamoderata.*

*Tertium*, Moderata diætæ, id est, modus seu ratio viuendi, Græcis communiter *διαιτα* dicitur, Latini victus rationem reddunt. Quidam Græcam dictionem retinere, ac Latinis characteribus diætam scribere maluerunt, vulgus Regimē sanitatis, siue regulam victus appellat. Complectitur autem in se non modo quæ ad cibi & potus rationem attinent, sed reliquas etiam res omnes, quas non naturales Medici vno ore vocare solent: Harum enim commodus & moderatus vsus saluberrimus est, & corporis cōstitutio-

*nem*



nem conseruat: intempestiuus vero & immodicus sanitatem, adeoque naturam hominis corrumpit. Vt igitur vita morbis omnium minime obnoxia sit, harum legitimus vsus solícite ac diligenter seruandus est. Plura infra cap. 55.

## DE CONFORTATIONE

Cerebri.

## CAPVT II.

*L* Vrina mane, manus surgens gelida lauet vnda,  
 Hac illac modicum pergat, modicum sua membra  
 Extendat, crines peñtat, dentes fricat: ista  
 Confortant cerebrum, confortant cætera membra,  
 Lote cale, sta pranse, vel i frigesce, minute.

Hic traduntur sex præcepta de confortatione tam cerebri, tum reliquorū membrorū omniū.

*Primum*, vt singulis diebus mane oculi ieiuno lauentur, à sordibus enim & lemīs, quæ in ipsis noctu coaceruantur & palpebris adhærescunt, ne inde læsionem percipiant aut corrodamur, diligenter repurgari debent, idq; aqua clara, viridi, & frigida inspersa potius quam per manus admota faciendum est, vel certe in eadem aperti ambo quoad poterunt immergendi, ac longiore deinde temporis spacio supprimendi sunt. Hoc enim non abstergit modo ac claros nitidosq; reddit, sed sanos etiam conseruat, visumq; acuit & confortat, & maxime in iuuentute, quæ admodum Paulus Æginet. libro 1. cap. 31. Rhazes libro 4. capite 22. ad Almanf. & Auic. 33. Tract. 1. capite 5. & 3.3. Tract. 4. cap. 3. fidelissime tradunt. Cur autem frigida magis quam calida lauari debeant, ratio hæc est, quod vt Galenus eum alibi sæpe, tum maxime aph. libro 1. com-

*Visum con-  
 seruantiæ.*

MCH-



mentario 16. & libro tertio, capite 41. de aliment. facul. & capite 36. artis medicinalis testatur, conseruatio in temperatis semper per similia fiat. Oculi vero, vt lib. 5. cap. 1. de genera. animal. & lib. 2. cap. 10. de partibus eorundem, & in lib. de sensu & sensibili ca. 2. Aristot. scribit, sunt de natura aquæ, hoc est, frigidi, quare etiam frigida potius, quam calida lauari debent. De recreatione & confortatione visus paulo post, & infra capite 79.

*Manuum  
lotio.*

*Secundum*, vt manus quoq; lauētur: cum enim iustrumenta sint, quibus emundantur organa superfluitatum cerebri, aures nimirū, oculi, nares, & os, conuenient sane & ipsas cum primis esse mundas. Lauanda igitur sunt, sed frigida magis, quam calida: & hoc quidem cum alias ob causas, tum maxime quod lotio manuum in aqua calida, & præcipue post cibi sumptionem, Auicenna 16. 3. Tract. 5. cap. 1. teste, vermes in ventre generet. Quia innatus calor, qui in ventriculo ac reliquis nutritionis membris concoctionem operatur, per eiusmodi lotionem ad exteriora retrahitur, itaque imperfecta fit concoctio, quæ potissima generationis vermium causa existit. Plura de lotionem manuum infra cap. 23.

*Calida manuum  
lotio  
vermes generat.*

*Motio.*

*Tertium*, vt postquam e somno experrectus surrexerit, paulatim inambulando se moueat, vt primæ & secundæ concoctionis excrementorum redundantia, quæ sunt fæces & vrina, descendant, & ad faciliorem excretionem præparentur adiuenturque.

*Pandicula-  
ti.*

*Quartum*, vt sub idem tempus pandiculetur, hoc est, manus, pedes, & simul totum corpus extendat: quo videlicet spiritus vitales vna cum  
san-



sanguine, qui per somnum intro magis fugiunt, vt libro 6. part. 5. Epid. aph. 29. doctissime & breuissime Hippocrates dixit, ad exteriora membra reuocentur, eoq; modo spiritus cerebri puriores ac temperatiores reddantur.

*Quintum*, vt crines pectat & onet. Per hoc enim pori capitis aperiuntur, cerebri vapores in somno collecti ab oculis ad superiora alliciuntur ac dissipantur, & spiritus temperantur, subtilioresque fiunt. Pectinis igitur supra caput administratio sensuum instrumenta & corpus reliquum corroborat, visum acuit, & cogitationem reddit meliorem, adeoque ob id ipsum interdiu sapius reuocanda est, veluti Auicenna 3.3. Tract. 4. cap. 3. copiose scribit. Atque huic sane instituto pecten eburneus probe politus & læuigatus tutissimum præstabit vsum, moderate à fronte ceruicem versus quadragies ductus, Marsilio Ficino lib. 1. de vita cap. 8. teste.

*Pectere crines,*

*Sextum*, vt dentes fricet ac mundet: immundities enim dentium præterquam quod oris graueolentiam parit, spiritus etiam foetidos, impuros, & turbulentos exhalat, qui ad cerebrum eleuati, ipsi non paruam noxam inferunt. Sordes item dentium cum cibo permixtæ & in ventriculum delatæ, cibum ipsum sæpe corrumpunt. Idem de lingua iudicium est: nam & huic adherentes sordes, ne in ventriculum deferantur, diligenter abstergendæ sunt. Quare os mane exporrecto gargarizandum, & nisi hyems sit, multa aqua frigida, cui aceti non nihil admistum sit, fouendum est, vt eleganter admodum lib. 1. cap. 2. Cornelius Celsus præcipit. Nihil autem dentibus aque nocet, ac frequentior lactis esus, veluti

*Dentium immundities.*



ti Galenus lib. 3. cap. 14. de alim. facult. diserte & copiose scribens admonet. Nocet, inquit, lactis efus assiduus dentibus, & circumdati carnibus, quas gingiuas nominant. Has enim humidas, dentes vero putrefactioni & erosioni admodum obnoxios reddit. Sumpto igitur lacte, os vino diluto colluere conuenit. Satius autem fuerit, si mellis etiam quidpiam ipsi inieceris. Ita namque omne caseosum, quod ex lacte dentibus ac gingiuis circumfixum fuerit abstergetur. Quod si etiam cuiuspiam tam robustum sit caput, ut vini meri collutione non offendatur, melius is dentibus & gingiuis consuluerit: verumtamen & mel vino permixtum misturam ex utroque reddit meliorem. Illud vero dentium incolumitati tutissimum aduersus lactis iniurias fuerit presidium, si quis post sumptum ipsum primo mellicrato, deinde vino adstringente os colluat. Hæc ille: Porro modus quo dentes à putredine, erosione, dolore, & graueolentia vindicari possint, optimus nobis à Dioscoride libro 4. capite 144. Plinio lib. 26. capite 8. Galeno lib. 8. capite 36. de simp. medic. fac. & libro 3. de compos. phar. sec. loc. capite 18. & Auicenna 7. 3. cap. 2. præstituitur: ut os singulis mensibus vino, vel aceto, in quo Tithymali radix ad dimidias decocta sit, bis colluatur. Hoc enim non solum dentium ac oris commendat odorem, sed eorundem etiam dolori auxiliatur, & sanitatem conseruat. Plura infra capite 80. Aures quoque bene à suis redundantibus exonerandæ sunt, neque solum eorum excrementorum quæ manifeste per certos meatus, sed omnium etiam, quæ occulte exeunt, vacuatio laceffenda & molienda est.

*Lotio præseruans à dolore dentium.*

*Vlt.*



*Ultimus* versus tria praecepta saluberrima complectitur. *Primum*, ut balneo lotus atque æstnans omni cura & diligentia aduersus ambientis cœli frigidiorē intemperiem sese muniat & defendat: ne illa scilicet per poros à balneo apertos in omne corpus permanens, ibidem mali quidpiam ingeneret. A contrario siquidem ad contrarium repentina & inordinata transgressio, Galeno aph. lib. 3. com. 22. teste, periculosa admodum existit, præsertim cum facta ad frigiditatem subita commutatio eos, qui antea distabantur & per sudores euacuabantur, humores iam in profundum corporis repellat, adeoque partes etiam ad ventriculum atque intestina attingentes offendat.

*Balnearum  
regimen.*

*Observandum* etiam ne à recens accepto cibo balneo statim utatur, neque protinus post lotionem comedat aut bibat: qui enim paulo ante bibit, huic caput repletur: qui vero cibum sumpsit, huic non caput modo, verum & corpus totum alimoniam ad se, priusquam cōcocta fuerit, trahit, adeoque crudis & inconcoctis humoribus impletur. Statim vero post lotionem cibum vel potum sumere, caput replet, deuoratumque interdum superfluitate facit, quemadmodum copiose in 3. libr. de vict. rat. in morbis acutis, comment. 55. & 56. & in lib. de Marasmo cap. 14. Galenus ostendit. De potu idem confirmat etiam Cornel. Cels. qui lib. 1. cap. 3. in eum scribit modum: Illud nosse oportet, quod ex labore sudanti frigida potio perniciosissima est, atque etiam (cum sudor se remisit) itinere fatigatis inutilis. A balneo quoque venientibus Asclepiades inualem eam iudicauit. Atque ex hac quidem causa

quo-



quomodocunque sudanti adhuc, frigidum bibendum non est. Cauendum etiam, ne in ipso balneo comedat, bibat, aut dormiat: inde enim bona ventriculi concoctio obladitur, & naturæ pugna cietur, dum sanguis, spiritus, & calor naturalis adscititio balnei calore ad exteriora allecti & protensi ad interiora retrahuntur, & in profundum secedunt. Inter dormiendum etiam humores aliqui in ventrem confluunt, qui non, ut in aliis somnis concoquuntur, sed longe plures fiunt, inconcocti permanentes. Somnus vero à balneo vtilissime conceditur. Nihil enim est, ut Galenus lib. 4. cap. 9. de Sanitate tuenda scribit, quod æque concoquat ea quæ concoqui possunt, & malos succos per halitum digerat, ut somnus à balneo.

*Stare à cibo,  
aut leniter  
inambulare.*

*Secundum*, ut paulisper à cibi sumptione erecto corpore consistat: quo cibus ingestus in ventriculi fundum, ubi concoctionis officina est, æquabiliter descendens, promptius concoquatur: ac raro deinde, nec ita longo incessu inambulet, ne ob vehementiorem corporis motum calor è profundo ad partes exteriores attractus dissipetur, adeoque cibi præpediatur concoctio. Plura infra capite 76.

*Statim à se-  
cta vena  
frigus ca-  
piare.*

*Tertium*, ut post venæ sectionem, frigescat, quod est, in paulo frigidior ambietis nos aeris constitutione tantisper immoretur, siue decumbat, dum sanguis & spiritus per phlebotomiam exagitati sedentur & conquiescant. Atque huic quidem interpretationi astipulatur etiam Ioannes Fernelius, qui in libello de vacuandi ratione cap. 19. in hunc modum scribit: Neque igitur ad consueta munia properet, neque celerius in-

am-



ambulet, neque vlllo exercitationis genere se fatiget, neque vtatur Venere, neque protinus loca calidiora ingrediatur, neque in balneum descēdat: quandoquidem sanguis & spiritus vehementius incitati, ne dissipentur aut incalescant, sedandi comprimendique sunt. Haftenus ille. Vel *Minute*, aduerbialiter hic accipiendum, pro eo, quod est parum siue paulisper, vt referatur scilicet ad ea quæ immediate præcedunt, & sit hic sensus: Sumpto cibo cœlo frigidiori, te paulisper exponito: quo calor innatus, propter circumstantem extrinsecus frigiditatem ad interiora refugiens & secedens, meliorem tum concoctionem & sanguificationem, tum etiam nutritionem, operetur. Experientia siquidem constat, calorem per seipsum ac sponte quidem post cibi sumptionem, vt cum mutet facilius ac concoquat, in profundum refugere: atq; hinc adeo fit, vt exteriora corporis membra, quæ ante utcūq; calida sentiebantur, à prandio atq; cœna frigore & tremore concutiantur. Quare naturæ in eo quod recte operatur, opitulandum est.

## DE RECREATIONE VISVS.

## Additio.

*Fons, Speculum, Gramen, hæc dant oculis releuamen.  
Mane igitur montes, sub serum inquirito fontes.*

Tria hoc loco recensentur, quæ insitæ naturæ vi & substantiæ quadam similitudine oculos recreant, & visum maxime consolantur.

*Primum*, Fons: per quem quælibet pura & perspicua aqua, siue ea sit fontium, siue fluuiorum, siue etiam puteorum intelligenda est. Hæc enim ob cognationem & similitudinem, quam cum

B oculis



oculis habet, visum citra violentiam congregans,  
ad naturam reducit & recreat. Τὸ γὰρ κατὰ φύ-  
σιν αἰεὶ χρεῖται τῶν ὁμοίων, inquit Galenus aphor.  
lib. 1. comment. 16. Oculi autem frigidi & humi-  
di, perspicui atque omnium partium nitidissi-  
mi, & pulchre politi sunt, perinde atque aqua,  
quocirca ab eiusdem aspectu eos corroborari si-  
mul ac refici consentaneum est. Atque hoc sane  
cōsilio Aristoteles Alexandrum illum cogno-  
mento Magnum instituens, ei praecepisse vide-  
tur, uti frequenter ac diutius aquam viridem,  
claram & perspicuam intueretur, oculosq; in i-  
psam submergeret: eiusq; rei testem habemus  
non contemnendum Ioannem Mesuen in ope-  
re practico de agnitionibus oculorum. Cate-  
rum si nulla fontium aut fluuiorū inspiciendo-  
rum facultas fuerit, oculis profecto ex aqua fri-  
gidā, clarā & perspicuā in peluim viridem infu-  
sā contuitu eadem accedet commoditas.

*Speculum.*

*Secundum*, Speculum, quod & ipsam utique o-  
culorum aciem eadem ratione excitare putan-  
dum est. Oculus namque laevis est & lucidus, ac  
splendens instar speculi: quod tum experientia  
inter omnes constat, tum a Plin. quoque lib. 11.  
cap. 37. ostenditur. Oculis, inquit, absoluta vis  
speculi, adeoq; ut tam parua illa pupilla totam  
imaginem reddat hominis. Ea causa est, ut ple-  
raque alitum è manibus hominum oculos potis-  
simum appetant, quod effigiem suam in ijs cer-  
nentes, velut ad cognata desideria sua tendunt.  
Causa etiam cur speculi inspectione oculorum  
acies excitetur, adeoq; visus substantia confer-  
netur, hac assignari potest, quod radij in super-  
ficie speculi collecti, cum ob densitatem & duri-  
tiam



tiem eius vltcrius pcedere non possint, minime dissoluantur ac dissipentur, ob æqualitatem læuitatemque seruentur infracti, ob nitorem vero augeantur, & multo quam prius erant reddantur fortiores: quod nec ipsum sane Aristoteles, Mesue referente, ignorauit, cum eundem illum Alexandrum adhortaretur, vti se subinde ad tersum & directum speculum contueretur, & longiori deinde temporis spatio oculorum aciem in ipsum defigeret.

*Vitrea* quoque vocata conspicienda visus substantiam conseruant, adeoque præstant ne oculi minutioribus rebus contuendis victi fatiscant, neue spiritus resoluantur. Atque hinc certe gemmarum sculptores & aurifices subtiliter quidpiam ac ingeniose sculpturi eiusmodi vtuntur conspiciendis, aut sane per phialam ex tenui, puro, atq; albo vitro constatam eamque clara & perspicua aqua plenam, oculorum aciem rei sculptenda intendunt. Cur vero ita visus non defatigetur, in causa est, quod species de medio clariori ad densius permeantes maiores simul & crassiores appareant, adeoque visum conseruent.

*Conspicienda vitrea.*

*Tertium*, Gramen, per quod quarum libet herbarum frondiumq; ac aliarum etiam rerum virentium contuitus accipiendus est. Oculis enim iucundissimum spectrum viriditas est. Atq; hinc sane Aristoteles problemate 20. Sect. 31. quaerit: Quamobrem cum ceteras intuemur res, conspectus noster peius afficiatur atq; fatiscat, cum ad virides herbaceiq; coloris inspicimus, vt olera, ceteraq; his similia, recreetur, meliorq; euadat. An inquit, conspectum in alba nigraue intendere minime possumus, propterea quod vtrunque

*Viriditas.*



id genus coloris videndi viribus officit: colores autem illi, quibus oculi acquiescunt, medium albi nigriq; obtinent, itaque aspectus cum mediocri lenique obuiio afficiatur, nihil debilitatur: imo vero corroboratur atq; reficitur. Hac ille. Quanquam autem viridia omnia, utpote temperatissima, visum maxime colligant, atq; oculos reficiant: inter ipsa tamē alia aliis efficaciora inueniuntur. Sic certe nullius aspectus Smaragdo iucundior est. Quod Plin. lib. 37. cap. 5. discrete iis significauit verbis: Herbas virentes, inquit, frondesq; auide spectamus: Smaragdos vero tanto libentius, quoniam nihil omnino viridius comparatum illis viret. Præterea soli gemmarum contuitu oculos implent, nec fatiant, cum & ab intentione alia obscurata aspectu Smaragdi recreatur acies, scalpentibus gemmas non alia gratior oculis refectio est: ita viridi lenitate lassitudinem mulcent. Idem fere lib. 29. cap. 6. de scarabeo viridi scriptum reliquit. Scarabei, inquit, viridis natura contuentium visum exacuit. Itaque gemmarum sculptores contuitu eorum acquiescunt. Neq; obstat quod Galenus cap. 2. & 6. lib. 1. de Symptomaton causis, ubi ex professo de iis agit, quæ oculos aut molestant aut offendunt, & lib. 10. cap. 3. de usu part. cœruleo & fusco recreandi & reficiendi visus quam maximam vim inesse scribit. Sunt enim & hi colores medii atq; temperati, adeoq; ob id oculis gratum & iucundum spectaculum præbent, visumq; morbo affectum aut fatigatum corrigunt ac recreant: quod omnibus sane coloribus ad medium inclinantibus commune est. Hoc igitur prouidentes pictores, quando in albis coriis &

CON-



confimilibus rebus, quibus facile visus offenditur, pingunt, colores cœruleos ac fuscis apponunt, in quos subinde intuentes recreant oculos ac reficiunt. Atque etiam ophthalmia laborantes lux quidem offendit, eosq; arguit: fusca vero ac cœrulea sine dolore intuentur. Quæ hætenus dicta sunt, ea omnia Marsil. Ficin. libr. 2. cap. 14. de producēda vita, planius & dilucidius ijs verbis expressit: Causam, inquiens, perquiremus, ob quam color viridis visum præ cæteris fo-  
neat, salubriterq; delectet. Inueniemus tandem naturam visus esse lucidam, ac lucis amicam, volatilem tamen ac facile dissipabilem. Idcirco dum per lucem se dilatat velut amicam, interdum nimio lucis excessu rapitur prorsus, & vehementi dilatatione dissoluitur: tenebras autem naturaliter velut inimicas fugit, ideoq; radios in angustum inde retrahit. Optat vero visus ita perfrui lumine, vt per amicum hoc suum amplificetur quidem, nec tamen interim dissipetur. Iam vero in quocunq; colore plus admodum tenebrarum siue nigredinis est, quam lucis, non dilatur radius visus ad votum, nec illo proinde oculus delectatur. Vbi vicissim plus admodum splendidi coloris est, quam nigri, spargitur latius, noxia quadam voluptate distractus: Quamobrem color viridis maxime omnium nigrum cum candido temperans, præstat vtrumque, delectans pariter atq; conseruans, & molli insuper & adhuc tenera qualitate, sicut & aqua radiis oculorum absq; offensione resistit, ne abeuntes longius disperdantur. Quæ enim dura sunt simul & aspera, frangunt quodammodo radios. Quæ vero rarissima sunt, dissolutioni adi-



tum patefaciunt. Sed quæ soliditatē aliquam habent, læuemq; simul æqualitatem, sicut specularia corpora, nec ipsa quidem frangunt, neq; longius disperdi permittunt. Quæ deniq; præter hæc beneficia tenera quoq; sunt & mollia, sicut aqua, resq; virides, liquidis oculorū radijs molitia blandiuntur. Deniq; visus radius quidam est in quadam oculorum aqua naturaliter nobis accensus, ac temperatum lumen in aqua quodammodo resistente requirit. Itaque gaudet aqua, delectatur speculis similibus, viridibus oblectatur. Hætenus ille. Addit Mesues, Exercitationem quoq; legendi scripta maiusculis literis exarata visum corroborare, adeoq; non parū ad tuendam oculorum sanitatem conducere.

Posteriore versu innuitur, Oculos matutino quidem tempore montium, vespertino vero fontium collustratione recreandos & reficiendos: quorum ratio ex prædictis facile elici potest. Per montes porro viridaria, hoc est, loca herbis & plantis virentibus confita intelligenda sunt. De conferentibus visui plura infra, cap. 79. De nocentibus vero, cap. 78.

### DE DIVRNO, SIVE MERIDIANO SOMNO.

#### C A P V T I I I.

*S*t brevis, aut nullus tibi somnus meridianus,  
Febres, pigrities, capitis dolor, atq; catarrhus,  
Hæc tibi proueniunt ex somno meridiano.

Quatuor diurni siue meridiani somni incommoda hic referuntur,

Primum, febris, quæ dupliciter per somnum diurnum accendi potest: vno quidem modo in spiri-

*Febris  
causa,*



Spiritibus, altero vero in humoribus. In spiritibus quidem, quia acres & fumosæ exhalationes, quæ vigiliis dispergi solent, somno diurno non modo retinentur, sed etiam augentur: ijs itaque retentis, ac vna cum spiritibus permixtis, cōtingit, vt calor inde præter naturam collectus febrilis fiat: atq; hæc sane febris, cum nihil stabile, nihil firmum habeat, sed vti celeriter generatur, ita solvatur etiam, *ἡμέρη* Græcis, hoc est, diaria vocata est, quod fere diem nō excedat. In humoribus autē tum hæc iam dicta febris, ratione nimirum flatuum, qui ex cruditate proueniunt, tum etiam putrida per somnū diurnum accenditur: quod calore & spiritibus interdū ad exteriora protensis, virtus concoctrix debilitetur. Perfecta enim & absoluta cōcoctio fit, quando calor & spiritus cohibentur, & in profundum corporis secedunt. Ob eum namq; motum calor naturalis incensus auctiorq; redditus, optime cibos, non solum in ventriculo, verum etiam per vniuersi corporis habitum conficit: quod notū potissimum fieri rationi consonum videtur. Etenim tunc calor propter circumstantem extrinsecus aeris frigiditatem ad interiora refugiens, cibum facillime mutat, concoquit, & in membra distribuit. Interdū vero contra ad exteriora eductus & expansus perfectam elaborationem non attingit: quare humorum cruditatem progignit, ex cruditate deinde oppilatio, ex oppilatione putredo nascitur, ex putredine tandem humorum ad cor effumantiū febris putrida accenditur, quemadmodum Auicenna 1. 4. tract. 2. cap. 1. copiose docet.

*Secundum, pigrities, quæ & ipsa eodem ex fon-*

*Tigriti ex.*



te manat ac funditur. Ex crassa namq; & inconcocta materia in ventre vaporosi ac crassi exhalantur spiritus, qui ad caput elati plus a quo cerebrum humectant, eo autem humectato, nervi quoq; qui à cerebro propagati per corporis partes prorepunt, plurima humiditate opplentur: exuperantia præterea humiditatum, quæ ad musculos, tendines & articulos cōfluere solent, tantum abest, ut somno diurno dissipetur, ut multo pertinacius etiam hærens augeatur. Necesse igitur est ex eiusmodi subinde somno in omnibus motibus voluntariis pigritiam sequi, & veluti in seipso dissolurum hominē apparere, quem admodum diserte Galenus aphor. libro 3. comment. 5 ostendit. Contra vero vigiliæ diurnæ, hoc præcipue nomine cōmendantur, quod non modo exuperantem cerebri humiditatem exiccent, adeoq; spiritus extenuent ac temperet, sed certe corpori simul atq; animo promptitudinem quandam & robur ad solitos motus addant.

*Dolor capiti.*

*Tertium*, Dolor capitis, qui & ipse ab iisdem initiis proficiscitur. Ex cibo namque inconcocto in ventre vapores crassi excitati in caput feruntur, qui ibidem ob dictas causas retenti, nimia humiditate, quam potius vigilijs exsiccantibus absumere conueniebat, cerebrum opplent, & ob eam rem caput perturbant, eiusq; dolorem gravedinem & frigidos morbos pariunt: paululum vero inde moti, si ad cutim peruenerint, faciem viriato colore inficiunt. Materia enim praua existente, necesse est, quicquid inde defluit, esse prauum. Quod Galenus aphor. lib. 1. cōment 14. ita scribens innuere voluit: Oportet similem esse defluxum subiectæ substantiæ, ut quando humi-



da atq; aerea substantia existit, tunc quod ab ea defluit, vaporosum est atq; suaue, &c.

*Quartum*, catarrhus: qua quidem voce generatim hoc loco; tametsi minus proprie, omne *Catarrhus.* *ῥῆμα* hoc est, quælibet excrementitij humoris ex capite ad subiectas partes prolapsio significatur, quæ iuxta partium, ad quas defluit, diuersitatem diuersa quoq; nomina sortitur, quemadmodum Galenus lib. 3. cap. 4. de Symptom. causis Paulus lib. 3. cap. 28. & Aetius lib. 8. capit. 53. diserte scribunt. Vbi enim ad os ac fauces & mox ad stomachum siue gulam, atq; inde in ventriculum defluxus cōtingit simplici vocabulo Grecis *καταρροῖς* & contracte *καταρρῆς*, Latinis destillatio dicitur. Dum ad nares irruit, *κόρυζα* Grecis, Latinis grauedo vocatur, vbi vero ad palatum & asperam arteriam delabatur, vt etiam membranā, quæ hanc intrinsecus ambit, exasperet, rauca vox efficitur, vocaturq; hoc malū Græce *βρογχίτις*, Latinis raucitas, siue raucedo, id quod ex hisce etiam versiculis, qui infra cap. 82. habentur, manifesto apparet.

*Si fluat ad pectus, dicatur Rheuma Catarrhus:*

*Si ad fauces, Branchus: si ad nares, est o Coryza.*

Habet autem hoc incommodum eandem originem. Vapores enim & fumi, qui vigiliarum tempore per cutem resolui ac dissipari solent, somno diurno retenti, dum in caput impetum faciunt, cerebrum nimia humiditate replent. Caput igitur repletum humores in subiecta refundens, *ῥῆμα* progignit.

Præter hæc & alia nonnulla somni diurni ma-



la Auicenna. 3. 1. doc. 2 cap. 9. enumerat. Nam & frigidas atq; humidās ægrotudines παραλύσεις nimirum & defluxus ad articulos, ob retentionem humiditatem, quas vigilie resolvere ac dissipare solent, nonnunquam procreant. Genuinū faciei colorem, velut paulo ante etiam dictum est, corrumpit. In sanguine enim excrementitias atq; aqueas humiditates lotio similes multiplicat: quæ cum suo tempore per vigilias non dissipentur, vna cum sanguine ad cutem expulsa ipsam deprauant, adeoq; subtumidam & decoloratam reddunt. Induratam adhæc splenis affectionem gignit in corporibus in eiusmodi affectionem propensis. Crassus namq; & melancholicus humor, somno diurno in splene retentus, huic malo initium præbet. Quemadmodum enim vigilantia motum ac liberum crassi humoris transitum per angustos meatus, siue canales, Solis calore vias aperiente, promouere: sic contra eundem somnus & præcipue diurnus, transitu prohibere solet. Melancholia enim interdum nullo negotio per canales suos transit, & illac cum primis, qua excitandæ appetentiæ causa à splene ad orificium ventriculi meatus protenditur. Etenim splen recrementa & redundantias suas per eum expellit atq; eijcit, adeoq; ad cibos aueritatem reuocat. Quod interdum potius, quam nocturno tempore fieri par est. Quin etiam, vt idem auctor tradit, ciborum appetentia diurno somno plurimum debilitatur & restringitur, idq; partim ob prohibitionem resolutionis, quæ est prima causa famis, partim vero ob repletionem ventriculi ex fumis, vaporibus & humiditatibus orificium eius relaxantibus ac saturan-



fanturantib. His accedit nōnunquā ἀποσπέντα  
 siue abscessuum generatio: superfluitates namq;  
 ex semno diurno multiplicatae saepius in mem-  
 bro aliquo coaceruantur, ipsumq; tumidum red-  
 dunt. Plane igitur ex his omnibus constat, som-  
 num diurnum siue meridianum à sanitatis tute-  
 la procul abesse debere. Duas porro causas,  
 cur potissimum lædat, Paulus lib. i cap. 97. & A-  
 uicenna 3. i. doct. 2. cap. 9. assignant. Quarum pri-  
 ma quidem est, quod cito & ante horam suam  
 interrumpatur. Calor enim natiuus per somnū  
 ad partes interiores recedit, cōtra vero calor So-  
 lis eundem, tanquam sibi affinem ad membra ex-  
 teriora educit atq; expandit: vnde sanguinis &  
 spirituum exagitationem, quæ somnum inter-  
 rumpat, cieri necesse est. Cōsulitur ergo, si quan-  
 do necessitas per id tempus dormire coegerit, vt  
 in vmbra & tenebroso loco, & ante potius, quam  
 post cibum, hoc fiat. Secunda vero, quod natu-  
 ram stupidam quasiq; perterritam reddat, adeo  
 vt retrahatur ab eo in quo erat, nimirum à cibo-  
 rum concoctione. Tempus itaq; quo obdor-  
 miscunt ad absolutam ciborum concoctionem  
 non sufficit: quo fit vt à meridie resurgētes sub-  
 inde acidos ructus edant, & flatibus repleantur:  
 nonnulli vero fluctuatione ventris infestentur. *Somnus no-*  
*cturnus.*  
 Caterum optimus somnus est nocturnus, quo-  
 niam nox naturali humiditate silentioque ani-  
 mum in somnum deducens, absolutam molitur  
 concoctionem. Post somnum item nocturnum  
 plurima parte ad excretionem recrementorum  
 instigamur. I L L V D tamen ignorandum non  
 est, quod licet somnus diurnus in vniuersum im-  
 probetur, nocturnus vero, vt præstātissimus com-  
 men



mendetur: ex diurno tamen minus offendat, qui capitur à prima luce ad tertiam diei partem. Id quod Hippocrates libro secundo prognostic. aphorismo II. clarissime ostendit. De somno inquit, quemadmodum secundum naturam nobis in consuetudine est, interdum vigilare, noctu dormire conuenit: si tamen hoc transgressum fuerit, deterius est. Minime vero nocebit, si dormiatur prima luce ad tertiam diei partem. Quam sententiam Galenus explicans ita scriptum reliquit: Quod consuetum est, bonum est, infuetum vero malum est. At vero temporibus Hippocratis non aliud fuit ex natura, aliud in consuetudine. Nunc vero diuites è contrario agunt, tum in quibusdam alis, tum etiam in somno, interdum dormientes, noctu vigilantes.

In his igitur, ut somnus minus lādere possit, quinque conditiones, Bertrutio autore, obseruanda sunt. *Prima*, ut sit in consuetudine. Ex multo enim tempore consueta, etiamsi deteriora fuerint, infuetis minus molestare solent, Aphor. 50. lib. 2. *Secunda*, ne statim à sumpto cibo ineatur. *Tertia*, ne depresso, sed erecto non-nihil & bene alto capite fiat. *Quarta*, ne modum excedat. *Quinta*, ne tumultuosa & subita ab ipso, sed lenis & modesta fiat expergefactio. Porro quod ab Hippocrate dictum est, à prima luce ad tertiam diei partem cōuenire somnum, id spatium est ab ortu Solis quatuor aut quinque horarum. Nam dies significat spatium temporis, quo Sol transit nostrum hemisphærium, ut etiam distinguitur contra noctem. Quemadmodum Christophorus à Vega fusius in comment. declarat.

Ad.



*Additio.*

Tempus itaq; somni conuenientissimum est vespertinum, aut nocturnum: semperque cauendum, ne statim à cœna ineatur, sed vnus minimum, aut duarum horarum interuallo discludatur. Ingestus enim cibus, quem statim somnus excipit, in suprema ventriculi parte supernatans, probe concoqui non potest, Galeno libro 5. capite 5. de loc. affect. teste. Neq; enim ventriculus tum potest cibum arcte cōplecti, quod idem lib. 3. cap. 4. de fac. nat. ad bonam concoctionem cum primis necessarium esse scribit: quare multos vapores, qui multitudine sua caput repleant, gigni necesse est, vt rectissime idem Galenus cōment. 67. aphor. libr. 4. dixerit: A cibo ad somnum conuersis, hoc est, qui sumpto cibo statim dormiant, impletur caput. Vt igitur huiusmodi periculum excludatur, lenta deambulatione, aut aliqua simili, leuissima tamen exercitatione corpus dimoueri opus est, priusquam somno indulgeatur, vt cibus in imum ventriculi paulatim descendat. Ibi enim, vt supra ex Galeno dictum est, concoctionis opus potissimum perficitur. Quo tempore etiam cōuenit audire instrumenta musica, cantus, facetias, & historias iucundas, ac conferre sermones cum amiculis de rebus lætioribus, donec cibus subsedisse videatur. Cervicali vtendum est satis elato & eminenti, vt quo ad eius fieri potest erecto & bene alto capite dormiatur, ne cibus ad os ventriculi regurgitans concoctionem impediat. Hoc etiam modo cibus qui plane nondum subsedit, facilius ad inferiores ventriculi partes descendet, probiusq; concoquetur. Inter dormiendum corpus pro

am.



ambientis aeris constitutione decenter tegendum est; ne calore & spiritibus circa interiora detentis, externæ corporis partes à frigore oblectantur. Caput quoq; noctu conuenientit regumento (quod *ἡγερωδὸν* habeat, hoc est, foramen instar infumibuli eliciendis vaporibus aptum) operiendum est. Calceatis vero siue vestitis pedibus dormiendum non est: Hoc enim si quid Magnino excellentissimo medico credimus, visum debilitat, memoriam lædit & totum corpus extraneo calore æstare facit, ob vaporū reflexum. Supra dextrum latus somnus inchoandus. Hoc enim modo cibus promptius per stomachum gulamue in ventriculum descendit. Nam etsi gula exacte supra mediam cervicis vertebrarum & quatuor primarum thoracis sedem in neutram partem inclinet, ad principiū tamen quintæ thoracis vertebræ, ut ampliori magnæ arteriæ trunco secundum dorsi vertebrae inferiora corpora petenti cedat, non nihil in dextrum latus à media vertebrarum regione abscedit. Deinde primo somno finito reuoluendū est corpus, supraq; sinistram latus redormiendum, quo scilicet à iecore ventriculo incumbente, ventriculi calor augeatur, eiusq; concoctio adiuuetur. Hinc rursus post breue temporis interuallum in dextro latere ad consuetum surgendi tempus continuandus est. Pronus decubitus temperatis corporibus non conuenit, ventriculi enim contorsionem & repressionem facit, adeoq; oculos oblectat: Sed & ita cubantibus superfluitates in oculos declinant, maxime si fuerint natura debiliores. His tamen quibus ingestus cibus tardius in ventriculo conficitur interdum conceden-



cedendus est, quod calorem naturalem arctius comprehendens retinere atq; augere possit. Supinus vero grauissimis agnitudinibus, lepræ nimirum mania, incubo, epilepsia, apoplexia, stupori, uernorumq; resolutioni, & similibus initia præbet. Nam ob superfluitatum ad posteriora fluorem, non potest iusta per nares & palatum earundem fieri expulsio. Plinius lib. 28. cap. 4. pronos decubitus tussibus conducere, at supinos oculis tradit. Idem ex Theophrasto refert, celerius concoqui dextri lateris incubitu, difficilius à supinis. Duratio autem somni ex alimentorum perfecta concoctione æstimanda est, ita quidem ut septem horarum spacio non sit minor, neq; octo, vel ad summum nouem excedat, ut colligitur ex Galeni de sanitate tuenda lib. 6. cap. 6. Plura habentur apud Auicennam 3. 1. doct. 2. cap. 9. Magninum parte 3. cap. 7. & nostræ ætatis doctissimum Medicæ artis scriptorem Leonhardum Fuchsum, lib. 2. Sect. 4. cap. 3. Institutionum medicinarum. Ex ijs itaque, quæ conueniunt in hunc locum studiosi transferent.

## DE FLATV IN ALVO

detento.

## CAPVT IIII.

*Quattuor ex vento ventunt in ventre res tento:  
Spasmus hydrops, colica, & vertigo: hoc repro-  
bat ipsa.*

Hic agitur de quatuor nocumentis, quæ ex flatuum retentione proueniunt.

Primum est *παραπνός* Græcè, Latinis conuulsio dicta. Flatus enim retenti influxu suo sæpe nervos plus iusto refertiunt, illos vero ita repletos, Gale-



Galeno lib. 2. cap. 2. de sympt. causis teste, tendi primum ac deinde in conuulsionem incidere contingit. Ea porro ibidem à Galeno in hunc modum definitur: Conuulsio malum est, quod nervos musculosq; ad eundem cogit affectum, in quem ab animali facultate, quum naturalem habitum seruarent, ducebantur. Vel aliter, velut idem aphor. libro 6. comment. 39. definit. Conuulsio est passio inuoluntaria, in qua nerui atq; muscoli præter voluntatem conuelluntur, in eumq; affectum veniunt, quem etiam in motibus secundum arbitrium factis assumebant. In hoc enim malo nerui atq; muscoli in eas partes attrahuntur, quibus innascuntur. Attractio namque fieri non potest, nisi musculus ad suam originem retrahatur.

Quod ad causas eius conuulsionis, quæ primigenia affectio est, attinet, animaduertendum est, Hippocratem aphor. 39. lib. 6. duas duntaxat statuisse, πλήρωσιν & κένωσιν hoc est, plenitudinem & inanitionem nervosorum corporum. In conuulsione siquidem à plenitudine membrum crassum & glutinosum humoribus impletum extenditur, & extensione conuellitur, quemadmodum lora & chordæ extenduntur, ubi multa madent humiditate, & hæc subito contingit. In ea vero quæ ab inanitione proficiscitur, membrum exsiccat & ad seipsum conuellitur, adeoque secundum longitudinem ac latitudinem contractum diminuitur, quemadmodum membranis accidit, cum igni apponuntur: & hæc sane paulatim & ex longiori temporis interuallo accidere solet. Plura Galen locis iam citatis & libro 2. capite 2. & libro 3. capite 5. & libro 6. capite 5. de  
loc.



loc. affect. & lib. 8. cap. 3. de compos. medic. loca.  
& alibi sæpius.

*Secundum.* ὕδρω. quod malum Latini aquam *Hydrope.*  
intercutē nomināt, & definitur à Bertrutio, Sect.  
3. tract. 2. cap. 4. in hunc modum: Hydrops est  
morbus materialis, ex re frigida, extranea, pluri-  
ma ingrediente & membra omnia manifeste,  
aut loca vacua partium in quibus cibi & humo-  
rum concoctio perficitur, inflante procreatus.  
Eadem fere habet Auicenna 14. 3. Tract. 4. cap.  
4. vel aliter, sicuti ab Alexandro Tralliano lib.  
9 cap. 1. definitur Aqua inter cutem & ipsa lon-  
gus quidam affectus est, iecore adeo refrigerato  
proueniens, vt ipsum non amplius deinceps ci-  
bos in sanguinem, sed in aliam qualitatem, aut  
in aquam, aut pituitam, aut flatum transmutare  
possit. Quod certe & Galenus aphoris lib. 6. com-  
ment. 12. iis verbis confirmat: Aqua inter cutem  
fit, cum sanguinis generatio frustratur: Et huius  
quidem cum tres sint species: (vna enim Græcis  
ἀσκήτης, alia τυμπανίτης, & tertia ἀνασάρκας,  
ὑποσάρκας, σαρκήτης & λευκοφλεγματίας dici-  
tur, non de omnibus promiscue hoc secundum  
nocumentum, sed de tympanite tantum intel-  
ligendum est. Quæ quidem accidit, quum flatus  
ac spiritus superuacui plurimus cum humidi  
momento intra membranam, quæ *περιτόναια*  
Græce, Arabibus vero communi membranarum  
nomine ziphac appellatur, & abdomen, quod  
ijdem Mirach nominant, colligitur. Stomacho  
namque & iecore frigida intemperie laboranti-  
bus, fieri non potest vt cibus ingestus in *χυλόν*  
benignum, aut sanguinem mutetur: conuertitur  
C ergo



ergo in materiam flatulentam, quæ cum neque per superiora ructu, neq; per inferiora crepitu, nec aliunde, obstante viarum obstructione, vel secretrice & expultrice supfluitatū vi debili existente, aut inepto aliquo pudore prohiēte expellatur, in prædictis ventris locis colligitur, & aquam intercutem contrahit, in qua abdomen percussū tympani modo crepitum elidit, quæ ratione etiam Tympanites nuncupatur.

*Colica  
passio.*

*Tertium*, Colica passio: quæ grauis quidem ac vehementissimi doloris morbus est. Perinde enim ac si terebra partes perforentur, aut palus infixus sit, molestare solet, Galenolibr. 2. capite 1. de locis affect. teste. Contingit autem in pleniore & laxiore intestino, quod καλὸν Græce vocatur: cuius etiam merito vehementes cruciatus inducit. Densum enim, crassum, & neruosum est, ac nihil quod in illud confluit facile discuti potest. Et quemadmodum in hoc καλὴ ὀδύνη, ita in gracili ac superiore intestino, quod Galeno, Iulio Polluci, & aliis Græcis λεπτόν vocatur, similis morbus existit, grauissimos & lethales dolores inferens. Hippocrates in aphorismis, & passim alijs in locis εἰλεον appellat, quemadmodum etiam Galenus ubique, & potissimū lib. 6. capit. 2. de locis affect. à circumactione nimirū doloris. Quippe εἰλειοθαῖ circumagi & conuolui significat. Ideo cōuoluulus etiam Latinis hoc malum nominatur. Rationi porro consentaneum est, flatuosum & frigidum spiritum in dictis intestinis retentum & egredi nequeuntem hæc mala plurimum prodignere, id quod Galenus etiam loco paulo ante citato monstrat.

*Quart.*



*Quintum*, Vertigo: Flatusus enim spiritus *Vertigo.*  
inclusus ad cerebrū fertur, & in eius partib. in-  
ordinate mouetur: quo fit, vt obtenebrationes  
hebetudinesque oculis obseruentur, & omnia  
circumagi & rotari videantur. His Auicenna 16.  
3. tract. 4. capite 29. Epilepsiam quoq; adiungit, *Epilepsia.*  
cuius eadem omnino cum præcedenti ratio est:  
Porro quonam modo hæc retentio in singulis  
iam dictis locis malum ingeneret, pulcherrime  
ex Galeni lib. 3. de Sympt. causis. ca. 1. demonstra-  
ri potest. Crepitus enim qui ad sedem defertur,  
ac vel in foro, vel alio quopiam loco existentibus,  
aut negotio aliquo, quod deferere non li-  
ceat, distentis violenter retinetur, rursus sursum  
reducitur, ventremq; mordet, ac caput vaporan-  
do implet, principio quidem ab animali organo  
sphinctere, id est, musculo ad imum intestinum  
accepto: hinc vero vno quoque intestino retro  
illum à se ad supra se positum trudente, simili  
modo ac prius in præceps trudebat: atque ita  
quidem hæc retentio, præsertim frequentior,  
longo temporis tractu prædicta mala excitat.  
Proinde rectissime ab Hippocrate libro 2. pro-  
gnost. aphor. 24. in hunc modum scribitur: Fla-  
tum sine sonitu aut crepitu exire optimum est,  
Melius autem est cum sonitu exire, quam reuol-  
ui. Hac etiam ratione inductus Claudius Cæsar  
dicitur meditatū edictum, quo veniam daret  
efflatum crepitumque ventris in conuiuiū emit-  
tendi, cum periclitatum quendam præ pudore  
ex continentia reperisset. Autor Suetonius in e-  
ius vita, cap. 32. Veteres enim, vt Plinius lib. 28.  
ca. 2. confirmat, per mensas mundiciarum cau-  
sa, deflare vetabant. Extat etiam lepidissimū Ni-  
carchi



carchi ἐπορδῶ Epigramma, quo pestiferam re-  
renti flatus vim describit. Id est huiusmodi:

Πορδὴ δ' ἀποκτείνει πολλὰς ἀνέξοδ' ἔσσι,  
Πορδὴ καὶ σῶζει τραυλὸν ἰεῖσαι μέλ'.

Οὐκ ἔν εἰ σῶζει καὶ δ' ἀποκτείνει πάλι πορδὴ,  
Τοῖς βασιλευσὶν ἴστω πορδὴ ἔχει δυνάμιν.

Quos versus quoniam eleganter admodum  
Ioannes Lascaris Latinos fecit, placuit hic ad-  
scribere.

*Interimit crepitus ventris detentus in aluo,*

*Et seruat, blasum dum canit ille melos.*

*Ergo si perimit crepitus, seruatq; canendo,*

*Regibus imperium par habet hic crepitus.*

Atq; hæc sane cum ita se habeant, satius fue-  
rit iuxta D. Erasmi Roterodami præscriptum, na-  
tura incitante aut secedere, si liceat, aut deuora-  
to pudore iuxta vetustissimum prouerbium tuf-  
si potius crepitū dissimulare, quam comprimen-  
do morbum accersere. Recteq; Stoici, quemad-  
modum Cicero lib. 9. epist. famil. 22. scribit, cre-  
pitus aiunt æque liberos ac ructus esse oportere.

#### DE COENA. CAPVT V.

**E**X magna cæna stomacho sit maxima pœna.  
*Vt sis nocte levis, sit tibi cæna breuis.*

Præcipitur hoc loco sanitatis suæ studiosis, vt  
instante somni tempore frugali cæna contenti  
ventriculum vario ciborum genere non disten-  
dant, sed ea copia ingerant, quæ vires haud gra-  
uet. Nam qui noctu multum ingerunt, primum  
quidem somno destituti corporis inquietudine  
agitantur: deinde vero pustulas faciei, grauedi-  
nem capitis, graueolentiam oris, coli calculiq;  
dolo-

*Cæna par-  
s.*



dolores & podagram sibi accersunt: Neque solum immodica hæc sub noctem ingurgitatio bonæ valetudini officit, sed alias etiam qualibet, ut quæ cruditatem in coctionemque, obstructiones, putredines, febres, apostemata, & lepram haud raro generet. Atque eius sane rei grauissimus testis est Auicena, qui 13.3. Tract.1. capite 36. scribit: Ex rebus ventriculum maxime lædentibus esse immoderatam cibi ac potus ingestionem, & ob id fieri non posse, ut intemperantium vinorumque, ac ventri gulæque deditorum corpora alantur atque augeantur. Concoctio enim per vitæ intemperantiam impedita necessario humorum cruditatem efficit. Cruda vero, tantum abest ut incrementum corpori sufficiat, ut omnino ne alere quidem possint: quo fit, ut per vitam varijs etiam ægritudinibus conflentur. Qui vero temperantes in victus ratione frugalitatem sectantur, ij inculpatam usquequaque ciborum appetentiam conseruant, optimeque non in ventriculo modo, verumetiam per vniuersi corporis molem cibos conficiunt. Cauendum igitur vniue est, ne venter torqueatur, adeoque ingestis distendatur, ut pulsus velocior fiat, & vix spirare liceat. Cui enim ad istum modum vorare in delitijsest, varijs sese periculis exponit. Simili modo & nauseosa satietas, non ex crassis & prauis solum, sed etiam subtilibus & boni succi alimentis vitanda est. Hæc enim tum febres acutas & malignas, tum etiam maximi cruciatus apostemata: illa vero articulorum & renum dolores, podagram, asthma, hepatis atque lienis obstructionem ac *σχιρρὸν* & ægritudines phlegmaticas & melancholicas inducere solet.



Proinde optimo quidem iure non nocturna solum, sed qualibet etiam ad nauseam usque progrediens satietas à sanitatis tutela excludenda est. Summopere igitur hoc semper curandum, ne desiderium edendi penitus repleatur, sed locus aliquis vacuus, & edendi voluptas ventriculo relinquatur. Quod Avicenna quoque 3. 1. doct. secunda capit. 7. præcipiens in hanc fere sententiam scribit: Cibo nemo ita replendus est, ut nihil loci sit reliquum, sed à mensa semper cum fame recedendum est. Huic simile etiam vulgo dicitur: Nunquam adeo ventrem cibus expleo, quin apud amicos edendi cella mihi supersit vacua. Et hoc præceptum eos cum primis tangit, qui natura vehementiorem ad cibos aviditatem consecuti sunt. Quibus vero hæc debiliior existit, iis fortasse concedi potest, ut largius paulo ingerant, quam appetunt. Apparandi autem, ex sententia Cornelii Celsi libro 3. capite 6. & Aëtii libro 9. cap. 20. cibi plures & varii, ac optimo apparatu, & ultra dulcedinem etiam illicientes, & appetitum irritantes. De cœnæ frugalitate nonnulla etiam supra cap. 1.

Vsitata hoc loco & à multis agitata oboritur quaestio: Vtrum videlicet vberius quidem prandendum, parcius vero cœnandum sit. Quæ sane cum ad hanc materiam proprie pertineat, prætereunda non est. Breviter igitur hic subiungemus, primo quidem argumenta, quibus Conciliator plus cibi in prandio assumendum esse probat: deinde vero Leonharti Fuchsi, quibus è diverso colligit, cœnam ut plurimum prandio pleniorē esse debere. Conciliator igitur differentia 121. in hunc fere modum scribit: Iuxta corporum



porum diuersitatem maior minore cibi copia exhibenda est. Illa etenim aut iam in morbum lapsa sunt, aut sub latitudine sanitatis adhuc existant: in morbum vero lapsa, aut iunctum habent humoris vitium, aut non. Si sine humoris vitio fuerint, tum liberius est cœnandum. Natura enim in eis ciborum cōcoctioni solummodo, non etiam superfluitatum, quibus carēt, maturationi intenta est: Sin vero humoris vitium adiunctum habuerint, largius prandium concedendum est. Quod Auicenna 1.3. Tract. 5. capite 11. ijs verbis significare voluit: ille, inquiens, cuius consuetudo non sustinet, vt solum semel in die reficiatur, diuidat cibum suum in tres partes, &umat duas tertias in prandio & reliquam tertiam, scilicet partem, in cœna post leue exercitium. Eo namq; tempore, quo calor solaris viuificus naturæ in concoquendo debili opitulatur & maior superfluitatum fit resolutio, vberior cibus sumendus est. Hoc autem circa horam prandij magis, quam cœnæ contingere solet. Ergo, &c. Ad hæc interdiu, ob præsentiam caloris vitalis Solis & lucis melior fit cōcoctio. Sol enim, Aristotele lib. 2. cap. 2. physicon, & libro 2. capite 10. de genera. & corrupt. teste, est vitæ principium. Concoctio itaq; diurna duplex habet calidum, nocturna vero non; in eiusmodi etiam natura noctu circa superfluatorum concoctionem magis occupata est, quare multi cibi exhibitione impedienda non est: Et quamuis calor noctu spirituum ad interiora retractione & somni reductione in quibusdam cōfortetur, duo tamen simul, alimentum videlicet & superfluitates, conficere non potest: in his itaq; cœ-

*Gal. de  
puero e-  
pileptico  
ca. 4. op-  
positum  
tenet.*



na nonnihil subtrahendum est. Corporibus vero, quæ sub latitudine sanitatis adhuc robusta & sufficienter sana cōsistunt, ac sensibilibus superfluitatibus carent, cum eas proprijs meatib. omnes expellant, vberiore cœna uti expedit: vel quod eorem natura ciborum concoctioni tantum, non etiam superfluitatum quibus carent, maturationi intenta sit, vel quod soli corporis robori studeant. Hoc autem noctu magis acquiritur: tum enim amplior fit & sanguificatio & distributio, atq; hinc deinde spirituum generatio. Corpora vero si à prædicto temperamento ac robore nonnihil recesserint, sicuti plurima in ægritudinem vsque nunc prolapsa, eiusmodi aut fatigantur exercitio laborioso, vehemēti & continuo, aut non, Siquidem fatigantur, ut sunt eorum qui victum manibus quarunt, ipsis largius prandere, quam cœnare convenit. Expeditur enim alimentum, non tantum ut nutriat, sed etiam humectet & irriget membra, ne arefiant ex forti motu, & ut resolutioni ex caloris incendio provenienti resistat. In prandio igitur vberior cibus assumendus est, eiusmodi enim corpora, propterea quod ita consueverint, ob exercitia à concoctionis opere non cessant. Consuetudo namq; in eis addit magnam partem, inquit Galenus in libr. de dissolutione continua. capite 1. Calor enim ex motu auctior redditus, concoctionem in ipsis accelerat. Quare ter in die illiciente appetentia cibum ingerunt, & ingestum probe conficiunt. Sin vero laborioso, vehemēti & continuo exercitio, quemadmodum prædicti, non agitentur: hoc in præsentiarum dupliciter contingit. Aut enim eo interdum solum modo



modo & nō continuo fatigantur, aut debili tantum vtuntur, quod vtiq; superfluitatum copiam parit. Si exercitio plurimo, vehementi ac laborioso vtantur, sicuti viri complures ciuiles & plebei circa fortunæ bona negotiantes, haud sanitatis conseruationi intenti, vehementi nōnunquam & laborioso exercitio, diu nimirum equitando, iter pedibus faciendo, vel aliud quiddā à consueto fortius agendo, fatigantur, his largiori vtiq; cœnæ, quā prandio indulgendum est. Nam si prandium augerēt, cum sicuti priores illi consueti nō sint exercitio adeo vehementi ac laborioso agitari, concoctio ipsorum impedita prauos humores generaret: horum etiam calor superfluo motu dissipatus debilitatur, cuius quidem circa interiora aggregatio potissima fortitudinis & concoctionis causa existit. Hæc autem noctu magis quam interdiu contigit: quare cœna instante nocte copiosius alimentum expetit. Eorundem etiam corpora propterea quod tam vehementi motu ante agitari minime soleant, humiditatib. referta sunt, ipsis itaq; ad resistendum resolutioni & exsiccationi, quæ per motum interdiu occurrentem fiunt, paruus cibus sufficit. Sin vero exercitijs & occupationibus paucis & leuib. in vita vtantur, præcipiendum est eis, vt vberius prandeant, quam cœnent. Et ratio eius eadem est cum illa, quæ in corporibus nunc ægrotantibus adducta est. Hi namque cum debilem habeant virtutem concoctricem, à calore viuifico & luce Solis plurimum adiumenti percipiunt. Inde enim spiritus propter suum simile confortatur. Ipse enim, vt testis est Auicenna in libro de viribus cordis tract. 1. cap. 2. & lib. 6. nat-



turalium par. 4. est lux, aut effigiem habet lucis, Adiuumentum etiam ex eo percipiunt, quod superfluitates interdum poris apertis melius quam noctu expellantur. Non oportet præterea eos noctu, vel ob id multo cibo distendi, quod tum natura magis occupetur circa concoctionem crudorum humorum, quos somnus maxime conficit & benignos reddit. Licet enim virtus concoctrix noctu confortetur, tanta tamen esse non potest, ut simul & cibum & superfluitates superare queat. Insuper quoque animaduertendum est, in exhibitione copiosioris aut minoris cibi in prandio, quam cœna, non nihil etiam dandum esse consuetudini, Hæc enim cum in tuenda sanitate, tum etiam in profligandis ægritudinibus, plurimum valet, Hippocrate lib. 2. de vict. rat. in morbis acut. aphor. 20. & sequentibus, & ibidem Galeno, testibus. Quod vel ex eo ostenditur, quod omnis subita mutatio, si modum excesserit, non parvam læsionem afferat. Hinc non temere Damasc. apho. 57. ita scriptum reliquit: Mutare consuetudinem, præsertim veterem, & noxium & pestilentissimum habetur. Quare malas & prauas consuetudines corrigere oportet, sed paulatim ac sensim ad meliora transferre. Neque enim natura patitur eas quæ subito fiunt alterationes. Gal. cap. 16. artis medicinalis. Plura Razes lib. 4. 10. ad Alman. & infra ca. 55. Et sic in vniuersum patet largius prandendum, quam cœnandū, cum plurimæ ægritudines sint materiales & corpora plurima lapsa. Attamen si semel tantum in die comedatur, melius est cœnare, nisi oculi aut cerebrum afficiantur: tunc enim, Halyabbate 1. pract. 13. teste, melius est pran-

*Consuetu-  
dini quid  
tribuen-  
dum*



prandere: alias non parum ægrotantis oculi & cerebrum laderentur. Exigua namq; cœna capiri confert & oculis, Manardo lib. 6. epist. 4. teste. Hactenus ex Conciliatore adducta Medici excellentissimi Odos de Odis Patavinus duobus libris de cœna & prandij portione. Hieronymus Cardanus lib. 1. Contradicentium tract. 5. contradic. 8. & Leonhartus Fuchsius libr. 2. paradox. cap. 21. magna ex parte falsa esse firmissimis rationibus conuincunt. Ex quibus Leonharti Fuchsi rationes hic in oppositum subiungere placuit, vt sanitatis suæ studiosis plane constaret, quid in re tam perplexa aut fugere, aut sequi debeant. Nemo est, inquit ille, qui hodie medendi methodum præscribentium libros vel à limine salutauit, qui nesciat vulgatum atque tritum hoc illis esse decretum, vt nunquam non prandio cœna minor sit. Quantum vero aberrant, facile deprehendet qui rem altius expendet. Canam enim in omnibus, demptis ijs qui morbis nocturnis & catarrhis seu distillationibus affliguntur, prandio pleniorē esse, conuenit. Qui enim iam nominatis corripiuntur morbis, horum cœna omnino modica sit, tenuis, sicca ac præter aliorum morem, noctemq; præueniens oportet, vt ingruentibus scilicet morbis natura ab omnib. alijs munijs libera vnus morbi cōcoctioni operam nauare queat. Sunt & qui consueuerunt minus in cœna ciborum assumere, quam in prandio: horum certe consuetudo non temere etiam immutanda erit. Quæ enim ex longo tempore consueta sunt, vt ait Hippocrates 2. Aphor. 50. etsi deteriora sint, insuetis minus molestare solent. Cur autem in alijs omnibus,



nibus plenior coena salubrior sit, multa in causa sunt. Primum autem omnium, noctis mox accedens frigiditas, quæ extrinsecus circumstans calorem natiuum in profundum secedere, & hoc nomine fortiolem fieri cogit, ita vt necessario ciborum tum melior fiat concoctio. Et certe idem potest noctis frigiditas, quod alias anni tempus hybernũ, aut regio frigida potest. Horum enim vnumquodque calorem nativum adaugere potis est. Testis Hippocrates, qui libro 6. epidem. tom. 6. aphorif. 6. sic inquit: Perfrigidior in tempore & regione frigidis, percalidior erit. Sed & in 1. aphor. 15. ventres hyeme & vere natura calidissimos esse asserit. Deinceps est somnus, qui coenam subsequitur: hic enim mirũ in modum concoctionem adiuuat. Sanguis enim in somno ad interiora magis refugit, vt testatur Hippocrates 6 epidem. tom. 5. aphor. 29. Cum itaq; sanguis cumq; eo calor natiuus per somnum ad interiora secedat, quid mirum si calor auctus fortiolem tum ciborum coctionem efficiat? Hinc rectissime Hippoc. lib. 6. epidem. tom. 5. aphor. 10. dixit: Labor articulis & carnibus, cibus vero ac somnus visceribus prodest. Somnum quoque optime cibum concoquere testatur Galenus lib. 1. de sympto. causis cap. 8. ita scribens: Itaque toto hoc tempore, quo quis dormit, animalis facultas quiescere, naturalis vero validius agere videtur. Cuius rei coniecturam ex eo facies, tum quod ipsa, si quando laborauerit, post somnum robustior euadit, idq; maxime, cum à modico cibo somnum adnitrimus, tum etiam quod per somnum cibus optime concoquitur, non solum in ventriculo, verum etiam per vniuersũ



uerſi corporis habitum. Cui ſubſcribit quoque  
Paulus Æginet. lib. i. ca. 97. dicens: Somnus eſt  
animalium facultatum quies, ab vtili humore  
cerebrum madefaciente proueniens: hunc qui  
rite capeſſit, multa conſequitur cōmoda: cibos  
enim conficit, humores digerit. Quod autem  
hac ratione plenior cœna eſſe debeat, teſtatur  
Galenus, vel quiſquis tandem eius libri autor  
fuit, in libro de diſſolutione continua, in hanc  
ſententiã ſcribens: Antiqui cœnã prandio præ-  
ferebant, præcipientes plus ciborum in cœna ſu-  
mendum eſſe, ob caloris circa interiora aggrega-  
tionem noctis frigiditate & per ſomnũ factam:  
calor namq; in ſomno ad interiora corporis re-  
uocatur, eademq; calefacit, perinde, vt in vigilia  
contrarium plane accidit. Id quod Hippocrates  
etiam epidem. 6. Tom. 4. aphor. 12. ijs verbis in-  
dicauit. Plane vigilans calidior circa exteriora,  
frigidior vero circa interiora: dormiens contra.  
Sed hic reclamabũt quidam, pleniorẽq; cœnã  
ideo damnabunt, quod pleno ventre ingrata ſit  
quies, atq; adeo ſomnus minus conueniens: His  
ita reſponſum volo. Nemo eſt tam ſine ſenſu cō-  
muni, qui neſciat inter cœnam & ſomnũ aliquid  
tēporis interuenire debere, neq; quemadmodũ  
in brutis nullam aliam niſi vorandi ac mox dor-  
miendi viciffitudinem eſſe, quum omnium Me-  
dicorum conſenſu conſultum ſit, quo aut hora  
aut amplius interſit. Neq; etiam eſt vt pleniorẽ  
cœnam quis eam eſſe putet, qua multa ingerun-  
tur tanta voracitate, vt vix ſpirare liceat, & peri-  
culum ſit, ne vel crepent qui ita ſeſe replent, ſed  
frugalem potius, talem tamẽ in qua plus, quam  
in prandio abſumitur ciborum. Quod ſi tamen  
hic



hic peccatū fuerit, melius certe in cœna, quam in prandio fertur, quod somnus post cœnam nō diu subsequens, facilius delictum quam vigilia, quæ prandium concomitatur, corrigat. In somno enim, vt diximus, calor interiora petit, & qui illic sunt cibis concoquendis solis vacat. Interdiu vero ad exteriora protrahitur, neque iis quæ intus sunt prospicere potest, adeo vt verissime dixerit Hippocrates 2. victus acutorum 59. Vigilia vehemens cruditatem, incoctionemq; ciborum, tum potionis efficit: Porro cur cœnam prandio pleniorē esse oporteat, & hæc ratio est: quod rara admodū existat corporis facultas, quæ paulo liberalius prandium, spatio vel quinq; vel sex horarū, quod fere inter prandiū & cœnā interest, conficere possit. Quantum autem incommodi adfert, si quis nondū plane concocto eo quod prius ingestum fuit, aliud ingerit, morbum nimirum facit. Vbi enim cibus præter naturam plus ingestus est, vt ait Hippocrates lib. 2. aphor. 17. hic morbum facit. Et si quis denuo obiecerit: vt cūq; somnum à cœna differamus, tamen fieri non posse, quin ad somnum cōuersis, quod materia tum ad interiora tendat, caput impleatur: huic Galen. quidem respondebit, qui libro 4. aphorif. 67. ita scribit. Et quidem sicuti à cibo ad somnū cōuersis impletur caput, sic in plethoricis dispositionib. somni ipsum replentes aggrauant cerebrū. Et somni videlicet semp nocerēt, quatenus ad profundam & viscera materia cōfluit, nisi coctionis ratione plus afferrent utilitatis, quam sit damnum, quod ex motu ad interiora consequitur. Et hæc ad vulgarem multisq; communem errorem explodendum sufficiant.

DE



DE DISPOSITIONE ANTE  
cibi sumptionem, edendi item atq; cibo-  
rum ratione.

## CAPVT VI.

**T**V nunquam comedas, stomachum ni noueris esse  
Purgatum vacuumq; cibo, quem sumpturis ante.  
Ex desiderio id poteris cognoscere certo:  
Hac sint signa tibi, subtilis in ore diata.  
Hic traduntur præcepta quædam ante cibi sum-  
ptionem seruanda.

*Primum*: ne sumatur cibus, cum ventriculus  
quibusdam humorib. vitiosis adhuc plenus ex-  
titerit. Corruptitur enim simul alimentum  
quod insuper ingeritur vna cum prauis humori-  
bus qui prius sunt in corpore, ita vt ipsorū qui-  
dem quantitas augeatur, qualitas vero seruetur.  
Eos igitur, vt libro 6. capite 9. de sanitate tuen-  
da Galenus autor est, vomitione, in iis qui sua-  
pte natura facile vomere possūt, expellere prius  
quam cibus ingeratur oportet. Impura namque  
corpora & vitiosis humoribus referta, vacuatio-  
ne potius, quam ea quæ per cibos fit refectione  
egere testatur cum primis Hippocrates aphor. 3.  
& 10. lib. 2. & ibidem Galenus in comment. Ven-  
triculum vero vitiosis humoribus esse plenum è  
nidoribus & ructibus deprehendi potest, quem-  
admodum copiose admodum Galenus libro 1.  
capite 4. de loc. affect. docet, ad quem sane lecto-  
rem nunc ablegamus.

*Secundum*, ne priore cibo nondum concocto  
ne, dum in aluum demisso alius sumatur: qui e-  
nim eo modo supereditur. naturā à prius ingesti  
concoctione deturbat, quo fit vt quicquid eius  
confe-



*Galen. in  
lib. de dis-  
solut. con-  
tinui. ca. 1.*

confectum ex ventre à venis mesaraicis in he-  
par deducitur, reliqua statim omnia etiam incō-  
cocta secum in corruptionem trahat, adeoque  
tum vasa ipsa, tum totum corporis habitum cru-  
ditatibus & vitiosorum humorum multitudine  
repleat, ac ob id ipsum morbis non raro tentet.  
Proinde rectissime Galenus lib. 7. cap. 6. meth.  
meden. præcipit, vt vacuus purusque ventricu-  
lus secundum cibum excipiat. Quin etiam Aui-  
cen. 3. 1. doct. 2. c. 7. idem præscribens, ita fere in-  
quit: nemo sanitatis suæ studiosus aliquid come-  
dat, nisi ad hoc certo prius inuitante desiderio,  
& ventriculo vna cum reliquis superioribus in-  
testinis, à præsumpto cibo vacuatis. Priore enim  
cibo nondum concocto alium insuper ingerere  
corpori perniciosum est. Porro ex ructu nullam  
alimenti prioris qualitatem referente, ventricu-  
li tumore iam submisso, recrementorum deie-  
ctione, & vinarum coloratione licebit conijce-  
re, num prior cibus ad vnguem confectus ac in  
aluum demissus sit, quemadmodum Galenus li-  
bro 7. cap. 6. meth. meden. & post eum Paulus li-  
bro 1. cap. 97 luculenter & perspicue docuerūt.  
Vrina enim quæ aquæ speciem præ se fert, crudū  
adhuc in venis succū esse indicat eum qui à ven-  
tre submittitur, quæ vero fulua biliosa quæ est  
iamdudum concoctum esse huiusmodi succum  
portendit, quæ modice pallet, peractæ modo  
secundæ concoctionis est signum, quemadmo-  
dum eleganter Galenus lib. 2. de sanitat. tuenda  
cap. 4. Cornelius Celsus lib. 1. cap. 2. & Plin. lib.  
28. cap. 6. docuerunt. Imperfectæ autem concoctio-  
nis, vt testis est 6. sectio. apho. commen. 1. Gale-  
nus acidus ructus certū indicium est. Signa etiā  
qui-



quibus certo comprehendi possit, vtrum à vitiosis illis humoribus ac prius ingesto cibo vacuus sit venter nec ne, & hic subiunguntur.

*Primum*, desiderium certum, hoc est, vehementior & vera noui alimenti appetentia, siue *Fames duplex.* Nam de Medicorum fere omnium sententia duplex fames est, vna quidem vera & naturalis, altera vero mendosa. Veram describit Galenus apho. lib. 2. cōment. 16. sic inquit: Fame scire illos dicimus, qui ob ciborum inopiam ad extremam esuritionem perueniunt. Idem libro 1. cap. 7. de causis sympto. diserte admodū & copiose harum appetentiarum rationem & diuersitatem describit, quem locum, vtpote scitu dignissimum, hic integrum subiicere placuit. Nam quoniam, inquit, cutetenus vnumquodque animal in ambientem aerem digeritur, accidit vt membra quæ sub ea sunt, prima vacuentur: quorum ingenita vis ex proximis sibi alimentū trahit, id scilicet quod vacuatur reficiens: deinde rursus illa, ex iis quæ sibi sunt proxima: sicut quæ tertio loco sunt posita, ab iis quæ sibi. Atque ita semper per continuum, veluti in choro quopiam translatione celerrime facta, ad venas quæ ad ventriculum pertinent, vacuatio peruenit. Hæc vero & solent pariter, & natæ sunt ex ventriculo nutrimentum trahere, perinde vt stirpium radices, quæ in terrā sunt demissæ, ab ea. Cum enim hoc opus vniuersum naturale sit, non animale, similiter in stirpibus & animalibus perficitur. Ac stirpibus quidem terra ventriculi vicē præstat, perpetuo promptum copiosumq; suppeditans alimentum, quamdiu cœlitus temporū status pro natura se habet. Quando si ex terra squaloris excessu

D

cessu



cessu siccatus est humor, stirpes nutrimenti penuria marcescunt. Animalibus autem utpote terræ non affixis, præter utiq; pauca quædam, natura ventrem pro nutrimenti veluti penu fabricauit, quemadmodum stirpibus terrā. Dedit autem animalibus & penuriæ sensum: quo scilicet ad cibum potionemq; proritata in tempore expleantur, vocaturq; eiusmodi implendi desiderium, appetentia. Fit autem ex penuriæ sensu, cum scilicet venæ ex ipso ventriculo veluti emulgentes fugentesq; aliquid trahunt. Non ferens autem eum suctum ventriculus, sed veluti diuulsus, offensæ eius medelam cibum comparat. Quippe venæ hoc pacto ad obiectos cibos conuertuntur, atq; ex iis nutrimentum trahunt, nequaquam ex ventriculo. Fitq; post cibi sumptionem, ut & venæ simul ad cibos se conuertant, & ventriculus ex iis quantum prius pervenas est exhaustum, in seipsum trahat. Ac suctus quidem ipsius sensus, fames est. Hæc Galenus. Cum igitur ventriculus non appetit, signum est membra nondum refectione indigere, sed satis adhuc alimentorum in promptu habere. Quod certe & ipsum Galenus libro 3. capite 13. de facult. natural. innuere voluit, inquiens: venter si melius paratiusq; nutrimentum habet, externum non postulat. Cibi igitur exhibitio diutius adhuc differenda est: nam quicquid tum ingeritur, grauat naturam, non iuuat. Porro mendosa fames, est cibi appetentia corpore non indigente. Quæ quidem, ut idem Galenus libro 1. cap. 7. de causis sympto. docet, tum maxime fieri solet, cum acidus quispiam vitiosus succus ventriculū mordet. Vitiosus namque succus, qui frigidus est, si  
mitem



milem suctui morsum infert: appetentiam vero proritat, naturalis affectus similitudine. Alimenti autem, non potus desiderium excitat, propter frigus. At vitioso succo qui falsus & biliosus fit, ventrem mordente, potio magis, quam cibus expetitur. Præterquam enim quod calefiat sicceturq; ab eo ventriculus, quæ utique sitis causa sunt, etiam liquari fundiq; tum in eo, tum venis succos conringit. Fundendorum autem succorum symptoma ea quibus continentur implet, quemadmodum frigiditas vacuat. Itaque etiam non parum ad esuriem frigiditas eorum quæ in ventre habentur, confert: Cum & corpora eorum tunicasq; vacuet, & cogendo constringendoque ad appetentiam irriter. Atque ita quidem vitiosus succus acidus, stypticus & frigidus mendosa famis existit causa.

*Secundum*, vera famis signum est subrilis diæta, videlicet præcedens, hoc est, parua cibi exhibitio: quando enim & hanc famis sequitur, tunc illam & veram & naturalem esse significatur. Vnice igitur semper cauendum, ut nunquam neque prandeatur, neque coenetur, nisi consueta hora, ac illiciente prius appetitu, nec eo cibum exigente differatur. Omnis enim mora illi nocua est, nisi suspectus sit esse mendosus, qualis ebriorum & fastidio laborantium esse solet. Nam si ventriculus alimentum postulat, ut Galenus libr. 3. capite 13. de facul. natural. autor est, nec eius copia est, excrementis impletur. Ea sunt sanies quædam biliosa pituitosaque, atque ferosa, quas solas trahenti illi, tum scilicet cum nutrimento indiget, iecur remittit. Hinc non temere hætenus hoc usurpatum est. Diutius to-



lerare famem, ventriculum malis ac putridis replet humoribus, quos attrahit ad se loco cibi. Et hoc quidem experientia constat. Quando enim ieiunamus, tunc per noctem auiditate quadam ad cibos inuitari solemus, sed illis denegatis nullam omnino appetentiam postero die percipimus. Vnde satis liquet, ventriculum, & maxime officium eius, iamdudum vitiosis humoribus esse plenum, quæ tamen non vera, sed mendosa repletio est, & ob id pauco assumpto cibo regreditur statim appetentia. Cauendum etiam ne cibus assumatur non præeunte corporis exercitio. Neque enim temere ab Hippocrate 6. epid. part. 4. aphorif. 28. dictum est, *πρὸς τὴν ἐσθίαν ἔργον* i. Labores cibos præcedant. Nam qui cibus mane, antequam prior descenderit, vel paulo ante exercitationem ingeritur, is, Galeno libro 3. cap. 1. de causis sympto. teste, & intempestiue sumitur, & cruditatis etiam causa existit. In ciborum præterea ratione, quemadmodum Instituit. medicinæ libr. 2. Sec. 2. cap. 7. Leonhardus Fuchsius diligenter admonet, id quoque vnice obseruandum, ne illi præpostero ordine ingerantur, id quod fiet, si concoctu facilia iis quæ difficulter concoquuntur, præmittantur. & si liquida solidis & aridis, & lubricantia astringentibus antecedant. Ordo, verbi gratia, præposterus erit, si cotonea aut punica mala primum ingerantur, postremum autem olera ex garo. Debent etiam ea præmitti quæ facile & nullo ferme labore subsidant, vt sunt liquida: quæ vero tenacius hærent & difficulter labuntur, vt solida & acida, postremo: idq; si ventriculus naturaliter se habeat. Nam si cui ventriculus sit natura laxior,



xior, huic præstiterit adstringentia magis laxantibus præposuisse, quo ab illis roboratus ventriculus reliqua mellus conficere possit. Hæc eadem fere docent Cornelius Celsus libro 1. capite 2. & Galenus libro 2. capite 11. de alimentorum facultatibus. Iam vero cautio etiam sit, ne in vna eademque refectione multi simul & varii assumantur cibi, ac tempus deinde comedendo ultra quam satis est producat, præsertim si ex diuersis illi consent facultatibus. Ex eo autem genere cum primis fuerint cibi variæ substantiæ, vt exempli causa ab Auicenna proponuntur, carnes & pisces, vel pulli & suilla, &c. Nam quæ ad istum ingeruntur modum, varie corpus pro succorum diuersitate afficiunt, & concoctionem non vt par est, sortiuntur. Postremo enim accedente cibo, iam primi incepta concoctio est, atque ita partes quidem in coquendo redduntur dissimiles adeo, vt primo loco ingesta confecta fere sint prius, quam ad extremum sumpta medium concoctionis suæ attingant, vnde sæpenumero posterius coquendorum sequitur corruptio. Id quidem Auicenna quoque innuere voluit, 3. 1. doc. 2. capite 7. in hanc ferme sententiam scribens: Nil quidem deterius est, quam si multa ac varia ciborum genera coniungantur, atque iusto longius deinde in comedendo tempus protrahatur: Cum enim postremum accedit nutrimentum, primum iam aliquo modo confectum est, partes ergo in coquendo non adsimilantur. Atque inde sane morborum scaturigo, qui ex repugnatum sibi humorum discordia nascuntur. Iam ipsius quoque varius coquendi modus bonæ corporis temperatura non parum officit: vt si in ea-

D 3 dem

*Hippocr. in  
lib. de flatib.*

*Galen. comment. 18 lib.*

*1. & com. 35.  
lib. 3. de*

*morb. ac Aetius lib. 2.*

*capit. 139.*

*Paulus lib.*

*1. cap. 73.*



dem refectione multi elixi, frixi, & affi cibi sepius inuicem modo liquidi, modo solidi & aridi ministrantur. Atque hinc est quod Horatius libro 2. Serm. Sat. 2. vbi victum frugalem ac simplicem pro dignitate laudauit, hanc saporum condimentorumq; aceruationem, vt perniciosam, his versibus detestatus est:

*Accipe nunc Victus tenuis quæ, quantaq; secum  
Adferat inprimis valeas bene: nam varia res  
Ut noceant homini, credas, memor illius esca,  
Quæ simplex olim tibi sederit, ac simul assu  
Miscueris elixa, simul conchylia turdu,  
Dulcia se in bilem vertent stomachoq; tumultum  
Lenta feret pituita. Vides ut pallidus omnis  
Cæna de surgat dubia? quin corpus onustum  
Hesternis vitis animum quoq; prægrauat vna,  
Atque affigit humo diuina partem culam aure.*

Pari modo & Plinius libro 11. capite 52. hanc saporum aceruationem damnavit: Homini, inquiens cibus vltissimus simplex. Aceruatio saporum pestifera, & condimenta perniciosiora. Atqui hic nobis fortasse obtrudet quispiam, pletrosq; ventri & gulæ mirifice deditos, qui sese à primo statim diluculo ad summam vsque noctem multo varioq; cibo & potu non impleant solum, sed etiam distendant, adeoque cibum cibo excipiant, & toti sint in comotationibus, cum nihil tamen inde mali percipiant, imo vero multis incommodis difficultatibusque afficiantur, si vel minimum ab ista consuetudine deflexerint. Huic Galenus quidem respondebit, qui in libro de cibis boni & mali succi cap. 2. ita scriptum reliquit. Hæc enim quamuis protinus nullam iuuenū corporibus sensibilem lētionem

infe-

*Oribasius  
lib. 1. cap. 5.  
ad Eunapiū.*



inferat, sensim tamen occulteq; crescente vitio, cum iam ætas progressu temporis inclinarit, articulos nervosq; & viscera ijs morbis vexat, qui vel difficulter admodum, vel omnino tolli non possunt, neq; id quidem temere: namq; ea pars corporis quæ natura imbecillissima est, a lædente quolibet patitur. Quod autem viriosi humores morbiq; gignantur, cruditas assidua in causa maxime est, siue ea ex boni, siue ex mali succi oriatur eibis. Quin Auicenna quoq; 3. 1. doc. 2. cap. 7. idem confirmans sic ferme inquit: Ille cui mala nutrimenta concoquantur, nō gaudeat ex hoc. Noxa enim etsi ad tempus fortasse delite- *Gal. li 2. cap. 6. de aliment. fac. & m. li. de dis- solut. cor. capite 6. Auic. 3. 1. doc. 2. cap. 8.* scit, temporis tamen successu sese exerit, & grauissimā certissimamq; neglectæ artis medicæ prænam adfert. Atq; hinc adeo pauci eorum qui istum viuendi modum sectantur, destinatā senectutis metam contingunt, sed crudis ex intemperantia aceruatis succis podagra, calculo, lepra, carcinomate, febribus, alijsque id genus malis prius torti vitam cum morte cōmutant. Præstat igitur, vt diserte à Fuchσιο nostro scribitur, temperantia & parcitate animū corpusq; vegetum ac sanum seruare, quam crapula crebrisq; comotationibus & immoderatione infirmum, morbosum, Deoq; & hominibus odiosum reddere. Ac ne illud quidem silentio prætereundum hoc loco, quod protracta ad vnā fere horā mora, ac iuste commanducationis & deglutitionis gratia comestioni iuterposita, nō laudabilis modo, sed ad tuendam etiam valetudinē utilissima censeatur. Cibus enim qui exacte dentibus manditur: extenuatur, & molitur, ac sensim, deinde atq; tarde deglutitur, & si imperfectam ac



modicam omnino, aliquam tamen, ut in suo genere æstimandum, alterationem in ore consequitur, quemadmodum lib. 3. cap. 7. de natural. facult. Galeno, & Auicennæ 1. 1. doct. 4. c. 2. visum est. Cæterum imperfecta commanducatio ut cōcoctioni contumax est, ita etiam horrorem quēdam & insuauitatem adferens ciborum appetentiam auertit. Mora vero quæ inter edendum multis vltro citroque sermonibus colloctionibusque interpositis ad duas vel tres horas protrahitur, admodum noxia est, eamq; nocumenta hæcenus enumerata sequuntur.

Vltimus versus in quibusdam exemplaribus hoc etiam modo legitur:

*Hæc sint signa tibi subtilis in ore salua.*

Nec male quidem. Nam salua quæ subtilis & nulla qualitate infecta, sed perinde quasi aquosa gustui offertur, tum concoctionis, tum absolutæ sanitatis etiam indicia ostendit, Galeno libro 3. cap. 6. de locis affectis, teste.

## DE VITANDIS CIBIS.

### CAPVT VII.

**P**ersica, poma, pyra, & lac, caseus, & caro salsa:

*Et caro ceruina, & leporina, bouina, caprina:*

*Atra hæc bile nocent, suntq; infirmis inimica.*

Hic recensentur decem ciborum genera, quæ sanguinem serosum & melancholicum efficiunt, eoque infirmis nocent.

*Persica.*

*Primum, persica: de quibus lib. 2. cap. 19. de aliment. facult. diserte ita Galenus scribit: Ipsorum succus & veluti caro facile corrumpitur, prauaq; omnino est. Quocirca (quod quidam facere solent) non sunt post alios cibos mandenda:*  
cor-



corrumpuntur enim in superficie natantia : sed in omnib. quæ prauis quidem sunt succi, verum humida sunt ac lubrica, & quæ subduci facile queant, id communiter tenendum, ea ob hoc ipsum ante alios cibos esse sumenda. Ita enim fiet, vt & citius subducantur, & aliis cibis viam muniant, quæ si sumpta postrema fuerint, vna secum alia quoque corrumpent. Atque inde sane patet, hoc dictum de iis intelligendum perficis, quæ matura post alios cibos vltima eduntur. Præsumpta enim stomacho conferunt, ventrem leniunt, & ciborum appetentiam præstant. Dioscorides etiam libr. 1. cap. 128. idem testatur, in eum modum scribens : Persica matura tam stomacho, quam ventri vtilia sunt : acerbæ alui cohibent, sed sicca vehementius : decoctum è siccis alui stomachiq; fluxiones sistit. Simeon quoque Sethi de perficis hæc refert : Persica, inquit, quidam in tertio ordine refrigerantium humectantiumq; posuerunt, alii in primo, alii vero in secundo, quod etiam certius est. Phlegma generant, non facile concoquuntur, celerissime in ventriculo corrumpuntur : propterea qui crebrius ad satietatem his vtuntur, in febres incidunt : laedunt & nervos proprietate quadam. Oportet vero hæc ante cætera cibaria assumere, & super his meracum bibere. Quæ ex his matura sunt, ventrem ducunt, immatura contra sistunt, eoq; efficacius sicca. Foliorum succus in potu sumptus, lumbricos ventris perimit : idem perficit, si cum foliis vmbilico apponatur. Suscitant quoque ciborum appetentiam persica, prosunt & inflâmato ventriculo, & genitali semini adiciunt, serosum tamen sanguinem parant sæpiusq;

D s

post



post vnum vel alterum mensem ob putredinem febres tum longiores tum etiam difficulter solubiles gignunt.

Illud etiam obseruare oportet, ne super hac aqua bibatur. His amplius addit Plinius Valerianus libr. 43. cap. de re medica, persicorum folijs siccis & in puluerem redactis, plagas cruentorum vulnerum claudi: quam facultatem Serapion ipsis etiam persicis siccis attribuit. Quamquam autem persica iam dictis viribus prædita sunt, quia tamen humor inde genitus facile corrumpitur & putrescit, noxia sunt infirmis & maxime si præpostero ordine ac intempestiue sumantur. infra cap. 42.

Pom. c.

*Secundum*, poma siue mala: In quibus, autore Simeone Sethi multa differentia est: quæcumque enim adstringunt, frigidum habent & terreum succū. Quæ acida sunt, frigidum quidem, verum tenuem illum habent. Medij autem temperamenti sunt dulcia, quæ ad caliditatem magis vergunt. Omnia certe quadam peculiari proprietate nervis nocent: nocent & quæ matura non sunt. Dicuntur & lapidem seu calculum gignere ijs, qui ad satietatem ipsis vtuntur. Verum vtilia sunt ad λειποθυμία, id est, animi deliquia & cordis debilitatem. Spiritum quoque flatulentum in secunda concoctione generant, eoq; infirmis nocent, sicuti de pyris mox dicitur. Et hoc de crudis maxime intelligendum est. Neq; vero ab his solum fructibus, sed ab omnibus etiam quæ sanguinem feroso ac ebulliente succo replent, ægrotos abstinere conuenit. Eiusmodi plane sunt recentes, & qui ante perfectam maturitatem eduntur: cum enim humidius ali-

men-



mentum, ob idque excrementosius præbeant, non secus in corpore humano feruent, & ebulliunt, atque vinum, quod nuper ex fructibus vel vuis expressum est, in doliis: & hoc quidem ob caliditatem ipsis à Sole, cum maturefcerent, ingenitam, quemadmodum libr. 4. capite 3. de vsu partium Galenus attestatur: Et hoc certe Auicenna 3. 1. doct. 2 cap. 7. teste, commune est omnibus cibariis, quæ sanguinem seroso succo implent. Porro etiam vero hoc interim spacio, quo manduntur, humectent, ob succi tamen ebullitionem prompte in ventriculo corrumpuntur, & sanguini putrido gignendo accommodatissimi sunt: qua de causa non temere Auicenna 1. 4. tract. 2. cap. 7. fructus recentes omnes febricitantibus interdixit. Plura Galenus libr. 12 cap. 21. de alimen. facul. & infra cap. 39.

*Tertium, Pyra:* quæ sane, perinde vt alii fructus recentes accrudi, communiter hoc possident, vt seroso ebullienteque succo sanguinem expleant, eumque putrefactioni obnoxium reddant: quo fit vt eorum cibus, Plinio libro 23. capite 7. teste, non ægrotis solum, sed valentibus etiam onerosus sit. Inflationes quoque excitant, & ob id crebrius esitata colicos affectus suscitant: Sed innoxia fiunt, si vna cum carminatiuis vulgo dictis, hoc est, calefacientibus, tenuantibus, & flatum expellentibus comedantur, vel super his vinum vetus & odoratum bibatur. Quod Galen. lib. 1. cap. 26. de alim. fac. palam etiam ita scribēs confirmat: Quicquid omnibus cibariis intest flatulentum, id per calefacientia & tenuantia corrigitur. Pyris prætereaea facultas inest, vt inter cæteros fructus quam maxime impinguent



impingent: quare sues ipforum esu magis quam quorundam aliorum fructuū pinguescunt. Laudatiora sunt odorata & dulcia, & ex ipsis cocta quam cruda meliora. Coquēda vero cum foeniculo, aniso & saccharo. Infra cap. 13. & 39.

*Lac.*

*Quartum*, lac: hoc enim facile corrumpitur, inque nidorem aciditatemue in impuro ventriculo transit. Quapropter putrida febre correptis exhibendum non est, quia plurimo calori conuersatum in nidorem statim abit. Huc accedit, quod in ventriculo febricitantium haud cōcoquitur, sed potius corrumpitur, adeoq; febres auget. Caput quoque dolentibus malum est, quod confirmat Galenus, qui libro 3. de alimen. fac. cap. 14. lac capiti, nisi quis ipsum habeat admodum firmum, non esse accommodum tradit. Cuius rei causa alia non est, quam quod lac sit nidorosum, ac facile euaporet, caputq; petat, adeoq; dolorem augeat. Nocet præterea sitibundis & aliis nonnullis, de quibus Hippocrates aphor. 64. lib. 5. & ibidem Galenus. In phthisi tamen, hectica, & aliis quibusdam passionibus, ut Hippocrates loco iam citato autor est, vtilissime conceditur. Qua de re copiosius infra cap. 34. Quanquam autem lac infirmis ex usu non sit, in sanis tamen ad bonos humores gignendos, ex iis præsertim animalibus quæ bono corporis habitu sunt, probatissimum habetur. Et hoc quidem si in ventriculo & hepate perfecte concoquatur. Tunc enim mordaces succos quoscunque inuenerit expurgat, qua de causa in vrinæ difficultate & acri egestionē alui non solum bibere conducit, sed etiam inferne per clysterem infundere. Ad acres enim & mordaces fluxiones

ncs



nes commodissimum est, non solum abluens ipsas de partibus infestatis, atque hoc per exterioriam humiditatem, quam in serosa sui parte complectitur, sed etiam crassitie ac pinguitudine sua corporibus oblitum ac inductum, non finit influxum acrem nudis ipsis allabi. Ad pulmonis itaque ac intestinorum vlcera, item renum, vesicæ, ac vteri, & ad papularum eruptiones, & furunculos, & alias cutis asperitates conuenientissimum est in potu, adeoque cutem ipsam pulchram ac nitidam reddit. Ad hæc lancinamenta ex veneni potione, & quæ in urinæ meatu fiunt, compescit. Item ad eos qui cantharidas hauserunt, aut buprestin, & in summa ad medicamenta erodentia ac exulcerantia, & ad hyoscyamū velut peculiare remedium est. Nam statim resipiscere affectos facit. Cæterum in gutturi exulcerationibus, quæ cum alias ob causas multas, tum ex anginis fiunt, & his qui ephemera sumpserunt, lac gargarizare conducit. Corporibus præterea temperatis, quorum ventriculis nihil biliosi & phlegmatici humoris insidet, vtilissimum habetur. His enim bene concoctum multum nutrimenti summittit, probum succum generat, bonam carnem longe meliorem reddit, & corpus conuenienter humectat. Hoc tamen inprimis cauere debet qui lac bibere voluerit, vt interim à reliquis cibis ac potibus abstineat, donec concoctum sit ac secesserit. Si enim ante eius cōcoctionem alium cibum quis sumat, necesse est & ipsum lac corrumpi, & cibum qui superingestus est. Præstat autem mane bibere recens mulctum, & tunc plures labores detrahare, quiete ac sensum ambulare, & interire.



terim cessare, citra somni admissionem. Qui enim hoc modo se gesserit, potum lac excernet, idque inutilia secum educet. Opus est enim, si quid aliud, primum acceptum secedere, quo facto aliud bibere. Principio igitur secedit aluo commode purgans, non totam corporis molem, sed quæ in aluo & intestinis sunt partibusq; vicinis. Post hæc in venas defertur, optimeque nutrit, & non amplius secedit, sed ventrem sistit. Corporibus vero distemperatis infestum inimicumq; est. In calidioribus enim cito in nidorem atque bilem, in frigidioribus vero in aciditatem & putredinem commutatur. Circa electionem denique lactis sciendum, pro ipsorum animalium specie, haud parvam esse differentiam. Boum namq; lac crassissimum ac pinguisimum, & concoctu difficile est, & ob id in ventriculo in flatus vertitur, venarumq; obstructionem parit. Liquidissimum autem ac minime pingue est camelorum, mox equarum, deinde asinarum, mediæ autem consistentiæ est caprarum, hoc crassius ouium. Lac igitur caprarum, cum inter cætera lactis genera moderate se habeat, neq; pingue admodum, neque crassum sit, merito in victus salubris ratione præfertur. Quin & caprarum inter se inuicemq; collatarum, & secundum anni tempora non parua differentia est. Earum enim quæ modo pepererunt, lac liquidissimum, sed temporis progressu magis semper ac magis incrassescit. Aestate vero media ipsum etiam in medio suæ naturæ consistit, post id tempus sensim iam incrassescit, quoad penitus deficiat. Vere autem ut liquidissimum, ita etiam copiosissimum est. Quo fit, ut eligendum sit lac caprarum, non qui-



quidem prægnantium, sed enixarum, quæ tamē,  
quod ad partum ipsum attinet, mediocriter se  
habeant, hoc est, quæ neque nuper enixæ sint,  
neque multum à partu recesserint: hoc interim  
non neglecto, ut ipsis etiam alimenta propria af-  
fatim suppetant. Ac ne illud quidem silentio  
prætereundum hoc loco, quod etiam lac capri-  
nū sine melle sumptum haud citra periculum  
sit. Plerisque enim qui purum illud hauserunt,  
coactum est in ventriculo in speciem casei: quod  
quidem cum accidit, mirum est quam aggrauet  
hominem ac straugulet. Ob eam causam lac ubi  
sumunt nonnulli, ne in ventriculo coaguletur,  
mellis, aquæ & salis nonnihil admiscunt. Atque  
hæc quidem hoc loco de lacte sufficiant. Plura  
Galenus lib. 3. cap. 14. de alim. fac. & lib. 10. cap.  
7. de medic. simpl. fac. & in lib. de cibis boni &  
mali succi cap. 6. Oribasius lib. 4. Synopseos ad  
Eustathium cap. 12. 18. & 40. Paulus lib. 1. cap. 86.  
& 87. Aetius lib. 2. cap. 92. & 93.

*Quintum, Caseus, quod quidem, cum de omni Caseus.*  
caseorum genere, tum de inueterato cum primis  
intelligendum est. Hic enim ob coaguli & salis,  
dum præpareretur, iniectionem temporis pro-  
gressu acrimoniam assumpsit, humiditatemque  
omnem deposuit: quare se ipso etiam acrior &  
manifeste calidior atque ardentior euasit, & ob id  
ipsum peioris quoque & crassioris succi, & ægre  
concoctilis effectus est: præsumptorum quidem  
concoctionem adiuuat certe, sed ipse difficilius  
concoquitur, unde vulgo dici solet:  
*Caseus est nequam, quia concoquit omnia, se quam.*

Nutritum habet exile, stomacho nocet,  
& ubi forte fortuna in corpore supercalefactus  
suc-



fuerit, quemadmodum diferte Galenus libro 3. capite 6. de loc. affect. scribit, facile melancholicum humorem parit: recens flatuosus quidem minus est, sed ventrem magis sistit, magisque fisticulosus & astuosus est, nec ad calculorum in renibus procreationem minus existit noxius. Deterrimum præterea edulium est iis, (quemadmodum hoc ipsum Hippocrates lib. 4. de vict. rat. in morbis acu. apho. 92. clarissime ostendit) qui se potu repleuerunt. Grauat quidem os ventris, primumq; corrumpitur, & alia deinceps secum corrumpit. Fugiendus igitur est eiusmodi, ut qui nihil conferat, neque ad coctionem, neque ad distributionem, neque ad mouendam urinam, neque ad ventris deiectionem, ceu utiq; nec ad succi probitatem. Porro recens ac mollis caseus frigidi humidique temperamenti est, & duro siccoque flatuosior existit, sed eo minus astringit, minusq; crassi succi est: nihilominus tamen agre conficitur, obstruitque & calculos gignit. At vero qui inter vtrumque recentem nimirum & inueteratum, glutinosum & friabilem, durum ac mollem, rarum, laxumue & valde densum coactumue medius existit, quique dulcedine nonnulla participat, modiceque salsus est, neque lachrymas cum inciditur profundit, neque tardius aluo secedit, sed odore & sapore iucundus, moderateq; pinguis est, atque ex bono lacte pulcherrime elaboratus, is utique reliquis omnibus longe multumque præstat. Verum post alios cibos vltimo loco & exigua plane copia ingerendus est, alioquin & ipse, nihilo secius ac reliqui casei, ventriculum grauat, coctionem impedit, aluum cohibet, crassos humores, atq; flatuos

*Recens*

*Non iteratissimus, non frigus sistit, neq; hostis  
Sic bonus et gratus caseus esse solet.*



# BONA VALETVDINE.

65

tus in corpore lapidemque in renibus parit. Solus igitur

*Cascus ille bonus, quem dat auara manus.*

Plura de hoc apud Galen. lib. 3. cap. 16. de alim. facul. & lib. 10. cap. 9. de simpl. medic. fac. & in lib. de cibis boni & mali succi, cap. 6. Paulum lib. 1. cap. 89. & Actium lib. 2. cap. 101.

*Sextum* Caro falsa. Caro enim sale condita, atque Sole deinde aut vento, siue fumo exarefacta, cuiuscunque ea generis vel animalis fuerit, substantia cum duriore, cum ad coquendum etiam difficiliore constat, & tardius permeat. Alimentum quoque corpori præbet exiguum & mali succi, ideoque sanguis inde generatus crassius existit atque melancholicus, ac proinde, si frequens eius usus fuerit, non solum infirmis, verum etiam sanis officit, quemadmodum id ipsum ex Galeni libro 3. capite 6. de loc. affect. & comment. 18. lib. 2. aphor. & post eum ex Auicenna 2. 1. doct. 2. sum. 1. in fine capitis 15. aperte colligitur.

*Caro falsa.*

*Septimum*, Caro ceruina, cui & ipsi sane cum omnibus duris & siccioribus carnibus hoc commune est, ut succum vitiosum, concoctu difficilem ac melancholicum generet. Id quod Galenus in lib. de renum affect. digno. & medic. cap. 26. clarissime ostendit. Ceruinam, inquit, carnem vitabis, quippe quæ dura sit, concoctu difficilis, & melancholica. De ea hoc amplius Simeon Sethi scribit: vnice cauendum, ne quis carne vescatur ceruorum qui per æstatem capiuntur, quod eo nimirum tempore viperas sæpe & serpentes deuorent, atque ideo sitibundi admodum fiant: attamen cum naturæ instinctu edo-

*Caro ceruina.*

E

cti



ſi nouerint ſibi futurum exitio, ſi ante illorum concoctionem aquam hauſerint, fortiter ſitim tolerant, eaq; incenduntur. Ceruorum igitur carnes eo anni tempore venenofa ac valde noxia ſunt: & idcirco obſeruandum, ne quis eis per æſtatem veſcatur. At vero hyeme tutius ſumuntur, meliusq; ab innato calore ſuperantur. Niſi enim probe concoquantur, craſſum humorem generant, iecurq; & ſplenem obſepiunt obſtruuntque. Quin etiam corpus tremulum atq; infirmum euadere ex frequenti & immoderato eius uſu traditur.

*Caro leporina.*

*Octauum*, Caro leporina. Hanc Paulus, Peſellus, & Rhazes inter cibaria atram bilem gignentia connumerant: Simeon Sethi quaſi colligēs quacunq; à veteribus dicta erant, in hunc modum de ea ſcribit: Leporum carnes his qui exſiccare corpus volunt, ſunt valde vtilis: qui vero temperatura ſunt ſiccior, minus conferunt: ſanguinem enim craſſarum partium & melancholicum gignunt, aluum cohibent, & vrinam proritant. Quod ſi tamen probe concocta fuerint, non omnino male nutriunt. Contra vero obſtructionem hepatis & ſpleni efficiunt, pulmonique nocent, & immodicis torquent vigiliis. Iſaacus in diatiſis vniuerſalibus leporinam pro pharmaco potius quam alimento habendam cenſet. At ne hoc quidem ignorandum, quod tum hæc caro, tum ceruina quoq; ſi fuerint animalium ætate declinantium, ſimpliciter ſint euitanda. Si quis tamen comedere omnino expetat, ei ſane partui propinquioreſ, nempe iuniores ſunt eligenda, quo nimirum naturalis earum ſiccitas ab ætate temperetur. Eadem ratione & pinguioreſ longe cate-



cæteris antecellunt. Siccitas namq; pinguedine correctæ ad mediocritatem in eiusmodi animabilibus inflectitur. Verum de hac ipsa Ioanne Manar. lib. 13. epist. 4. diligentius nemo differuit.

*Nonum*, caro bouina circa quam notandum *Caro bouina.* imprimis, & fœminam ipsam, quæ vacca dicitur, & vtrumque marem, tam eum qui castratus est, quam eum etiam qui integer ad speciei propagationem reseruatus taurus nominatur, communi hac bouum appellatione significari. Atque hi sane non parum inter se ætatis ratione differunt. Extremæ namq; ætates, vt in aliis non paucis, ita in his quoque vitiosa sunt: mediæ vero optimæ & saluberrimæ. Vitulorum igitur recens editorum caro nimis mucosa & excrementitia est. Bimestres autem, quiq; paulo vltra citraueam ætatem consistunt, temperamento viciniiores sunt, & carnes habent ad concoquendum perfectis bobus præstantiores, & multum alimenti corporibus exhibent, bonique succi habentur. Prouectiores vero, qui tamen florentem ætatem nondum attigerunt, temperamēto sunt quam senes minus sicco, magisq; iis iuuenibus conueniunt, qui bono sunt corporis habitu. His perfectæ ætatis boues valentius quidem alunt, sed ægrius tum concoquantur, tum in membra distrahuntur. Porro ad senium vergentium atque ipsorum etiam senum carnes duræ, siccæ, nervosæ concoctioniq; rebelles sunt, & melancholicum humorem efficiunt, solisq; ventriculos habentibus calidiores, atq; illis insuper qui vehementer sese atque immoderatus exercent concedi possunt. Quod libro 4. de vict. rat. in morb. acut. aphorism. 99. Hippocrates etiam

E 2 ira.



ita scribens attestatur: Bubulę carnes melancholica proritant *πρὸς ἡμᾶς*. Nempe harum natura insuperabilis est, nec cuius ventriculus eas cōcoquere potest. Galenus quoque lib. 3. cap. 1. de alim. facult. idem iis fere confirmat verbis: Carnes bubulę alimentum quidem & ipsę corpori suggerunt non mediocre, neq; dissipatu facile: sanguinem tamen generant quam conueniat crassiores. Quod si quis temperamento naturali melancholicus magis fuerit, affectu aliquo melancholico prahendetur, si largius his vescatur. Affectus autem melācholici sunt, eancer, elephas, scabies, lepra, febris quartana, & quę peculiari nomine melancholia nominatur: Lien item quibusdam à tali succo intumescit, quam rem *καχεξία* id est, prauus habitus & hydropes sæpenumero consequuntur. Ceterum qua ratione incommodis, quę frequentiorē earum vsum excipere solent, prouidendum sit, luculenter & perspicue Simeon Sethi in hunc modum scribens edocuit: Si quis eas edere velit, summaq; cupiditate appetat, vel cogatur etiam, is medeatur nocumento quod inde futurum speratur, aceto & alliis cum ruta intingēs. Idem quoque auctor est, earundem iure siue brodio *ζωμῶ* Græcis appellato fluxus ventris ex flaua bile cohiberi.

**Vaccina.** Vaccinæ cum præter succi prauitatem etiam sexus ratione frigidiores sint, merito à sanitatis tutela eximuntur. Non tamē ab eis, quemadmodum nec ab alijs quę hactenus dicta sunt, ex toto abstinendum est: sed omnibus interdum optimis vero quantū fieri potest, sapius vtendū.

**Curo caprina.**

**Decimum**, caro caprina: de qua idem ferme quod



quod de bouina dicendum. Hædi enim perinde ac vituli carnes ad conficiendum perfectis capris meliores, & tuendæ valetudini accommodatiores habent. Moderate nutriunt, sanguinemq; tenuem & humidum gignunt. Præstantiores & probioris succi sunt lactentes adhuc, & maxime si neque tenelli admodum, neque natu grandiores fuerint. Simeon Sethi rufos & glaucos, Rhazes vero rubros in nigrum inclinantes ac pingues præfert. Baldacho fœmellæ quam masculi carnem temperatiorem & à siccitate remotiorem esse placet. Mirifice calidis & siccis temperaturis, atque insuper delicatis & ociosa vitæ deditis conferunt. Hirci carnem quidem habent minimum humidam, pituitosam ac lentam, ob fœtorem tamen ingratam & stomacho inimicam, ægre concoquitur & ad succum bonum generandum parum idonea est. Hanc sequitur arietum post taurorum. Porro in iis omnibus carnes castratorum sunt præstantiores: fenum autem pessimæ. Caprina in tota valetudinis cura obseruationeq; vitanda est. Nam Hippocrate libro 4. de vict. ratione in morbis acut. teste, habet mala quæ in bubulis sunt omnia, & cruditatem, estq; flatuosior, & ructus magis generat, acris est, malumq; succum efficit. Ineunte tamen æstate, & circa eius medium capræ melius agunt, longeque seipsis in cibo præstantiores euadunt. Tunc enim arborum & fruticum surculi & germina, quæ iis maxime idoneam præbent alimoniam, frequentissima sunt. Ac proinde habitiores etiam ac pinguiore, nobisque alendis accommodatiores fiunt. Quod autem alimonia ad carnis bonitatem plurimum possit,



argumento sunt euidentissimo vulpes, quæ autumnino probatissimam ob vias habent carnem. Sic passer & ficedula per idem tempus maxime laudabilem carnem obtinent. De caprina plura Galenus lib. 3. cap. 1. de aliment. facult. & de attenuante dieta cap. 6. & comment. 101. & 102. in lib. 4. Hippoc. de vict. ratione in morb. acut. & Paulus lib. 1. cap. 84. & Aetius lib. 2. cap. 121. Atq; hætenus quidem de cibis & carnibus vitandis.

Exigit nunc ordo, vt de electione alimenti, quod partim à iam dictis, partim vero ab aliis quibusdam animalibus sumitur, nonnihil etiam dicatur. Siquidem de eo haud parua inter ipsos artis medicæ Scriptores controuersia est. Galenus enim, vt alii nonnulli, porcinae palmam hædinam prætulerunt. Sunt etiam quibus vitulina præstantior videatur. Porro electio hæc & præstantia multipliciter attendi potest. Et primo quidem ratione tum similitudinis, quam cum humanis obtinent carnibus, tum maioris quoque & discussu difficilioris alimenti. Quo sane modo porcina ceteris omnibus longe antecellit. Maxima enim illi cum humano corpore similitudo est, quemadmodum Galenus libr. 3. de aliment. facult. cap. 1. disertis verbis ostendit: Suillæ carnis similitudinem cum humana ex eo poteris intelligere, quod quidam carnes humanas pro suillis sine vlla in gustu vel olfactu suspitione comederunt: id enim ab improbis hospitibus & aliis quibusdam factum fuisse iam comperitum est. Idem lib. 10. de simpl. med. fac. cap. 2. Sanguis, inquit, suillus humano maxime temperie similis est. Siquidem & carnes suum humanis



ois sunt similes. Compertienim sunt hospites & coqui complures, qui humanas carnes pro suillis venderent: tametsi qui eas edissent, nullum omnino discrimen percipere potuerint. Quin & ipse narrantes audiui viros fide dignos, sese in diuersorio publico ius esitasse delicatum cum carnibus suauissimis: ceterum cum iam pene saturi essent, inuenisse digiti partem anteriorem, quæ videlicet ad ungulam est, quo perculsi ac metuentes eos qui agebant in diuersorio, ne scilicet se quoque vorarent, ceu ei rei assueti, protinus quidem illiuc exiere, ac vomitu redditis quæ ederant, ita iter denuo ingressi sunt. Sed & in ipso facinore homines mastantes deprehensos, non ita multo post referebant. Itaque iure quispiam existimet suillam carnem humanæ esse simillimam. Quod deinde suillam carnem validissime nutrire diximus, hoc Galenus lib. 1. ca. 1. de alim. facult. in eum modum scribens confirmat: Omnium ciborum suum caro potentissime nutrit. Cuius rei athletæ certissimum tibi præbent indicium. Si enim paribus exercitationibus parem molem alterius cibi pridie totum diem comederint, postero die statim sentient sese redditos imbecilliores. Quod si pluribus diebus id fecerint, non imbecilliores modo, verum etiam alimenti penuria macilentiores balam conspiciuntur. Idem lib. 7. method. medend. cap. 6. iis etiam testatur verbis: Omnium quos nouimus ciborum maxime nutriens suilla caro est. Quin & ipse Hippocrates lib. 6. epidem. part. 3. aphor. 4. quum iam corpus ex multis exercitiis conciderit, suillas carnes affatas exhibere precipit. Porro alimentum quod inde sumitur



firmum esse, neque dissipatu facile, satis confirmat Galenus in libro de attenuante diæta, ca. 6. vbi sic scriptum reliquit: Suum domesticorum caro omnium aliorum ciborum firmissime nutrit. Multum enim in seipsa habet lentorem, tum propter vitam desidiosam, tum propter cibi humidioris affluentiam. Et similiter in libro de renum affect. digno. & medic. cap. 26. E pedes-tribus optimi succi est caro suilla, & hominibus maximopere familiaris, maximeq; tum nutritibilis, tum corroborans: sed glutinosum quiddam habet & crassum. Ob id qui diutius ea vitant, iecoris & renum obstructione corripiuntur, quibus hæc à natura adstrictos meatus habent, eoque longiori ab ea interuallo abstinendum. Quia vero glutinosum, vt dictum est, & crassum succum generat, ideo Hippocrates assatam exhibere iussit: quo nimirum viscositate ac crassitie ab ignis caliditate nonnihil consumpta, minus humida ac glutinosa edatur. Idem lib. 4. de vict. ratione in morbis acut. aph 103. eiusmodi carnem absque pelle, hoc est, cute, mandendam esse docuit. Cutis enim animalis, utpote frigidior, carni similiter concoqui nata non est. Quæ autem ob assationem ambusta est, tum ad succi bonitatem, tum ad concoctionem inhabilis existit, choleramque parit, propter eam quæ huic accedit acrimoniam. Ibidem pinguis- simam quoque suam carnem, ea quam medii & bene carnosæ habent, deteriorem existimat, suspicionem humiditatis habens: ob quam pinguedo omnis carne sui generis deterior, tum ad concoctionem, tum nutritionem existit. De suilla hoc amplius Galenus in libro de cibis bo-

ni



ni & mali succi cap. 4. Suilla caro, si exacte in ventriculo concoquatur, tum in sanguinem à iecinore conuertatur, probatissimos humores gignit. Quod intelligendum vtique, non de carne suum vetustissimorum: (ea enim ob siccitatem & duritiem agre concoquitur, ac succum vitiosum generat) neque porculorum lactentium: (siquidem hi terrestrium fere omnium quę vorant homines animalium, maxime humidam & excrementitiā obtinent carnem: atq; eam ob rem plurima inde generatur pituita:) Sed ætate mediocriū, anniculorum videlicet, vel bimorum. Idem Galenus etiam libro paulo ante citato, capite duodecimo attestatur: Ex animantibus, inquit, quorum natura ad bonos humores gignendos aptissima est, sues mediocris ætatis habentur: qui enim ad summum creuerint, hominibus vigentis ætatis seque exercentibus: qui vero adhuc increfcunt, iis quorum ætas inclinat, idonei sunt. Caro ex porcellis parvulis excrementis scatet. Quare ex pedestribus animantibus suilla caro probatissimū cibus est. Et hoc quidem tametsi in vtroque genere tam domesticorum quam agrestium vere dicatur, agrestes tamen à Galeno longe cæteris anteferruntur. Atque hinc adeo in lib. de attenu. diætā, cap. 6 sic inquit: Apri suibus domesticis in cibo sunt anteposendi. Et lib. 8. method. meden. cap. 2. Ex ipsis suillis carnibus optima est montana. Cuius causam Galenus lib. 3. de aliment. facult. cap. 13. hanc esse tradit: Domestici, inquit, sues temperie humidiores sunt, quam agrestes, tum ob aeris in quo degunt humiditatem, tum vero etiam ob vitæ ignauiam. Qui vero in montibus



degunt, multum exercentur ac fatigantur: præterea in aere sicciore viuunt: quapropter eorum caro est durior, nulliusque prorsus pinguedinis aut paucissimæ particeps: & alimentum quod inde prouenit minus habet excrementi: contra excrementitium est, quod à domesticis sumitur. Necessè igitur est alimentum eiusmodi nutrire valentius, quam alterum, succumque gignere multo meliorem. Addit præterea Auicenna libro 2. cano. cap. 145. eosdem hyeme meliorem sanguinis habitum consequi, longeque seipsis in cibo euadere præstantiores. Ex omnibus hætenus adductis satis iam liquet, hominibus ætate florentibus, fortibus, sanis, & quamlibet fortem ac vehementem actionem obeuntibus, utpote fossoribus, agricolis, messoribus, cæterisque id genus operariis, modo ab oppilationibus puri atque vacui sint, ac denique iis etiam qui impinguari cupiunt, suillam potissimum exhibendam. Ad eiusmodi enim corporum conseruationem alimento plurimo, firmo atque ægre dissipabili opus est. Recte itaque Rhazes lib. 3. ad Aliman. cap. 9. crassa, inquit, caro multum sese exercentibus conuenit: iis vero qui vitam in maiori ocio ac quiete degunt, subtilis & extenuans. Quod Auicenna quoque 3. i. doc. 2. cap. 7. ita ferme scribens confirmat: Vehementer sese exercentes multoque labore fatigati firma magis & crassa alimenta requirunt.

*Secunda* vero carniū electio à temperamento, concoctione, & succi inde geniti probitate sumitur: atque ea quidem ratione hædinæ longe cæteris præferuntur. Nam ut Rhazes loco paulo ante citato autor est, temperatura sunt medio-

cri



eri, nullius prauitatis participes, facile conco-  
quuntur, nec non & sanguinem inter subtilem  
& crassum, calidum ac frigidum temperatum ef-  
ficiunt. Illis tamen qui multum exercentur, in  
cibo minus idonea sunt: siquidem alimentum  
quod corpori summittunt, forti exercitio siue  
labore celeriter discutitur, iuuenibus tempera-  
tis mediocri exercitio vtentibus, quemadmo-  
dum & illis quoque de quibus supra dictum est  
magis conueniunt. Porro quemadmodum hac  
ratione inter animalia domestica caro hœdina  
præstantior est, sic inter agrestia quoque capreo-  
li facile primas obtinent: post hœdinam au-  
tem secundum locum arietina sibi vendicat, si  
quid Rhazæ atque Auerrhoi credimus. Quorum  
ille quidem libro 3. ad Alman. cap. 9. ita scriptum  
reliquit: Caro arietina quam hœdina crassior  
est, viresque magis auget, sed plures efficit super-  
fluitares, in bonitate tamen hœdinam sequitur  
carnem. Hic vero lib. 5. suorum collecta. cap. 32.  
de eadem hæc fere prodidit. Post carnem, in-  
quit, hœdinam est arietina, atq; ita omnes pro-  
pe medici sentiunt, præter Galenum, qui arie-  
tum carnes abominatur: persuasum enim habet,  
vitulinam arietina longe melioris esse nutri-  
menti. Sed Galenus forsitan hanc præstantiam  
ex eo attendit, quod vitulina plurimum nutriet,  
& nutrimentum eius ægrius dissipetur: arietina  
vero insigni humiditate prædita sit. Nam humi-  
dus alimentum vt distribuitur, ita etiam discuti-  
tur celerius. Locus Galeni quem Auerrhoes  
citatur est (ni fallor) in libro de cibis boni & ma-  
li succi cap. 12. Verba Galeni sic habent: Ex pede-  
stribus animantibus caro suilla probatissimus  
cibus



cibus est, deinde hœdina, mox vitulina. Agnina vero humida, lentoremque ac mucorem in se habere censetur. Quod idem in libro de attenuante diata cap. 7. velut reperens inquit: Ex terrestribus animalibus hirci & arietes, & genus omne ouium ac caprarum non vndequaue laudabilis sunt alimenti. Solis autem hœdis innoxie vtare. Agnorum esus propter insignem humiditatem est fugiendus. Ex quibus utiq; locis fit hoc etiam perspicuum, apud Rhazen atque Auerrhoen agnos inasculos, qui aliquantulum increuerint, per arietes esse intelligendos. Id quod ipsemet Auerrhoes his verbis confirmare videtur: Magna pars Medicorum laudat carnes arietum iuuenum, &c.

*Tertia*, demum carniū electio siue præstantia in eo sita est, vt neq; insuaue, neque mali odoris, neq; glutinosum quicquam gustu repræsentent. Tales autem inprimis vitulinæ sunt, quemadmodum Auerrhoes loco citato his fere verbis ostendit: Carnes, inquit, vitulinæ bonæ sunt, minus enim quam bouum ætate declinantium carnes habent tum viscositatis, tum frigiditatis ac ficitatis, ac odore quoque cæteris carni-  
bus suauiores & iucundiores sunt. Quæ certe consideratione ipsis etiam hœdinis præferuntur. Siquidem in coctura hœdinarum muccago, hoc est, lentor siue viscositas quadam deprehenditur, quæ in vitulinis non apparet. Hœdina tamen vitulinis succi probitate præstant. Ex omnibus quæ hactenus adducta sunt, liquido iam constat, non esse tantam inter Medicos de carniū electione controuersiam, quanta prima facie apparet. Hoc quoque scire in vniuersum oportet.



portet, quod siccorum animalium carnes in prima ætate, quæ humidior est, præstantiores sunt, & minori momento conficiuntur: cum vero adoleuerint, ob siccitatem ægre concoquuntur. Contra humidioribus animalibus carnes, progressu temporis consumpta humiditate superflua, aptiores & ad cōcoquendum & ad nutriendum fiunt. Quod Galenus etiā lib. 3. de aliment. facult. cap. 1. in hunc scribens modum innuere voluit: Iis, inquit, animalibus quæ natura temperamento sunt sicciore, adolescens ætas ad mediocritatē ipsam confert: humidiorū vero natura quod sibi ad probam ac convenientē temperiem deest, id ab ætate florenti adsumit. Non modo itaq; vituli carnes habent ad conficiendum perfectis bobus præstantiores, sed etiam hœdi capris: velut contra verueces anniculi agnis lactentibus, & porci anniculi vel bimi porculis paruis. Hinc non temere ab Auicenna 3. 1. doct. 2. cap. 7. dictum est: Oportet vt cibus nimirum sanitati conueniens, sit, qualis caro est, præcipue hœdorum, vitulorum lactentiū, & agnorum anniculorum, &c.

Ex quibus omnibus sequitur tandem, carnes hircorum, caprarum, arietum, ouium, bouum atque verrium antiquorum non vnde quaque laudabilis esse alimenti. Carnes vero vitulorum, iuuenum, agnorum anniculorum, & maialium anniculorum vel bimorum, valetudini tuendæ esse accommodatissimas. Hoc quoq; ignorandum non est, quod carnes naturali temperamento sicciore sint elixandæ, quo nimirum ab aquæ humiditate contemperentur: (elixatio enim siccitatem temperat) humidiores vero as-

sandæ,



fandæ, nempe vt earum humiditate ab ignis calore attenuata nonnihil atque imminuta, mediocritatem consequantur. Assatio enim ex Galeni sententia humiditatem moderatur. Quo si vt carnes leporum, cuniculorum, ceruorum, boum, & capreolorum elixa, porcellorum vero ac veruecum assæ sint præferendæ. Eadem etiam ratione in ætatibus, temperaturis, atque anni constitutionibus humidis, sicciore & assæ carnes magis conueniunt: in sicciore vero humidæ atque elixa.

DE CIBIS BENE NUTRIENTIBUS.

CAPVT VIII.

**O**ua recentia, vna rubentia, pingua iura,  
Cum similia pura, natura sunt valitura.

Tria alimentorum genera exigua mole plurimū nutriencia his versibus comprehenduntur.

*Oua.*

*Primum*, oua recentia: de quibus Galenus lib. 3. de aliment. facult. cap. 21. in hunc scribit modum: Oua recentia veteribus plurimum præstant, quippe optima sunt recentissima, vetustissima autem pessima. Quæ vero in horum medio sunt, proportionem recessus ab extremis, bonitate

*3. Meth. med. c. 2.*

aut prauitate inter se differunt. Idem, lib. 1. 2. phorism. comment. 4. oua inter alimenta pleni victus numerauit. Quam sententiam Auicenna quoq; cum aliis plerisq; locis, tum maxime 4. 1. cap. 1. his fere verbis confirmat: Quandoque est nutriendi parua quantitas, plurimo reficiens alimento: eius generis sunt potissimum oua, & testes gallinacei, quorum fere nutrimentū cum ipsorum pensatur pondere. Porro ouorum multa

ta



ta inter se sunt differentia. Et prima quidem penes propriam substantiam. Gallinarum enim, perdicum & phasianorum iuuenum ac pinguium omnibus præstant, & ad victus salubris rationem accommodatissima sunt: anatum vero, anserum, pauonum, struthiocamelorum, & similibus, deteriora habentur. In figura quoque; ouorum aliquod bonitatis discrimen est: paruula enim, oblonga & candida reliquis succi probitate excellere creduntur, id quod vulgatis etiam hisce versiculis comprobatur:

*Ouorum  
differentia.*

*Regula presbyteri iubet hoc pro lege teneri:*

*Quod bona sunt oua hæc, candida, longa, noua.*

Quin ab Horatio quoque; hoc obseruatum esse, etiam Plinius meminit, qui lib. 10. natur. histor. cap. 52. ita scriptum reliquit: Quæ ob longa sunt oua, gratioris saporis putat Horatius Flaccus. Locus est lib. 2. Sermon. Satyr. 4.

*Longa quibus facies ouis erit, illa memento,  
Ut succi melioris, & ut magis alba rotundis  
Tonere.*

Candida præstantiora dixit: atque eius rei vel inde certissimum indicium colligas, quod anatum & anserum oua plus aqueæ naturæ possideant, pallidioraque, & ob id cibo minus idonea sint. Quanquam vero oua per se quidem salubria sunt, cocturæ tamen ratione non parum immutantur, adeo ut interdum insalubria fieri possint. Nam quædam diutius coquuntur, alia ad mediocrem usque consistentiam: alia in aqua cœusque duntaxat dum incaluerint, elixantur. Secundum quas differentias alia quidem  $\phi\theta\alpha$ , id est, cocta vocantur: alia  $\tau\epsilon\phi\epsilon\rho\eta\tau\epsilon$ , id est, tremula. alia vero  $\rho\omicron\phi\eta\tau\epsilon$ , id est, sorbilia. Tremula itaque,



que, hoc est, quæ eatenus per coctionem inspissantur, vt in manu tenentis in testa siue putamine suo tremere videantur, omnium sunt præstantissima, plurimum alimenti & optimi succi corporibus exhibent, facillimeque tum concoquantur, tum distribuuntur, & sanguinem cordi quam maxime congruentem generant. Quare iis cum primis qui ex morbo debiles adhuc sese colligunt, senibus & imbecilibus conueniunt, præcipue vero eorum vitelli. Quod Auicenna quoque in libro de viribus cordis, Tract. 2. cap. 3. vbi ex professo de ouis agit, sic ferme scribens confirmat. Oua tametsi cordis medicina non sint, ad refectionem tamen eius adsciscuntur. Nam ipsum valde corroborant, & potissimum eorum vitelli, dummodo fumantur ex ouis bonæ carnis auium, veluti gallinarum, perdicum ac phasianorum. Eiusmodi enim temperatura cōstant mediocri, cito in sanguinem conuertuntur, & post transmutationem parum superfluitatis relinquunt: sanguis autem inde genitus est subtilis ac clarus, cor maxime corroborans: quo fit vt ouorum vitelli in dissolutione substantiæ spiritus, & imminutione ipsius sanguinis vitalis, cæteris alimentis iure præferantur. Sorbilia autem ova tremulis minus quidem nutriunt, sed facilius subducuntur, & faucium asperitates ex vociferatione, aut ex humorum acrimonia læuigant: Oua vero immoderatiore coctura penitus densata, quæ Græcis *ἰσχυρὰ* vocari diximus, & ad coquendum sunt difficilia, & tardi transitus, crassiusque alimentum corpori tribuunt. Porro iisdem ex vario præparationis modo maior adiungitur aut bonitatis aut grauitatis occasio,  
nam



nam hæc quidem affantur, alia elixantur, non-  
nulla friguntur, quædam deinq; in iure coquun-  
tur. Affa igitur elixis crassioris sunt succi, ac dif-  
ficilioris concoctionis: eorum enim genuina hu-  
miditas à foci caliditate depascitur: atq; hinc sa-  
ne eousq; affata donec adurantur, ac tetrum o-  
dorem reddant, venenosam qualitatem induunt,  
quemadmodum Marfilius Ficinus in libro de vita  
cœlitus comparanda capite 22 diligenter admo-  
nuit. Solent autem bifariam affari: aut enim cum  
putamine feruētibus cineribus integra obruun-  
tur, aut in testis suis franguntur: quorum hæc  
quidem deteriora sunt. Illa vero rursus duobus  
modis parantur: aut enim tota cinere cooperiun-  
tur, aut ex parte nuda ad prunas collocantur,  
Quæ cinere rota obruuntur, peiora euadunt, quia  
densata vndique à circumfuso igne extrema par-  
te fumorum exhalatio intercipitur. Nuda vero  
prunis imposita, fumos exhalant depuranturq;  
elixa assis præstantiora sunt: nam aquæ humidi-  
tas, ne foci caliditate exsiccentur, obstitit. Parantur  
& hæc quoque dupliciter: Vel enim integra:  
caldarijs superne infusa elixantur, vel ex testis  
fractis in aquam ferme feruidam coniecta co-  
quuntur. Quorum illa quidem, vbi penitus den-  
sata fuerint, deteriora habentur: testa enim quo-  
minus crassities eorum attenuetur, ac fumi dis-  
sipentur, obstant & impediunt: sed si ab igne,  
cum liquidum adhuc coactum densatumq; non  
sit, auferantur, meliora fiunt. Hæc vero calor pe-  
netrat, crassitiemq; attenuat, & odoris in suavi-  
tatem auerrit, vnde ceteris omnibus laudabilio-  
ra censentur. Longe vero se ipsis suauiora adhuc  
redderentur, si ad mediocrem consistentiam co-

F Etis.



## DE CONSERVANDA

32  
 etis confestimque à foco summotis aceti non-  
 nihil cum butyro & croci momento commi-  
 stum inspergeretur. Quæ vero ἐπὶ τῶν τρυγῶν,  
 id est, in sartagine spissantur, atque ob id ipsum  
 τρυγῶν id est, frixa nūcupantur, pessimum ha-  
 bent omnibus modis alimentum, tardeq; trans-  
 eunt. Nam interim dum in ventriculo conco-  
 quuntur, in nidorem ac fumum abeunt, secumq;  
 admistos cibos corrumpunt, & succus inde pro-  
 gnatus non solum crassius, verumetiam prauus  
 atq; excrementitius est. Quapropter inter de-  
 terrimas earum rerum habentur, quæ concoqui  
 nequeunt. His vero nocentiora adhuc fiunt, quæ  
 in vetere & ferrea sartagine friguntur. In iure  
 deniq; cocta, Isaac in diætiis vniuersalibus te-  
 ste, locum inter assa ac ea quæ in aquam ferui-  
 dam coniecta coquuntur, medium obtinent. Por-  
 ro quæ τρυγῶν, id est, suffocata appellatur, eli-  
 xis & assis sunt meliora. Ea Galenus ad hunc mo-  
 dum parare docet. Vbi ipsa oleo ac garo & pau-  
 co vini conspersa fuerint, vas quo continentur  
 cacabo aquam calidam habenti inditur: deinde  
 ubi ipsum totum superne obturatum fuerit, i-  
 gnis substruitur, quoad oua mediocrem habeât  
 consistentiam. Quæ enim supra modum fiunt  
 crassa, elixis & assis sunt similia. Quæ vero ad  
 mediocrem crassitiem peruenerunt, & melius  
 quam dura concoquuntur, & alimentum corpo-  
 ri dant præstantius. In ipsis quoq; onorum par-  
 tibus discrimen est. Vitellus nanque, sicuti à  
 Rhaze lib. 3. ad Almanf. cap. 14. scribitur, in ca-  
 liditate temperatus existens, optime nutrit. Al-  
 bumen vero frigidum & glutinosum est, ægre  
 cōcoquitur, & sanguinem prauum generat, eaq;  
 ratio-



ratione adducti nonnulli albumen debilioribus exhibendum negant. Vitellus quoq; proprietate quadam substantiæ facile inflammatur, & in fumos abit, quo fit vt in febribus & ægrotudinibus calidioribus non nisi probe alteratus exhiberi debeat. Alteratur autē, ex Ioannis Michaelis Sauonarolæ sententia, ad horas plus minus sex in aqua frigida infusus. Simeon Sethi hoc quoq; addit, oua proprietate quadam peculiari ὁφείαν, id est, ingenij felicitatem & bonam habitudinem tribuere ijs, qui μετὰ νόματ' ἰσχυρόν τὰ ἔργα, τὴν περιμέλιτ' ἔχοντες βετύχου, hoc est, cum textura filiarum. Tauri, est, melle & butyro assidue escitauerint. Sed Galenus lib. 5. de sanit. tuenda cap. 8. de cibis ex quibus obstructio incidit mentionem faciens, senes horatur, vt à multo ouorum esu abstineant, quod nimirum crassum lentumq; succum creent. Qui vtiq; locus non simpliciter de omnibus ouis intelligendus venit, sed de ijs. quæ vel elixa, vel tosta penitus densata sunt, itē de frixis & veteribus. Leonhartus Fuchsius hunc Galeni locum in Græcis exemplarib. corruptum putat, & pro ὁῶν legendum esse ὄων id est, sorborū, ὄα enim καὶ ὄα Græcis; Galeno libro 8. de simplic. medicam. facult. cap. 13. teste, sorba sunt: quæ certe vt idem tradit, adstringentem atq; adeo obstruētem facultatem obrinent. Leontius apud Constantinum Cæsarem lib. 14. de argicultura, cap. 27. etiā modum tradit, quo oua diu à corruptela seruari possint. Oua ipsa, inquiens, seruabis, hyeme quidem in palis, æstate in furfuribus. Alii aqua abluta oua sale tenui intingunt, & sic conseruant.

Alexād.  
Trall. lib.  
8. cap. 1.



Quidam ad tres aut quatuor horas in muriam tepidam mergunt, deinde extracta in furfures aut paleas deponunt. Attramen ei quod in muriam aut salein impositum est, pars aliqua decedet. Cæterum plenum ouum, aut non plenum, cognosces ex immissu in aquam: defectuosum enim innatabit, plenum deorsum demergetur, Eadem etiam à Columella de re Rustica libro 8. capite 6. & à Plinio libro 10. capit. 54 & 60. prodita sunt. De ouis plura Galenus libro 3. de aliment. facult. cap. 21. & in lib de cibis boni & mali succi, cap. 7. Paulus lib. 1. cap. 83. & Aetius libr. 2. capite 132.

*Vini differentia.*

*Secundum*, Vina rubentia: vbi ante omnia sciendum, vinum quidem ex eorum esse numero quæ nostrum corpus alunt. Nam si modo quicquid alit, alimentum est, vinum etiam in genere alimentorum est ponendum. Verum permagna eius secundum colorem differentia est. Nam hæc quidem alba sunt, alia rubra & clara, nonnulla rufa siue, vt vulgo dicuntur citrina: quædam vero nigra: alia rursus medium inter hæc obtinent. Ex quibus omnibus alba cæteris tum imbecilliora ac minus calida habentur, tum minoris etiam alimenti: non ergo ab re capiti neruisque innoxia sunt, vrinam cient, & meatus aperiunt. Quod debiliora sint, manifestissimum omnibus fit ex iis, quæ Galenus com. 1. in tertium librum Hippocratis de victus ratione in morbis acutis scribit, in quiens: Vinum potens vehementer celeriterq; corpus calfacit, caputq; ferit: imbecillum contrario agit modo. Cum igitur minus & dalesfaciat, & caput tētet, necessario etiam imbecillius erit. Quod deinde minus calefaciāt, idem com.



com. in 6. citatum Hipp. lib. clarissime ostendit. Nempe, inquit, ex vinis albis nullum valenter calefacere potest. Quod enim summe calidum est, id continuo & flauum existit, veluti & quod ab ipso est fuluum: mox ab his rubrum & deinde dulce. Album autem minus quidem his omnibus calefacit. Quod verum utiq; experientia comprobabit, si vina eiusdem inter se territorii comparentur. Nam inter vina rubra & rufa Gallica, nonnulla albis quibusdam alibi natis longe & potentia & caliditate inferiora reperias. Quare eiusdem territorii vina inter se conferenda sunt. Quod vero vna alba minus quam reliqua alant, declarat ipsorum natura: præterea Galenus comment. 11. libro 2. aphorif. id ipsum in eum scribens modum, confirmat: Vina aquosa (sic autem nominant alba & tenuia) sicut aqua similem formam habent, ita etiam vim: quare vrinam cient, & minimam nutriunt. Idem commentar. 18. eiusdem libri. Vina, inquit, aquosa exiguum præbent corpori alimentum. Sunt autem hæc colore quidem alba, tenuia vero substantia. Item in libro de cibis boni & mali succi, cap. 1. de iisdem ita scriptum reliqui: Vina quæ aquosa tenuique substantia sunt, vrinam mouent, & paucissimi sunt nutrimenti. Quod minus etiam caput feriant, Galenus libro 5. de loc. affect. cap. 5. iis ostendit verbis: Vinum album atque modice astringens vt ventriculum robustum efficit, ita haudquam tentat caput, id quod facere solent ea quæ vehementes vires obtinent. Auicenna quoque 3. 1. doct. 2. cap. 8 in hunc prope modum scribens idem confirmat: Vinum album & tenue calori-



ficis præstat, non enim capitis dolorem efficit, sed eundem potius, ubi forte ex stomachi ardore initium duxerit, humectando leuat. Cur autem cæteris caput minus feriant, eius rei causa alia non est, quam quod minus fument, euaporentque. Quod denique meatus aperiant, urinasque moueant, Hippocrates libro 3. de vitæ ratione in morbo acut. aphorif. 6. his verbis diserte significauit: Ad vesicam alio vino magis penetrat, urinasque prouocat, & perpetuo perumpit: adque multa ad opem his morbis ferendum facit. Rationem eius rei tradit Galenus libro septimo Methodi medendi, cap. 6. in eum scribens modum: Vina aquosa vires organorum adaugent, & expellendis excrementis viam faciunt. Eoque fit, ut etiam talia vina præter cætera urinas moueant, quando & ipsa totum corpus celeriter transeunt, & impetu cursus sui excrementa secum expellunt. Celeriter certe transeunt, tum quia tenuia & tepida sunt, tum quia adstringunt. Tenuitate enim & tepiditate prompte mobilia fiunt, adstrictio autem ipsa magis impellit. Ex quibus iam illud quoque elicitur, nempe alba & tenuia vina tuto exhiberi corporibus intemperie vel naturali, vel quoquomodo aduerſa biliosis: Æque vero & studiosis, & quibuscumque caput vel naturæ ipsius habitu, vel ab alia quapiam extrinsecus obrepente causa, imbecillius existit: pari modo & ijs qui calidam & humidam crebri temperaturam obtinent: quippe vina potentia ita adfectis aduersissima sunt. Cumulatim enim, quemadmodum loco iam citato Auicenna ostendit, caput humoribus vaporibusque & caliditate replent, valideque cerebrum



bram perturbant, & maturius ebrietatem inducunt. Quod si tamē res cogat aliquando eis vti, copiosiore prius aqua diluenda sunt. Iam vero & calidiorem ventriculi atq; hepatis temperaturam habentibus, nimioq; æstu & ardore famēq; aut mœrore vexatis, atq; itē in anni tempore regione, tempestateque calida, vina debiliora magis conferunt, vt in quibus calida vina eos qui refrigerandi sunt, impensius calefaciant, capitisq; dolores & febres facile inferant, neruosq; lædant.

*Vina* vero rubra & clara, cuiusmodi Bellouacēsia cumprimis habētur, cæteris calidiora sunt. Quod breuissime Galenus commen. 6. in 3. Hippocrat. lib. de vict. rat. in morb. acut. ijs verbis significauit: Vinum quod summe calidum est, id continuo & flauum existit. Eadem cæteris quoque valentius alere, idem cōment. 11. lib. 2. aph. ita scribens attestatur: Quæ crassa sunt & colore rubea, plus alimenti habent, quam reliqua vina: inest autem eis & citissime implere corpora euacuata, & ob hoc indigentia adiectione. Quod ita sane intelligendum venit, vt vina rubea ea de causa firmitus alere dicantur, quod ex ipsis plus in membrorum substantiam conuertatur. Hac rationē & nigra cæteris præferri possunt, quod & ipsa nimirum non mediocre, neq; dissipatu facile alimentum corpori tribuant. Atq; hinc certe non temere à Galeno comment. 18. lib. 2. aphor. ita scriptum est: Crassa & fulua multo quidem magis corpus alunt, sed tantum vincuntur à nigris in nutriendo plurimum, quantum superant in præstando acervatum & velox alimentum. Eodem plane modo & illa intelli-



genda, quæ ab Isaaco in diætiis particularibus scribuntur, ubi vinum nigrum plenioris alimentum quam rubrum esse contendit. Caterum vina quidem hæc colore rubea, ut urinā leuius quam alba cient, ita maiorem capiti noxam adferunt. Animalis enim facultas promptius quam naturalis aut vitalis calido offenditur: quia calidum caput prompte ferit, ac spiritum animalē difficit: Spiritus enim hic subtilis ac ut ab omni eccellente calido discutitur idoneus est: quo fit ut eiusmodi vina debile cerebrum habentibus exhibenda non sint, nisi diluta & exigua plane copia. Ab ijs vero quibus bona cerebri habitudine ac firma sanitate frui datum est, tutius ebibuntur: Firma namque cerebri constitutio: ut eleuatis ad sese vaporibus strenue obfistit, ita ab ijsdem etiam minus offenditur. Vbi hoc quoque ignorandū non est, nempe acui ingenia in eiusmodi hominibus: Nam si vino bono ac potente moderate utantur, longe seipsis & ad excogitandum acutiores, & ad explicandum ornandumque vberiores, & ad memoriam denique firmiores atque diuturniores euadunt. Spiritus enim tenues, clari & puri ex bono vino potius, quam quouis alio potu generantur. Hinc est quod Theologi in contemplatione circa sacrosanctæ Dominicæ passionis mysteria, optima cum primis vina deligunt, quæ ob id ipsum iam passim etiam Theologica nominantur. Hæc utiliter ijs quoque dantur, qui calefaciendi sunt, utpote tum pituitosis frigidisque temperamentis crudiq; humoris copia refertis, tum ijs qui frigidis in locis ociosius viuunt. Dantur quoque in hyeme, frigidaque & humida tempestate. His enim

*Vina Theologica.*



enim omnibus, ideo quod frigiditatē corrigant, & obstructions tollant, accommodatissima sunt, genuinum calorem refocillant, vnde concoctio melior & sanguis probus euadit, cibum per omnia corporis membra, vt quæ facile penetrent, deducūt. Quamobrem ex morbo emaciato re-  
ficiunt, corporaq; ipsorum augent. Etenim cibi cupiditatem faciunt, pituitam extenuant, & in sanguinem commutant, horum colorem conciliant, animo lætitiā voluptatemq; pariunt, & robur adijciunt. Harum itaq; cōmoditatum moderata vini potio, immoderata vero contrarium occasionem præbet.

*Vina* vero rufa siue citrina minus quidē quam rubea & clara, excellentius tamen quam alba, tum calefaciunt, tum nutriunt: quo fit vt caput etiam quam alba magis offendant, quemadmodum fufius comment. 1. & 6. in 3. Hippocrat. lib. de vict. ratio. in morb. acut. Galenus monstrauit. Hæc etiam alba à quibusdam vocari solent, hinc est quod quidam dicunt, vina alba cito plurimum calefacere.

*Vina* vero nigra minus quam rufa calefaciunt. vnde minus etiam caput feriunt, sed cum tardius per aluum quam alba transeant, vrinamq; leuius moueant, vehementius etiam quam alba caput tentāt. Et hæc ipsa plenius quidem quam alba & rufa, minus vero quam rubea nutriunt, vt copiosius locis paulo ante citatis Galenus ostendit.

*Tertium*, pingua iura, hoc est, sorbilia ex iufculis carniū, & præcipue pullorum confecta, *Ζυμωὶ καὶ Ζυμώδια* Græcis, Brodia vero vulgo appellantur. Quæ sane cum naturæ amica sint, ci-

*Iura è car-*  
*nib. Gal.*  
*lib. 2. de*  
*alim. fa-*  
*cult. 6. 17.*



tius tum concoquuntur, tum per ventrē subeū-  
nam quæcunq; cum voluptate assumuntur, ista  
ventriculus avidius amplectitur, faciliusq; con-  
coquit, plurimū corporibus exhibent alimentū,  
& bonum sanguinem producant, idq; excellen-  
tius adhuc, si cum similaceo pane præparentur.  
Simila enim vel similago, id est, subtilissima ac  
purissima delicatissimi tritici farina, *σμιλάλις*  
à Græcis dicta, copiosum & laudabile corporib.  
alimentum præstat, vt testis est Rhazes lib. 3. ad  
Almans. cap. 3. Tria hæc alimentorū genera, quæ  
exigua mole plurimum nutrire ostendimus, A-  
vicenna quoque 2. 1. doct. 2. Sum. 1. cap. 15. breui-  
ter, his fere verbis complexus est. Cibus subti-  
lis, boni succi, & plurimi alimenti est, exempli  
gratia, vt ius carniū, vinum, & oua, eaque tum  
forbilia, tum tremula. Talia enim exigua mole  
plurimum nutriunt, quia maxima substantiæ i-  
psorum portio in alimentum transit, vnde se-  
quitur tandem & robur insigne conciliare ijs,  
qui ipsis sæpius vsi fuerint. Additio iocosa de Vi-  
no Theologico ex Chiliad. 3. Centur. 2. Prouerb.  
37. Eras. Roterod. Hac tempestate, inquit, apud  
Parisios vulgari ioco vinum Theologicum vo-  
cant, quod sit validissimum, minimeque dila-  
tum. Nec infestiuiter quidam huiusce Prouer-  
bij causam rogatus, respondit; A Iureconsultis  
occupari quas vocant Præbendas, Decanatus, &  
Archidiaconatus, Theologis nihil reliquum fie-  
ri, præter curata, quæ vocant, sacerdotia. Cæte-  
rum quoniam de pastoribus scriptum est: Pec-  
cata populi comedetis, nimirum ad cibi tam du-  
ri concoctionem, opus esse vino efficacissimo;  
Atque hinc esse natum vulgi dictum.

*Mosea 4.*

D E



BONA VALETVDINE. 91  
DE CIBIS BENE NVTRIEN-  
tibus & impinguantibus.

CAPVT IX.

**N**Virrit triticum & impinguat, lac, caseus infans,  
Testiculi, porcina caro, cerebella, medulla,  
Dulcia vina, cibus gustu iucundior, oua  
Sorbilia, & ficus matura vnaq<sup>3</sup> recentes.

Duodecim alimentorū genera plurimum nu-  
trientia & impinguantia hoc loco referuntur.

*Triticū*

*Pimum*, Triticum, vt panem videlicet triti-  
ceum per triticum intelligas. Hic enim Auicen-  
na 2. Cano. cap. 572. celeriter impinguat, præfer-  
tim si ex nouo tritico præparatus fuerit. Porro  
quod ad tritici temperamentum attinet, ipsum  
est primi ordinis excalefacientum: non tamen  
nec resiccare, nec humectare manifesto potest,  
quemadmodum Galenus lib. 8. ca. 72. de simpl.  
medic. facult. & post eum Paulus lib. 7. luculen-  
ter & perspicue docuerunt. Hinc etiam Rhazes  
lib. 3. ad Alman. cap. 2. ita fere scriptum reliquit:  
Triticum moderato proximum, aut paulo cali-  
dus est. Præstantia eius sumitur, partim quidem  
à propria substantia, partim vero à præparatio-  
nis modo. Quod quidem ad substantiam atti-  
net, est & in tritico non parua speciatim diffe-  
rentia: quippe quod graue est ac densum, & in  
profundo flauum, copiosissimi id alimenti est,  
crassique succi ac lentis: contra quod leue est &  
rarum & album, minus nutrit, succumque gi-  
gnit crassum minus ac lentum. Atque eius rei  
locupletissimus idemque grauissimus testis est  
Galenus, qui lib. 1. de alim. facult. cap. 9. ita scri-  
bit. Inter tritica plurimum habent alimenti quæ  
densa



denſa ſunt, totamque ſubſtantiam habent adeo compactam, ut dentibus vix diuidi queāt. Talea enim exigua mole corpora plurimum nutriunt: quæ vero iis ſunt contraria, quæque dentibus quidem facile franguntur, fractaq; rara ac laxa apparent, magna mole exiguum reddunt alimentum. Quod ſi vtrorumque parem modum pendere libuerit, quæ denſa ſunt, multo grauiora eſſe comperies. Hæc autem ſunt colore etiam laxis flauiora. Explorare autem horum naturam non ſimpliciter oportet, ſuperficiem externam duntaxat contemplando, ſed diuidendo quoque, ut diximus, ac frangendo: multa enim quæ extrinſecus flaua ac denſa fuerunt viſa, rara intus ac laxa albaque apparuerunt. Hæc ille, E quibus ſane verbis illud etiam ſequitur, nempe panem ex denſo, graui ac flauo tritico confectum, omnium eſſe tum præſtantiffimum tum maximi alimenti, adeoque magis etiam victus ſalubris ratione cõuenire, quam qui ex quibuslibet aliis granis confectus ſit. Panem autem, qui ex nigro atque inueterato tritico præparatur, nemo affatim citra ſanitatis diſpendiũ mandet. Quod ſi quis ei non affueuerit, etiam ſi minimum ſumpſerit, ægrotabit. Eſt enim iniucundus, grauis, cõcoctu difficilis & mali ſucci. Contra vero qui ex electo tritico conficitur, non modo ad concoquendum eſt facilis, ſed hominum etiam corporibus eſt ſaluberrimus, ut qui ſanguinem medium conſiſtentia generet. Medium autem Galenus lib. 3. de alim. facul. cap. 27. vocat, qui neque admodum tenuis eſt, neque aquoſus, neque vehementer craſſus. Verum hætenus de tritici ſecundum ſubſtantiam electionẽ hæc dixiſſe huic ſermoni,



moni, in quo prestantiam inquirere instituimus, satis sit: nunc reliquum est, vt de præparatione nonnihil etiã dicatur. *Sciendum* igitur quod omnia quæ ex farina tritici friguntur, crassi sunt succi, & tarde transeunt, iecorisq; meatus, per quos fertur alimentum, obstruunt, lienis imbecillitatem augment, calculos deniq; in renibus gignunt. Quod si tamen cotta belle fuerint, atq; in sanguinem mutata, admodum nutriunt. Triticum vero elixum, graue & concoctu difficile est eduhum, & inflationes creat. Vires tamen habet magnas, si sic sumptum concoquatur nutritq; valide corpus, ac robur insigne ijs qui ipso vfi fuerint, conciliat. vt lib. 1. cap. 14. de alim. facul, & in libro de attenuante diata capit. 5. testatur Galenus. Concoctu autem inter panes sunt facillimi, qui plurimum sunt fermentati & pulcherrime subacti, quiq; in clibano igne moderato fuerunt assati. Nam ignis ardentior prius statim occursum superficiem externam circumurens in testam modum indurat, acciditque dublici nomine prauum panem fieri: priore quidem, quod partem internam habeat crudam atque illaboratam: posteriore vero, quod externam siccam habeat præassatam ac testaceam. Poro ignis moderato remissior panem minus belle elaborat, sed ipsum crudiores relinquit, & maxime partem omnem eius internam. Qui autem in igne moderato largiore spacio per totos seipsos æquabiliter assati fuerint, ij tũ bellissime in ventriculo concoquentur, tum ad cæteras actiones quæ coctionem consequuntur, erunt accommodatissimi. Pessimi autem panes ij sunt habendi, quibus nihil memoratorum ante adest. Plura

Ga-



Galenus lib. 1. de alim. facult. cap. 9. & infra cap. 24. huius opusculi.

*Lac.* *Secundum*, Lac: quod de eo lactis genere cum primis intelligendum videtur, quod ὀξύζαλα Græci, Arabes Adoc, vel Adhoc vel Adech, Barbrarivero Balbucam nominant, id est, lac acidum ebutyratum. Hoc enim cum pane calido siue recenti, sumptitatum corpora maxime impinguat. Verum cum frigidum sit ac crassi succi, non simpliciter omnibus, sed ijs solis qui id pbe concoquant exhibendum est. A ventriculo enim qui quavis de causa frigidior est, minus belle conficitur: à temperato vero, quamvis ægre, conficitur tamen aliquantum. Contra ventriculi iusto, calidiores, siue ab initio tales fuerint, siue à quapiam causa postea in eam temperiem sint adducti, præterquam quod nihil ab huiusmodi edulijs, iaduntur, commodo etiam aliquo fruuntur. Sed de hoc copiosius Galenus libro 3. de aliment. facultat. capit. 15. Intelligi etiam de lacte caprino potest, de quo cap. 7. abunde diximus.

*Caseus recens.* *Tertium*, Caseus infans, siue recens: de quo Dioscorides lib. 2. cap. 61. ita scriptum reliquit: caseus recens sine sale sumptus alit, stomacho utilis est, & facile in membra diuiditur, corpus augeat, aluum modice emollit: alius tamen alio præstantior, pro natura lactis è quo conficitur. Eadem fere tradit & Auicenna 2. Cano. cap. 126. Etsi vero caseus iam dictus abundanter alit, & corpus iupinguat, nihilominus tamen & ipsius esum consequuntur nocumenta illa, quæ cap. 7. recensuimus. Quare ad secundæ valetudinis usus inutilis habetur.

*Quartum*



*Quartum*, Testiculi: quod primo quidem de *Testiculis*,  
gallorum faginatorum testiculis intelligendum  
est. De illis enim Galenus libro 3. de alim. facul.  
capite 5. in eum scribit modum: Gallorum galli-  
naceorum altilium testes & suauissimi sunt, &  
laudabile corpori præbent alimentum. Et ite-  
rum vbi supra cap. 6. Soli gallorum gallinaceo-  
rum testes vndiquaq; sunt præstantissimi, & po-  
tissimum eorum qui faginati fuerint. Et multo  
clarius adhuc cap. 20. eiusdem libri: Gallorum,  
inquit, gallinaceorum testes sunt præstantissimi,  
præcipue altilium, & multo magis, si cibus quo  
sunt nutriti, seroso lacte fuerit imbutus: nam &  
boni sunt succi, & valide nutriunt, & ad coquen-  
dum sunt facilissimi. Quinetiam Auicennæ testi-  
monio 2. Cano. capite 719. eadem confirman-  
tur. Exigua præterea mole, eodem Auicenna 4.  
1. capite 1. teste, plurimum nutriunt. Deinde ve-  
ro intelligendum etiam de testibus suum iuue-  
num mediocriter pinguium, qui nondum coie-  
runt. Nam quanto suum caro alijs est præstan-  
tior, tanto horum quoque testes aliorum ani-  
mantium testibus sunt meliores, quemadmo-  
dum diserte admodum Galenus lib. 3. cap. 6. de  
alim. facult. demonstrauit. Illud quoque hoc lo-  
co ignorandum non est, nempe adultiorum ani-  
malium testiculos, in quibus semē iam fermenta-  
tum est, ad coquendum esse difficiles, ac virosi  
malique succi: iuniorum vero quæ nondum co-  
ierunt, & in quibus semen nondum fermenta-  
tum est, præstantiores esse, & laudabile corpori  
tribuere alimentum, si belle conficiantur, alios  
tamen magis, alios minus, pro ea proportionē,  
quam in carne inesse diximus.

*Quin-*



Caro por-  
cina.  
Cerebrū;

*Quintum*, procina caro: de cuius præstantia & effectu satis superq; diximus cap. 7

*Sextum*, Cerebrum: de quo copiose admodum Galenus lib. 3. de alim. facult. cap. 7. in eam scribit modum: Cerebrum omne cibus est pituitosior, crassiq; succi, & tarde permeans, ac ad coquendum difficilis. Non minimum etiam cerebrum omne stomacho nocet. Quidam autem ipsius molliæ decepti ipsum ægrotis exhibent, cum præter alia nauscam etiam concitet. Quinimo cum cuiuspiam à cibo vomitum mouere vis, huius partem pinguiter conditam postremis epulis edendam exhibe. Illis vero caue exhibeas, qui cibum non appetunt, quos veteres ἀποστῆς appellabant. Merito igitur nemo cerebrum ab alijs epulis mandit, cum omnes ipsa experientia edocti, sciant ipsum nauscam excitare. Iure etiā plerique cum origano mandunt, vti nonnulli cum sale varijs modis apparato: quippe cum crassi sit succi & excrementitium, omnino fit accommodatius, quando cum incidentibus & calfacientibus fuerit paratum. Si tamen recte conficatur, alimentum corpori præstabit non contemnendum. Hæc ille. Sunt etiam qui cerebrum, prius quam mandatur, super craticulam probe inassandum esse moneant, quod scilicet eius immoderatio per ignis caliditatem magna ex parte corrigatur ac temperetur. Rhazes lib. 3. ad Almanfo: cap. 11. hoc etiam adiungit, nempe cerebrum calidæ quidem temperaturæ hominibus in cibo esse vtile, frigidioribus vero, quique vitam frigidis passionibus obnoxiam degant, aduersissimum. Neque id quidem temere. Quippe similibus (vt testis est Galenus, cum alibi sæpius,



pius, tum præcipue libro. i. de sanitate tuenda, capite 10.) quilibet excessus au. e. scit, contrarijs emendatur ac minuitur. Vt autem summam de cerebro perstringam, ad victus salubris rationem parum accommodum est: quare ex intervallo potius ac parce, quam assidue atque affluenter eo vescantur qui sanitatis tuendæ curam susceperint. Quorundam tamen animalium cerebrum ceu medicamentum valet. Sic cerebrum capreoli aduersus venena & virulentarum bestiarum morsus remedio est. Terrestris leporis inassatum cerebrum manditur iuuandis tremoribus, qui valetudine contracti sunt, affricu aut cibo facilem infantibus dentitionem præstat. Quidam etiam aduersus metum vtiliter edi prodiderunt. Cerebrum pulli & caponis in vino bibendum datur contra serpentum morsus, sanguinem à cerebri membrana profluentem sistit, & in cibo cerebri substantiam auget, vnde & his qui tardiori leuiorque ingenio ac mente sunt, prodesse dicitur. Quod ad electionem attinet, animalia volucra exiguum quidem habent cerebrum, sed ipsum tamen tanto pedestrium cerebro est præstantius, quanto & siccius: volucrum autem ipsorum, montana cerebrum habent quam palustria præstantius, pro aliarum omnium partium proportionem. Porro ex pedestribus animalibus, Auicenna agninum præfert, post hoc vero vitulinum præcipue commendat. 2. Cano. cap. 128.

*Septimum*, Medulla: de qua Galenus libro. 3. de alimen. facult. cap. 8. hæc prodidit: Medulla inquit, quæ in ossibus inuenitur, cerebro est dulcior, iucundior ac pinguior, adeo vt si ea inter

*Dioscor.*

*libri. 2. c. 40.*

*Medulla*

*ossium.*

G se



se comparando gustes, putaturus sis cerebrum  
austerum etiam aliquid in se habere. Porro me-  
dulla nauseam prouocat, si liberalius sumatur  
quemadmodum & cerebrum: nutrit tamen &  
ipsa si probe conficiatur. Auicenna cum semini-  
bus & pipere condit. 2. Cano. cap. 492. Quod de-  
licati quidam lurcones & artis obsonatricis pe-  
riti faciunt cydonijs & passulis. Laudatissima est  
ceruina, mox vitulina, post hanc taurina, deinde  
caprina & ouilla. Dioscor. lib. 2. cap. 66.

*Octauum.* Dulcia vina: de quibus infra capite  
vndecimo.

*Nonum.* Cibus gustu iucundior: talis enim nō  
exiguum corpori tribuit alimentum, quemad-  
modum Hippocrates etiam libro 2. aphorif. 38.  
monet, vbi sic scriptum reliquit: Paulo deterior  
& potus & cibus, verum iucundior, melioribus  
quidem, sed in iucundioribus præferendus est,  
Quam sententiam ipse exponens Galenus: Que-  
cunque, inquit, cum voluptate assumuntur, ista  
ventriculus arctius amplexatur, & facilius con-  
coquit. Refugere autem consuevit ea quæ iniu-  
cunda & insuauia sunt, vtpote quæ vel nauseas,  
vel inflationes, vel fluctuationes pariant: quod  
quidem in plurimis etiam ijs qui boni sunt suc-  
ci, cibus accidit. Quando vero paulo fuerit dete-  
rior, tunc in ijs qui libenter hunc assumunt, non  
modo non etiam deterior, sed quandoque me-  
lior redditur.

*Qua sorbilia.*  
*Ficus.*

*Decimum.* Qua sorbilia: quæ sane præcedenti  
capite parua mole plurimum alere ostendimus.

*Vndecimum.* Maturæ Ficus, de quibus Simeon  
Sethi hæc tradit: Ficus admodum nutriunt, car-  
nem tamen non compactam, neq; firmam gene-  
rant,



rant, ceu panis & fuilla, sed sablaxam ac subinam, vt fabæ: ventrem flatibus implent, nisi probe concoquantur: minus vero ceteris odoris sunt mali succi, & ventrem proritant, & facile exeunt: Effatu vero dignam abstergerendi facultatem obtinent, quo fit vt post ipsarum esum nephritici multas arenas excernant. Maturæ ficus nihil propemodum omnino lædunt, proximèq; ad caricas accedunt, multaq; cum illis vtilia habent. Si quis tamen largius esitauerit, in vira re ab eis offendetur: quandoquidem sanguinem non admodum probum gignunt: quo fit vt ex ipsarum vsu pediculorum multitudo proueniat. Oportet autem post vsum ficuum alimentum quod incidat & extenuet, ingerere. Ad hæc fici pulmonem & thoracem iuuant. Aiunt insuper contra venenosa facultatem habere, si quis singulis diebus ieiunus ijs vtatur. Caricæ pectus iuuant, & ad tusses faciunt, vrinam cient satisq; nutriunt, corporis etiam bonam habitudinem efficiunt. Ante cibum sumptæ ventrem irritant, sed nisi celerius ventrem pertranseant, non bonum sanguinem gignunt. Quapropter si ad satietatem vsque crebro edantur, scabiem & pruritum excitant. Cibus autem bonus est, & aduersus venena remedium, si cum nucibus aut amygdalis comedantur. Renes expurgant, & iecoris lienisq; obstructions auferunt: verum calefaciunt, & sitim inferunt, & flauam in calidioribus temperamentis bilem procreant. Addit Galenus, iecori lieniq; inflammatione obfessis esse noxias, quemadmodum & ficus, non peculiari quadam & eximia facultate, sed communi ratione dulcium omnium ciborum ac po-



rum: obstructis autem illis, aut *σχιππῶ* adfectis  
 ipsas ex sese nil commodare, nec officere, sed  
 medicamentis incidentibus ac extenuantibus &  
 abstergentibus mistas non mediocriter iuuare.  
 Proinde nonnulli Medicorum in dictis lienis ac  
 hepatis affectibus exhibent ipsas longe ante ci-  
 bum cum thymo, aut pipere, aut zingibere, aut  
 pulegio, aut satureia, aut calamintha, aut origa-  
 no aut hyssopo. Ad eundem autem modum si-  
 carica cum alio quopiam eorum quæ faculta-  
 tem habeant acrem, aut omnino incidēdi ac ex-  
 tenuandi assumantur, iuuabunt non solum sic  
 affectos, sed etiam sanos. Siquidem iecoris mea-  
 tus per quos fertur alimentum, apertos esse non  
 ægrotis modo, sed sanis etiam est tutissimum.  
 Ad eum igitur modum vulgo ficibus cum atte-  
 nuantibus, sale, aceto & garo præparatis vescu-  
 rur, quod ipsas vtilis esse experientia didicerint.  
 Plura Dioscorides libro 1. capite 142. Galenus li-  
 bro 2. de aliment. facult. cap. 8. Paulus lib. 1. cap.  
 31 & Aetius lib. 1.

*Duodecimum*, Vux recentes, id est, dulces &  
*Vux.* maturæ. Nam ficus & vux, quemadmodum in-  
 ter fructus autumnales principatum obtinent,  
 ita fugacibus omnibus magis nutriunt, mini-  
 mumq; prauis succi habent, præsertim cum ex-  
 actam maturitatem fuerint adpæ. Porro quod  
 ipsæ nutrant, maximo argumēto sunt ij qui vi-  
 nerarum fructū custodiunt, qui cum duos men-  
 ses solis vuis ac ficibus, quarum custodia præ-  
 sunt, vescantur, (nisi forte panis quippiam cum  
 illis addant) corpulenti tamen admodum fiunt.  
 At caro quæ ex ipsis gignitur, haudquaquam est  
 firma ac densa quemadmodum ea, quæ ex car-  
 nibus



nibus fit, sed laxa est ac præhumida: ob id celeriter etiam cum vesci ipsis desierint, constringitur ac confidit. Verum vix minus alunt quam ficus, maximumq; id ipsis inest commodum, quod velociter subeant. Quo circa si quando hæferint, grauiter lædunt: neq; enim retentæ, belle concoquuntur, & dum in iecur ac venas distribuuntur, succum crudum generant, qui non facile in probum sanguinem mutetur. Vinaceorum siue nucleorum substantia sicca est, & quodammodo adstringens, omniaq; intestina peruat, nihil quod sensu deprehendi queat à sese mutata. Vix vero tantisper à collectione, dum membrana extrinsecus ambiens detumuerit, pensiles aëri expositæ neq; sistunt ventrem, neque proritant, minusq; flatibus implent: cæteris autem facilius concoquuntur, & melius nutriunt. Non parua autem est inter vix differentia, quod aliæ sint dulces, aliæ acidæ, aliæ austæræ, aliæ denique nullam vehementem habeant qualitatem: vocant autem ipsas vinosas. Cæterum quæ dulces sunt, succum habent calidiorum, & ob id sunt sitibundæ: austæræ vero & acidæ frigidiorum: vinosæ autem locum inter calidum ac frigidum medium obtinent. Aluum subducunt dulces, & maxime si sint humidæ. Omnium quidem certe vsus (si quis moderate sumat) est tutissimus, cum natura fuerint carnosæ ac maturæ, siue in vite summam maturitatem obtinuerint, siue quod maturitati deerat, ex consequenti suspensione sint adeptæ. Vix quæ albæ sunt, vehementius aluum turbant & subducunt, magisq; stomachum inflant, quam nigræ. Omnes vero ciborum appetentiam excitant, & Ve-



nerem. Conuenit cum eduntur membranam  
& nucleos expuere, quod difficulter conficiantur, quemadmodum luculenter & perspicue docuit Galenus libro 2. de aliment. facult. capite 9. & libro 1. de locis affect. capite 4. & post eum Simeon Sethi in Syntagmate de ciborum facult. Ceterum vuae recentes è quibus vinacei exempti sunt, celerrime pertranseunt, cibisque alijs præeunt, si in ventriculum purum inciderint, & sumptæ primis epulis fuerint. Quod si sumptæ post alios cibos fuerint, aut etiam prauum succum in ventriculo offenderint, celerrime una cum alijs cibis corrumpuntur. Idem de alijs quoq; fructibus aluum subducentibus intelligendum. Si cui viridibus ac recentibus vuis vesci placuerit, ad horam fere in aqua feruida ut maceret, ac frigida deinde abluat oportet, prius quam mandere ipsas aggrediatur: quæ enim ita præparantur, innoxia fiunt. Vuas quæ subtilem ac tenuem habeant corticem, citius deorsum concedere, minusq; ventrem flatibus implere: his vero contrarias contraria operari, Rhazes libro tercio ad Almanso. cap. 20. autor est. Vuæ acerbæ atq; immaturæ frigida & humida sunt, ventrem constipant, stomachum corroborant, & caliditatem à flaua bile ortam sedant, sed parum nutriunt. Succus inde expressus, qui Græcis vocatur ὀψοφάειον, vulgo Italarum & officinis Agresta, bibitur ad recentem sanguinis excretionem, etiam si rupta parte aliqua contingat: sed paucò & aquatior est utendum. Plurimis vero ante diebus inueteratur, cumq; stillatio rosarum liquore decoctus atque exhibitus nauſeantibus, & his qui cibaria in ventriculo non  
reti-



retinēt succurrit. In cibo adstringit, bilioso alui  
profluuiō & dysenteria proficit. Sunt præter *Vua passa.*  
has etiam vua sicca, quæ quod in siccando So-  
lem patiantur & ignem, passa siue passula vo-  
cantur: hæ sunt alijs vuis calidiores, stomacho  
gratiores, valentius alunt: sed minus subducūt  
aluum, eandemq; ferme cum aliis vuis habent  
rationem, quam carica cum ficibus. Multa e-  
nim fiunt dulces: acerbæ autem omnino pauca,  
plurimæ vero ex dulci & austera qualitate sunt  
mixtæ: quanquam dulces nonnihil quoq; au-  
steræ qualitatis habeant, & austera dulcedinis.  
Cæterum vt dulces temperamento sunt calidio-  
re, ita austera frigidiorē. Ad hoc austera sto-  
machum roborant, & ventrem constipant, & his  
multo magis acerbæ: mediam autem quodam-  
modo inter ipsas constitutionem dulces obti-  
nent, vt quæ nec stomachum dissoluant, nec al-  
uum subducant. Dulcibus tamen vt vis quædam  
semper inest temperandi, ita & mediocriter  
detergēdi: quibus duabus facultatibus exiguas  
mordicationes, quæ os ventriculi infestant, ob-  
tundunt. Belle nutriunt exacinata, pectus &  
pulmonem iuuant: stomachum, iecur, & lienem  
corroborant. Cum nucleis manducata condu-  
cunt intestinis. Est tamen præstabilius nucleos  
expuere, propter duritiem & ferream ipsorum  
essentiam. Vua passa pingues septem drachma-  
rum pondere per sex dies sumptæ ab ieiuno pur-  
gans phlegma, & sanguinem abundare faciunt.  
Tota substantia familiares sunt hepati, & vsu  
crebro consueta: nutriunt enim ipsum & im-  
pinguant, sanguini bonum colorem præstant, &  
humores percoquunt: ob id felicissime exem-



ptis vinaceis miscentur medicamentis hepaticis. Sed si paulo largius sumantur, incendunt & exurunt sanguinem. Præstantiores autem sunt quæ tum pingues sunt, tum corticem habent tenuem, dulcioresq; Passulæ minus quidem quæ caricæ ventrem mouent absterguntque, stomacho tamen magis accommodantur. Plura Galenus libro 2. de alim. facult. cap. 9. & 10. Paulus libro 1. capite 81. Aëtius libro 1. Simeon Sethi in Syntagmate, Rhazes libro 3. ad Almanf. cap. 20. Auicenna 2. Cano. cap. 737. Auerrhoes 5. Colletan. capite 37. Rabbi Moses Tract. 3. ad Sultanum Babyloniæ, & Iacobus Syluius lib. 1. de medic. simpl. nat. Ex quibus sane omnibus satis liquet, quæ de recentibus hoc loco dicuntur vuis, ea etiam de passulis esse intelligenda.

### DE BONI VINI PROPRIETATIBUS.

#### CAPVT X.

**V**ina probantur odore, sapore, nitore, colore.

*Si bona vina cupis, quinq; hæc laudantur in illis:  
Fortia, formosa, & fragrantia, frigida, frigida.*

Quatuor generales boni Vini differentias primus versus complectitur: cuique ex omnes insunt, id ipsum vulgari ioco, nimirum ob colorem, odorem & saporem, Cos appellari solet.

*Vini odor.*

*Prima* quidem Odor est. Vinum enim instar *Oribas. lib. 1. aromatis vnguentiq; suaueolens, Constantino cap. 22. ad Africano libro 5. Theorices. cap. 28. teste, alimētum corpori suppeditat non mediocre, succum gignit laudabilem, partes principes facultatum ceu fontes corroborat, facultates animamque exhilarat, spiritus quoq; tenues adauget, eosq; lan-*



languidos, tantumq; non exsolutos reficit & recreat: quo fit vt sola etiam olfactu *ἀνισχυμίας* languentibus saepe animum reuocet. Iucundo enim odore, quemadmodum in libro de Alimētis Hippocrates testatur, vires celerrime reficiuntur. Contra quod foetidum est, natura abominatur. Spiritus namq; crassos & melancholicos, & malum succum generat, prauamq; fumorum qualitatem sursum transmittēs capiti dolorem infert. Humain vero siue Ioannitius de Vini differentia quæ ab odore sumitur, in supplemento commenta. i. Galeni in lib. 3. Hippoc. de vict. rat. in morbis acut in hunc ferme modum scriptum reliquit: Vinum boni odoris succum quidem gignit laudabilem, sed quum calidiore sit temperamento, subtilioreque substātia, corpus celeriter calefacit, & caput vaporum copia infestat. Quod vero non boni odoris existit, sed ferientem quandam & insuauem nactum est qualitatem, etsi prauum procreat sucum, capiti tamen ob frigiditatem & crassitiem suam minorem noxam suggerit. Quod nullo deniq; pacto odorem habet, sed est aquæ instar inodorum, hoc ipsum cum insigni crassitudine præditum sit, tantum abest vt caput offendat, vt ei ne vapores quidem aut fumos communicare possit.

*Secunda. Sapor.* Quod præcedenti capite de iucundiorē cibo diximus, si ad iucundiorē etiam vini saporem transfuleris, nihil erit quod nos de ipso nouū dicere oporteat. Etenim & hoc quoq; cum voluptate assumitur, auidius à ventriculo attrahitur, & melius nutrit. Non ignorandum tamen hoc loco, quod & vini secundum gustandi qualitatem permagna sit diuersitas. Dulcia e-

*Vini Sapor.*

G s nim,



nim, eodem Constantino teste, plus alijs nutriunt, sanguinem crassiores generant, ventrem humectant, concoctioni renituntur, & sitim excitant. Pontica siue *σιν λυγ* stomachum quidem corroborant, ventrem constipant, & intestinis conueniunt, sed in thoracis pulmonisq; aggritudinibus, in quibus sputum detinetur, inhabilia sunt neq; facile concoquantur. Acerba quæ etiam *δυσεν λυγ* sunt, hoc est, quemadmodum infra cap. 44. ostendetur, urinam prouocant, crassos humores incidunt atque dissoluunt, amara minore caliditate participant.

*Vini nitor.*

*Tertia*, Nitor, siue splendor, qui sane non ipsius modo vini, sed etiam spirituum, qui inde ortum habebunt, subtilitatem arguit.

*Vini color.*

*Quarta*, Color: quod enim ad vini nutrimentum attinet, non parua eius secundum colorem differentia est. Rubicundiora namque (si ipsis cætera omnia ante pariter adfuerint) potentius quam alba nutriunt: atque ea de causa macris etiam quam alba conuenientiora sunt. Contra vero obesis ac pinguibus alba magis conferunt. Verum de hac vini differentia capite octauo abunde diximus.

*Fortis.*

Duo sequentes versus quinque speciales boni vini notas continent. Quarum prima quidem est, ut sit forte: fortitudo vero ex effectu apprehenditur. Vinum enim potens, Galeno cõment. 1. in lib. 3. Hippoc. de vict. rat. in morbis acut. teste, vehementer celeriterq; corpus calefacit, caputq; ferit. Idem etiam cõment. 2. in citatum Hippocratis librum, ijs confirmat verbis: Fortia vina vehementer calefaciẽtia caput humoribus vaporibusque & caliditate replent. Eiusmodi  
namq;



BONA VALETVDINE. 107

namq; vina praterquam quod non mediocriter corpus alant, spirituum etiam non exiguam copiam generant. Abstinentum tamē ab ipsis, nisi diluta sint, ijs potissimum qui debile cerebrū habent. Cum. n. vaporosa admodum sint, facile caput grauiāt, eaq; occasione cerebrum offendunt.

*Secunda*, vt sit formosum : Vinum enim formosum siue pulchrum maiore cum voluptate assumitur, probius cōcoquitur, & facilius in corpus distribuitur, promptiusq; nutrit. *Vinum formosum.*

*Tertia*, vt sit fragrans. Vinum enim fragrans siue suaueolens & aromaticum, vires maxime roborat, & vt paulo ante dictum est, spiritus tenues generat. *Vinum fragrans.*

*Quarta*, vt sit frigidum. Nam vinum actu siue φαντασία frigidum esse debet, nō autem facultate aut potētia. Quod enim ab externo aliquo calido calescit, hoc rarius statim & tenuius penetrantiusq; vt omnia subeat, redditur: qua ratione nisi quis ipsum parcissime sumpserit, citius inebriat: neruos debilitat, & caput laedit. *Vinum frigidum.*

*Quinta*, vt sit friscum, siue leue. Tale autem cum primis censendum, quod effundendo sonū efficit, spumamq; agit in medio tenuem ac facile labilem seu euanescentem: vel per cuius furam modo sursum, modo deorsum discurrentes conspiciuntur ἀτομοί id est, minutissima quaedam corpuscula, qualia in Sole videntur, quum per fenestram radios ac lumen immittit. Nisi enim ita affectū fuerit, pendulum dicitur, ac multo etiam magis, si penitus sono atq; atomis destituatur. Quod vero spumā habet cum magnis ampullis ad scyphi latus diu herentibus, debile, siue dilutum esse dignoscitur, *Vinum friscum.*

DE



DE CONSERVANDA  
DE VINO DVLCI ET  
Albo.

## CAPVT. XI.

**C**orpora plus augent tibi dulcia, candida vina,  
Alij sic:

*Sunt nutritiua plus dulcia candida vina.*

*Vinum can-  
didum &  
dulce.*

Docetur hoc versu candida & dulcia vina, si  
ipsis cetera quoque adfuerint, quam reliqua ma-  
ioris esse nutrimenti. Cuius quidem rei causa  
dulcedini attribuenda est. Nutrimentum enim  
hominis, ut copiose admodum lib. 4. de simpl.  
medic. fac. capite 14. Galenus monstrat, dulce  
aut dulci permistum esse oportet. Quippe dulcia  
cum naturæ sanguinis nostri & carnis proxime  
congruant, non solum ori & palato, verum & a-  
lijs plerisque visceribus accepta sunt, adeo ut ab  
illis auidissime excipiantur. Vngunt enim, im-  
plent & restituunt erosas particulas. Atque ita sa-  
ne fit, ut vina quoque quæ cap. 8. in numero cor-  
pus nostrum alentium posuimus, quo dulciora  
sunt, eo magis nutrant. Quod etiam Auic. testi-  
monio confirmatur, qui 3. 1. doct. 2. cap. 8. ita fere  
scriptum reliquit: Vinum quod crassum simul  
est & dulce, ijs potissimum conuenit, qui corpo-  
ris robur atque molem sibi parare student. Idem  
tract. 1. 2. Cano. cap. 3. causam, cur dulcia pluri-  
mum alant, hanc esse tradit: Nempe quod dul-  
cibus natura delectetur, & quæ visceribus inest  
trahendi vis, eadem auidissime rapiat. Quanquam  
vero hic versus de omni vino dulci recte intelli-  
gitur, mediocre tamen, quod summum dulcedi-  
nis gradum non attingit, præferendum est. Nam  
quæ excellenter dulcia sunt, quale Appianum est,  
quod



quod Muscatellum, siue Muscatellinum vulgo dicitur, sanguinem corrumpunt. Naturalis enim vis hepatis ea ex ventriculo, priusquam cōcocta & à superfluitatibus secreta sint, exugit atq; attrahit: quare sanguis serosis & crudis expletur humoribus, adeoq; vt ebulliat atq; putrescat idoneus efficitur. Neq; id solum de vino, sed & de omnibus extreme dulcibus æstimandum est, Adhæc dulcia omnia, quæ sumuntur immodice, corporibus ad patiendum paratis, triplex noxæ genus important. Quorum primum quidem est. fastidium: Dulcia enim caliditate atq; humiditate sua os ventriculi leniunt ac læuigant, illique affectionem inanitioni ac accurugationi, famis causa, contrariam inducunt. Secundum. Velox inflammatio atq; in flauam bilem conuersio: ad cuius generationē dulces humores omnes idonei sunt. Quo fit omniū horum maxime mel bilesat, quod dulcissimum fit: deinde & dulcia vina. Hæc eadem & sitim faciunt propter tum caliditatem, tum crassitiem, nec conferunt febricitantibus, neq; biliosis, quemadmodū Galenus comment. 2. in lib. 3. de vict. rat. in morb. acut. luculenter & perspicue docuit. Tertium hepatis atque lienis obstructio. Hæc enim viscera dulcia vehementer appetunt, eaq; ante perfectam concoctionem ad se vna cum facibus trahunt, & maxime hepar, vnde facilius etiam in obstructionis periculum adducuntur, crassa nimirum substantia, in qua dulcis sapor fixus ac fundatus est, ad hoc cooperante, vt testis est tract. 1. secundi Can. capit. 3. Auicen. Eadem ratione reliquis etiam lotiū minus citant ac profundunt. Cæterum aduersus iam dicta tria in-

commo-



commoda acida cumprimis remedio sunt. Appetentiam cum aciditate teuocant, inflammationem frigiditate restringunt, & obstructions substantiæ subtilitate recludunt. Et licet vina aliaque nutrimenta dulcia hepar atque lienem obstruant, in pulmone tamen contrarium operantur: hunc enim ab obstructione liberant. Nā in descensu per *οινοπνεύμα* qui Arabibus Meri appellatur, nihil ad ipsum à dulcib. refudat, nisi subtile: neque sanguis ex rebus dulcibus genitus ad pulmonem penetrat, nisi prius in hepate depuratus atq; in corde tenuatus fuerit, quemadmodum id ipsum Galenus comment. 2. lib. 3. de vict. rat. in morbis acut. clarissime ostendit. Vina itē dulcia minus inebriant. Cuius rei grauiissimum habemus testem Hippocratē, qui lib. 2. de vict. rat. in morb. acut. aphor. 2. in eum scribit modum: Vinum dulce vinoso minus caput grauat, minusq; mentem ferit. Rationem reddit Macrobius libro. 7. capite 7. Saturnal. Ex dictis iam omnibus colligitur, corpori quod vel naturæ ipsius habitu, vel ab alia quapiam extrinsecus obrepente causa extenuatum est vinum dulce cumprimis & crassum ac sufficienter coloratum exhibendum esse. Hoc enim euidenter nutrit, substantiamq; corporis deperditam restituit, & impinguat. Sed corpori obeso ac pingui vina tenuia, odore & sapore iucunda subalbida & moderate fortia, magis ex vfu sunt. Sitis restinctioni adhibendum est vinum album tenue, ac debile. Hoc enim non refrigerat solum, sed valide etiam humectat, quo fit vt sitim etiam facilius depellat: & quanto sitis vrgentior fuerit, tanto illud conuenientius sumitur. Ad  
spiri-



Spirituū vero & virtutum tum instaurationem, tum roborationem, vinum subtile, odoratum, sapore gratum, colore moderatum & sufficientis fortitudinis vtilius bibitur, idq; cum paucō cibo. Porro affectus thoracis ac pulmonis, qui diuturni sunt & sine febre, à vinis mediocris substantiæ & sapore dulci multum iuuantur, & potissimum qui humoris per sputa expectoratione purgantur, quemadmodum copiosius in libro de attenuante diata capite vltimo Galenus docet. Eadem ad alui subductionem perquam vtilia habentur.

## DE VINO RVBRO.

## CAPVT XII.

**S**i vinum rubrum nimium quandoq; bibatur,  
Venter stipatur, vox limpida turbificatur.

Hic recensentur duo incommoda ex immoderata vini rubri potatione.

*Primum*, Ventris constipatio: Quod sane de immoderatiore vini rubri styptici, siue pontici assumptione intelligendum est. Hoc enim cum constipandi, densandi, & astringendi vim habeat, non solum ægre in corpus distribuitur, sed alium quoque suppressit.

*Vinum rubrum no-  
cium.*

*Secundum*, Gutturis & faucium exasperatio, siue raucitas. Eam enim vina quædam impense rubra siccitate & terrena essentia sua efficiunt. In horum numerum vina quoque rubra Brabantia reponenda sunt. Nam & ipsa sane ob siccitatem & terrenam essentiam fauces exasperant, idque potissimum cum adhuc musta sunt, alium tamen non cohibent. Musta enim admodum rubentia ventris soluendi vim habent, &

*Faucium  
exasperatio.*

hoc



hoc quidem ex multa terrenæ fecis admittance.  
 Hæc enim propterea quod nitrosa ac salsa qua-  
 litate prædita sit, intestina mordicans & ab-  
 stergens, alui subductionem molitur. Ab eius-  
 modi igitur, dum musta, id est, turbida sunt ac  
 feruent, abstinendum est. Ex quo enim mordi-  
 cant, mordax etiam fumus ab ipsis resoluitur,  
 qui ad cerebrum sublatus oculos acrimonia sua  
 corrodit atque rubefacit. Idem de mustis quo-  
 que Brabantia, siue ea rubra, siue alba fuerint,  
 æstimandum est. Causa autem cur fumus iste  
 mordicet, ex eo est, quod vinum vnde dissolui-  
 tur, sit mordicatum. Oportet enim similem  
 esse defluxum subiectæ substantiæ, vt comment.  
 14. libro. 1. aphorif. & comment. 2. libro 3. de  
 vict. rat. in morb. acut. Galen. clarissime ostendit.  
 In vniuersum vina crassa, pontica, siue *συμπλικα*  
 rubra vel nigra opportune ad retentoriæ facul-  
 tatis ventriculi aliorumq; viscerum corroborati-  
 onem bibuntur: quando nimirum recremen-  
 ta vel plura iusto, vel ramentosa descendunt, ve-  
 lut in alui profluuium atque dysenteria contingit,  
 sicuti & vina alba austera, & quæcunque alia ad-  
 stringentia medicamenta. In eum vsum & ful-  
 ua vina profunt, non tamen simpliciter fulua,  
 sed fulua austera, quemadmodum Hippocrates  
 libro. 3. de vict. rat. in morb. acut. aphorif. 7. &  
 post eum in suis commentarijs Galenus mani-  
 feste docuerunt. Quibus autem venter non fa-  
 cile concoquit, ijs vina subtilia, vel substantia &  
 colore mediocria odorata, sapore iucunda,  
 sufficientet fortia, ac stypticitate  
 quadam participantia  
 conferunt.

DE



DE LETHALIVM VENENO-  
rum Remediis.

## CAPVT XIII.

**A**llia, ruta, pyra, & raphanus, cum Theriaca nux,  
Præstant antidotum contra lethale venenum.

Hic sex referuntur *ἀντιφάρμακα* & remedia  
contra lethalia venena ac venenatorum morsus.

*Primum*, Allium: quod cum aduersus omne  
venenorum genus, tum imprimis aduersus vi-  
tiosæ ac corruptæ aquæ noxas remedio est. Præ-  
sumptum enim, quemadmodum id ipsum Dio-  
scorides lib. 2. cap. 138. Plinius libro 20. cap. 6. &  
Constantinus Cæsar lib. 12. cap. 30. de agricultu-  
ra, clarissime ostendunt, vires eius quæ per im-  
prudenciam bibitur, inefficaces atq; irritas red-  
dit. Auicenna 2. Can. cap. 122. parem facultatem  
& Cæpe attribuit: quo fit vt sub Allio hoc quo-  
que comprehendi debeat. Idem 3. 1. doct. 5. ca. 7.  
ceu Theriacen vitiosarum aquarum cæpæ com-  
mendat, & maxime quidem, si cum aceto sumat-  
ur. Nam cæpe cum extenuandi, incidendi cum-  
que stypticitate quadā abstergerendi & non igna-  
uiter aperiendi vires obtineat, caloreque quar-  
tum ordinem accedat, malas aquas, ne frigidita-  
te ventriculum offendant, temperat, crassasq; vt  
promptius descendant, extenuat. Acetum vero  
cum ipso permistum non modo virtutem eius in  
aquarum, tum extenuatione, tum penetratione  
auget, sed à siti quoque, quam cæpe mouere so-  
let, præseruat. Eadem & in allio ratio est: quare  
post crassarum & turbidarum aquarum potum  
præcipue cōmendatur. Eas enim vt cito descen-  
dant, extenuat, & ne ventriculo ac intestinis of-  
ficiant

H

ficiant



ficiant, venasque obstruant, iuuamentum præstat. Allium præterea Auicenna 3. 1. doc. 5. cap. 4. teste, iter facientibus contra occurrentis aeris frigiditatem mirifice prodest: quia ex causa per diuersas mundi plagas oberrantibus varioq; potu vtentibus vtilissime præsumitur: id quod Maçer lib. 1. c. 5. hisce etiam versibus innuere voluit:

*Allia qui mane ieiuno sumpserit ore,  
Hunc ignotarum non laedet potus aquarum,  
Nec diuersorum mutatio facta locorum.*

Allium quoq; contra virulentarum bestiarum, serpentium & viperarum ictus, & priuatim hæmorrhoidi, prodest, ita vt non aliud magis, si cum vino ingiter adsumatur, aut tritum in eodem ebibatur. Contra rabioforum morsus & illitu & cibo valet. Venenatis *μυζαλῆν* hoc est, muris aranei morsibus efficacissime cum ficulneis frondibus & cymino illinitur. Quin & venenata animalia allij odore fugantur, vt Æmilius Maçer loco paulo ante citato his versibus innuit:

*Hac ideo miscere cibus messoribus est mos,  
Vt si forte sopor fessos de presserit illos,  
Vermibus a noctuis tuti requiescere possint.*

Hanc forte ipse ob causam, aut potius quia sint allia addita apud Virgilium,

*Thestylis & rapido fessis messoribus astu  
Allia serpillumq; herbas contundit olentes,*

Porro cum fætor allij ijs qui id non degustarunt, longe grauissimus & molestissimus sit, ei quoque rei, ne qui sumpserunt, alios offendant, remedium aliquod adhibendum est. Menander itaque è Græcis autor est, allium edentibus si radicem betæ in pruna tostam superederint, odorem extingui. Quidam tradunt ipsa grauem

hali-



halitum non esse factura, si quis ab ipforum esu  
 crudam fabā insuper mandat. Hieronymus Tra-  
 agus eandem facultatem viridibus etiam Rutæ  
 folijs adsignat. Macer lib. 3. cap. 6. Zedoaria ra-  
 dicem id efficere his verbis tradit:

*Allia quem faciunt fætorum pellit ab ore.*

*Cape* quoque ex Dioscoridis Anazarbei sen-  
 tentia rabiosi canis moribus cum sale ruta &  
 omelle illitum auxiliatur. Eadem ad verbum ha-  
 bet Auicenna 2. Cano. Cap. 122. *Cape* præterea  
 flatus venenatorum in cibo discutit atq; expel-  
 lit. Et succus, qui ex eius esu plurimus in stoma-  
 cho gignitur, peculiari quadam proprietate ve-  
 nenatorum noxas frangere à quibusdam credi-  
 tur. Cæterum silentio illud hoc loco minime  
 prætereundum est, quod Allium, *Cape* ac Por-  
 rum in cibo non conueniant, neque tempera-  
 tis, neque calidis corporibus. Nam præterquam  
 quod paucissimum & prauum dant alimentum,  
 macrem etiam atque pungentem sanguinem, ma-  
 xime si cruda ingerantur, generant humores  
 tamen crassos tenuant, lentosq; incidunt. De-  
 omniq; omnia hæc si cruda edantur, peiores quam  
 cocta succos procreant, ac plus humoris excre-  
 mentitij continent. *Potrum* Simeon Sethi ca-  
 bulidum & siccum in secundo facit ordine. Vri-  
 nam ciet, & noxium fucum creat. Assidue co-  
 mestum visus hebetudinem & capitis dolorem  
 efficit. Stomacho aduersatur. Difficilia inuehit  
 somnia. Neros, dentes & gingiuas acrimonia  
 sua ladic: & sanguinem nigrum atque melan-  
 cholicum generat. Biliosis itaque & melancho-  
 licis vitandum est, potissimum si crudam fue-  
 rit. *Cepæ* ex quarto sunt ordine excalfacentium,

*Cape.*

*Potrum*



earumque essentia crassarum est parrium. Si succum exprimas, quod reliquum est admodum terreæ substantiæ est, eiusque calidæ: at succus aqueæ aeræque caliditatis. Si crudæ edantur, humores in stomacho malos, putridos & corruptibiles generant. Difficilia & terribilia inducunt somnia. Largiore cibo capitis dolores cient. In morbis coctæ etiam lethargicos & phreniticos efficiunt, memoriam & rationem, ut aliqui ferunt, lædunt. Si vero cum electæ carnis iusculo coquantur, plurimum malignitatis deponunt, appetentiam inuitant, concoctionem promouent, & frigidos cibos, quibus cum percoquantur, temperant. Si quis tamen crebrius his utatur, in lienis vitia incidit. Tutius igitur est, eas raro attingere. *Allium*, ut Galeno placet, excalefacit quarto excessu, humiditate quidem participat aliqua, sed minore quam cape, inflationes permutat alteratue. Veterem tussim crudum coctumue comestum lenit. Asperas arterias clarificat, & sreatum prouocat. Aciem oculorum esu heberat. Capitis dolorem facit. De eo hoc amplius Galenus lib. 12. method. medend. cap. 8. Est inquit allium ex eorum ciborum genere, qui & flatum discutiant, & minime sitim inferant. Sunt qui, parum id experti, existimēt maiorem quam capax sitim excitare: sed plane errant: cum non modo non maiorem quam capax, sed nec omnino sitim faciat. Idem omnium plane eduliorum maxime flatum discutit. Itaque ipse certe agrestium theriacen id appello. Abstinentum tamen ut paulo ante dictum est, assiduo horum trium usu, & potissimum cum is qui ipsis vescitur, natura fuerit biliosus. Solis enim qui vel succū pituito-



uitosum, vel crudum & crassum ac lentum acer  
marint, cibi eiusmodi sunt accommodati.

*Secundum*, Ruta: Eius duo sunt genera: Vnum *Ruta.*  
satiuum atque hortense: alterum montanum,  
syluestreque. Ruta montana sylvestrisq; in ci-  
bis damnatur, quod ex quarto sit ordine excalfa-  
cientium & siccantium. Satiua verò cum ex ter-  
tio sit, in cibos magis admittitur. Est autem non  
solum gustu acri, sed & amaro. Ex quo sane etiam  
digerere atque incidere crassos lentosque hu-  
mores potest. Ob eam vim & per vrinas euacu-  
at. Quin & tenuium est partium flatusque extin-  
guit. Quare ad inflationes coli, vteri, & recti in-  
testini competit, ac Veneris appetitum cohibet,  
discutit atq; exiccat strenue: est enim eorum  
ex numero medicamentorum, quæ valenter de-  
siccant. Traditur etiam, quod cruda saleq; con-  
ditata ac comesta visus aciem mirum in modum  
exacuat: ob id antiqui sculptores & pictores  
hoc cibo assidue utebantur. Nonnulli & succum  
eius cum succo fœniculi & melle cōmiscentes,  
medicamentum ad oculorum aciem acuendam  
conficiunt. Verum cum acrimonia quædam ocu-  
lis infesta succo eius insit, ventilando applicari  
debet, vt vapor eius tantum, & non substantia  
oculos pertingat. Quæcunque autem ruta & per  
se prolethium medicamentorum antidoto va-  
let, folijs tritis & ex vino sumptis: contra aco-  
nitum maxime & ixiā, item fungos, siue in po-  
tu detur, siue in cibo. Valet & contra scorpionū  
ictus, & araneorum, apum, crabronū, vesparum  
aculeos, & cantharidas, ac salamandras, canisue  
rabiosi morsus. Acetabuli mensura succus, siue  
semen e vino bibitur, & folia trita vel comman-

H 3 duca-



ducata imponuntur cum melle & sale, vel cum aceto & pice decocta. Succo vero perunctos aut eam habentes negat feriri ab his maleficijs, serpentesque, si vratur ruta, nidorem fugere. Folia per se praesumpta, aut cum nuce iuglandae aridisq; ficis inefficaces venenorum vires reddunt: contra serpentes simili modo sumere conuenit. Aristoteles libro 9. cap. 6. de historia animalium tradit, Mustelam dimicaturam cum serpente rutam comedere. Odorem enim eius infestus est serpentibus: Ruta quoque cum ficibus & amygdalis dulcibus mane sumpta, a veneno praeseruat. In sanctuarijs Mithridatis maximi Regis deuicti Cn. Pompeius inuenit in peculiari commentario ipsius manu compositionem antidoti, e duabus nucibus siccis, item ficis totidem, & ruta folijs viginti simul tritis, addito salis grano: & qui hoc ieiunus sumat, nullum venenum nociturum illo die. Autor est Plinius lib. 23. natural. histor. ca. 8. Eadem Galenus quoq; lib. 2. de antidotis cap. 43. & lib. 2 de aliment. facult. cap. 28. & in libro de cibis boni & mali succi, capite 14 confirmat. De Ruta plura leges apud Dioscoridem libro 3. cap. 44. Plinium lib. 20. cap. 13. Galenum lib. 8. cap. 49. de simpl. medicament. facult. Constantinum Caesarem lib. 12. cap. 25. de agricult. & Simeonem Sethi in Syntag.

*Actius libr.*  
13. cap. 46.

*Pyra.*

*Tertium*, *Pyra*: Hac namque veneni & praecipue fungorum malignitatem pellunt abiguntq; Quod quidem de pyris syluestribus cum primis intelligendum videtur. De eis enim Dioscorides libro 1. capite 129. ita scriptum reliquit: *Adiungunt fungos, si syluestria pyra cum eis coquantur, innoxios fieri.* Et lib. 2. cap. 28. de lethalibus

me-



medicam. Fructus aut folia pyraſtri cum fungis decocta ſtrangulantiem illam vim auferunt, eſi *Aetia* rataq; eiſdem auxiliantur. Quod Paulus Aegi- *libr. 13.* neta lib. 5. cap. 54. in hunc ſcribens modum, in- *cap. 73.* nuere etiam voluit: Pyra ſylueſtria, aut folia ſi- mul incocta, vim ſtrangulandi, quæ fungis ineſt, tollunt, eademq; in cibo conferunt. Hanc py- rorum contra fungos efficaciam Plinius lib. 23. cap. 7. ponderi & pugnanti ſucco attribuit. Intel- ligi præterea poteſt & de pyris aromaticis, quæ ſane cum ſpiritus fragrantia ſua corroboræt, ve- neni etiam noxam pellunt.

*Quartum, Raphanus:* Eius Græci duo faciunt genera, ſatiui & ſylueſtris. Satiuus hodie pecu- liariter Raphanus minor dicitur Sylueſtris Pli- nio libro 19. capite 5. teſte, Latinis *Armoracia* appellatur. Satiuus excalefacit ordine tertio, de- ſiccatur ſecundo. Sylueſtris autem in vtroque effi- caciior eſt. Quin & ſemen ipſum planta effica- cius eſt. Satiuus contra viperarum ictuſ auxiliatur. His qui fungis ſtrangulatur tam cibo, quam potu ſalutaris eſt. Si quis ieiunus ipſos accipiat, ſecurus erit, vt ne à medicamentis lædatur. Suc- cus ipſorum ex aqua acceptus boletis & vene- nis reſiſtit. Si vero raphani ſucco quis manus ſuas probe illinat ac confricet intrepide & citra periculum reptilia ac ſerpentes apprehendet. Scorpijs impoſiti raphani e veſtigio ipſos inter- ficiunt, & ſuccus ad hoc magis valere experimē- to comprobatur. Si quis præſumpto raphano à ſcorpio percutiatur, non ſolum non morietur, ſed etiam celerem ſanitatē adipiſcetur. *Raphanus* autem ob eam etiam cauſam contra venena valere dicitur, quod vomitiones moueat, qui- *Raphanus.*



bus stomachus à noxiis humoribus expurgetur. Semen quoque venenis & venenatis vermibus aduersatur. Contra cerastæ morsus potum ex vino auxilio est.

Raphanus ipse cum manifesta calefactione attenuandi atq; incidendi facultatem habet. Nam qualitas acris in ipso superat: quibus rebus pituitam incidit & absumit. Sanguinem acrem atque pungentem efficit, eoque biliosis nocet. Stomacho aduersatur, ructus ciet, humorē crassum ac lentum, & si virtus concoctrix debilis fuerit, crudum etiam generat. Vomitum cieri per raphanum sumptum ante reliquum cibum, dicit Dioscorides lib. 2. cap. 101. vtpote qui hoc modo cibum eleuet, & ad euomendum protrudat. A reliquo autem cibo sumptum, αὐτὸ ὀδον, hoc est, distributionem ciborum in corpus iuuare perhibet, his verbis: Summo tamen cibo sumi debet, quo magis eius distributionem adiuuet: cum autem præsumitur, cibum suspendit: quare vomituris commodissime datur ante cibum. Verum Galenus libr. 2. de alim. facult. cap. 70. semirari ait, tum Medicos, tum idiotas, qui raphanos crudos à cœna ὀπιψίας ἐνεκα, id est, bonæ concoctionis gratia edunt. Ipsi quidem, inquit, hanc rem experientia satis sibi exploratam esse affirmant: qui tamen ipsos sunt imitati, omnes læsi fuerunt. Sumpti enim post cibum, coctionē non iuuant, sed impediunt potius. Subinde enim eructant, ventriculum probe claudi non sinunt, caput vaporibus replent, eiq; grauitatem inducunt. Minus tamen officiunt qui exigua copia à cœna cum sale & aceto ingeruntur: Inde ὀψίαν καὶ πλὴν Ἀγρίοιαν ἀεπὶ βολον, id est, bonā inge-



ingenii habitudinem ac industriã homini, men-  
temque quæ recte & perspicue percipiat atque  
intelligat efficere tradunt. Dioscoridi sensuum  
etiam aciem excitant: Lienem extenuant, ieci-  
nori & lumborum doloribus præfunt. Nonnulli  
quoque cum oxymelite vomendi gratia propi-  
nquant, multamque educunt pituitam, & à febre  
quotidiana sæpe & quartana liberant. Folia si  
parua copia sumantur, coctionem adiuuant, &  
ad appetentiam quæ collapsa fuerit, excitandam  
accommodata sunt. Plura de raphano Dioscori-  
des atque Galenus locis paulo ante citatis, Plin.  
lib. 20. cap. 4. Constantinus lib. 12. de agricul.  
cap. 22. & Simeon Sethi in Syntag.

*Quintum, Theriace:* Hæc enim tota substantia *Theriace.*  
sua tam brutis, quam ratione præditis animalibus  
contra omne veneni genus auxilio est, ne-  
minemque pollicito frustrari sinit. Siquidem  
nullum vnquam à feris, quæ hominem solent  
interimere, commorsum, hoc statim epoto anti-  
doto periisse, memoriæ est proditum. Nullus ea-  
dem præsumpta haud multo post morfu impe-  
ritus belluæ veneno ceu illam superante, inte-  
riit. In pestifera etiam lue solum hoc antidotum  
malo correptis prodesse adeo hætenus visum  
est, vt nullum aliud præsidium tanto malo re-  
sistere fuerit idoneum. Namque pestis, tanquam  
& ipsa existat quædam bellua, haud paucos in-  
terimit, verum ciuitates quoq; totas depascetis  
male conficit. Quippe praua quædam aeris ad  
corruptionem prompta mutatio efficitur, & ho-  
mines, cum respirationis necessitate periculum  
euitare nequeant, ipsum aerem veluti venenum  
quoddam ad se per os attrahunt: Theriacen au-



tem in eiusmodi aëris statu præsumentes, neutiquam à malo corripuntur. Quin & correptis iam eadem medetur, aëris inspirati malitiam alterans mutansque, ut quæ corporis temperaturam infici magis prohibeat. Breuiter, totum corpus ita ab iniuriis secarum facit, ut nec à deletério quopiam possit infici. Consimilis fere virtutis est & aliud quoddam antidotum, quod ab eius, cui in frequenti usu fuit, nomine Mithridatium appellatur. In qualitate enim atque efficacia theriacæ proximum est, parumque ab ea differt, nisi forte quod Theriace paulo calidior, & contra serpentum venena potentior est. Proditur magnum illum bellatorem Mithridatem hoc antidotum præsumentem ob firmam corporis constitutionem ex illo præparatam, non potuisse veneno potu interire. Cum enim bellum aduersus Romanos gerens à Pompeio victus in extremis medicamentum veneno sanus mori cogeretur, medicamento epoto eoque copioso ipse quidem non interijt: filia autem ob eximium erga patrem amorem, cum eo mortem volentes oppetere, eiusdem medicamenti potu subito conciderunt. Deinde cum mortem ille obire statim non posset, veneno propter antidotum præsumptum inefficaci, vocato quodam ipsius amico, nomine Bistoco iniunxit ipsum ut iugularet. Atque sic medicamenti opus ferro absoluens, mori ipsum violenter coëgit. Hæc fere Galenus in libro de Theriaca ad Pisonem, capite 2. & 8. & 28. Lege plura apud eundem in libr. de usu Theriacæ ad Pamphilianum per totum, & libr. 1. de antidotis, capite 16. & Auicenn. 64. Tract. 3. capite. 1. & 6. 4. Tract. 2. cap. 5.

Sex-



*Sextum*, Nuces, nempe iuglandes quas nōnuli etiam regiās appellant. Hæ multo sane in vsu sunt. Cum ruta & ficis præsumptæ, & à sumpto cibo, lethalis venenis aduerſantur, nec minus si à veneni haustu comedantur. *Largius* esitata latos lumbricos pellunt. Cum capæ vero, sale & melle, canis hominisque morſui conferunt. Et hoc de aridis cumprimis intelligendum est. Alimentum porro quod corpori præbent, exiguum est. Aridæ viridibus ac humidis peiores habentur: vnguinosiores enim magisq; pingues sunt, itaque facile etiam in bilem tranſeunt: & quod diutius recondita fuerint, magis tales efficiuntur. Quamobrem oleum etiam ex inueteratis exprimere liceat. Tunc sane concoctu difficiles, & stomacho, præſertim bilioſo, inutiles fiunt, atq; bilem augent, faucium & capitis dolorem adferunt, ruſſientibus inimicæ, oculos lædunt, vertiginem faciunt, idque cum à cibo ſumuntur, linguæ *παρὰ λυσι* inducunt, & in ore inflammationes & vlcera pariūt. Stomacho meliores fiunt, si cum caricis edantur. Ad vomitiones ieiunis in cibo vtilis. Caterum quæ virides adhuc sunt atque humidæ, neque adstringentis qualitatis, neque oleosæ conspicue participes, sed magis quodammodo qualitatis expertes, hæ stomacho minus nocent: dulciores enim sunt, faciliusq; concoquuntur, & multo magis, quando & ipsæ cum caricis manduntur. Humidæ præterea aptæ ad delectationem sunt, siccæ vero minus. Plerique autem ventris subducendi gratia cum garo etiam ipsas præſumunt: in quem vsu virides sunt accommodatiores, vt quæ adstringētis qualitatis minus sint participes. Quin &



& siccarum quoque, si prius (quod nonnulli faciunt) in aqua fuerint macerata, facultas viridibus est adsimilis. Adhuc viridium nuclei à pellicula mundati atque torrefacti aliquantum, si à reliquo cibo commanducentur, ciborum in corpus distributionem adiuuant. Et sic patet in vniuersum, corporibus sanis nuces virides magis quam siccas conuenire. Plura Dioscorides libro 1. cap. 138. Plinius libro 23. cap. 8. Galenus libro 2. de aliment. facult. cap. 28. & Simeon Sethi in Syntagmate.

## DE AERE.

## CAPVT XIV.

*Aeris optimi nota.*

**L**ucidus ac mundus sit rite habitabilis aer,  
*Infectus neq; sit, nec olens foetore cloaca,*  
 Hic agitur de prima re non naturali, nempe de Aëre, cuius, ut Galenus libr. 9. cap. 14. metho. medend. & in arte medicinali cap. 85. testatur, nulla est euitandi ratio. Nam in aëre nos ambiente semper versari, comedereq; ac bibere, & vigilare, & dormire est necessarium, & sine eo nec tolli morbus, nec teneri sanitas potest. Hic igitur causa sine qua non obtinet rationem. Quapropter sedulo hoc agendum, ut in ambiente, quoad fieri potest, quam optimo habitemus. Quod, ut recte consequamur, quatuor eius notas hisce versibus expressas diligenter confideremus oportet. Quarum prima quidem est, ut sit lucidus, clarus minimeque crassus, aut nebulosus. Crassus enim & obscurus humores confundit, turbidusq; ad cor descendit: quo fit ut spiritus etiam turbidi ac crassi, tum corpus pigrum ac languidum reddentes, tum animam quoque

COR-



contristantes, ex eo producantur. Nihil autem magis viuudum ac iucundum, minusue circa voluntarios motus pigrum reddit hominem, quam si in lucido ac claro versetur aere, aut mane surgat. Secunda, vt sit mundus, hoc est, exquisite syncerus ac purus, nullisq; vaporibus inquinatus. Impurus namq; iuxta qualitatem & naturam illius quod ipsi admiscetur, cordis temperaturam variat atque immutat, quemadmodum id ipsum Haly Rhoboam comment. 16. in lib. 3. Artis medicinalis Galeni ostendit. Tertia, ne sit infestus, cuiusmodi esse solet in locis cadauerum non crematorum multitudine refertis, sicut post praelia contingit. Nam hunc pestis fere subsequitur: inspiratus siquidem corporis spiritus inficit. Quarta, ne foetorem habeat cloacæ: sub qua sane comprehenduntur & particulares aeris infectiones omnes, quibus humana natura offenditur, nempe latrinarum, coeni, sterquilinorum, fouearum, culinarum, locorum in quæ cadauera & ossa mortuorum comportantur, & stagnorum seu paludum, idq; multo quidem magis, si linum insuper aut cannabis in eis putrescit. Quando enim aer huiusmodi sordibus inquinatus per inspirationem trahitur, spiritus inficit, ac maximam cerebro noxam suggerit, viarum spiritus obstructione, facultatis animalis transitum prohibens, & halitu suo caput grauās. Huiusmodi ergo aer omnibus ex æquo ætatibus, omniq; temperaturæ noxius est: sicut è diuerso qui purus omnino est, nulli non ætati est utilis. Hinc non temere Auicenna 2. 1. doctr. 2. sum. 1. cap. 2. in hunc prope modum scriptum reliquit: Aer quidem optime temperatus & clarus, cui



cui nihil prorsus admistum est alienæ materiæ, quæ tota substantia spiritus temperaturæ contraria sit, sanitatem non efficit tantum, sed etiam conseruat: contrarius vero effectus producit contrarios. Verum quo prædictorum exactior habeatur notitia, sciendum est, Aerem pro tuenda bona valetudine duobus modis esse necessarium. Primo quidem ob spirituum & caloris innati refrigerationem: deinde vero ob humidi excrementi, spiritibus ac calori innato molestiam exhibētis, expulsionem. Quemadmodum enim externum ignem sine aeris euentilatione suffocari atque extinguere videmus: ita etiam de spiritibus & calore innato imaginari oportet. Nisi enim per assiduam inspirationem & transpirationem calor naturalis refrigeretur & quasi ventiletur, necesse est spiritum perire: aere enim indiget nutriente, conseruante, temperante, atque depurante, siue segregante. Nutritio ergo, conseruatio & temperatio caloris innati fiunt per aeris attractionem: depuratio per eiusdem expulsionem. Ac priores quidem fiunt asperæ arteriæ dilatatione, quam *ἀσπλῶν* Græci nominant: ea enim aer frigidus attrahitur, qui vitale robur, vnde spiritus quoque animalis gignitur, excitat & recreat. Altera vero eiusdem arteriæ accidit contractione, *συσπλῶν* Græci vocant, qua certe quod ex humorum deustione in toto animante contractum, velut fumidum est excrementum, expellitur. Aer itaque qui sic attrahitur, si foetidus & impurus fuerit, calorem innatum atque spiritus corrumpit. Hinc etiam intelligi potest, facillime infici corda venenato aere. Quare pro tuenda bona valetudine eligendus est aer opti-



optimæ essentia, qui nihil vaporis seu halitus alieni in se admistum habeat, neq; turbidus aut nebulosus appareat. Qui enim talis existit, humores conturbat, & vt antea etiam dictum est, animam contristat. Sed sit exquisitè purus ac liber, qui ex terra plana vel edita ventorum perflatu vndiq; lustretur: & cui fumi, pulueres & nebula admistæ non sint, & qui nec stagni, nec paludis halitu sit infectus, nec ex profundo spectu pestilentem auram spiret, qualis circa <sup>orizdus</sup> & Hierapolin, alibiq; in multis terrarum locis visitur: nec ex cloacis, qui urbem aut numerosum exercitum purgent, vitium contraxerit: nec ex animalium, olerum, leguminum, aut prauarum arborum putredine aut fimo coinquinatus sit: nec ob stagnum, vel flumen vicinum nebulosus sit: nec editis vndique montibus in cauo loco, siue valle conclusus vllum recipiat perflatum. Suffocans enim putrisq; est, similis ei qui in domibus quibusdam est inclusus, in quibus ob putredinem & perflatus defectum plurimus aceruatur squalor ac fitus. Proinde omni plane ætati noxius est, & vitandus, quemadmodum & quilibet inclusus. Hec fere Galenus lib. i. cap. 16. de sanitate tuenda. In pestilente tamen ambiētis constitutione ob generalio rem putrefactionem, inclusus conuenientior existit: vnde per id tempus domi manere, fenestrasq; occludere oportet, ne qua pestilens aër ingrediatur. Quod si cui tamen eas aperire placuerit, curandū in primis, vt sint versus Orientem aut Septentrionem constitutæ: idq; fiet à Sole iam aliquot horis orto. Calor enim Solis citius irrumpens caliginem atq; putredines aëris dissipat, omnemq; crassitudi-



tudinem eius attenuat. Ad postremum vero cauendum etiam, ne vel minimum quidem aer in qualitatibus suis tam actiuis quam passiuis, caliditate nimirum, frigiditate, humiditate & siccitate, excedat. Si vero talis loco habitationis nostræ natura defecerit, arte nostra moliendum erit, ut qualem esse expedit, præparetur. Id autem qua ratione fieri possit, Galenus lib. 9. Method. meden. cap. 14. & Auicenna 2. 1. doctr. 2. Sum. 1. cap. 6. 7. 8. & 9. copiose admodum docent.

### DE NIMIA VINI POTATIONE.

#### CAPVT XV.

*SI nocturna tibi noceat potatio vini,  
Hoc tu mane bibas iterum, & fuerit medicina.*

Præceptum hoc loco de iis traditur, qui mane ob pridianum vini potum ægrotant, nempe ut tum quoque ipsis paulum vini propinetur. Porro largior vini inuitatio, quæ ultra quam satis est, ac multam in noctem producit, ebrietatem nonnunquam, sæpe sitim matutinam, aliquando vero immodicam etiam corporis excalefactionem suscitare solet. Siquidem excalefactione, maximus error est, id mane repetere: nam perinde hoc esset, ac si ignem igni adderes, oleoque incendium restingueres. Si ebrietatem cum nausea quadam, nihil incommodauerit, si etiam paulum eius mane propinetur. Quin Hipp. 2. Epid. in crapula & capitis dolore vinum meracum, vel panem quam calidissimum cum vino meraco edendum suadet: scilicet voluit tum Hippoc. meracum exhiberi, ut ascendentes à crapula vapores ad vias urinæ deriuarentur, vel ut excitato

ex



ex meri potu naturali calore præ copia grauato ac forpidiore reddito crapula ipsa vel per vomitum, vel per secessum solueretur. Sic enim facile vomitus elicitur, ventriculusq; à bile & pituita cæterisque prauis ac vitiosis humoribus, quibus grauatus fuit, exonerabitur, adeoq; crapula cum omni eius noxa discutietur. Vomitus enim præflare iuuamentum, vt stomachus à materiæbus humoralibus euacuetur, autor est Auic. 4. 1. cap. 13. probatque vomitus bis in mense continuis duobus diebus, ex autoritate Hippocrat. in libro de diæta salubri & in libro de insomniis, nimirum vt secundus dies prioris vomitus reliquias extrudat. Idem 3. 1. doct. 2. capit. 8. non parum emolumenti ex eo consecuturum adserit, si quis semel in mense inebrietur: quo videlicet per ebrietatem vomitus excitetur, vt qui maxime ab ægritudinibus chronicis, hoc est, longis ac malis tueri queat. Sed Rabbi Moses tract. 4. ad Sultanum Babyloniæ hanc sententiam ceu erroneam, his conuellit verbis: Nocet, inquit, ebrietas omnis, & maxime assidua: errauit ergo qui esse putauit vtilem ebrietatem semel in mense. Quin eadem etiam à Gulielmo Placentino libr. 1. capite 8. de curatione morborum, & à Gordonio particul. 2. Lili, capite 21. & à Valesco libr. 1. Philonii cap. 8. redarguitur, vt quibus præseruari, quam curari melius esse videatur. De vomitu plura infra cap. 85. Si quis ex nocturna vini potatione, propterea quod bibere illud non consueuerit, oblæditur, huic & mane, quod adsuescat, idem propinandum est: sic enim fiet, vt ex vini sumptione minorem læsionem sentiat. Nam ab assuetis, vt est apud Hippocratem libro 2. a-

I pho-

*Diosc. lib. 5.**cap. 7. &**Rhazes lib.**4. cap. 5. ad**Alman.*



phoris. 50. minor fit læsio. Si vero nocturnam vini potationem mane sitis excipiat, ea mendosa est, & curatur quidem sumptione vini, sed magis tamen aqua. *Plinius lib. 14. cap. 22.* Caterum minime ignorandum hoc loco, ab assidua & quotidiana ebrietate sumopere omnibus tam firmum, quam imbecille cerebrum habentibus ex æquo cauendum esse. Frequens siquidem ebrietas, quemadmodum 3. 1. doct. 2. capite 8. Auicenna testatur, sex morborum genera in humanis corporibus excitat. Primo namque iecoris *ἡ νόσος*, hoc est, bonum habitum dissoluit. Vinum enim immoderatus sumptum calorem eius naturalem vel obtundit, vel resoluit atq; debilitat, adeo ut facultatem amittat sanguificam, & aquosas humiditates *ὕδατα* efficientes pro sanguine generet: vel hepar ipsum una cum humoribus eius adurit: quam sane tam magna ex parte sequi solet *ἐλεφαντίασις*, quæ est Arabum lepra, vel mania. Deinde assidua fumorum ex vino sublatione bonam etiam cerebri constitutionem destruit: calidum quidem phrenitidi aut mania, frigidum vero epilepsia, lethargo, apoplexia aut caro, Arabibus Subeth appellato, obnoxium reddens. Tertio loco neruorum imbecillitas continuata vini perpotationem sequitur: atque inde sane accidit, ut bibacibus & frequenter inebriati solitis caput, manus, ac reliqua membra prope omnia tremula efficiantur: idq; non tantum in senio, cuius maxime proprium hoc vitium est, sed in cruda quoq; viridiq; senectâ, & quandoq; etiam in iuuentute. Quarto, frigida neruis vitia, nempe conuulsionem ac paralyfin adducit. Vbi enim immoderatus sumitur vinum, ut quod cali-



calidam habeat temperaturam, facillime eos replere solet. Talis siquidem natura promptè omnia subintrat, præsertim quum non admodum crassam substantiam habuerit. Substantiæ igitur copia vinum nervis hæc adfert mala, Galeno comment. 5. lib. 5. aphorism. teste. Vinum etiam frequenter in ventriculo acefcit, vnde non minimum læduntur nervi. Ex defectu præterea coctionis vinum sæpe conuertitur, vel in crudas atq; aquosas humiditates, quibus laxati nervi resolvuntur, vel in frigidos, crassos & glutinosos succos, quibus iidem obstructi aut distenduntur aut contrahuntur. Quinto apoplexiam procreat: pituitoso enim, hoc est, frigido, crasso, lentoque humore, quem temporis tractu generat, adeo principalissimos cerebri ventriculos vna vice & cumulatiim replet, vt subito omnes corporis partiæ motu simul ac sensu destituantur. Sexto vero repentinam sæpe mortem adfert. Locis enim spirationis vini vel inde generatarum humiditatum multitudine vehementer coarctatis atq; impeditis, ebrius stertendo & dormiendo suffocatur. Hæc omnia Galenus etiam libro tertio de temperamentis, in hunc scribens modum confirmat: Vinum, inquit, non semper animal calefacit, æque vt nec oleum flammam accendit, tamen aptissimum est ignis nutrimentum. Imo si imbecillæ & exiguæ flammæ conferat multum oleum infundas, suffocabis eam, prorsusq; extingues potius, quam augebis. Sic igitur & vinum, vbi plus bibitur, quam vt vinci possit, tantum abest, vt animal calefaciat, vt etiam frigidiora vitia gignat, quippe apoplexia & paraplegia, & quæ Græce Caros & comata vocamus & ner-



uorum resolutio, & comitiales morbi, & conuul-  
 siones, & tetani immodicum vini potum comi-  
 tantur: quorum vnumquodq; frigidum est vi-  
 tium. Hæc ille. Quanquam vero à nobis hæte-  
 nus dicta mala vino immoderatus sumpto ac-  
 cepta ferenda sunt, non parum tamen conferre  
 existimandum est, si modice bibatur. Auicenna  
 loco supra citato quinq; eius recenset commo-  
 da. Primo namq; calore & subtilitate substantiæ,  
 tum conuenienti quoq; & occulta proprietate  
 facilem efficit ciborum, quibus permiscetur, in  
 omnia membra distributionem. Vnde elegan-  
 tissime ab Hippocrate in libro de alimento, ὅχη-  
 μα τῆς τροφῆς, hoc est, alimenti vehiculum nun-  
 cupatur. Idq; merito sane: neq; enim ex ventri-  
 culo in venas, quæ sunt in hepate multæ & an-  
 gustæ, succus facile transmitti posset, nisi aliquis  
 ei tenuis & aquosus humor, tanquam vehiculum  
 permisceretur. Deinde eadē etiā ratione phleg-  
 ma incidit atq; resoluit, meatuum obstructions  
 aperit, adeoque naturam ipsam ad excretionem  
 incitat. Tertio flauam bilem per urinam, sudo-  
 rem, excrementa, & transpirationem insensibi-  
 lem, ἀόηλον αἰοδήσιν Ἀλγ. πνοῇ Græci vocant, ex-  
 pellit: idque intelligendum maxime de vino te-  
 nuui, subrugeo, siue albo, per naturam debili, vel  
 abunde diluto. Potentia enim flauam bilem au-  
 gent potius, quam expellunt: quod insita qua-  
 dam vi in eam facile commutentur, & hepar vl-  
 tra quam satis est calefaciant. Quarto atram bi-  
 lem, quæ crassa & tardī motus est, per proprios  
 meatus ab hepate ad splenem, & à splene ad os  
 ventriculi nullo negotio deducit, eandemque è  
 corpore tandem vna cum facibus exigit. Quin e-  
 tiam.



tiam melancholiz noxas substantia, temperamento, & effectibus suis contrariis reprimit ac tollit. Melancholia siquidem tristitiam, timorem, pusillanimitatem & auaritiam: vinum vero lætitiā, audaciam, magnanimitatem & liberalitatem parit. Quinto medetur omnibus modis seu speciebus lassitudinis, nisi multa extranea caliditas ipsis coniuncta fuerit. Spiritus enim languidos tantumq; non exolutos, abunde reficit & recreat, facultates corroborat, & humiditates musculis, nervis, chordis & iuncturis insidentes aut eximit, aut certe minuit. Adhuc in arefactiua lassitudine, re ita postulante, velociter humectat, præsertim si dilutum fuerit. Præstat præterea & alia quamplurima commoda: Galeno enim teste libro 3. de temperament. capite 3. omnium celerrime nutrit: nam vt assimiletur, mutationem desiderat minimam. Calorem præterea & spiritum naturalem corroborat, totum corpus calefacit, cerebrum purgat, intellectum excitat, cor exhilarat, iram mitigat, tristitiam remouet, libidinem incitat, præque omnibus aliis potibus concoctionem semicrudorum humorum in quauis corporis parte adiuuat, & vt vnico verbo rem totam perstringam, hominem & anima & corpore reddit viriliorem: vnde abstemii, si cætera æquabiliter se habeant, reliquis sunt effoeminationes.

## DE MELIORE VINO.

## CAPVT XVI.

*G*ignit & humores melius vinum meliores,  
*S*i fuerit nigrum, corpus reddit tibi pigrum.  
*V*inum sit clarumq; vetus, subtile, maturum,



*Ac bene dilutum, saliens, moderamine sumptum.*

Hic docetur imprimis, ex meliore vino meliores humores procreari: neque id sane immerito. Nam quanto prastantior humorum materia fuerit, tanto ex ea etiam meliores humores gigni rationi consentaneum est. Subiungitur deinde, corpus nigri vini potu turpidum ac pigrum reddi, & ne hoc quidem citra rationem. Nam cum reliquis sit crassius ac terrenæ naturæ magis particeps, spiritus etiam crassiores inde produci necesse est. Similem enim esse oportet de fluxum subiectæ substantiæ, ut locis supra aliquoties citatis Galenus autor est. Iam vero spiritus crassiores corpus grauant, & ad voluntarios motus perficiendos pigrum reddunt. Tertio loco septem referuntur præcepta de electione vini.

*Primum, ut sit clarum: hoc enim, utpote subtile, spiritus etiam claros ac subtiles generat.*

*Vinum vetus.*

*Secundum, ut sit vetus.* Nouum enim siue mustum (si cætera consentiant) facilius inebriat, alium subducit, colicos cruciatus generat, & alia quædam adfert incommoda, de quibus infra capite 26. Neque ita tamen hoc intelligendum venit, ut nobis admodum vetus eligendum videatur. Tale enim, iuxta Auicennæ sententiam, 3.1. doct. 2. capite 8. inter medicamenta potius, quam potus reponendum est. Maior siquidem ei corporis ad caliditatem & siccitatem alterandi, quam alendi facultas inest. Alimentum enim quod ex ipso corpori hominum accedit, exiguum est: eo quod à facibus & viriditate, quibus permistum & confusum fuit, iam repurgatum, seque ipso calidius quodammodo effectum sit. Vinum namque, sicuti libro 8. capit. 14.

ca



de simpl. medicam. facult. à Galen. scribitur, ex secundo est ordine excalefacientium: sed quod admodum vetus est, ex tertio: sicut mustum, quod vocant, ex primo. Caliditati eius proportionem respondet siccitas.

*Tertium*, vt sit subtile: tale enim spiritus procreat multos atq; subtiles: cum è diuerso crassum crassos generet.

*Quartum*, vt sit maturum, non austerum, siue stypticum. Austerum namque vinum, quemadmodum comment. 8. lib. 3. de victus rat. in morbis acut. Galenus attestatur, excretionem omnes cohibet. Quare lædit ea corpora, quibus per vrinam expurgari est opus: lædit quoque superiora omnia. Sed tamen ipsa adstrictionis ratione omnino iuuamentum præstat ægritudinibus intestinorum. Verum huiusmodi adstrictio remouetur, si aqua temperatum fuerit.

*Quintum*, vt sit dilutum: Vinum enim cum diluitur, hoc est, aqua temperatur, remittit fumositatem suam, atque ob eam rem minus cum caput grauat, tum inebriat. Sed hoc ipsum de vino subtili potissimum intelligendum videtur: nempe crassum si diluas, subtilius ac magis fumosum efficias, vnde citius inebriat. De eo igitur Aui-cennam intellexisse censendum est, 3. 1. doctr. 2. cap. 8. dum inquit: Mixtum velocius inebriat.

*Sextum*, vt in fundendo quasi subsiliat: & est vna de boni vini conditionibus, de quibus supra capite 10. dictum est.

*Septimum*, vt modice sumatur. Vinum enim modice sumptum acuit ingenium. Excitat enim vini calor inueniendi vim, quæ torpet nonnunquam in ieiunis. Extat hæc sententia in li-

*Dilutum.*



bro de disciplina Scholarium, qui Seuerino Boethio adscribitur, lib. 2. Vinum, inquit, modice sumptum intellectui videtur conferre acumen; non autem modice sumptum rationem perturbat, intellectum hebetat, memoriam eneruat, obliuionem immittit, errorē infundit, ad ignorantiam perducit. Ex omnibus iam dictis colligitur, pro conseruanda bona valetudine eligendum esse vinum etate medium, clarum, rubedine nonnulla participans, odoratum, saporem equale, ita vt non acre sit, nec acutum, neque dulce, nec fumosum, neq; crassum, neq; subtile nimis, sed ad subtilitatem inclinans, neq; excellenter potens, neq; plus æquo imbecillum, sed medium: natum in colle aperto, Meridiem spectante, regione inter caliditatem ac frigiditatem temperata. Hæc fere Auicenna loco citato. Porro circa vinum vsu pro etatis ratione tres notanda sunt regulæ. Prima, ne pueris detur vinum in potu: nam perinde hoc esset, ac si ignem igni addas. Quippe quod haustum & humectat nimium & calefacit corpus, tum caput halitu replet ijs, qui humido calidoq; temperamento sunt, quale est eiusmodi puerorum. Atq; nec repleti his caput est vtile, nec supra quam par est humidos calidosq; fieri: quoniam eo iam caloris humorisq; peruenerunt, vt si paululum vtramvis qualitatem auxeris, iam modum excefferint. Cum autem sit omnis excessus fugiendus, maxime hunc fugere expedit: ex quo non corpori modo, verum etiã animo damnum accedit. Galenus lib. 1. cap. 15. de sanitate tuenda. Secunda, vt seni detur, quantum citra dispendium valetudinis ferre queat, hoc est, quantum appetit genui-

Virgilius 2.  
Georg. A.  
pertos Bac-  
chus amat  
colles, &c.

Latheo. vido qd  
Dioscor. de pueris  
hum: corp. l. f. 10.



na ac regularis appetentia. Quemadmodū enim ocreæ veteres, aridæ, & corrugatæ, oleo, ita corpora senum vino electo, quale est Bellouacense, reficiuntur ac renouantur, Senibus enim, cum exangues & frigidi sint, vnum illud maximum commodum ex vino accedit, quod ætatis frigiditatem ad symmetriam & mediocritatem caloris reducat, tristitiam & melancholiam, quibus abundant, expellat, & soporem quo fere destituuntur, reuocet, obstructions item, quibus ijdem obnoxij sunt, tollat. Sane vinū sicuti pueris alienissimum, ita senibus aptissimum est. Galenus libro. 5. de sanitate tuenda, cap. 7. Ter tia, vt iuuenibus non exhibeatur, nisi temperate. Nam vt Galenus inquit lib. 1. de sanitate tuenda. cap. 15. neq; iam adultis vinum, nisi modice sumptum, existimandum est vtile esse: quod videlicet & ad iram & ad libidinem præcipites facit, & partem animi rationalem hebetem turbidamq; reddit. Cæterum his ipsis ad bilis excrementa vel mitiganda vel expellenda est sane non inutile: corpus corborat, & ingenium ob subtilium & tenuium spirituum copiam exacuit. Plura Plato libro. 2. de Legibus, Senec. libro 2. capite. 20. de Ira, & Galenus in libro, Quod animi mores corporis temperaturam sequantur, capite. 10.

*Vinū lac  
senum.*

## DE CERVISIA.

## CAPVT XVII.

**N**on acidum sapiat ceruisia, sit bene clara  
Ex grani sit cocta bonis satis ac veterata.  
Hic quinque traduntur notæ eligendæ ceruisiæ.  
Prima, vt non sit acida: hæc enim ventriculo



inimica est. Acetum namque quemadmodum comment. 39. libro 3. de vict. rat. in morbis acutis Galenus docet, suapte natura nervos offendit, idque sane experimentum testatur, & demonstrat ratio: nempe exangues sunt, & ideo frigidi, facileque ab iis, quæ refrigerant simul & tenuerunt partes, afficiuntur medicamentis. Laudantur præterea & à reliquis perfrigerantibus omnibus: sed substantia aceti, quod tenuissimum est partium, in eorum mergitur profundum, atque in omnes ita irrumpit partes, ut ne minimum quidem ex eis illæsum maneat. Sic igitur acetum nervosas offendit partes. Venter autem nervosus est. Ergo, &c.

*Secunda*, ut sit clara: turbida enim impinguat quidem, sed urinarum meatus obstruit, atque ob id calculosis plurimum nocet, flatum gignit, difficilem atque breuem spirationem efficit, & pituitam auget.

*Tertia*, ut sit cocta ex bonis, ac validis, & minime corruptis granis, nempe ex optimo hordeo, tritico, vel auena: quanto enim grana meliora fuerint, tanto & meliorem inde humorem gigni par est.

*Quarta*, ut sit bene ac perfecte cocta. Hæc enim melius concoquitur, & naturæ convenientior existit: Male vero cocta ventris inflationes, tormina, & colicos cruciatus generat.

*Quinta*, ut sit vetus & à facibus repurgata. Recens enim præterquam quod iisdem malis, quibus male cocta, obnoxia est, stranguriam etiam facit. Plura infra cap. 46.



*De qua potetur stomachus non inde grauetur.*

Hic vnicum de Ceruisiæ vsu præceptum traditur, nempe vt modice sumatur, neque ea stomachus prægrauetur, vel ebrietas concilie-  
tur. Ebrietas enim ex ceruisia, quam vino, dete-  
rior est, & diutius perdurat, quod crassior, conco-  
ctuq; difficilior sit, quam vinum. Fumi namque  
crassiores inde ad caput eleuantur, quam ex vi-  
no: quare tardius etiam discutuntur. Ex quo  
hanc loco sequitur etiam, in principio prandii  
vel cœnæ potum à ceruisia vtilius, quam à vi-  
no inchoari. Ventriculus enim ante cibi sum-  
ptionem vacuus & nutrimenti indigens è proxi-  
mis haud dubie visceribus attraxit. Illa vero, vt  
copiose admodum lib. 3. de facul. nat. cap. 13. Ga-  
len. docet, nihil præter superfluitates & excre-  
menta retribuiffe certum est: quo fit, vt super-  
fluitatibus iam atq; excrementis abundet. Quæ  
certe potissima causa est, cur in maxima fame Me-  
dici consulant, vt ante cibi sumptionem vom-  
itus eliciatur: quo nimirum superfluitates illæ à  
ventriculo attractæ euacuentur prius, minimeq;  
cum  $\chi\upsilon\lambda\omega$  misceantur. Si igitur in principio mē-  
sæ biberetur vinum, quo natura præcipue dele-  
ctatur, quodq; auidissime ab ea, quæ visceribus  
inest, trahendi vi rapitur: superfluitates à ventri-  
culo attractæ vna cum vino in omnia statim cor-  
poris membra, non sine sanitatis dispendio di-  
strahentur. Atque ob hoc fortassis Ioannes  
Matthæus de Grad. consilio 90. non in principio  
solum mensæ, sed in maxima quoque siti, & post  
quam.



quamlibet actionem fortem ac vehementem  
vino abstinendum censet: quippe quod ita su-  
ptum inconcoctum adhuc ac crudum ad ner-  
vas facile penetret, atq; inibi in acetum commu-  
tur. Ceruisia vero, utpote crassior & ad con-  
coctionem pertinacior, non tam auide rapiti-  
quare ab ea potus in principio prandii vel co-  
na vtilius inchoatur. Ceruisia humores etia-  
orificio stomachi insidentes abluit, & sitim, quae  
ex nimia vini potatione timetur, praeterea quan-  
libet aliam mendosam, coercet ac reprimat.

QVAE VICTVS RATIO QVO-  
libet anni tempore sit utilis.

## CAPVT XIX.

**T**emporibus veris, modicum prandere iuberis:  
Sed calor aestatis dapibus nocet immoderatis,  
Autumni fructus caueas, ne sint tibi luctus,  
De mensa sume quantum vis, tempore Bruma.

Hic pro singulis anni temporibus conueniens  
instituitur victus ratio. Et primo quidem de Ve-  
re agitur. Verno siquidem tempore modice pra-  
dendum est, id est, paulum cibo demendum, ad-  
liciendumque portioni, Cornelio Celso libro 1.  
cap. 3. & Auicenna 2. 1. doct. 2. capite 6. testibus.  
Hyeme enim ob temporis gulositatem, exercitii  
paruitatem & resolutionis prohibitionem, hu-  
mores crudi, maximeque phlegmatici, ex tem-  
poris proportionem generati in interioribus cor-  
poris, ob ambientis aeris frigiditatem, siue *an-*  
*esthetici* adunantur. Ver autem superue-  
niens illos eliquat, & per totum corpus diffun-  
dit. Quare natura per id tempus plurimum circa  
illorum concoctionem occupata est. Si itaq; in  
Vere



re magna daretur cibi copia, natura impedita  
 dictorum humorum concoctione diuertere-  
 , vtpote humoribus & magna ciborum co-  
 plus æquo grauata: vnde relictæ in corpore  
 mores crudi & inconcocti facile in membrum  
 quod decumbentes, ægritudinem inducerent.  
 are summo opere cauendum est, vt id temporis  
 o non nihil dematur. Ciborum enim diminu-  
 ab ægritudinibus Veris maxime præseruat,  
 uicenna ibidem teste. Et hoc quidem de adul-  
 & extremo Vere intelligendum. Nouum e-  
 m hyemi adsimulatur, vnde & hyemis ritu  
 id tempus cibus administrandus est. Intel-  
 ligendum item de corpore crudis & phlegma-  
 tis humoribus referto. Corporum namque in  
 moribus temperato, cibus iuxta caloris innatæ  
 atque eius quæ à corpore fit resolutionis, pro-  
 portionem exhibendus est: ablati enim causa  
 est diminutionis cibi. Vnde Hippocrates lib. i. a-  
 phor. 15. Ventres hyeme & vere natura calidissi-  
 mi sunt, & somni longissimi: quare per ea tem-  
 pora alimenta copiosiora sunt exhibenda. Et  
 nim tunc calor innatus plurimus est, vnde &  
 pluribus egent alimentis.

*Secundo*, de æstate: nempe quod immodera- *Æstatem mi-*  
 ti cibi sumptio æstate noceat. Siquidem virtus *bis.*  
 concoctrix tunc debilis existit. Calor enim innat-  
 us, qui omnium operum naturalium causa est,  
 propter extrinsecus circumstantis caloris exces-  
 sum, ad sibi affinem extra protenditur atque  
 ita contingit dissolui ac dissipari eius substan-  
 tiam: ob hoc igitur debilior redditur quam vt  
 multum cibum conficere queat, Galeno com-  
 ment. 15. lib. i. aph. teste. Vbi minime tamen fi-  
 sca-



lento prætereundum est, ob maximam humiditatem corporis tam substantialium, quam instrumentalium, quæ per æstatem fieri solet, distensionem, plurimum quidem ac crassius alimentum exhibendum esse, si virtus concoctioni sufficeret. Verum cum vno eodemque tempore multum conficere non sufficiat, parum de eo ac simplicius exhibendum est. Id quod comment. 17. bro 1. aphor. Galenus his significavit verbis: *Αἰσίου* quidem tempore, quantum ad temporationem attinet, sapius pauca danda sunt, quoniam & pluri egent adiectione, ut qui sunt distoluti, & vires habeant imbecilles. Idem Cornelius Celsus lib. 1. cap. 3. sic scribens confirmat. *Æstate* ut sapius cibo utendum, sic exiguo et. Quamquam vero cibo non nihil per æstatem demendum est, potioni tamen adiciendum videtur. Maxima liquidem tum fit distillatio & exsiccatio corporis & calor humidum longe exuperat, unde maior etiam sitis exoritur. Elixis itaque frigidisq; cibis, ac potione tum multa, tum diluta utendum. Vinum vero purum ac vinosum, quod facile inflammatur, & violento actu vehementem calorem incendat, vitandum.

*Tertio*, de Autumno; ut scilicet in eo à pomis ac cæteris autumnalibus fructibus, nimirum vuis, persicis, ficibus, & similibus absteineatur, vel parce saltem de ipsis assumatur: ob ebullitionem enim quam in corpore & humoribus faciunt, sanguinem nimis fluidum, & putrefactioni accommodum generant, idque maxime in ventriculo impuro, & corporibus *νεκροχύμοις*, qualia per Autumnum sapius occurrunt, quæ ob id etiam malis corripiuntur ægritudinibus, cuius-



usmodi habentur in primis variolæ, morbilli, & pestilentia. Quod palam etiam Paulus Æginet- *Oribas. lib. 1. cap. 10. ad Eunapium.*  
 a libro 1. capite 53. ita scribens attestatur: Poma  
 in Autumno assatim assumere noxium est, ut  
 quæ non copia tantum obsint, verum etiam vi-  
 ciosos procreent humores & inflationes. Ete-  
 nim præstantissima, nempe ficus & vuar, flatus  
 pariunt, corrumpuntq; cibos, nisi ante alios præ-  
 sumantur: ita vero neq; inflant, neque corrumpunt.  
 Caterum quo exactior victus ratio per Autumnum habeatur, vñice hoc omnibus qui san-  
 tatis tuendæ curam susceperint, cauendum est,  
 quemadmodum lib. 4. ad Almanso. cap. 26. Rha-  
 zes præcipit, ne famem vel sitim patiantur, vel  
 cibo vna hora repleantur, vel aqua. Vinum autẽ  
 bibendum est paulo liberius, non tamen immo-  
 dice, ceu in æstate, dilutum: nempe ut corpus hu-  
 mectet, & calorem reprimat. Quod enim aqua  
 immodice temperatum est, calorem obtundit,  
 inflationes, ac inde colicos cruciatus procreat:  
 Minus etiam eius quam per æstatem sumendum  
 est. Siquidem natura tunc imbecilior existit,  
 quam ut magnâ vini copiam concoquere queat.  
 Sunt apud Galenum in libro de cibis boni &  
 mali succi, cap. 3. pulcherrima quædam ac utilis-  
 sima de horæis fructibus præcepta: quem sane  
 locum, quia valde eruditus est, hic integrum  
 subiicere placuit. Pater meus, inquit, geometriæ,  
 architectoriæ, astronomiæ, arithmeticiæ, logisti-  
 ces studiis plurimum valuit: maximeque omni-  
 bus, quibus erat notus, ob ipsius iustitiam, mo-  
 destiam, bonitatem, ut quibus ex Philosophis,  
 admirationi fuit. Is cum puer ipse adhuc essem,  
 eam mihi victus rationem instituit, ut nullis per  
 id



id tempus obnoxius morbis vixerim. Vbi vero adolescentiam sum ingressus, ille in agrum rusticæ studiosus concessit, ego vero doctrinæ studiis ardentius, quam ceteri condiscipuli die noctuque operam dabam. Sed cum per totum id tempus, quod ὁπώρα vocant, horæis, hoc est, temporariis vel fugacibus fructibus vna cum æqualibus meis vberius usus essem, adueniente Autumno acuto morbo correptus sum, venamque incidere opus fuit. Cum ergo in urbem pater reuerteretur, ad me obiurgandum se conuertit, eiusque generis victus admonuit, quo eodem suadente, usus antea fueram, utque ab illo in posterum minime discederem: vitaremque sodalium incontinentium consuetudinem præcepit. Tum sequenti etiam anno operam curamque adhibuit, ut sobrie viuerem, atque horæos fructus cum moderatione gustarem. Atque ita in eo anno, qui erat ætatis meæ vndeicesimus, incolumis vixi. Sed cum altero deinde anno pater excessisset è vita, ipseque vna cum eiusdem ætatis amicis operæ fructus ad satietatem sumerem, in agritudinem superiori consimilem incidi, ut tunc quoque sanguinis missione opus esset. Deinde vero vel singulis annis, vel alternis nonnunquam ad octauum vsque & vicesimum annum morbo aliquo laborabam. Cumque tunc temporis periculum esset, ne ea pars mihi, quæ iecur septo transverso annexum est, abscessu corriperetur, ab esu horæorum omnium mihi penitus abstinendum proposui, exceptis ficibus vnisque omnino matris, quas neque intemperanter, ut antea, sed cum moderatione, sumebam. Quam sane victus rationem, cum quidam ex sodali-



dalibus natu me duobus annis maior compro-  
baret, curā ambo adhibuimus, vt exerceremur,  
cruditatesq; omnino vitaremus, ob idq; ad hāc  
vsque diem multos iam annos incolumes vixi-  
mus. Reliqui quoq; ex amicis, qui me hortante  
exercitatione vsi sunt, moderateq; cibum sum-  
pserunt, recte omnes semper valuerunt: sed alij  
quidē à quinto iam & vicesimo, alij ab aliquan-  
to paucioribus annis, vt cuique scilicet persua-  
sum fuit, horæos fructus, cibosq; alios mali suc-  
ci vitari oportere. Hæc ille

Quarto, de hyeme: Hyberno siquidem tem-  
pore, Auicenna. 2. 1. doct. 2. cap. 6. teste, quantum  
volumus, hoc est, plus quam cæteris tempori-  
bus edendum est. Quod Galeni etiam testimo-  
nio confirmatur, qui comment. 17. lib. 1. aphor.  
in hunc scribit modum: Hyberno tempore mul-  
ta quidem danda sunt propter robur virium, sed  
raro, quia non valde multa indigent adiectione  
laborantes, vt quibus non multa fiat euacuatio.  
Et ratio quidem est, quia calor innatus hyeme  
intensior est, tum quia vnitus, tum quia corro-  
boratus *ἂν τὴν ἀντιθέσιν*, id est, iuxta-  
positionem sui contrarij, nempe aeris frigidi cor-  
pora ambientis. De qua plura Aristoteles libro  
1. cap. 12. *μετεωρολογικῶν*. Sed hoc veritatem ha-  
bet in robustis & corpulentis, non autem in ra-  
ris & debilibus. In his enim intensum hybernū  
frigus non modo non corroborat calorem inna-  
tum, sed magis debilitat. Quod vero hyberno  
tempore calor plurimus sit, innuit Hippocrates  
aphor. 15. lib. 1. Ventres hyeme & vere natura ca-  
lidissimi sunt, & somni longissimi: quare per ea  
tempora alimenta copiosiora sunt exhibenda.

*Hyemis  
cibi.*

K

Etc-



Etenim tunc calor innatus plurimus est, unde & pluribus egent alimentis. Quæ quidem & crassiora & concoctu difficiliora exhibere licet, eo quod calor intensior sit. Vino autem vtendum est tum meraciore, tum rubicundiore. Quamquam vero in hyeme, ob robur caloris innati & fortitudinem virtutis concoctricis, cibi crassiores ac densiores cōueniunt: quia tamē tūc temporis ob phlegmatis abundantiam corpora facillime replentur & obstruuntur, & parua fit à continente resolutio, tutius est vti cibis inter solidū & rarum medijs: qualis est caro hœdina, vitulina, veruecina, luciorum, percarum & cancrorū. Crassioribus vero, vt bouina, ceruina, porcina, concharum, ostreorum, carpionum, & similium abstinendum, aut certe cum moderatione vtendum: adhibitis semper rebus aperitiuis & diureticis, nimirum petroselino, nasturtio, apio, & exercitio forti. Cæterum circa victus rationem pro singulis anni temporibus cōuenientem hoc etiam notandū venit: Quod autumno quidem melancholicis cibis ac siccantibus abstinere oporteat, hyeme vero eis vti, quemadmodum fæne æstate humectantibus & refrigerantibus: Verè autem, quod medijs sit temperamenti, mediæ facultatis cibus edere, quemadmodū lib. 1. cap. 25. de aliment facult. Galenus attestatur.

## DE PRAVO POTU

corrigeno.

## CAPVT XX.

*S*Alua cum ruta, faciunt tibi pocula tuta,  
 Adde rosa florem, minuuntq; potenter amorem,  
 Duo traduntur hoc loco prauī potus remedia.

*Pro*



## BONA VALETVDINE. 147

*Primum*, Salvia: cuius folia potibus immer- *Salvia.*  
sa vitia eorum proprietate quadam tollunt. Pe-  
culiare præterea habent gratiam, roborandi  
cerebrum ac nervos: ijs vero roboratis, malis  
fumis ex prauo potu procedentibus melius re-  
sistitur.

*Secundum*, Ruta: Huius namque folia integra *Ruta.*  
ac citra contritionem ullam potioni imposita, au-  
xiliiarem vim contra perniciem potus præstant.  
Etenim caliditate & proprietate sua potus vitia  
emendant. De Ruta quomodo aduersus venena  
conferat, satis dictum est supra cap. 13.

Additur in posteriore versu, quod flos rosæ  
superioribus adiunctus non modo dictam illa-  
tum vim augeat, sed Veneris insuper appetitum  
cohibeat atq; tollat. Quod sane de rosis potissi-  
mum intelligendum est, quæ puniceo colore ru-  
bent: hæ namq; fragrantia ac styptico suo sapo-  
re potus nocumentum remouent.

## DE NAVSEA MARINA. CAPVT XXI.

*Nausea non poterit hac quem vexare, marinam  
Vndam cum vino mixtam qui sumpserit ante.*

Cum plerisque necessitas incidat nauigio per  
mare proficiscendi, hic etiam remedia quadam  
aduersus nauseas & vomitiones, quibus premi-  
solent, qui nauium insueti primum iam nauiga-  
re incipiunt, enumerare placuit. Nempe, si diui-  
tes illi fuerint, vt per dies aliquot antequam na-  
uem conscendant, vinum suum aqua marina tem-  
perent: si pauperes, aquam marinam absque mi-  
xtione bibant. Sic enim fiet, vt nauseas citra vl-  
lum negocium euitent. Nam vinum, & precipue

*Gale. 10.  
ment. 14.  
libro 4.  
aphor.*

X. 2. aquo-



*Oribas.  
lib. 5. cap.  
3. Synops.  
ad Eustachium.*

aquosum, quod Paulo Æginetæ οὐδέλεον Græce dicitur, stomacho vomitionibus turbato maxime conuenit. Aqua vero marina, falsa & adstrictoria sua vi os ventriculi claudens, vomitiones præcidit atq; impedit. Porro vomitionibus primum iam oborientibus, nec facile, nec vtiliter resistitur; ut quæ omnino magna ex parte præsidio esse soleant contra magnas & vehementes ægitudines, nimirum elephantiasin, aquanæ intercutem, apoplexiam, & stomachi tum frigiditatem, tum inflationem. Siquidem ab his non solum præseruant, sed easdem etiam iam abortas vel curant, vel certe lenant. At si diutius crebriusque urgeant, adeo ut nauigantes vehementer debilitentur, comestione stypticorum & acidorum fructum, cuiusmodi sunt mala cydonia, mala Mariana (hoc est, ut interpretatur Iacobus Syluius, poma syluestria, ut vero Ianus Cornarius, poma Arantia) & nostra oricularia & curtispendula poma, quæ Epyroticis malis respondere putantur, vulgo Capenduta: siue *pomes de Capentus* Gallice vocantur, & punica siue granata acida, restringenda sunt. Hæc enim os ventriculi corroborant, & humorem sursum repentem deorsum reuellunt, ac inferne per ventrem euacuant, fluentemq; stomachum sistunt. Quin & ipse stomachus ab hisce roboratus fructibus humores ad se vndarum exagitatione confluentes reprimat. Apij quoque semen torrefactum ac in vino potum confert. Absinthium quoque tam in cibo, quam in potu sumptum nauseas tollit. Panis item assatus si ex vino aquoso & odore maceratus ingeratur, prodest. In summa tota victus ratio tum a acidis & ventricu-



riculum roborantibus, tum vapores etiam siue *Vapores sto-*  
 fumos ad caput ascendere prohibentibus, con- *machi pro-*  
 tituenda est: in quorum numero & lenticulæ *hibentia.*  
 cum primis in aceto vel succo vix acerbæ inco-  
 ctæ reponendæ sunt. Plura Paulus Ægineta lib.  
 1. cap. 56. & Auicenna 3. 1. doct. 5. cap. 7.

## DE GENERALI CON- dimento.

### CAPVT XXII.

**S** *Aluia, sal, vinum, piper, allia, petroselinum,*  
*Ex his fac salsam, ne sit commixtio falsa.*

Communes recensentur hoc loco materiæ, ex  
 quibus in mensa *ἡμετέριαι*, hoc est, intinctus,  
 condimenta siue salsamenta ex tempore parari  
 possint, si specialia defuerint. Sunt autem ex nu-  
 mero sex. Et prima quidem Saluia est: Ex hac e-  
 nim fit condimentum in assatione siue coctura  
 anserum & porcellorum. Hi nanq; Saluia per-  
 sæpe farciri solent, antequam assentur: vt nimi-  
 rum superfluis ac glutinosis ipsorum humidita-  
 tibus resolutis atq; dissipatis, Saluiæ penitus fi-  
 bi cum odorem, tum saporem induant. Saluia ta-  
 men post assationem reiicienda, & non come-  
 denda est. Quin etiam ruricolæ & plebeiij ho-  
 mines condimentum ex Saluia conficiunt, quo  
 in anserum esu vtuntur. Allium enim cum Sal-  
 uia cōrundunt, vt acrimoniam deponat, & vino  
 commiscent. Secunda. Sal: de quo infra capite  
 52. Tertia, Vinum: Quod sane extemporale di-  
 gitum vel nobilium condimentum est. Nam in  
 sinapeos aut omphacij defectu vinum cum sale  
 temperatum pro salsamento ingerunt. Quarta.  
 Piper: Estq; rusticorum & agrestium hominum

*Salsamita  
 varia,*

*Sal cum vi-  
 no.*

*Piper.*

K 3 sal-



salsamentum : quippe quibus fabæ atq; pisa pipere condita in quotidiano sint usu. Quientiam ex pane tosto cum ceruisia, siue vino ius nigrum pipere conditum pultis instar conficitur, quod ob id vulgato iam fere vbique nomine piperatum etiam appellatur. Hoc super carnes aut pisces effusum in delicijs habetur. Quinta Allium:

*Allium.*

hinc quoque salsamentum Rustici conficiunt, quod cum omnibus prope cibis suis, siue assi illi fuerint, siue elixi, siue dulces, siue falsi, imo vero & cum induratis ouis esitant. Allium namq; tritum cum molli caseo ac lacte commiscet, at-

*Petroselinū.*

que epulis deinde apponunt. Sexta, Petroselinum : Siquidem ex folijs eius contusis cumque omphacio vel vino albo commistis fit salsa viridis, quæ cum assis fere manditur. Cæterum silentio minime prætereundam hoc loco, quod pro ratione temporum sibi inuicem succedentium, ac cibariorum etiam quibuscum apponuntur, salsamenta variari conueniat. Calidis siquidem temporibus frigida, aut minima certe caliditate participantia, è contrario verò frigidis calida conferunt. Salsamentorum igitur statuenda materia est, in æstate omphacium, turiones vitis, acetum, succus malorum limoniorum, vel citrægulorum, vel punicorum siue granatorum cum saccharo, stilatitio rosarum liquore, qui ποδ-  
 γαγυς Græce dicitur & amygdalis : quibus tamen interdum serpylli nonnihil ac petroselini ad frigiditatis commodationem addi potest. Temporibus frigidis aptissima constitueretur salsamentorum materia, sinapi, cruca, zingiber, piper, cinamomū, caryophyllon, alliū, saluia, serpyllum, mentha, petroselinum, iuscula carniū,

vi-



vinum & acetum, idq; non acre nimis, sed vini  
naturę propinquum. Temperatis autem tempo-  
ribus inter caliditatem & frigiditatem media ma-  
gis congruent. Porro quod ad cibaria ipsa atti-  
net, alia alijs, quemadmodum sane coqui non i-  
gnorant, egent condimentis. Carni namq; ver-  
uecinę, similiter & vitulinę atq; hoedine appo-  
ni solet, in æstate quidem ex aceto & omphacio  
cum paucis speciebus cum petroselino, zingi-  
bere albo, omphacio & pane tosto in aceto vel  
agresta macerato, sine allij admistione: In hye-  
me vero eadem, sed cum largiore specierum co-  
pia, paucio allio, optimo vino & pauca agresta ap-  
ponitur. Nonnunquam vero sinapi & eruca suf-  
ficiunt. Carnibus bubulis elixatis perquam vti-  
le pro condimento est, duntaxat ad vsus eorum  
qui recte valent, iusculum nigrum ex pane tosto,  
cum iure carniū, paucio omphacio & pipere co-  
ctum, quod piperatum etiam appellari diximus.  
Hoc idem & pro suillis nō inutile hyberno tem-  
pore fuerit. Nihil porro vetat in primo cibo per  
æstatem carnes suillas etiam frigidas cum aceto  
ac petroselino mandi. Quod si tamē eadem car-  
nes, nempe bouina atq; suilla fuerint, hyeme  
quidem capre atque allium cum exiguo specie-  
rum dulcium pondere: æstate vero *oues*  
sine capris, aut paruulas capras, sed minuta plane  
copia assumere alienum non est. Sin vero ex con-  
cisis carnibus minuta paretur, repudiato per æ-  
statem caprarum vsu, lac amygdalarum cum om-  
phacio & exiguo specierum dulcium puluere ap-  
ponendum est. Ouum etiam conuassatum cum  
omphacio in fine conceditur. Hyeme vero vinū  
in omphacii locum sufficere, adeoq; species au-  
gere



gere operæpretium erit. Cuniculorum & pullo-  
rum assaturæ cōuenit condimentū ex cinnamo-  
mo & mica panis, æstate quidem cū omphacio,  
sed hyeme cum vino. Suillæ carni assatæ per hye-  
mē conueniet liquor, qui in de assando destilla-  
uerit, cum capis contusis & optimo vino tempe-  
ratus: per æstatem vero salsa viridis, cuius supra  
mentionē fecimus, ex vsu magis erit. Phasianor-  
um, perdicum & turturū assaturæ præter salem  
aliud non requirunt condimentum. Caponibus  
vero & gallinis elixatis non inutile condimen-  
tum est per hyemem, proprium decoctionis ea-  
rundem ius, cum paucis specierum dulcium pul-  
uere: & maxime quidem si saluia, hyssopus ac pe-  
troelinum iuri simul incocta fuerint: æstate ius  
ipsum per se cum momēto croci & succo turio-  
num vitis sufficit. Cæterum pro caponum & gal-  
linarum pinguium pastilatarum condimento,  
præter exiguum specierum dulcium copiam ni-  
hil penitus apponendū est, idq; in fine tantum,  
per æstatē quidem cum omphacio, per hyemem  
vero cum optimo vino. Pisces vero tātō calidio-  
ribus atq; acrioribus opus habent condimentis,  
quanto crassiore magisque excrementitia carne  
& humidiores natura constiterint, concoctuque  
pertinaciores fuerint. Eadem in carnibus quoq;  
habenda est ratio. Plura Magninus de conseruā-  
da sanitate, part. 3. cap. 20. & 21.

DE VTILITATE LOTIO-  
nis manuum.

CAPVT XXIII.

**L**otio post mensam tibi confert munera bina.  
Mundificat palmas, & lumina reddit acuta.

Si



*visfore vii sanus, ablue saepe manus.*

Dux hic referuntur commoditates ex lotionem  
manuum à sumpto cibo. Primo namq; manus i-  
n-  
ofas puras atq; mundas efficit. Deinde vero lu-  
mina etiam reddit acuta, id est, visus aciem exci-  
tat: & hoc quidem non per se, sed ex accidenti.  
Manus enim instrumenta sunt, quibus purgan-  
tur oculi. Quare puras eas atq; mundas esse con-  
uenit. Sed de hoc abunde supra, cap. 2.

## DE PANE.

## CAPVT XXIV.

**P**anis non calidus, nec sit nimis inueteratus,  
Sed fermentatusq; oculatus, sit bene coctus,  
Et salsus modice, ex granis validis electus.  
Non comedas crustam, choleram quia gignit adustam,  
Et panis salsus, fermentatus, bene coctus,  
Turus sit sanus, non talis sit tibi Vanus.

Duo circa Panis electionem tenenda esse hoc  
loco præcipitur. Primum, ne actu calidus ingera-  
tur: talis autem existit recentior, & iam primum  
è forno extractus. Nam cum lentorem quendam  
adhuc retineat, vehementer inflet, visceraq; ob-  
struat, necesse est: eoq; ad sanitatem inutilis ha-  
betur: quod 2. Can. tract. 2. capite 572. in hunc  
prope modum scribens Auicenna innuere etiã  
voluit. Non comedatur calidus, sicut est, quan-  
do videlicet è forno extrahitur, huius enim,  
quemadmodum & reliquorum similium vsus,  
propterea quod inflet, & immodice viscera ob-  
sepiat atq; obstruat, naturæ aduersus, infensusq;  
est. Hic idem, vt libro 2. de vict. ratione in morb.  
acut. aphorif. 34. Hippocrates scriptum reliquit,  
& loco citato Auicenna confirmat, manifesta

K 5

cali-



caliditate & recenti fuligine sitim facit, celeriterq; vaporosa humiditate satiat, sed supra suspenditur, & tarde descendit. Vetere tamen (reliquis accidentibus circumcisis) facilius concoquitur, quippe cum sit humidior: idque duobus potissimum modis cognoscitur. Primum ex pueris: fere enim ij maxime eo delectantur, vt pote simili. Alterum testimonium ab aetate sumitur. Nam si vetus est siccissimus, cum qui recentissimus est humidi simū esse oportet. Attamen hic etsi victus salubris rationi vt alimentum minus congruit, odoratu tamen præstantissimus habetur. Valenti enim ac suaueolenti vino imbutus & naribus admotus cor ipsum mirū in modum recreat ac roborat: atq; hac sane ratione syncope correptis vtilissime adhibetur. Imo vero & solo eius olfactu vitam prorogari nōnulli memorix prodiderunt. Quod proinde à Democrito factum esse Diogenes Laërtius libro 9. in eius vita his testatur verbis: Cum iam ex senio deficeret, & propinquus videretur morti, mœrentem sororem, quod ille in celebritate Cereris moriturus ipsa deæ vota exoluere nequiret, bono animo esse iussit, panesq; calidos sibi quotidie afferre: eos igitur naribus quū admouisset, viuum se, dum ea celebritas transiret, seruauit. Vbi vero dies illi transierunt (tres autem erant) quietissime ac minimo dolore conclusit vitā 109. ætatis anno. Extat super hac re Græcum eiusdem Laërtij Epigramma, sic Latine conuersum:

*Quisnam tam sapiens visus, qui tale patraris  
Vnquam, quale sciens omnia Democritus?  
Qui per tres tenuit præsentia fata dies, &  
Illa recens cocti panis edore aluit.*

Plu.

*Panis odor.*



Plura hac de re Conciliator differentia 155. & Manardus libro 18. epistol. 6. Secundum, ne vetustate induratus siue mucidus edatur. Naturæ enim humanæ, propterea quod nimium exsiccet, melancholicumq; succum generet, pro alimento non conuenit.

Secundo loco quinque enumerantur panis electi conditiones. Prima, vt sit bene fermentatus: Siquidem concoctu inter panes, vt lib. 1. de aliment. facult. cap. 9. Galenus attestatur, sunt facilissimi qui plurimū sunt fermentati & pulcherrime subacti, quique in clibano igne moderato fuerunt assati. Porro qui fermento omnino caret, nemini prorsus est accommodus. Qui vero parum habet fermenti, hic iuxta Auicennæ sententiam vbertim quidem nutrit, sed nisi multo exercitio ac labore fatigetur qui eo vtitur, prompte læditur. Iecoris enim meatus, per quos fertur alimentum, obstruit, lienis imbecilitatem augeat, calculos deniq; in renibus gignit. Secunda, vt sit oculatus, id est, rarus, porosus, & minimum ponderis magna mole nobis præstans: huic enim viscositatem omnem sublatam esse perspicuum est. Parum tamen, si Auicennæ credimus, alit, ventrem excrementis implet, & facile per intestina descendit, quemadmodū ille quoque, qui, quod ex farina & furfure non separata & furfure à pura farina non separato fiat, *αὐτόπυρρον* siue πυρρὸς à Græcis, à Galeno vero *πιτυρίαις* id est, furfuraceus, & à Cicerone cibarius appellatur. Furfur enim cum nonnihil facultatis habeat absterforiæ, merito intestinis irritatis velox fit eius deiectio. Iis autem contrarij quidem sunt panes purissimi, plurimū ponderis exigua mole habentes.

Panis electio.



res omnium vero panum tardissime deijciuntur. Tertia, ut plurimum ab artifice sit subactus, & in elibano mediocriter calido belle percoctus: male namq; coctus cum acre conficitur, tum ventriculum etiam grauat. Quod Auicennae etiam testimonio confirmatur, qui loco citato ita fere inquit: Panis qui non probe percoquitur, plurimum quidem nutrit, sed si quis priuatus & ab exercitatione alienus eo uti voluerit, celerrime in obstructionis periculum incurret. Huius etiam generis est in patella coctus. Nam partes ipsius intimae minus belle elaborantur. Sed de hac conditione abunde supra cap. 9. in Tritico dictum est. Quarta, ut mediocri sit sale conditus: dulcior enim obstruit, falsior exsiccat: qui vero in vtriusque excessus medio consistit, si ipsi caetera omnia ante pariter adfuerint optimum praebet alimentum. Modus vero salis gustu iudicandus est: qui namque in longiori huius mistura offendit, prauus existit. Quatenus igitur gustus nullum adhuc sensum tristem ex ea mistura percipit, eatenus ipsius copiam augere praestiterit. Quinta, ut ex optimis granis, laudatissimo nimirum tritico sit confectus: de quo satis superque dictum est capite 9. Tertio demum loco praecipitur, ut ab esu crustae panis, propterea quod choleram adustam atque succos melancholicos generet, abstinemus quatenus enim ipsa adusta & sicca est, succum etiam inde genitum adustum & siccum esse oportet. Quod Galeni testimonio confirmatur, qui in 4. Hippocrat. lib. de vict. ratione in morbis acut. comment. 103. ita scriptum reliquit: Ob assationem ambusta, tum ad succi bonitatem, tum ad concoctionem sunt

*Crustapa-  
nis.*



sunt inhabilia choleramq; pariunt, propter eam quæ his accidit acrimoniam. Merito igitur nobiles qui natura biliosi sunt, vtranque sibi crustam, tam superiorem, quam inferiorem auferri à pane curant: quos præcellentes Ecclesiarum procures atq; delicates obsonatrici speculationis magistri imitantur. Delienda itaq; è pane medulla est: quippe quæ melius, firmitus atque velocius, quam crusta præstet alimentum. Iis tamen qui sani adhuc sunt, sed ventriculum habent humidiores, quiq; extenuari cupiunt, crusta nonnunquam post alios cibos vesci conceditur: vt quæ præsumtos cibos deorsum subducatur, & os ventriculi roboret. Vltimi duo verus optimi ac saluberrimi panis quinque notas continent: nempe, vt sit probe salitus & fermentatus, vt bene percoctus, vt purus ac sanus, id est, confectus ex granis mundis & validis ac bona messe collectis, quæ imbriū multitudine vitata non sint. Quod Auicenna loco citato his fere verbis innuere etiam voluit: Oportet, inquit, vt panis sit mundus salitus, belle subactus, fermentatus, probe coctus, & hesternus, hoc est post biduum non repositus. Minime præterea silentio prætermittendum, quod maior panis portio ex comparatione semper sumenda sit ad pisces herbas & fructus humidiores, quam ad carnes & oua: rursus ad carnes maior, quam ad oua: & ad mollia oua copiosior, quam ad dura.

## ADDITIO.

Tritum in scholis Medicorum est dictum, Differtionem utiq; omnem esse incommodam: verum quæ ex pane fiat, pessimam. Quod sane desumptum est ex 3.1. doct. 2. cap. 7. Auicennæ, vbi  
inter



inter reliqua sic ferme scribit: Panis impedimentum, ubi non percoquat venter, maximum censeretur: carnis vero non ita. In stomacho quippe residet diu onere imprimis molesto: quod si non concoctus satis tandem dilapsus fuerit, hepar praefarcit ac mesaraicas. Caro autem maiorem ducit cum humano corpore similitudinem: proinde ex ea minus provenit nocumenti, & hepatis aut mesaraicarum praefartio leuior, ac curationi minus minusque obsistens, imbibentibus membris longe proclivius ob cognationem quandam carnis succum, quam panis. Hac Caelius Rhodiginus libro 5. cap. 36. lection. antiq. Sciendum praeterea, quod panis ex farina cribro succreta & a furfure repurgata maius ac purius praestet alimentum: furfuraceus vero, id est, cui furfuris nonnihil commistum est, minimum quidem omnium nutriet, sed facilius, ceu antea quoque diximus, per alium subeat. De Pane plura Galenus lib. 1. cap. 9. & 10. de aliment. facult. & lib. 5. cap. 8. de sanitate tuenda.

DE CARNE PORCINA.  
CAPUT XXV.

**E***Si porcina caro sine vino peior ovina:  
Si tribuas vinum, fuerit cibum ac medicina.*

Priore versu carnis porcinae instituitur cum ouilla comparatio, nempe quod porcina absque vino sumpta, quam ouilla peior habeatur. Porro quod prava sit ouilla, Galenus libro 3. de aliment. facult. capite 1. his confirmat verbis: Agni carnem habent humidissimam ac pituitosam: ouium vero excrementosior est, ac succi deterioris. Hac ipsa tamen ouilla, quae bonum alioqui



olli qui succum generat, peior esse, si absque vino  
edatur, hoc loco asseritur. Idque non aliam cer-  
te ob causam, nisi quod & ipsa pituitosam habe-  
at substantiā: quæ quidem vino corrigitur, & ad  
*ruptelav* perducitur. Altero deinde versu  
innuitur, eandem cum vino sumptam, supra  
quam quod valentissime nutrit, facultatē etiam  
habere ceu medicamenti, vt quæ humectando  
corpus inalteret. Id quod de porcellis assis po-  
tissimum atq; apris pulcherrime apparatis in-  
telligendum est. Caterum carnes porcinae, quæ  
sale cōdiuntur ac Sole deinde vel fumo exiccantur  
(quemadmodum apud nos in annum repo-  
nendæ à rusticis ac plebeijs hominibus apparan-  
tur) ouillis nihilo meliores censendæ sunt, siue  
cum vino, siue absque vino mandantur. Quare  
de assatis porcellorum carnibus, siue aprugnis  
hoc ipsum quod hic traditur, eo videlicet quo  
diximus modo, accipiendum est:

*Ilia porcorum bona sunt, mala sunt reliquorum.*

Ilia siue omasa, id est, pinguiora porcorum,  
intestina cum reliquorum animalium intestinis  
hoc versiculo conferuntur: quantumque ad vi-  
ctus salubris rationem attinet, aliorum anima-  
lium intestinis natura multo cum præstantiora,  
tum suauiora sunt, testis est cap. ii. lib. 3. de a-  
liment. facult. Galen. Neq; vllius etiam animalis  
intestinis libentius quam eorum quæ sanguine  
referta, vel pingua admodum sunt, vescimur.  
Eiusmodi autem porci cum primis habentur.  
Iam vero & sanguis suillus humidus est & mi-  
nus calidus, humano maxime temperie similis:  
siquidem & carnes suillæ humanis sunt similes.  
Cum itaq; porcorum intestina sanguine plena  
sint,



sint, nec aliud animal ex brutis facilius tum sanguinetur, tum pinguescat, non abs re intestinis eius libentius vescimur. De carne suilla abunde supra, cap. 7.

## DE MVSTO.

## CAPVT XXVI.

**I**mpedit Vrinam mustum, soluit cito ventrem.

*Hepatis ἐμφρεξι. Splenis generat, Lapidemq.*

Quinq; referuntur hoc loco incōmoda, quæ vini recentis siue musti potum sæpius excipiunt.

*Musti no-  
cumenta*

Primum quidem, reddendæ vrinæ impedimentum est, quod dupliciter sane intelligendum est. Vel enim crassitudine, quam ex multa terrenæ facis admistione obtinuit, vsque eo hepar adeoq; renes ipsos obsepit atq; obstruit, ut vrina penitus supprimatur: vel certe consuetum eius reddendæ morem ac ordinem immutat. Id quod de mustis nonnullis Rhenensibus, ac alijs quibusdam subtilioribus nemini dubium est. Siquidem facies eorum terrena & nitrosa qualitate præditæ sunt, atque eam ob rem, ubi in vesicam descenderint, ipsam mordicant, vrinamq; inordinate ac præter morem consuetum profunderere cogunt.

Secundum, facilis ac cita ventris solutio: viscera enim nitrosa siue salsa facis suæ qualitate abstergens ad deiectionem incitat: idq; præstat, primo quidem facis acrimonia, deinde flatuum etiam quos progignit multitudo, tertio vero propterea, quod ad coquendum sit difficile ac stomachum grauet, cito deorsum subit, inferioremq; ventriculi meatum, qui Græcis πυλωρός nobis autem Ianitor & inferius os ventriculi, Barbaris



baris portonarius appellatur, compressum ar-  
tissimeque coactum & contractum aperit & re-  
laxat: qua de causa etiam promptius aluum sub-  
ducit: sed potior tamen ea est, quod nitrosum  
quippiam ipsi insit, ac tergendī facultate prae-  
ditum sit.

*Tertium*, bonae hepatis temperatura noxa: He-  
par enim quemadmodum 3. 1. doct. 2. capite 8.  
Auienna confirmat, plurima facis commistio-  
ne obstruit, flatuum multititudine debilitat, &  
dysenteriam hepaticam inducit. Pari modo &  
αἰχμή, ac reliquas prauas hepatis ægritudi-  
nes: diuersas nimirū hydropis species generat.

*Quartum*, Splenis ac constitutionis eiusdem  
offensio: Siquidem hoc viscus æque obstruitur  
musto atque hepar: imo vero & duro insuper  
humore, quem σκίρρον Græci dicunt, haud raro  
corripitur.

*Quintum*, Calculi generatio, & potissimum  
in renibus: qui colore ruber est, & friabilis. Hunc  
eam maxime ob causam mustum generare dici-  
tur, quod substantia constet crassiore, adeoque  
crassitudine renes offerciat. Et hoc vere quidem  
de musto dulcioris vini, cui nitrosæ ac mordi-  
cantes faeces admixtæ non sunt, intelligitur. Nam  
cui ea admixtæ sunt, tantum abest à generatione  
calculi, ut nihil ei magis possit esse contrarium:  
quippe quod urinam vehementer moueat ac  
prouocet. Eiusmodi vero nonnulla ex Rhenensi-  
bus inuenias, quæ non modo arenulas secum  
per urinam agant, sed meiere etiam frequentius  
cogant. Frequens porro mictio arenulas iam ad-  
haerescētes motu suo abstergit & aufert. Qua-  
re, &c. Plura infra capite quadragesimo quinto.

L DE



DE CONSERVANDA  
DE AQUA POTU.  
CAPUT XXVII.

**P**otus aqua sumptus comedenti incommoda prestat :  
*Hinc friget stomachus, crudus & inde cibus.*

*Aqua potus  
noxiosus.*

Duplex noxa genus inter edendum aqua potum consequi hoc loco asseritur. Primo namque ventriculum infrigidat & relaxat, maximeque omnium cibi appetentiam deiecit. Deinde concoctionem interrumpens cruditatem generat. Pendent autem ea potissimum, ut testis est libri 7. method. meden. cap. 6. Galenus, ex eius frigiditate omnia, cuius culpa & in praeordiis diutissime moratur, & fluctuationes excitat & in flatum mutatur, & corrumpitur, & ita ventriculus resoluit robur, ut deterius ob id concoquat. Proinde eodem in loco Galenus etiam precipit, ne illico post cibum largius bibatur, videlicet antequam cibus fuerit concoctus. Siquidem innatant cibi, si bibatur, ita ut eos ventriculi corpus propter interpositum humorem non contingat. Quod innuere etiam 3. 2. doctr. 2. cap. 7. his fere verbis Avicenna voluit: Neque post cibum multa bibenda est aqua, quae inter ipsum, videlicet cibum, & ventriculi corpus separationem faciat & fluctuationis sensum inuehat. Hoc idem sequente etiam capite, nempe octavo, in hunc prope modum scribens attestatur: Cum à commestione natura concoctioni studet, si tantum aqua exhaustum prius fuerit, quantum commoda ciborum permissioni sufficit, tum ea quae succedit aquae potio inchoatam concoctionem turbat atque impedit. Idem in Canticis sectio 2. aphorif. 29. & 30. Aquae potu in mensa utendum



adum non est, nisi ratione adhaerentiae & tardioris descensus buccellae. Aqua enim cum cibo sumenda non est. Quem locum Auerrhoes exponens inquit: Causa quidem huius est, quoniam aqua quae statim à comestione bibitur, antequam ingestus cibus à ventriculo incalescat, in-frigidat, concoctionem impedit, & cruditatem parit. Eadem etiam causa est, cur ingestus cibus ventriculo innatet, neque eidem adhaereat, nec vniatur, ut ipsum, sicuti par est, conterat. Actio namque ventriculi in sumptum cibum fit conterendo simul & coquendo. Vnde simile quiddam succedit, quale solet cum multum aqua in lebetem feruentem infundimus: nam tum caloris vis in elixando hebetatur. Ita & in ventriculo contingit, Nam & cibi in corpore concoctio elixationi similis est, ut diserte admodum docet Aristot. lib. 4. Meteorolo. cap. 3. & post eum Galen. lib. 2. de facul. natur. cap. 7. Exigua tamen aqua potio, quae paulatim & quasi sugendo sumitur, ante cibi descensum concedi potest, nempe ut per eam cibi promptius ventrem permeent, & ad inferiora descendant, idque magis adhuc, si sitis etiam molestans ad bibendum urgeat. Exigua enim frigida potio eo, quo diximus, modo sumpta ventriculum alleuat ac colligit. Alleuat quidem, quia sitim extinguit, & cibi descensum promouet. Colligit vero, quia partes eius in vnum cogit. Et hoc ex locis Auicennae iam citatis satis liquet. Ceterum notandum, quod quamuis in depulsione sitis aqua quam vini potus magis conueniat, omnibus tamen quae valetudini tuendae sunt consideratis, vinum haud dubie praferendum est. Nam dato ac concess-



so, quod in sitis extinctione ( quæ ex Aristotelis & Galeni sententia, est appetitus frigidi simul & humidi aut alterutrius ) aqua in vniuersum sit melior, quia frigida & humida: naturaliter tamen in cibi permissione & eiusdem ad omnes corporis partes delatione, vinum præstantius habetur. Siquidem facilius cum propter substantiæ tenuitatem, tum actionis celeritatem cibis permiscetur. Quinetiam natura eo magis delectatur, adeoque citius attrahit, & aliis cibis permiscet: idque eo excellentius etiam, quod hæc mistio per modum quendam fiat ebullitionis, quam vinum vtique, cum sit potestate calidum, adiuvat: aqua vero ob innatam frigiditatem turbat atque impedit. Et sic omnibus perspicuum sit, vnum in ciborum tum permissione, tum delatione aquæ præferendum esse: quippe substantiæ tenuitate & genuina caliditate prompte permeat & penetrat. Nam quæ calida simul & tenuia sunt, facile penetrant: quo fit, vt vinum etiam, quam aqua magis ad omnes corporis partes deducatur. Aquæ nihil inest potestate calidi, nihil substantiæ aeræ, nihil ignæ, vnde tardiuscula sit, & plurimum temporis moretur, adeoque omnem cursum impediat necesse est. Assignatur præterea & alia ratio, cur aqua vino in potu sit postponenda: nempe hæc, quod aqua cum per se neque concoquat, neque nutriat, alimentum tamen nutritionem vel maxime impedit. Atque inde sane cibi omnes quanto aqueæ naturæ magis participes sunt, tanto minus nutriunt. Vinum igitur commodius cum cibo bibitur, quippe quod non solum non impediat nutritionem, sed multum etiam inuuet. Maxime enim



nim celerrimeque tum nutrit, tum instaurat: quemadmodum supra cap. 8. & 11. abunde ostendimus. Insuper & hoc notandum, quod aque potio, Auicenna 3. 1. doc. 2. cap. 8. teste, non interdendum modo, sed in aliis quoque certis quibusdam vitæ studiis noxia existit. Et primo quidem, si ieiuno stomacho sumatur, tunc enim libere ceu nullo retinaculo præpedita ad principaliora membra penetrans, insita sua frigiditate calorem innatum aut extinguit aut certe debilitat: & hoc potissimum in homine vere ieiuno. Nam ebrio maximum quandoque lenamen adfert, neque ipse quicquam inde læsionis percipit, si ieiunus aquam bibat: idque eam maxime ob rem, quod ieiunus ebrius non sit omnino ieiunus, aut stomacho vacuo, sed nonnullas etiam tum retineat hesternæ crapulæ reliquias, eas igitur, cum nitrosâ qualitate præditæ, ac ob id perquam molestæ sint, aqua contemperans stomacho abstergit: quinetiam vapores ad caput tendentes deorsum reuellit, ac totum ventriculi habitum in pristinum quodammodo statum reponit corroboratq; ita vt alimentum rursus appetat, contineat & concoquat. Secundo, si ab exercitatione vehementiore, aut statim à coitu sumatur: tunc enim pori corporis aperti, ac robur nonnihil dissolutum est: aqua igitur in profundum penetrans calorem innatum aut extinguit, aut certe deteriorem reddit. Tertio, si mox à balneo sumatur: idq; eis potissimū, qui vacuo ventre loti fuerint. Siquidem cutis ipsorum laxata iam & meatus immodice aperti sunt: quare aqua, vt dictum est, libere ac citra vllum obstaculum penetrans in summum vitæ discrimen perducit.

*Aqua craspula confer.*



*Diosc. lib. de  
lethalibus  
medic. cap.  
38. Aetius  
lib. 13. capit.  
45. & 83. &  
Paulus lib.  
5. cap. 65.*

Hinc est quod Auicenna 6. 4. Tract. i. Sum. i. capite 12. ita fere scriptum reliquit: Ex aqua frigida, quæ ieiuno stomacho, aut ilico post balneum, siue coitum bibitur, bonæ temperaturæ corruptio & viciosa timenda est. Quarto, si deprauata sitis, quæ ebriis sæpe ac aliis quibusdam ventri ac gulæ seruiantibus media nocte, aut summo mane oboritur, depellendæ gratia sumatur. Frigida enim potu tum concoctio impeditur, tum resolutio ac dissipatio vini potentis, vel falsi aut biliosi humoris in ore ventriculi contenti prohibetur. Quo fit ut sitis æque vehemens statim urgeat, & temporis spacio magis augeatur. Proinde hæc sitis somno tutius placabitur: per hunc enim humores prædicti sitim excitantes concoquantur & descendunt, ideoq; ut subinde cesset sitis necesse est. Quod si vero sitis vehementior fuerit, quam ut frigidi aeris inspiratu, aut oris collutione sedari possit, aquæ frigida potu restinguenda est: nam melius est concoctionem aliquantisper impediri, quam multa siti ventriculum accendi, præsertim ex meraciore vino. Aqua igitur frigida ex vase stricti orificii siue gracilis colli bibenda est, ut plurimum temporis moreretur in orificio stomachi, valentiusq; sitim mitiget: ac de ea sapius etiam, sed paululum sumendum est, ne concoctio penitus excludatur. Quinto generaliter ac communi ratione sanis obest, si multum aquæ frigida bibant: calorem enim innatum extinguit, pectus offendit, ciborum appetentiam deicit, & nervosis omnibus aduersatur partibus, ut testis est lib. 5. apho. 18. & 24. Hippocrates. Prudentissime igitur monuisse videtur, quisquis ille fuerit, qui ita cecinit:

*Vina*



*Vina bibant homines, animantia cætera fontes,*

*At sit ab humano pectore potus aqua.*

Veruntamen aqua temperate frigida appetentiam amissam reuocat nonnunquam, non per se quidem, sed ex accidenti. Ventriculum namque ac vna villos eius in vnum cogendo firmat ac roborat.

## DE CARNE VITVLINA.

## CAPVT XXIIIX.

*Sunt nutritiua multum carnes vitulina.*

Laudibus hic efferuntur carnes vitulinæ, eo quod alimentum corpori suggerant non mediocre, & hoc satis ex Auicenna constat. Nam 3.1. doctr. 2. cap. 7. inter cætera præcipit, vt cibus sanitatis tutelæ conueniens, sit talis, quales sunt carnes, & proprie hœdorum & vitulorum lactentium paruorum, & agnorum anniculorum, vt quæ consimilis fere sint naturæ, & facile in sanguinem commutentur. Galenus quoque lib. 3. cap. 1. de aliment. facultat. Carnes vituli lactentis sex vel octo hebdomadarum assatas, vt optimas tum ad coquendum, tum ad succum bonum generandum, tum ad nutriendum commendat. Sed de his abunde dictum est supra capite 7. Ideo non est cur hic plura referantur.

## DE AVIBVS ESVI APTIS.

## CAPVT XXIX.

*Sunt bona gallina, & capo, turtur, sturna, columba,*

*Quiscula, phasiades, merula simul ortygometa,*

*Perdix frigellusq, \* ōns, tremuluq, amarellus.*

\* al. Oren.

Agitur hoc loco de præstantia alimenti, quod ab auium genere sumitur. Enumerantur autem

L 4

qua-



quatuordecim, sed ita quidem, ut inde & reliquarum iudicia facile colligas.

*Gallina.*

*Primum, Gallina est:* quo nomine non solum gallinæ inuenies mediocriter pingues, sed galli etiam gallinacei hoc loco intelligendi veniunt. Siquidem horum omnium caro (ut copiose admodum differentia 68. Conciliator ex Haly, Auenzoaris, Auerrhois & Mesuæ sententia probat) alimentum est inter aues optimi: quia facile in sanguinem vertitur, & parum excrementosa est. Caro autem gallinarum est melior quam gallorum, nisi sint castrati. Nigrarum quoque, & quæ nondum pepererunt, est melior & leuior, ut gallorum qui nondum coierunt. Miram in corpore obtinet cum ipsius temperamenti, tum humorum æquandorum facultatem. Iis maxime conuenit, qui vitam in otio ac quiete degunt, quique leuiori ingenio ac mente sunt. Colorem viuendum comparat, vocem clarificat, genitali semini adiicit, & cerebri substantiam auget. Iusculum eorum optima leprosis medicina est. Ad hæc gallorum cum gallinis nondum coeuntium testes deperditas in morbis vires mirifice restitunt: quam ob causam hecticis & marasmo laborantibus, morborumque diuturnitate macrefactis utiliter exhibentur. Insuper & semen prolificum suppeditant, & venereas roborant vires. Decrepitorum autem præcipue gallorum caro nitrosa & salsa, cibo inepta, medicamentosa est iure suo maxime: potissimum vero gallorum ruforum, qui ad motum sint alacres, ad coitum ardentes, ad dimicandum fortes, obesorum ac macrorum medii: quoque vetustiores, eo magis sunt medicamentosi. Plura Mesues libro 2. de me-



medicam. simpl. purgant. dist. 1. capit. 23. Simeon  
sethi in Syntagmat. & Auicenna 2. cap. 296.

*Secunda, Capo, siue Capus:* hoc nomine semi- *Capus.*  
narem gallum vocant, quum fuerit castratus, si-  
cuti à M. Varrone libr. 2. capite 9. & Columella  
lib. 8. cap. 2. de Rē rustica traditur. Hic enim in  
cibis gratior est, vtpote remoto Veneris vsu pin-  
guior atque salubrioris alimenti redditus. Qua-  
re cum voluptate assumitur à ventriculo, ac fa-  
cilis concoquitur.

*Tertia, Turtur:* huius quoque caro cibis an- *Turtur.*  
numeranda est nulla omnino ex parte damnan-  
dis, qui neque tenues, neque crassi sunt, sed ve-  
luti in *supplementa* omnisq; excessus mediocri-  
tate consistunt. De ea Galenus cap. 7. lib. de at-  
tenuante diætā, in hunc scribit modum: Qui  
non exercetur, mandendæ ei erunt modice non  
modo gallinæ, sed columbæ etiam, ac turtures,  
tametsi turtur temperamento est sicco, & potif-  
simum quæ in montibus degit, itaque vesci quis  
poterit eis innoxie: recens tamen non turtur  
modo non est mandenda, sed nec perdix, nec  
alia omnia, quæ carnem habent moderate sic-  
cam: sed vbi vnum diem ad minus suspenderit,  
ita demum mandas licet. Porro palumbes præ-  
terquam quod carnem habent columbis & per-  
dibus & turturibus duriorem, difficilem etiam  
ad coquendum & excrementitiam habent. Per-  
dices vero ac turtures neque durissimas habent  
carnes, neque concoctu difficiles, neque præuo  
succo vitiosas: sed & ipsarum durities, si mortuæ  
vno die asseruentur, facile vincitur, fiuntq; fri-  
biles omnino atq; inculpatæ. Alimentum enim  
corpori dant laudabile, sanguinemque minime

L 5

visco-



viscosum generant, & crassi ac tenuis medium. Proinde quibus salubris cibus curæ est, eos, ut arbitror, his uti conuenit. Hæc ille. Plura Galenus in libr. de cibis boni & mali succi, cap. 5. & Rhazes aphor. lib. 3. aphor. 17.

*Sturnus.*

*Quarta*, quorundam opinione, Sturnus est, quem *Ψάγος* Græci vocant: auis nigra, albis maculis distincta, magnitudine Merulæ. Eius generi proprium cateruatim volare, & quodam pilæ orbe circumagi, omnibus in medium agmen tendentibus, sicuti ab Aristotele libro 9. cap. 26. de historia animalium, & à Plinio lib. 10. cap. 24. traditur. Galenus lib. 6. cap. 16. de sanitate tuenda, inter perdices, attagenas, merulas & turdos, quæ quidem boni succi esse ab omnibus existimantur, sturnos etiam commemorat: cum tamen à multis illaudabilis esse alimenti iudicentur: quippe qui melancholicum atque vitiosum generant succum, & cicuta, quæ venenum esse ab omnibus statuitur, vescantur, ut est apud Galenum libro 1. cap. 2. & lib. 3. capit. 17. de simpl. med. fac. Huic obiectioni Aloisius Mundella sic occurrendum putat: Nempe Galenum in 6. de sanitate tuenda in calculi renum vitio sturnos tanquam tenuis alimenti approbasse, itemq; palumbes & passerulos qui in turribus nidificant *πυργίτας* Græci vocant. Vel Sturnos non ita fortasse improbi succi esse, præsertim iuuenulos, ut vulgus putat: quædam namq; sunt animalia, quæ adhuc in tenella ætate existentia boni sunt succi, ut vituli & hoedi: si vero annosa fiant, prauæ. Hæc enim, ut ait Galenus lib. 3. de alim. facul. cap. 1. & concoctionis, & boni succi, & nutritionis laude carent. Multo autem magis Galeno creden-



endum est, quam vulgo ita inconsulte aliquam  
generalem proferenti sententiam. Neque etiam  
quod veneno pascantur, ab horum esu abstinendum  
est. Nonnulla enim animalia sunt, quæ li-  
cet venenis quandoque nutriantur, boni tamen  
sunt succi: quemadmodum de sturnis iam com-  
memoratis constat. His enim cicuta nutrimen-  
tum est, homini medicamentum, imo etiam ve-  
nenum. Siquidem sturnorum natura cicutam in  
substantiam suam vertere potest, quod hominū  
non potest. Sunt tamen quibus Starna hoc loco  
magis arrideat, vt per eam auis accipiatur gran-  
diuscula, magnitudine anseris, colore, cinereo,  
cuius caro succi sit laudabilis, præsertim iuuen-  
culæ. Atque ita sane Rhazes libro 3. ad Almanf.  
cap. 10. intellexisse videtur, vbi hanc reliquo a-  
uium generi præferens, in hunc prope modum  
scriptum reliquit: Starnæ caro inter aues leuissi-  
ma atque his qui attenuante victus ratione de-  
lectantur, conuenientissima inuenitur. Vel per  
Starnam auis forma & magnitudine pusillæ per-  
dicis intelligenda est. Sic Rabbi Moses accepisse  
videtur, ita ad Iudæos inquiring: Pari modo nec  
starnæ domino nostro conuenire putandæ sunt:  
quia ventrem confringunt. Sed hanc propieta-  
tem alii ipsis perdicibus adscribunt. Nam car-  
nes earum, sicuti à Simeone Sethi & Rhaze loco  
paulo ante citato, asseritur, ventrem sistunt.  
Quinetiam Baldachus quidam non contemnen-  
dus autor starnas mirifice commendans, tabula  
15. de rebus non naturalibus, ita fere scribit:  
Starnæ, phasianorum, ac perdicum naturæ pro-  
pinquæ sunt, & secundum ordinem sese in tem-  
peramento & subtilitate habent. Præstantissimæ  
enim



enim sunt starnæ, mox phasiani, deinde perdices, ut quæ reliquis excellentius desiccant. Docet præterea Ioannes Michael Sauonarola, ab harum trium esu abstinendum esse, tum iis quamlibet actionem fortem ac vehementem obcunt, tum sanis etiam: ut si quando morbus aliquis inciderit, habeant quod ultra consuetudinem ad edendum inuiter.

*Columba,*

*Quinta, Columba,* auis vulgo nota, quæ cum biliosam admodum habeat carnem, sanguinem moderato crassiorem & calidiorem necessario gignit: atque ob id febres nonnunquam facit. Quare in pastillis potius cum aceto aut omphatio & coriandro præparata, quam assa mandenda est: ita namque exuperantia caliditatis eius ad *suppressionem* commodationemque reducitur. Renes frigiditate dolentes iuuat, semini genitali & sanguini adiicit, sed caput atque oculos lædit. Quinetiã leporina caro, si frequentius usurpetur, generare fertur. Non minimum vero reliquis pulli eius volucres tum succi probitate, tum concoctionis facilitate præstant. Involucres enim calidam ac humidam habent carnem, atque excrementitiam, & maxime domestici. Ex columbis enim, ut Oribasius tradit libro 4. ad Eustathium, cap. 1. agrestes domesticis præstantiores sunt & omnino agrestia domesticis præcellunt. Electiores quoque pulli sunt per Ver & Autumnum, quam per Æstatem atq; Hyemem exclusi fotique. Porro antiquæ & annosæ non solum columbæ, verum & turtures, tum ob caliditatis & siccitatis excessum, tum vero & concoctionis difficultate vitandæ sunt. Plura Simeon Sethi, in Syntag. Rhazes lib. 3. cap. 10. ad Alman.

*Aui-*



Auicenna lib. 2. Cano. cap. 132. & Auerrhoes lib.  
Collect. cap. 32.

*Sexto, Quiscula*: vulgare nomen à sono fictū: *Coturnix*.  
eoterici Qualeā vocant: Latinis (vt Festus ait)  
ficta est Coturnix, itidem à voce, à qua multis  
quibus nomina indita sunt, ὀρνῆς à Græcis appel  
latur. Caro eius, iuxta Auerrhois sententiā tem  
perata est, ad caliditatem tamen paulo propen  
sor, ac tenuis substantiæ optimiq; succi: quare  
anis, ac iis qui conualescunt, alimentum est ad  
bonam valetudinem accommodatissimum. Ve  
rum Psello, Isaaco, atq; aliis quibusdam non a  
ppernandis Medicinæ scriptoribus, Coturnix a  
nis est tum ad concoctionem, tum ad succi bo  
nitatem inhabilis, vt quæ & Veratrum comedat,  
& morbo comitiali corripiatur. Vnde Auicenna  
2. Canon. capite 153. ab eius vsu suadet abstinē  
dum, quippe quæ tetanum & spasnum inducat.  
Vbi notandum tamen Auicennam non ob id so  
lum coturnicis cibum improbare, quod ellobo  
ro nutriatur, sed etiam quod talis facultas, spaf  
mum ac tetanum generandi, illius insit substan  
tiæ. Hac ratione igitur Galli coturnices cum mol  
li ac pingui caséo pastillatas edere consueuerūt.  
Potest etiam per coturnicem intelligi alia quæ  
dam auis, perdice aliquātulum maior, genis, ro  
stro & pedibus rubenti colore, reliqua vero pen  
narum facie ad leucophæum vergente, quæ Ita  
lorum vulgo Coturnix appellatur: estq; de Al  
pinarum volucrum genere, & in syluestribus &  
frigidis locis montibusque versatur & degit, ne  
que ab Italicis regionibus vnquam recedit. Cu  
ius animum speciei apud veteres fuerit, nondum  
satis compertum habetur: sed ex gustu, & odo  
ratu



rata, & loci natura in quo continue commoratur, & ex iis quibus pascitur (nam illa grati admodum sunt odoris) boni & laudabilis esse alimenti iudicanda est, & propterea in cibis merito expetenda. Quo sane modo Rhazes etiam lib. 3. cap. 10. ad Almanf. coturnicem accepisse videtur, cum ei secundum post starnam bonitatis locum tribuit. De utraq; coturnice cum plurima, tum cognitu pulcherrima habet Aloisius Mundella epist. 6.

*Phasianus.*

*Septima*, Phasianus: quem à Phaside amne apud Colchos, ubi primum cognitus est, ita nuncuparunt. Hæc est decantata omnium libris avis, quam primam fere in mensis esse iudicant, propter carnis bonitatem, à qua Medicinæ professores veluti à scopo, de temperamentis ciborum iudicia auspicantur: succi enim probitate & iucunditate longe careris antecellit, neque solum ad victus salubris rationem, verum ad robur quoque conciliandum accommodatissima est. Caro enim iuvenuli ac pinguis conualescentibus & morborum diuturnitate macrefactis optimus cibus est. Sed ob nimium atque immensum precium Principum duntaxat atque magnatum mensis dicata est. Meminit Phasiani Galenus libro 3. de aliment. facult. capite 18. sic inquit: Caro Phasianorum, quod ad concoctionem & nutrimentum attinet, gallinis est similis, voluptate tamen in edendo superat: quin & sicciore constat temperamento, ut qui in sicciore degat aere, & magis exerceatur. Lege plura de hoc apud Simeonem Sethi, & Rhazem aphor. lib. 3. aph. 13.

*Merula.*

*Octava*, Merula: quæ quidem avis est nigro pen-



pennarum colore. rostro rutilo, & sturni magnitudine, *Κότυφος* à Græcis dicitur. Quanquam vero hæc à Galeno, Oribasio atque Ægineta inter optimi succi alimenta connumeratur, carnem tamen, quam perdicis & attragenis, durior em obtinet. Quare & ipsa iuuencula ac pinguis mandenda est. Turdi quoque & reliquæ id genus auiculæ montanæ omnes in hanc classem referendæ sunt.

*Nona, ὄρνις γρηθήρα*: ea avis est turturis magnitudine, pennarum calore nequicquam à coturnice differens: rostrum longius est & acutius, crurâ pedesque satis etiam pro ratione corporis longos obtinet, quinetiam frugiuora est & aduena antequam coturnices haud vsquam audias, neque coturnices te amplius visurum speres, ubi hæc audire desit. Vox mirifica est coaxantium ranarum clamori non abfimilis, nisi quod subtilior multo & acutior est. Caro eius optimum gignit succum, ubi per diem suspenderis. Gilbertus Longolius in eruditissimo suo de Auibus Dialogo eandem esse putat cum *νυχτοφίμω, ὄρνις γρηθήρα* autem Græcis dicta est, quasi coturnicem matrix, quod coturnicibus per maria terrasque aduolantibus dux & rex itineris esse soleat, ab *ὄρνις*, id est, coturnix, & *γρηθήρα*, id est, matrix. Plura Aristoteles libro 8. capite 12. de historia animal. Plinius libro 10. capite 23. natural. histor. Solinus capite 18. & Athenæus lib. 9. deipnosophist.

*Ortygometra.*

*Decima, Perdix*: huius quoque caro medii ferre temperamenti est, & concoctu facilis, probumque succum gignit, præsertim si non illico post occi-

*Perdix.*



occisionem, sed vnum ad minus diem suspensum comedatur. Sic enim quod durum in se continet, abiicit, & friabilis redditur, quemadmodum ex Galeno paulo ante ostensum est. Sanguinem copiosum ac tenuem generat, adeoque crassiores, si forte in corpore inuenerit, extenuat: idque alae potissimum praestant: quae ut in reliquo auium genere, ita in hoc quoque facilius concoquuntur. Et vno verbo optimae quidem alae sunt auium iuuenum saginatarum, pessimae vero macilentarum & antiquarum. Alimentum autem perdicum optimum est iis qui se non exercent, & qui vitam degunt otiosam, quique imbecilliores & inualidi sunt, tum etiam attenuante victus ratione assuetis, & hydropicis, qui humido sunt ventriculo: vitiosos enim & corruptos ipsius humores consumit atque abstergit: memoriam assidue mansa corroborat, impingat, semen augeat, & ventrem stimulat, sed eundem cohibet: unde accommodatissimum diarrhoea laborantibus fit edulium, si assa cum aceto ingeratur. Medulla cum vino praesumpta ictericos sanat. Iecur comitiali morbo correptis auxilio est: Fel quoque suffusionibus oculorum à principio mirifice prodest: facit & ad ipsorum hebetudinem. Si tempora singulis mensibus eodem felle perungantur, memoriae confert. Plura Galenus lib. 3. cap. 18. de alim. facult. & lib. 8. cap. 2. meth. medend. & Simeon Serhi in Syntag.

*Frigellus.*

*Undecima, Frigellus:* Ea ex turdorum genere auis est, cuius Aristoteles libro 9. capite 20. de historia anima. tres constituit species. Vna visciuora, quae nisi visco & resina non vescitur, & magnitudine paulo minor quam pica est: altera pilaris,



aris, quæ sonū edit acutū, & magnitudine me-  
 sulæ est: tertia, quam iliacam vocāt nonnulli, mi-  
 nima inter has, minusque maculis distincta, de  
 qua sane intelligenda sunt, quæ de frigello hoc  
 loco dicuntur. Hæc vtrinq; iuxta oculos, & in pe-  
 ctore & in ipso alæ flexu, intus & foris maculas  
 habet latiusculas, rubras. Primum genus nō nisi  
 hyeme apud nos cernitur, aut si videatur, rarum  
 est. Secundum per totum annum apparet, macu-  
 loso valde pectore, & cantus sui gratia à multis  
 in caueis alitur. Tertium per æstatem apud nos  
 nusquam videtur, sed vindemiæ tempore atque  
 instante hyeme primum cernitur, adeoque ob id  
 frigellus, nempe quod aduentu suo frigus insta-  
 re prænunciet, nominatur. In vineis potissimum  
 reperitur, ac dulcium vuarū esu sapius inebria-  
 tur, velociter volat: & optimi est succi, præsertim  
 circa festum Omnium sanctorum. Lege Guliel-  
 mum Turnerum in libello de Auibus.

*Duodecima*, Otis: quæ & ipsa in cibis gratissi-  
 ma atque optimi succi est, nempe ex syluestrium  
 gallinarum genere, Perdicum similis: sed obesi-  
 tate corporisq; pondere parum se alis attollit:  
 quapropter canibus se obnoxiam quodammo-  
 do cognoscens, ad eorū latratum extemplo pro-  
 ripit sese latitans inter frutices. Lege Ælianum  
 & Oppianum. Gilbertus Lon. eam esse adserit,  
 quam bonosam vulgo nuncupant: de qua Ga-  
 lenus lib. 3. de alim. facult. cap. 19. & Athæneus  
 lib. 9. dipnoso. Sunt tamen quibus orex hoc lo-  
 co mapis placeat, ut gallina phasiani per eam ac-  
 cipiatur. Alij vero gallinam aquaticam interpre-  
 tantur. Siue igitur gallina sit aquatica, siue pha-  
 siani, caro eius bonum gignit succum.

M

Deci-



*Tremulus.*

*Decimatertia*, Tremulus: quæ quidem avis est fusco pennarum colore, magnitudine quam gallina minor, velocissimi volatus, alte vociferans ac clamosa in cuius capite crista plumea, ex eorum aviū genere, quas *τελειονυιδας* Græci vocant: caudam enim, cum pedibus incedit, afflicte quatit, & ob id tremulus vocatur. Semper fere iuxta maria versatur: ne quis parvam illam anniculam longæ caudæ, quæ codatremula vulgo siue motacilla dicitur, per tremulum, hoc locum intelligendum putet. Huc etiam referri possit (si non eadem est) avis quædam cornice minor plumis fere viridibus & nigris per totum dorsum, caput & collum: ventre albo, longa & semper erecta in capite crista plumea, alis obtusioribus & inter volandum magnū strepitum edentibus, unde & vannellus à barbaris dicitur, clamosa admodū & querula: quæ aquis vermium gratia, quibus solis victitat, appropinquat, sed ipsas non ingreditur, in planis & locis circa confitis plurimum degit.

*Amarellus.*

*Decimaquarta*, Amarellus avis aquatica, forma perinde ac anas, sed minor, ab Aristotele libro 8. cap. 3. de histor. animal. *βόρνα* appellatur. Illud porro nosse in vniuersum expedit, quod præstantius alimentū ab iis sumatur avibus quæ volatu magis nituntur, celeriusque volant. Et quemadmodum prædictarum aviū caro concoctu facilis & ad bonam valetudinem accommodatissima, sic è diuerso quarundam excrementitia est ac mali succi, multoq; ad coquendum difficilior, atq; inæqualis temperamentis: eiusmodi inprimis existit pavonum, anserum, gruū, ardearū, & quotquot oblongum habent



ment collum ac rostrum : inq; paludibus nutri-  
untur. Huc , quod ad succi prauitatem attinet,  
assereres etiam referendi sunt, qui in turribus ni-  
ficant, pyrgitæ appellati: nam & calidissimi  
sint , & longius à temperamento recedunt , ac  
turius alimentum dant, Veneremq; impensius  
stimulant. Circa electionem vero alimēti quod  
auium genere sumitur, sciendum est, iuxta di-  
uersas præstantioris alimenti proprietates ( si e-  
nimus quod nutritur sanitatem vel robur spectes )  
carnes varie laudari. Sic Galenus ad facilem  
concoctionem & subtilitatem respiciens, boni-  
tatis palmam perdicibus attribuit. Rhazes &  
Isaacus ob leuitatem & subtilitatem starnam  
præstulerunt. Idem quoq; Isaacus diuersa ductus  
ratione diuersarum auium carnes laudauit. A-  
uicenna turturis carnem, quod mentis aciem  
atq; intellectum roboraret, mirifice commendat.  
Auium porro omnium volucrum genus pau-  
cissimum præstat alimentum , si ad genus gres-  
siliū conferatur. potissimum si ad suillam, qua  
non aliud inuenias , quod copiosioris sit nutri-  
menti : voluerium tamen caro ad coquendum  
est facilior: quare ijs qui neglecto corporis exer-  
citijs, consilijs potissimum & studijs ac contem-  
plationi vacant, conuenientissima est, præcipue  
perdicis, attagenis, columbæ, galli gallinacei &  
allinæ, quemadmodum libro 3. de aliment. fa-  
ult. cap. 18. Galenus testatur. Sanguinem enim  
procreat clarum atq; mundum , & spirituum  
generationi ac mentis exercitijs & intellectui a-  
tissimum. Siccius namq; alimentum, quale di-  
starum auium est, studio contemplationiq; in-  
tentis conuenit, Siccitas enim prudentiæ fami-



liaris est, ficuti luculenter & perspicue docuit  
Galenus in libro, cui titulus, Quod animi mu-  
res corporis temperaturam sequantur, cap. 5. I. de  
ge plura apud eundem lib. 8. cap. 2. method. m-  
dendi, & in libro de attenuante diæta, capite  
De Attagene pulcherrima quædam & scitu d-  
gnissima Gilbertus Longolius in Dialogo de  
uibus prodidit.

## DE PISCIBVS.

## CAPVT XXX.

*SI pisces molles sunt, magno corpore tolles:  
Si pisces duri, parui sunt plus valituri.*

Hic duæ traduntur laudabilium piscium no-  
ta. Pisces enim aut dura carne suapte natura  
sunt, aut molli. Ex his igitur qui molles sunt, v-  
tuli iunioribus præstant. Carnis namq; mollitudo  
pro modo humiditatis respondet, quæ crudior  
in nouello pisce, in vetulo vero cōcoctior existit.  
Quare nouelli pisces lento ac pituitoso succo  
magis quam vetuli abundant. Atq; hac cer-  
tione nonnulli anguillam etiam vetulam iuni-  
ori præferunt. Ex ijs vero qui dura carne prædis-  
sunt, iuniores longe præstantiores & concoctio-  
faciliores habentur: eiusmodi porro lucij cum  
primis sunt & perca. Carnis enim durities co-  
coctioni resistit. Quæ sane sententia ex 2. Can-  
capite 553. Auicennæ desumpta est, vbi sic fere  
scriptum reliquit: Ex piscibus dura carne prædis-  
tis eligendi sunt minores, ex molli vero mai-  
ores ad terminum aliquem. Plura Galenus lib.  
3. de alim. facult. cap. 29. & 30.

*Lucius & perca, & saxatilis, albica, tencha,  
Gornus, plagitso, & cum carpa galbio, trutta.*



Hic decem recensentur pisces, quorum alimentum hominum corporibus saluberrimum se putatur.

*Primus*, Lucius est, piscis vulgo notus, qui *Lucius*. quod non modo in alterius, sed suæ etiam speciei pisces grassetur, tyranni appellationem vulgato versiculo fortitusest:

*Lucius est piscis, rex atq; tyrannus aquarum.*

Natatu velox ac duræ carnis est, sed omnium.

Medicorū iudicio *Ἰππικῶν*, atq; optimi succi-

*Secundus*, Perca: qui branchijs subruffus est, *Perca*.

Orso spinis armatus, vnde *ἀκανθόσεφῆ εἶναι καὶ τοικιλόχροα* ex Aristot. Athenæus scribit, lib *δειπνoσύφ.*

.7. Duræ quoque carnis est, & vul-

go cognitus. Porro alimentum quod ex eo su-

mitur, non modo ad coquendum est facile, sed

gustui etiam gratum, atque hominum corpori-

bus saluberrimum, vt quod sanguinem medium

consistentia generet, supra cap. 9. Vnde maximo

in precio hic piscis semper est habitus, Ausonius

in Mosella sic de eo canit:

*Necte delicias mensarum Perca silebo,*

*Amnigenos inter pisces dignante marinis.*

Quanquā certe *τὸ πέριχον* antiquissimis etiam

Græcorum vsitatum sit, reperiuntur tamen qui-

bus per *ἀντίφραστον* quod nulli piscium parcat, à

parcendo sic dictus esse videatur: vt qui iratus

alios pisces pinnis suis quas supra dorsum ha-

bet vulneret. Qua ratione à Lucio quoque im-

munis est: imo, vt Albertus refert, naturalis

quædam lucio cū perca amicitia est. Læsus enim

Lucius non tam facile à quouis alio piscium sa-

natur, quam à perca.



*Solum igitur liquidis parcam laceratus in undis  
Vestigat, lustrans, solum hunc medicamina pascit.*

Qui sic inuentus vulnera eius tangendo lenit  
atque sanat.

**Saxatilis.**

*Tertius*, Saxatilis: quo quidem nomine piscis  
à nonnullis hoc loco accipitur ex eorum nume-  
ro, qui parui perpetuo manent: cuius alimen-  
tum ( licet squamis careat ) ad voluptatem, co-  
ctionem simul ac distributionē & succi bonita-  
tem præstantissimum est. Multos tamen inue-  
nias quibus Saxaulus potius, siue Saxaulis hic

**Saxaulus.**

legendum esse videatur, ut hoc nomine ex pla-  
norum piscium genere eum intelligamus, qui  
 $\beta\epsilon\gamma\lambda\omega\tau\iota\omicron\varsigma$  &  $\kappa\beta\epsilon\gamma\lambda\alpha\sigma\omicron\varsigma$  à Græcis dictus, hodie  
 $\gamma\lambda\omega\tau\iota\alpha$ , nuncupatur: à Varrone & Plauto lin-  
gulaca, à linguæ figura, quæ Græcis est  $\gamma\lambda\omega\tau\iota\alpha$ ,  
cui  $\beta\epsilon$  particula addita est, ut magnitudinem po-  
tius quam bubulæ linguæ figuram significet: à Pli-  
nio Solea, itemq; ab Ouidio in Halieutico:

*Fulgentes Solea candore, & contolor illas*

*Passer.*

A figura Soleæ quæ solo pedis subijcitur. Hic  
vero inter marinos pisces alimēti est haudqua-  
quam contemnendi. Galenus lib. 3. de aliment.  
facult. capite 29. similes quodammodo inter se  
esse Passerem & Soleam scribit, non tamen om-  
nino eiusdem esse speciei: Soleam enim mollio-  
rem esse, ciboq; suaviorem, ac in totum Passere  
præstantiorem. Suauitate quidem, alimenti co-  
pia, succi bonitate solea præstantior est: at carne  
duriore solidioremq; esse experiētia sensusq; con-  
uincunt. Plura Gulielmus Rondeletius lib. 11. ca.  
11. de piscibus marinis.

*Quar-*



*Quartus*, Albica, qui & ipse marinus reponen-  
tus in numerum sale conditorum, & in fumo  
deinde vel in aëre exsiccatum, qui deinde ba-  
culo ante coctarum contunduntur. Albica au-  
tem ex eo dictus videtur, quod molli humida  
atq; candida admodum sit carne, Italis Mollo à  
carnis mollitie, Gallis *merlos*. Afellus est veterū,  
vel ei omnino cognatus ex Gesneri sententia, &  
pro bono gratoq; cibo habetur.

*Albica.*

*Quintus*, Tinca, vel tencha: piscis aquæ dulcis  
notus pelle lubrica, muccosa, ad nigredinē ten-  
dente, ac carne dura: vnde ab his tribus, nempe  
Iucio, perca & tinca post coctionem pellis aufer-  
ri solet. Auson. in Mosell. vulgi solatium vocat,  
quod pauperibus tantum imponatur. Excremen-  
titius est, & totus lutosus.

*Tench.**Tinca.*

*Sextus*, Gornus, gornatus, siue gurnadus: piscis  
marinus albus: atq; minimus, mediij digiti lon-  
gitudinem non excedens, vna cum capite ac spi-  
nis manditur.

*Gornus.*

*Septimus*, Plagitia: piscis marinus planorum  
generi subiiciendus, rhombo figura similis, sed  
contractior, lingulaca latior. Hic piscis supina  
parte albicat, prona fuscus est & terrei coloris,  
instar passerum auium, vnde à Latinis passer e-  
tiam dicitur, à Græcis *ψῆλλος* Gulielmus Ronde-  
lerius lib. ii. cap. 7.

*Plagitia.*

*Octauus*, Carpa, siue Carpio: Cyprinus quorun-  
dam opinione: piscis fluuiatilis notus, squamo-  
sus. Huius caro excrementitia est ac muccosa,  
quare à magnatibus in vino decoquitur. Ita nan-  
que multo quam ante præstantior euadit: quic-  
quid enim muccosum aut virosus gustu refert,  
id totum deponit.

*Carpa.*



*Galbio*

184

DE CONSERVANDA

*Notus*, Galbio: piscis marinus notus, cartilagineus, corpore tenui & in amplissimas alas expanso, raia Latine dicitur, & à quibusdam rochetus, siue rochus, à Grecis βα'τ' & βα'π' à rubi, quem βα'π' vocant, similitudine. Quem admodum enim spinosus est aculeatusq; rubus, ita raia omnis aculeis aspera non quidem toto corpore, sunt enim λαόβατοι, id est, laeves raia, quibus nulli sunt in corpore aculei: sed siue laeves sint raia, siue aspera, omnes uncus aculeos in cauda gestant, sicuti in rubo, cynosbato & rosis cernuntur. Piscis est dura carnis, cōcoctu difficilis, sed alimenti firmi & sani. Vide Gulielmū Rondeletium libro 12. cap. 3. Nonnulli Galbionem referunt in baculo contundi solitorum piscium classē, ut eum hoc nomine intelligamus, qui & ipse dura carnis est ac sanus. Alij textus habent Gobio, de quo Galenus lib. 3. de aliment. facult. cap. 28. Gobio inquit, littoralis est piscis ex eorum numero qui parui perpetuo manent, suauissimus ac cōcoctu facilimus, simulq; ad distributionem & succi bonitatem optime comparatus, Gallice *Gouion*.

*Truta*

*Decimus*, Truta: Hic omnium qui in dulcibus aquis generantur piscium æquali cunctarū gentium iudicio lōge nobilissimus habetur. Varius admodum est, purpureis guttis siue maculis totum dorsum speciose pingentibus, carne interiorius rubra, quemadmodum in salmone etiam conspicitur, ut proculdubio is piscis sit, qui Ausonio in Mosella Salar vocatur, cum dicit:

*Turpureūq; Salar stellatus tergora gutti.*

Celebratur apud homines, tanquam voluptate cibos reliquos superet: Carnem habet valde  
fria.



riabilem, vt in qua nihil neq; leatoris neq; pin-  
quedinis inſit: quo fit vt alimentum quod ex eo  
ſumitur, hominum etiam corporibus ſaluberri-  
num eſſe cenſeatur. Huc quod ad ſucci bonita-  
tem attinet, aſchia etiā & aurata referendi ſunt.  
Porro Truta Gallicum eſt: nam vulgo *Truite* vo-  
cant. Verum haſtenus ſingulatim de piſcibus:  
nunc generatim etiam atq; vniuerſe nonnihil  
de præſtantia ipſorum dicemus.

*Sciendum* igitur imprimis, alimentum quod *Piſcium*  
ex piſcibus prouenit, quemadmodum id ipſum *electia*  
libro 3. capite. 25. de aliment. facult. Galenus at-  
teſtatur, ſanguinē gignere conſiſtentia tenuio-  
rem, quā quod ex pedeftribus animalibus ſu-  
mitur, adeo vt non affluenter nutriat, & cele-  
rius diſcutiatur: magis tamen excrementitium  
eſt. Phlegmatici enim, id eſt, frigidioris hu-  
midiorisq; temperamentis ſunt piſces. Ob ean-  
dem tamen cauſam quidam ipſos concoctu diſ-  
ficiles eſſe ac tardi tranſitus cenſuerunt: quippe  
ratione frigiditatis lenti etiam ſunt, atq; diu-  
tius ob id ventriculo immorantur, & concoctio-  
ni repugnant: quo fit vt ſæpius corrumpantur,  
& putreſcendo ſitim generent. Carnium itaq;  
laudabilium alimentum hoc nomine, quam  
piſcium ſalubrius eſt.

*Secundo* vero hoc etiam ſciendum: nempe pe-  
lagicos, hoc eſt, marinos (modo cætera bona no-  
ta conſentiant) in victus ſalubris ratione, quam  
qui in aquis dulcibus nati ſunt, eſſe meliores.  
Alimentum enim quod præſtant, minus exere-  
mentitium eſt, & carniū naturæ propinquius.  
At vero cum pelagici (cæteris paribus) quam  
fluuiatiles ſint carne duriore, conſentaneum eſt

M s eof.



eosdem difficilius etiam concoqui & resolui, ac magis nutrire, sanguinemq; gignere puriorem. Agris tamen ob concoctricis facultatis imbecillitatem fluuiatiles accommodatiores sunt.

*Tertio sciendum*, ex piscibus tam marinis, quam fluuiatilibus eligendos esse, qui carne sint minimum mucosa aut lenta, sed alba, suavis, subtili, friabili, odorata, quæ tarde putrescat: & qui non degunt in paludibus lacubusque, atq; id genus locis limosis ac fordidis, nec in aquis limosas herbas & mali succi radices habentibus. Pessimam enim habent carnem qui in eiusmodi locis degunt.

Eligendi vero non admodum iuuenes, neq; prægrandes, neq; pinguedine multa respersi, sed ut in suo genere carnosissimi, & celerrimi cursus.

Ex marinis præstantiores habentur, qui in fluminibus longius à mari distantibus capiuntur, utique si cetera laudabilium piscium notæ non abfuerint. Iisdem quoq; notis consentientibus, quanto spinis adnatis ac squamis horridiores fuerint, tanto præstantiores etiam esse par est. Spinarum enim & squamarum multitudo substantiæ puritatem arguit. Præterea optimi sunt ex pelagicis, qui viuunt in mari puro ac profundiore, ventorumque procellis magis agitato, & quod fluuios multos & magnos excipit. Quare in mari Pontico & Balthico nutriti ijs præstant, qui in Mortuo siue Meridionali capiuntur.

Eorum autem qui in fluuijs gignuntur, salubriores sunt qui in ijs gignuntur, in quibus aqua rapide fluit, ac copiosa est. Ex quibus iam dictis liquido constat, qui piscium probi malive censerī debeant.

Ceta-



Cetacei enim ac bestiales, cuiusmodi porcus & canis marinus, delphinus, & morhua potissimum habentur, cum laudabilium piscium notis, nimirum albedine, subtilitate, ac friabilitate careant, in cibo sunt prorsus iniucundi, & ad coquendum difficiles, exiguumq; boni quidem alimenti, excrementi autem plurimum reddunt, & praesertim recentes. Quare mirum non est, si prauum succum in eorum corporibus qui quotidie illis vescuntur, cogerant. Attamen eos si quando meliorum non suppetente copia, edere cogamur, magnopere cauendum, ne illico à captu ingerantur, sed seruandi sunt per dies aliquot, dum caro eorum mollescat adeoque citra substantiae corruptionem tenerescat. Id quod fieri solet, ubi leuiter sale conspersi fuerint: quomodo sapidiores etiam ac multo quam ante praestantiores euadere, libro 3. de aliment. facult. cap. 24. & 40. Galenus autor est. Quicquid enim mucosum aut virosum gustu referunt, id totum deponunt.

Ex piscibus marinis Raia & Gornus in laudabilium classe censentur: carnem enim habent consistentia purissimam. Deinde vero Passer & Solea, quorum tamen caro lentior est, minusq; tum alba, tum friabilis, & crassior, sapore etiam atque odore minus commendabilis. Merlango tamen, siue merlano, quem *αΐψόλιν* Græci vocant, secundus forte à raia deberetur locus; minore enim participat crassitie ac lentore, quam passer & solea, & substantia utcumque friabilis est: sed si odorem, saporem, colorem, substantiae puritatem & mollitiem spectes, bonitate nonnihil è gorno ac raia deficere

vide-



videbitur. Idem de harengo iudicium est. Morhua iuuenis bonitate p̄dictis satis propinquat, sed si diligentius ad p̄scriptas laudabilium piscium notas exigatur, crassior multo atq; lentior inuenietur. Salmones autem, rhombi, (vulgo Gallorum turbori) scombri, vulgo maquerele siue macrelli, longe à reliquis bonitate deficiunt: sunt enim multo crassiores, magisq; lenti, & concoctu difficiliores, neq; competunt nisi vehementiore exercitio fatigatis, robustis ac iuuenibus, idq; magis etiam si quid falsedinis ipsis commisceatur, quo lentor, crassities, & frigiditas eorum remittantur ac corrigantur.

Ex piscibus autem aquæ dulcis, Lucius & Perca mediocres laudatissimi sunt, p̄sertim si p̄ter dictas bonitatis notas pinguedinis non omnino expertes fuerint. Secundum post illos locum obtinet Vendosia: carnem tamen habet nō perinde albam, subtilem, & friabilem, sæpiusq; in stagnis, quam fluuijs reperitur.

Illud porro summatim nosse etiam expedit, quod pisces fluuiatiles, modo cætera consentiant, tum ad bonos humores. gignendos, tum etiam ad gustus. ipse voluptatem cæteris multo sint p̄stantiores, si in aqua profunda, petrosa aut aspera ad Boream spectante, ac rapide fluente degant: p̄sertim si vrbis alicuius amplissima, latrinarum, balnearū, culinarumq; loturæ & purgamenta in illam non defluant, neque vestes & alia eiusdem generis in ea abluantur. Multo vero magis, si p̄terea & herbarum ac bonarum radicum copia abundet. Cancris vero tam marini quam fluuiatiles, sicuti lib. 3. de aliment. facult. cap. 33. à Galeno traditur, dura  
in



in totum carne constant, ideoq; & ad coquendum sunt difficiles, & firmi alimenti, ægre tamē in ventriculo corrumpuntur.

In piscibus quoque id communiter memoria tenere oportet, quod recentes valde nutriant & humectent, mammas lacte repleant, semen prolificum suppedient, adeoq; venerem excitent, & biliosis corporibus sint accommodatissimi. Cæterum astinendum ab ipsorum esu post quālibet actionem fortem ac vehementē: qui namque id temporis ingeruntur, eos & male concoqui, & dum in iecur ac venas distribuuntur, succum generare crudum, qui non facile in probum sanguinem mutetur, à ratione alienum nō est. Præterea vero cum hæc ipsorum etiam natura sit, vt tardius pertranseant, cura non minima adhibenda est, ne in ventriculum incidant debilem aut prauis succis vitiatum: quippe qui tum non belle concoquantur, & facilius fere vna cū alijs in ventriculo existentibus corrumpantur. Neq; item vna cum carnibus, aut lacticinijs, neque summo post alios cibos loco, si quid Auicennæ credimus edendi sunt.

Postremo vero hoc etiam sciendum, quod crassioris succi pisces infra mediocritatem salit recentibus sint præferendi. Verum recens saliti, Galeno libro 3. de aliment. facultat. capite vigesimoquarto, teste, iam diu salitis sunt meliores: Pisces etiam laudabiles exiguo sale conspersi atq; moderate sumpti, appetentiam, si quis eis delectetur, reuocant, & roborant.



**V**ocibus anguilla prava sunt, si comedantur.

*Qui physicon non ignorant hac testificantur.*

*Caseus, anguilla, nimis obsunt si comedantur.*

*Anguilla.*

*Ni tu sape bibas, & rehibendo bibas.*

Anguillam vocibus nocere hoc in loco traditur, idq; rationibus tum medicis, tum philosophicis cōprobat. Limosus enim piscis est, crassiq; & lenti succi, obstructions facit, longiusq; à memoratis paulo ante probi piscis indicijis recedit: quod Galenus etiam in libro de cibis boni & mali succi, cap. 15. in hunc modum scribens attestatur. Anguilla nunquam boni succi sunt, tamen si puro in humore versentur, nedum in eo qui urbium sordes & purgamenta in se recipit. Idem fere & in lib. de attenuante diata, capit. 6. confirmare videtur: Anguilla, inquiens, & mollium pars maxima, tamen si carnem habent mollem, quod tamen succo lento & pituitoso abundant, ijs qui salubri victus ratione uti volunt, plurimum est noxia. Pari modo de mustelis quoque, quæ vulgato iam nomine lampetra dicuntur, sentiendum est. Nam & ipsæ nihilo secius quam anguilla plurimum crassi succi gignunt: tamen si parvula lampetra non perinde mala & periculosa sint. Minore enim, ut sensus ipse iudex est, crassitie & lentore participant. Quo fit ut hi pisces, licet non ingratum ori saporem offerant (quod salva tamen eorum reuerentia dictum velim), qui in eorum usu diu perseuerant) admodum sint periculosi. Siquidem generatio



ratio eorum in aquis serpentum generationi in  
 terris respondet, non sine veneni suspitione.  
 Vnde etiā M. Varroni lib. 4. de lingua latina no-  
 men habent, quod anguibus adsimilantur. Atq;  
 hac certe ratione capita & cauda, ac similiter in-  
 terior spina, vt quæ venenū in se contineant, nul-  
 lo modo edenda sunt. Conueniens autē erit ob-  
 succi crassitiem ac lentorē vt in optimo vino im-  
 mersæ necentur, atq; cū iusculo deinde optima-  
 rum specierum, sicuti ab Apitiana scholæ secta-  
 toribus solent, præparentur: ac primō quidem  
 duabus ebullitionib. in vino & aqua præbulliāt  
 illisq; reiectis tandē ad perfectionē coquantur.  
 Vel gelu inde in patina fiat, vel pastillatura, vel  
 assatura, idq; cum salsamento cōpetenti: in hye-  
 me quidem cum salsamento viridi, fortibus spe-  
 ciebus, & vino: in æstate vero cum debilib. spe-  
 ciebus, omphacio & aceto. Cōmodius tamen ab  
 eiusmodi pisciū esu abstinetur. Stomacho enim  
 & renibus sunt inimici: sed præcipuum sentiunt  
 nocumentū ex eorū obsoniis qui arenulas min-  
 gere consueuerunt, quoniā illæ anguillari gluti-  
 no in calculos cogi & adstringi videantur. Poda-  
 gra quoq; laborantibus manifeste officiunt, nec  
 ullis morbis medentur, sic vt inique natura fe-  
 cisse videatur, quæ tam suauem refutandis ex-  
 puendisq; piscibus indiderit saporem. Medici  
 omni ex loco omniq; tempore, & præsertim cir-  
 ca solstitium anguillas detestantur.

Sequitur deinde, caseum atq; anguillas pluri-  
 mum nocere, si comedātur: quod sane de ijs quæ  
 magna mole ingeruntur, intelligendū est. Cau-  
 sâ quidem de caseo supra cap. 7. de anguillis ve-  
 ro in præsentī capite habentur.

Postre.

*Anguilla  
cœtie.*

*Anguilla  
eius calcula-  
sis noxijs.*



Postremo loco hoc etiam adseritur, nempe prauitatem eorum vberiore ac frequentiore vini potu corrigi atq; emendari: quod minime tamen de vino subtili ac penetrante, neq; item de eo quod in potus delatiui vicem substituitur intelligendū est. Tale namq; cum cibus mali succi bibendū non est, quemadmodū 3. 1. doct. 2. ca. 8. Auicenna sic ferme scribens diligenter admodū monuit. Neq; vero cum cibus prauī succi, nec antequam illi conficiantur, neq; ab eorundem concoctione vinū protinus bibidendū est: quippe ꝑ mali chymi cibos in omnia statim corporis exteriora membra, quo fortasse citra vinis adminiculum minime penetraissent, non sine sanitatis dispendio secum trahat. Intelligendum igitur de vino forti, non admodum penetrante, quod sæpius atq; modice commodæ ciborū permistionis gratia sumitur. Hoc enim prauitatem eorum corrigit, cōcoctoriam facultatem roborat, frigidosq; & phlegmaticos humores concoquendo benignos reddit: quo fit vt ad casei atq; anguillarum, quæ ægre admodum conficiuntur, concoctionem non parum proficiat.

Ceterum neque illud silentio hoc loco inuoluendum, nempe vinum non in anguillarum modo, sed quorumlibet etiam piscium esu exhibendum: quippe frigidioris humidiorisq; temperamenti sunt omnes, adeoq; difficilius ob id ipsum conficiuntur, tardiusq; transeunt: vino igitur sæpius ac modicè sumpto facile emendantur, adq; *supper etiam* perducuntur. Hinc non temere hactenus hoc usurpatum est: Ex piscibus viuos quidem aqua foueri, mortuos vero vino condiri oportere.

DE



DE CIBI POTVSQVE IN  
prandio atque cœna permissione,  
siue alteratione.

## CAPVT XXXII.

**I**nter prandendum sit sæpe parum q̃ bibendum,  
Si sumas ouum, molle, sit atq; nouum.

Hic duo traduntur præcepta.

*Primum*, de cibi potusq; in prandio atq; cœna permissione siue alteratione. Inter prandendum nanque cœnandumue inuicem modo edendum modo bibendum est, ac ne id quidem large & copiose, sed sæpe potius & parce. Neque enim iumenta nobis in hoc imitanda sunt, quæ tum demum bibunt cum cibo exaturata fuerint: sed potio subinde interponenda est, quoniã cibus permissione potionis mollior redditus per membra nutritioni deseruiencia facilius peruehitur.

Atq; hic notandũ, triplicem à Medicis constitui potum: ac primum quidem permixtium vocari, quod vna nimirum cum cibis ingeratur: alterum delatiuum, quod concoctione in ventre iam confecta & absoluta, in hepate vero inchoata, vt cibi penetrationem adiuuet, exhibeatur: tertium vero sitis sedatiuum, quo in explenda siti utimur. Quæ igitur de potu in hoc loco traduntur, ea de permixtuo accipienda sunt. Hic enim interponi sapius ac permisceri cibis debet, neq; ad finem prandij vel cœnæ, siue dum sitis urgeat (saluo tamen aliorum iudicio) differendus est. Imo vero crebrius etiam ab illis assumi debet, qui cibis actu vel potentia ficcioribus vescuntur, quiq; vehementius sese atq; immodera-

*Potus triplex.*

*Permixtiuum.*

N dera-



deratius exercendo siccum panem vorant; non tamen copiose, ne concoctio impediatur. Simile enim quiddam succederet, quale aquam in lebetem feruentem sapius large & copiose infundentibus solet: quippe caloris vis in coquendo hebetaretur.

*Sedatiuus.*

Sitis autem sedatiuus potus circa prandij vel coenae finem natura congruere magis videtur: tunc enim ob calidi sicciq; cibi astuationem, vera sitis vrget. Namque verisimile non est eodem ac breui temporis momento infestari naturam esurie sitiq; simul, eo quod hac irritetur à calore, illa stimuletur à frigore interno. Estq; hic potus augendus, vel minuendus, prout ipsa sitis expostulat.

*Delatiuus.*

Atque delatiuus prima coctione iam peracta, atq; etiam paulo ante quam aliud quippiam edatur, propinandus est: praesertim cum prius ingestus cibus consistentia fuerit crassior: neque differendus est, dum sitis oboriatur. Ventriculum enim ad reliquum suscipiendum cibum reddit expeditiorem, ac eorum etiam quae in ventriculo continentur distributionem ad hepar plurimum iuuat. Non tamen immoderatus eobutendum est, ut mature concoqui possit. Si quidem incoctus ad hepar non transit. Quod verum utiq; erit, si in delatiui locum non substituitur aqua. In illa enim necesse non est concoctio expectetur, priusquam ad hepar transmeet. Rationabiliter vero in potu delatiuo, ceuetiam in permixtuo, non aqua, sed vinum propinari debet, aut aliud quidpiam, quod vino sit *ἀλόγον*, veluti ceruisia, *μελίκρατον*, aut ex cerasis vel malis, aut simili quopiam fructus generis



BONA VALETVDINE. 195

aere confectæ potiones : quibus tamen omni-  
bus vinum est præferendum. Facilem enim effi-  
cit alimenti in omnia membra distributionem:  
vnde nõ inepte ὀχνηγετὴς τροφῆς ab Hippocra-  
te nuncupatur, vt copiose admodum supra capi-  
te 15. & 27. ostendimus.

Sed quia de commoda cibi potusq; permí-  
stione satis iam diximus, illud minime omit-  
tendum est, quod nonnullis vt rectum placere  
video, nempe vt iuxta crassiores, sicciorem &  
frigidiores cibum de vtroq; potu tam delati-  
uo, quam permixtiuo largius assumamus : & vt  
rursus circa calidiores, subtiliores atq; humi-  
diores, parcius. Et iterum vt vinum subtile va-  
lensq; cum cibo natura crasso, duro ac frigido  
bibamus : & è diuerso calidioribus concoctio-  
niq; magis parentibus cibis vinum debilius ad-  
iungamus. Quæ ratio si stabit, valentiores vino  
iuxta carnem vtemur bubulam, quam pullorum  
gallinaceorum : itemq; iuxta pisces, quam car-  
nes animalium terrestrium.

Secundum præceptum de ouis erat, nempe  
vt recentia ac mollia ingera: musculus ratio red-  
dita est supra, cap. 8.

DE PISIS.

CAPVT XXXIII.

**P**isum laudandum nunc sumpsimus ac reprobandum.

Est inflatum cum pellibus, aq; nocuum,

Pellibus ablati, sunt bona pisa satis.

Inquisitione dignum videtur, quod de pisis *Pisa.*  
hoc loco traditur, nempe ipsa laudem mereri  
quandoque, nonnunquam vero & vituperium.  
Vbi scire ante omnia conuenit, pisa duas habe-



re facultates, adstrictoriam nimirum & purgatoriam: quarum hæc certe in ipsorum velut carne est, illa vero in corticibus. Laudantur igitur quæ adempto cortice manduntur: culpantur quæ non decorticata ingeruntur. Priore enim modo sumpta, ut in diætis vniuersalibus Isaacus id ipsum confirmat, ventrem subducunt: altero vero magis condensant & adstringunt, plurimumque flatulenti spiritus pariunt, ita ut pugna quædam ac tormina in intestinis excitentur, purgatoria quidem facultate succum excernere volente, adstrictoria vero retinente: hincque intus affligitur natura, ab utroque horum diuexata. Porro si pisa cortice spoliata mandantur, tunc purgatoriarum actioni maxime conferunt. Quod de pisibus hic dicitur, idem de omnibus ferme leguminibus, puta fabis, lentibus, phaseolis, & si qua sunt similia, præcipue tamen corticem habentibus crassiores, ut de fabis & ciceribus nigris, intelligendum est. Hac namque ratione legumina omnia, quemadmodum libr. 4. de vict. rat. in morb. acut. aphor. 93. Hippocrates attestatur, flatuosa sunt, & cruda, & cocta, & fricta & macerata, & viridia. Cortex præterea in omnibus peiorem generat succum, quam quæ ipsorum velut caro est. In pisorum genere reperiuntur quædam alba & rotunda, cortice tenui, leui ac fragili, quæ tametsi vna cum corticibus innoxie mædi queant, præstat tamen ut decorticentur. Legumina viridia adhuc & nondum exacte matura valde tenuem habent corticem, ac minus ipsis discrimen inest, quo ad corticem saltem & carnem attinet, faciliusque concoquuntur: quare ea nonnulli sanis corporibus, quam matura atque ex-

cata



cata magis conuenire arbitrati sunt: quod tamē à veritate alienum videtur. Nam ea admodum esse excrementitiæ substantiæ & corruptioni magis obnoxia constat: quo fit vt à fanis non vsquequaq; citra noxam sumi queant. Hoc tamen negari non potest, quod matura & exiccata cum ab extimis corticibus purgata fuerint, ad victus salubris rationem, quam recentia non decorticata accommodatiora sint: & è diuerso viridia, quam exiccata cortice non spoliata. Porro cum omnium leguminum substantia inflet, concoctioni renitatur, crassiq; & prauī succi alimentū in corpus diffundat: merito à victus salubris ratione excluditur. Brodium tamen siue iusculum eorum, eo quod flatum cum omni & alimenti & concoctionis prauitate deponat, ventrem subducatur, vrinam cieat, venarum atq; viscerum obstructions amoliat, adeoq; ad vasorum etiam, quæ colatoria vulgo vocantur, nempe hepatis, renum & vesicæ emundationem sit efficacissimum, non parum commoditatis in victus salubris ratione habere dignoscitur. Cuius proinde vsū ieiuniorum tempore, quando crassis atq; obstruentibus vtimur cibis, frequentiore esse conuenit. Multiplex porro ac varius hominibus leguminum vsus esse solet. Nonnulli enim cum falsis carnibus esitant: quem modum Galenus libr. i. cap. 25. de aliment. facultate non probat. Nam hæ quoque sanguinem crassiores & melancholicum magis generant. Quapropter non est his copiosius vtendum, & maxime si cui corpus sit aut melancholicum, aut crasso vel prauo succo abundet. Pessime autem ceci diuitibus legumina sapa apparant: quando-



*Pisori coctio.*

quidem legumina haud quaquam increffantiā  
 mitionem postulant, sed humidorum potius,  
 & quæ ipsorum crassitiem incidant. Quibus ve-  
 ro sapa cōmiscetur, iecoris obstructions solent  
 gignere, viscerisq; huius ac lienis inflammatio-  
 nes in augent, nisi melle addito meliora fiant.  
 Perspicuum autem est, quod & scirrhusos visce-  
 ris vtriusq; affectus sapa exacerbat. Vt autem le-  
 gumina esui accomodatiora fiant, magis nu-  
 triant, & crassum paruumq; succum amittant,  
 in hunc fere modum coquenda veniunt; Sub no-  
 ctē in aquam feruentem infundantur, ac pri-  
 mo quidem manibus diutule confricentur, vt à  
 cortice separentur, deinde per totam noctem in  
 eadem macerentur, sequenti vero die duabus  
 vel tribus ebullitionibus in eodem liquore, dum  
 tertia quartave aquæ portio absumat, perco-  
 quantur. Aquam autem adhibere oportet leuif-  
 simam, ceu pluuiālē. Nam & hac citius coquen-  
 tur & molliora euadent, & concoctioni minus  
 facessent negocij. Ius decocti colo tandem trās-  
 fundendum, & ad vsus reseruandum. De quo  
 vbi & quantum cuique libuerit, accipiendum,  
 cumq; cinnamomo denuo & croco temperan-  
 dum ad lentum ignem. Hoc enim pacto terre-  
 am naturam magna ex parte deponet. Nonnulli  
 duas partes zingiberis, vnam piperis, aliquantū  
 etiam cymini adiiciunt, quo facilius secedat: ad  
 extremum aliquid aceti vinive, & butyri admi-  
 scent, atque Vnica iterum ebullitione coquūt,  
 spumā interea diligenter auferentes. Quod qui-  
 dem in principio refectionis potissimum sumē-  
 dum. Illud postremo minime prætereundum,  
 quod brodium siue iusculum cicerum & pifo-  
 rum



rum alborum multo sit præstantius, & humanæ naturæ accomodatius, quemadmodum & tota eorum substantia.

## DE LACTE TABIDORVM.

## CAPVT XXXIV.

**L**ac  $\Phi$ . $\tau$ ugis sanum caprinum, \* postq<sup>am</sup> cameli, \* al. p<sup>er</sup>iso camelinum.  
 Ac nutritiuum plus omnibus est asininum.

Plus nutritiuum vaccinum, sic & ouinum:

Adsit si febris caput & doleat, sugendum est.

Hic præcepta quædam traduntur de electione lactis genere, quatenus videlicet  $\Phi$ . $\tau$ ugis, hoc est, tabidis, emaciatis, hæctica febre laborantibus, & quomodocunq; consumptis sit conducturum. Cibi enim his ipsis, quod calorem natium imbecillum obtineant, concoctu faciles conueniunt: boni item ac multi alimenti, vt corpus emaciatum instaurent: sed liquidi & teneres, vt vias, ob siccitatem contractus facilius subeant & penetrent: od febrim quoq; refrigerent nonnihil, & ob vlceris saniem, detergant, & ob solutionem continui, glutinent. Quas dotes omnes habet lac: facile enim coquitur, ac inter omnia: quæ alimenti gratia sumimus, lac butyro & caseo multum nutrit: optimū optimi est succi, sero casei & butyri liquidum & subfrigidum est, vt lib. 5. cap. 20 & lib. 10. cap. 7. de simp. medic. facul. terget sapore dulci butyroscæ substantiæ & acrimonia seri glutinat caseo, & eodem ac butyro est emplasticum. Quapropter nonnulli, Galeno in libro de cibis boni & mali succi, cap. 9. teste, pulmonis vlceribus affectus potione tantum lactis curari putant, antea scilicet quam ea ipsa vlcera amplientur, callosaq; fiant.

N 4

Ac



**Lac caprinum.**

Ac *primum* quidem præceptum est de lacte caprino, quod utile esse phthificis, Auicenna libr. 2. Cano. cap. 442. & 1. 4. tract. 3. cap. 6. confirmat. Neque id sane iniuria: siquidem inter cætera lactis genera moderate se habet, cum non admodum pingue crassumq; sit: ob id medium quoque esse censetur, quod in corporibus nostris præstat.

2. Cano.  
cap. 442.  
& 1. 4. 3.  
Tract. 4.  
cap. 15.

*Secundum* de camelino, quod illo tenuius est, serosiq; humoris magis particeps: quo fit ut minus tum nutriat, tum emaciat conferat. Hydropticis tamen, & quibus hepar male affectum est, non parum commoditatis adfert, præsertim si fuerit cameli nuperrime enixa. Eo namque hepar, si quid Auicennæ credimus, reficitur atque instauratur.

Alexand.  
Tall. lib.  
12, cap. 4.

**Lac muliebre.**

*Tertium* de asinino: Asinæ namque inter cætera brutorum genera lac præbent ad propositos affectus accommodatissimum: quippe cum tenuissimum sit, & minime coaguletur, & quoquo versus ocysime in corpus digeratur, quemadmodum elegantissime libro 7. method. medendi capite 6. à Galeno scribitur: Quod Auicenna quoque 1. 4. tract. 3. capite sexto confirmat: Non est, inquit, lac post muliebre, quod hæcticis æque conferat, ac asininum. Hæcticam enim, siquidem curabilis fuerit, ad plenum curat. Sed præ cæteris lac muliebre, tanquam naturæ eiusdem, & humano corpori familiarissimum, ab alijs Medicis, præcipueq; ab Herodoto & Euriphonte ad rabidos affectus celebratur. Quoniã enim cæteris est subtilius, frigidius & humidius, citius concoquitur, velocius penetrat, & melius nutrit. Sumendum autem quoduis horum ma-  
ne



de ieiunis, horis tribus, aut quatuor ante cibum,  
nc. quatuor primum; & has si recte confecerit,  
te sequenti quinque, sex vncias & sic diebus  
sequentibus auctum; si bene concoquat, vsq;  
d libram vnam. Quatenus enim vires augeri  
ernimus, eatenus nos quoq; cibis adiiciemus.  
umat autem patiens ex mammilla, aut mini-  
um diu extra propria conceptacula moratum  
illic enim & sanguis & semen proutissime co-  
umpitur) per se, aut cum pauco melle vel sac-  
charo & sale, ne in vetriculo acefcat. A lacte hau-  
to non dormiat, ne corrumpatur, nec corpus  
exerceat motu ac frictione, ne crudum lac in cor-  
pus trahatur.

Cæterum filentio prætereundum. hoc loco  
non est, quod non semper lac muliebri aut asi-  
nino phthificis profit: imo vero lac acidum,  
luc ebutyratum ab ipsis in certis quibusdam ca-  
sibus conuenientius adsumitur. Et primo qui-  
dem, quando cum phthisi fluxus ventris simul  
manifestat. Deinde cum metus est, ne in ventricu-  
lo coaguletur, vel ardor adest vehementis febris,  
aut ventriculus saupte natura biliosus existit, vt  
in quo lac nullo negotio in bilem trãseat. Quin-  
etiam quando phthisi febris coniungitur putri-  
da, & multæ in inferioribus partibus sunt ob-  
structiones. Lac enim acidum cohibet & ad-  
stringit aluum, neq; facile in bilem conuertitur:  
quippe cui butyrum, quo prompte accendi po-  
terat, ademptum sit: eadem ratione nec in pu-  
trida facile putrescit. Præterea cum immundus  
lac sordidus est ventriculus: in eiusmodi enim  
ventriculo lac promptissime corrumpitur. Po-  
stremo vero cum phthificus lac integrum & dul-

N s ce



ce abominatur, ab acido autem siue ebutyrato non omnino abhorret. Sed de his omnibus copiose admodum Hieronymus Cardanus libro secundo Contradicentium, Tract. 4. Contradict. 1. & Conciliator differentia 194.

*Lac vacci-  
num.*

*Quartum* de lacte vaccino: quod ut inter cætera lactis genera crassius ac pinguius inuenitur, ita alere etiam magis putandum est. Atq; hinc sane Rhazes lib. 3. cap. 15. ad Almanso. sic ferme de eo scriptum reliquit: Lac vaccinum quorumlibet aliorum animalium lacte crassius iudicatur, atq; ob id corporis molem & obefitatē adipisci volentibus accommodatissimū habetur. His amplius Auicenna lib. 2. Cano. cap. 442. hoc quoq; addendum putauit: Nempe lac cuiuslibet animalis, cuius foetus eandem in vtero moram cum homine ducat, id est, per nouem menses, humano lacti esse maxime conforme: illud vero quod sit animalis, cuius imprægnatio quam mulieris diuturnior sit, esse deterius: quo fit ut cum vacca nouem mensibus vitulum ferat, lac eius humano maxime conforme, atq; ob id optimum quoq; habeatur.

*Quintum* de lacte ouino: hoc, quod ad consistentiam quidem & nutrimentum attinet, ad vaccinum quodammodo accedit.

*Sextum* de lacte vitando in febribus putridis, & dolore capitis: cuius rei causæ adsignatæ sunt supra, cap. 7.

## DE BUTYRO.

### CAPVT XXXV.

**L** Enit & humectat, soluit sine febre butyrum.  
Trēs butyri proprietates hic referuntur.

*Prima,*



*Primo*, cum doloris sedatione lenit &, matu-  
rit: Siquidem temperate calidum est, & natura  
lingue atq; oleosum, facultatisq; concoquen-  
s, paulum habens etiam digerendi potentia,  
in medijs nimirum corporibus secundum duri-  
em & mollitiem. Bubonas igitur & paroti-  
as iuuat, gingiuas extenuat, & præsertim in in-  
antibus dentientibus, item humores in pecto-  
re ac pulmone fixos linctu concoquit.

*Secundo* humectat, ex meliore namque lactis  
essentia constat. Quemadmodum ergo lacti, vn-  
de seiunctum est humectandi vis inest, ita & bu-  
tiro inesse oportet.

*Tertio* verò soluit, largius enim sumptum,  
tum ob suæ substantiæ lubricitatē, tum ob com-  
munem omnium ciborum humidorum ratio-  
nem. qui scilicet citra adstrictionem sunt humi-  
di, facile per ventrem subit Sed febricitantibus  
& calidioribus naturis non æque vt alijs conue-  
nit: ipsis enim in flauam bilem conuertitur.

Illud porro nosse hoc loco vtile est, quod bu-  
t<sup>irum</sup> ob superabundantem & humiditatem &  
inguitudinem in alimentis, vsu præsertim im-  
moderatiore, expetendum non est. Ventricu-  
lum enim resupinat ac subuertit, & ad vomitum  
concitat. Neq; vero vltimo post alios cibos loco  
ingerere conuenit, quippe cum humidum sit ac  
lubricum facileq; subduci queat, in superficie  
stans corrumpitur, atq; ob hoc ipsum ante a-  
lios cibos sumendum est. Ita enim citius sub-  
ducitur, & alijs cibis viam munit. Quocunq; o-  
leo magis tum nutrit, tum cibos condit: quo fit  
ut obsonijs additum olei atq; adipis vicem me-  
rito penset. Vnice tamen hoc semper cauendum



ne vsus eius sit immoderatus, ne ve in ventriculo accendatur. Pinguia enim inflammata, quemadmodum in maiori praxi tract. 6. cap. 15. rub. 4. Ioannes Michaël Sauoanrola scriptum reliquit, in melancholiam adustam transeunt, ex qua lepra deinceps generatur. Quo fit, inquit ille, vt ob nimium Butyri vsum multi leprosi in Germania reperiantur. Recens etiam butyrum contra bestias quæ virus ciaculantur venenaque & foris illitum, & per os assumptum efficax est: ab aspide enim percussis vtilissime imponitur, & in pestilenti aëris constitutione quotidie cum puri panis tribus aut quatuor bolis mane ab ieiunis deuoratum, mirifice ad sanos ab infectione præseruandos confert. Plura de butyro Dioscorides libro 2. capite 62 Galenus. libro 10. capite 10. de simpl. med. facult. Paulus Ægineta libro 7. Simeon Sethi in Syntag. & Auenzoar, Tract. 3. cap. 4. lib. 3. Theysir.

## DE SERO.

## CAPVT XXXVI.

*Incidit q, lauat, penetrat, munda quoq, serum.*

Hic agitur de facultatibus Seri, quod lactis aquosa est substantia. Hoc (vt libro secundo distinct. 1. capite 9. de med. simpl. purgan. Mesues inquit) excalefacit atq; siccatur ordine primo completo, & vsq; ad secundum. Quinetiam attenuat, abluit abstergit, & nitrosa qua refertum est facultate, alium absq; aliqua mordacitate leniter subducit. Bilem tum flauam tum atram ab exustis humoribus genitam deiicit: quo fit vt mirifice conferat maniacis & melancholicis. Præstat item ad viscerum infarctus, & morbis  
inde



unde prouenientibus opitulatur: nimirum aqua  
intercute laborantibus, felle suffusis & lienosis.  
Datur vtiliter febrientibus ex bile, & viscerum  
ac vasorum obstructionibus. Cōpetit etiamnum  
ritijs in cute à bile & perustis humoribus emer-  
gētibus. Quare lichenibus, vitiliginibus, alphis,  
opforis, leprisq; admodum cōuenit. Hæc ille. Co-  
mitialibus quoq; atq; ijs qui ob potētis vini lar-  
giorem potum male habent, auxilium præstat.  
Plura Dioscorides lib. 2. cap. 60. Galenus lib. 10.  
de simpl. med. facult. cap. 8. Rhazes lib. 3. ad Al-  
man. cap. 15. & Auicenna 2. Cano. cap. 442.

## DE CASEO.

## CAPVT XXXVII.

**C**aseus est gelidus, stipans, crassus, quoq; durus,  
*Caseus & panis sunt optima fercula sanis.*

*Si non sunt sani, tunc hunc ne iungito panis.*

Duo hoc loco peraguntur. Primo quatuor refe-  
runtur facultates Casei. Quarū prima est, ipsum  
esse gelidum, id est, temperatura frigidum: quod  
intelligi debet de recente ac molli qui frigidus  
& humidus, & non de vetere, qui calidus & fic-  
cus est. Atq; huius sane rei grauiissimum habe-  
mus testem Paulum Æginetam, qui li. 7. sic ait:  
Caseus recens cōpactus & mollis repulso-  
riam vim habet, leniter perfrigerans. Quinetiam de  
eo intelligi potest, qui conficitur ex sola lactis  
coagulatione, absq; vlla alterius rei commistio-  
ne. Reperitur enim qui ob aromaton quorun-  
dam ac odoratarum herbarum admistionem a-  
crior & calidior euaserit, & ob id linguam velli-  
cet, atq; ventriculum excalescit. Talis autem  
colore potissimum viridis existit, qui si maiore  
paulo



paulo, mole ingeratur, corpus vehementer exarrit. Secunda est, caseum stipare, hoc est, adstringere ac cohibere aluum, quod maxime solet praestare vetus, cui multum coaguli admistum est. Tertia est, ipsum esse crassum, quod est, crasso generare humores, idq; nullo excepto. Omnis enim caseus fit ex crassiore & terrestri magis cuiuslibet lactis substantia, admisto coagulo, & expresso inde sero. Quarta est, Caseum esse durū. i. agre & concoqui, & aluo discedere: nimirum propter succum crassiorem.

Secundo deinde loco hoc etiam adseritur: nempe caseum parua mole cum pane sumptum optimum sanis hominibus esse cibum, quippe qui panis admistione concoctu reddatur facilius: cum alioqui per se sumptus admodum ob concoctionis tarditatem offendat. Agrotantibus vero, propterea quod neq; ad concoctionem, ut dictum est, neq; ad mouendam vrinam, neque ad ciendam aluum, neq; ad succi deniq; probitatem quicquam boni confert, omnino fugiendus est. Plura de hoc supra cap. 7. & 9.

## CASEVS DE SE IPSO.

**I**gnari Medici me dicunt esse nocuum,  
Et tamen ignorant, cur nocumenta feram.  
Expertus reor esse ratum, quia commoditate  
Languenti stomacho caseus addit opem,  
Caseus ante cibum confert, si defluat aluus,  
Si consipetur, terminet ille dapes.  
Qui physice non ignorant, hac testificantur.

In prioribus duobus versibus *ωρεω τον τον* est. Fingitur enim Caseus seipsum aduersus malignos vicinos aut vituperatores defendere: Ignari,



signari, inquit, Medici, dicunt me nocium esse: quum ipsi tamen ignorent causam, cur humane nature nocere dicar. Allusum autem videtur ad illud, quod ab Hippocrate in libro de veteri medicina scriptum est in hunc modum:

Atqui, inquit, mihi necessarium esse videtur, vt omnis Medicus de natura sciat, & omni studio annitatur vt cognoscat (si modo aliquid eorum quæ fieri debent, recte præstare velit) quidnam sit homo ad ea quæ comeduntur ac bibuntur comparatus, & quid cuique ab vnoquoque contingat & accidat. Nec simpliciter tantum sic existimet oportet, quod malum edulium est caseus, quia dolorem afferat repleto ex ipso, sed etiam sciat, quem dolorem afferat, & propter quid, & cui parti intra hominem existenti incommodus existat. Quandoquidem & multa alia esculenta ac poculenta, quæ natura mala sunt, hominem tamen non eodem modo afficiunt. Exempli causa, Vinum meracum, si multum bibatur, hominem aliquo modo debilem reddit: & omnes qui viderint, hoc fatentur, & cognoscunt hanc esse vini vim, & vinum causam esse quinetiam in quas hominis partes maxime agat nouimus. Talem proinde veritatem in alijs quoque apparere volo. Ergo caseus (quandoquidem hunc in exemplum assumpsi) non omnes homines lædit: sed sunt qui ex ipso repleti ne tantillum quidem offendantur, imo gracilibus mirabiliter etiam conferre perhibetur. Sunt autem alij, qui eo sumpto difficulter à noxa liberantur. Horum igitur nature differunt. Differunt autem secundum hoc, quoniam id quod in corpore caseo est contrarium, à caseo excitatur & commo-



mouetur, in ijs quibus eiusmodi humor multus existit: & quanto potentior hic est, tanto peius illos habere rationi consentaneum est. Quod si toti humanæ naturæ inimicus esset, omnes utique læderet. Eam ergo differentiam si quis nouisset, non incurreret profecto, neque pateretur ista. Haftenus Hippocrates.

*Secundo* deinde loco duæ recensentur utilitates ab ingesto caseo. Quarum prima quidem est, ipsum debilitatem abscindere stomachi: ubi sciendum, tamen quod non quilibet statim caseus cuius subueniat stomacho (casei siquidem in certis quibusdam casibus omnes ex æquo nocent, stomacho nimirum raræ texturæ, ac illi quoque qui ex longa ægritudine adhuc debiles se colligit) sed recens, mollis, ac paucilentoris particeps, quemadmodum libr. 3. ad Alman. capite 15. Rhazes testatur: calido atq; sicco stomacho apprime confert: exustionem enim, caliditatem, & siccitatē eius, frigiditatis ac humiditatis ratione, reprimit & emendat. Contra vero eisdem vetus admodum & acris, cuiq; multum coaguli iniectum est, manifeste officit. Stomacho autem cuius pelliculis multa infarta sunt phlegmata, plurimum confert caseus qui inueterauit, & ob id quam prior acrior atq; ardentior euasit: phlegmata enim acrimonia sua incidit, abstergit, & infra subducit. Rursus vero recens ac mollis huic maxime nocet.

*Secunda* est, caseum priori loco exhibendum ijs, quibus venter maiorem in modum soluitur: posteriori vero quibus idem ob imbecilitatem non respondet. In vniuersum nanq; adstringentia, si prius ante alium cibum aut edantur, aut bi-



bibantur, aluum comprimunt. Quibus autem  
 ob imbecilitatem venter non respondet, u mol-  
 liendi virtute prædita, nempe olera, aut pisces,  
 aut id genus aliud præsumunt: deinde adstrin-  
 gentia, (quorum in numero caseus etiam repo-  
 nitur) quæ dum ipsum firman ac roborant, de-  
 forsum in ventriculi fundum, vbi concoctionis  
 officina est, propellunt, adq; excretionem tãdem  
 incitant: id quod ex veræ medicinæ peritis ne-  
 minem latere arbitror. Vide Galenum lib. 2. de  
 aliment. facult. cap. 22. vbi rationem tradit, cur  
 Rhetori cuidam adstringentibus post alios cibos  
 laxantes sumptis venter fuerit solutus. Huiusce  
 rei meminit etiam Paulus lib. 1. cap. 1. 81. De aci-  
 do caseo ita scribit Aetius lib. 2. cap. 101. Recens  
 caseus qui ex acido lacte fit, & ob id *ὀξύγαλάνης*  
 appellatur, omnium optimus censendus  
 est. Nam & in cibo iucundissimus est, & stoma-  
 cho innoxius præ omnibus aliis caseis existit,  
 minus ægre concoquitur, & minus ægre transit,  
 neque vero valde crassi succi est, quo crimine in  
 communi omnes casei sunt infames. His addit  
 Rhazes, acidũ caseum exigua mole vltimo post  
 alios cibos loco ingestum roborare os ventricu-  
 li, atq; auferre etiam *ἀνορεξίαν* ac nauseam, quæ  
 ex dulcibus & pinguibus cibis proueniant.

## DE MODO EDENDI

&amp; bibendi.

## CAPVT XXXIIX.

**I**nter prandendum sit sæpe parumq; bibendum,  
 Ut minus ægrotes, non inter fereula potes.

Præcipitur in primis hoc loco, vt inter pran-  
 dendum cœnandumue inuicem modo edatur,

O mo-



modo bibatur, id est, inter edendum sapius quidem, sed parum bibatur: neque potus, quemadmodum supra quoque capite 32. dictum est, eo usque differatur, dum venter cibo expletus videatur. Deinde vero ut eo tempore, quod inter prandium ac coenam intercedit, potus, quoad eius fieri potest, euitetur: & maxime si ingestus cibus in ventriculo nondum concoctus fuerit, nisi magna cogente necessitate. Interrumpitur enim & impeditur primo sumpti cibi concoctio, ita ut cum inconcoctum è ventriculo descendere contingat, appetentia cibi in coena sumendi deiicitur, corpus grauatur, & ad dispositionem, in qua homo neq; sanus neq; aeger dici queat, siue qualis ea est quæ febrim præcedere solet, adducitur.

*Ut vitæ pœnam, de potibus incipe coenam.*

Coenam à potu inchoandam esse hic adferitur. Sunt qui hunc in modum exponant: Si vis vitare pœnam, id est, infirmitatem, in principio coenæ bibas prius quam comedas. Sed inepta prorsus ac inualida est hæc expositio. Secundum Medicos enim coenam à cibo quam potu auspiciari conducibilius est. Neque Angli ipsi, quibus præsens liber dicatus est, eiusmodi morem consuetudinemue servant. Quacunque enim diei hora bibere voluerint, bolum fere siue frustulum panis præsumunt. Quare quod dicitur sic intelligendum potius videtur, incipe coenam à potu, id est, à cibo liquido & concoctu facili. Et hoc est, quod ait Hippocrates in aphorismis lib. 2. aphor. 11. Facilius est impleri potu quam cibo. Atque eius quidem rei hæc assignari potest ratio. Quia si cibus liquidus & concoctu facilis



cilis postremo fumeretur loco, concoctionem eius multo citius, quam crassi aut duri, qui prius ingestus fuerit, perfici contingeret. Somnus enim qui cœnam subsequitur, mirum in modum concoctionem adiuuat. Hancque ob causam liquidus cibus, cum ob crassum illum nondum ex toto concoctum ad exitum peruenire nequeat, nimis aduretur: aut certe, si exierit, crassum illum, sed incoctum adhuc secum traheret, periculumq; ita ei qui comederit, non vulgare compararet. De recto ciborum ordine nonnihil etiam supra capite 6. diximus. Porro de quaestione hac, Vtrum à potu cœna inchoanda sit, lege Conciliatorem differentia 118.

**P**ost pisces \* nux fit, post carnes caseus adsit.  
*Vnica nux prodest. nocet altera, tertia mors est.*

*Singula post ova, pocula sume noua.*

al. Nuces.

Tria hoc loco peraguntur. Primus namque versus duo præcepta complectitur. Quorum primum quidem est, vt post esum piscium nuces in casei locum substituuntur. Id quod tribus ferme modis probari solet. Ac primo quidem, propterea quod nuces collectionem phlegmatis (quod ex frequente piscium esu generatur) caliditate ac siccitate sua discutiant & dispergant. Atque hinc sane est, quod in vere, quando nimirum quadragenario ieiunio corpora macerantur, summo statim post alios cibos loco nuces exhibeantur. Deinde etiam quod pisces frigidioris fere humidiorisque sint temperatura, adeoque difficilius ob id ipsum concoquantur, tardius subducantur, & promptissime in ventriculo corrumpantur ac putrescant; Nuces vero cum euidenter

*Nucet post pisces.*



excalefaciant atque deficcant, eorum concoctionem adiuuent, prauitatem corrigant, & ad mediocre temperamentum perducant. Tertio vero ob eam quoque causam, quod pisces interdum veneni nonnihil in se contineant: nuces autem vt copiose admodum ostendimus supra, cap. 13. venenis aduersentur.

*Secundum*, vt post carniū esum non nuces, sed caseus exhibeatur. Caseus enim præstat, vt cibus ad fundum ventriculi, vbi concoctionis opus potissimum viget, promptius descendat. Quod de eo sane caseo maxime intelligendum est, qui medium locum inter recentem ac veterem sortitus sit.

*In secundo* deinde versu de triplici agitur nucce: quarum vna quidem prodesse, altera nocere, tertia vero mortem inferre dicitur. Per primam autem eam nonnulli intelligunt, quæ ob odoris præstantiam Moschata vulgo appellatur. Hæc ficit & excalefacit ordine secundo completo, adstringit, oris suauitatem commēdat, & foetentis animæ virus commansa abolet, lentigines in facie emendat, visum acuit, ventriculum & iecur roborat, lienem absumit, vrinam ciet, fluentem aluum sistit, flatus discutit, & frigidis vreriasse mirifice prodest. Per alteram accipiunt vel nucem Auellanam, quæ λεπτοκάρυον & κάρυον ποντικόν Græcis appellatur, vel eam quæ in communi est usu, & κάρυον βασιλικόν Græce, Latine vero Iuglans dicitur. Harum illam quidem nocere ob id tradiderunt, quod ægre concoquatur, cibis in ventriculo supernatet, vomit excitet, flatus generet, & largius esitata caput tentet, hanc vero, quod pari modo conco-

ctū



Atu difficilis, stomacho inutilis, biliosa & tussien-  
tibus inimica sit, capitiq; dolorem inferat. Ob  
hancque ipsam sane causam, Nuces etiam dici  
à nocendo Grammatici autumant. Græcorum  
quidam *νηερα*, quod *νηεραειαν* id est, capitis  
grauedinem faciant, nominari tradunt. Per ter-  
tiam vero iocose nonnulli nucem interpretan-  
tur balistæ, quod nimirum repentinam inferat  
mortem. Verum alii nucem intelligunt Metel-  
lam: quippe quæ venenum sit *ναεναννην*, id est,  
torporem inducens. Quarto enim refrigerat ex-  
cessu, ita vt drachmarum duarum pondere esita-  
ta statim interimat, minore vero mensura te-  
mulentiam faciat. Et hos quidem effectus præ-  
stat etiam in canibus, quibus necandis aptissima  
habetur. Lege Rhazin lib. 3. cap. 30. ad Al. Sera-  
pionem de simpl. med. cap. 365. & Auicen. 2. Ca-  
no. cap. 508. P O R R O vt grati etiam discipuli  
vicibus fungar, Georgii Sturtiadæ medici erudi-  
tione & experientia clarissimi, meique olim in  
re medica præceptoris obseruandiss. de tribus  
hisce nucibus opinionem huic quoque loco in-  
feram. Is igitur per nucem hic aliud nihil quam  
Iuglandem intelligendum adferebat: per vni-  
cam quidem paucas numero, quæ citra dena-  
rium confisterent: per alteram, quæ paulo lar-  
giore copia ingererentur: per tertiam vero quæ  
immoderatissime sumerentur.

Secundum hanc igitur interpretationem vni-  
ca nux prodesse dicenda est, vel quod nucis le-  
thalibus aduerfentur venenis: vel quod viridum  
ac recentium nuclei decorticati & ante alios ci-  
bos sumpti ventrem leniter subducant, torrefa-  
cti vero aliquantulum, atq; à reliquo cibo com-

O 3

man-



manducati ciborum in corpus distributionem adiuuent. Altera nocere, quod nimirum concoctu sint difficiles, ac caput immoderatiore usu tentent. Tertia vero mortem inferre, quod præter iam dicta incommoda *δυοτερεϊαν* etiam ad istum ingestæ modum generent: quæ nisi præcipiti & compendiaro auxilio cohibeatur, mortem breui inferat.

Tertio demum versiculo præcipitur, ut post ouum cuiusq; recentis atq; mollis esum haustulus & præcipue vini, sumatur. Eiusq; rei duplex fere adsignatur ratio. Ac prior quidem, quod ouum recens ac molle succi sit optimi & concoctu facilis: paruaq; mole, ut supra cap. 6. ostendimus, plurimo corpus reficiat alimento, idque vitello suo potissimum: vinum autem, quum natura eo delectetur maxime, præstet ut à mēbris avidius attrahatur, celeriusq; ita permeet. Posterior vero, quod ouum tardius descendat per gulam (quæ Græcis proprio nomine *δισσφαγ* & ab *δισ* feros & *φαγνμα*, cibus, quod cibum & potum in ventriculum transfuehat, Arabibus *Meri* nuncupatur) vinum autem descensum eius adiuuet.

## DE PYRIS.

## CAPVT XXXIX.

**A** Dde pyra potum, nux est medicina veneno.  
 Fort pyra nostra, Pyrus. sine vino sunt pyra virus.  
 Si pyra sunt virtus, sit maledicta pyrus.  
 Dum coquis, antidotum pyra sunt sed cruda venenum.  
 Cruda grauant stomachum, releuant sed cocta grauatemo.  
 Post pyra da potum, post potum vade cacasum.

Ty 12.

Hic docetur imprimis, ut super pyrorum esu

vi-



vinum bibatur, idq; tum vetus, tum odoratum;  
atq; eius quidem ratio reddita est supra cap. 7.  
Pyra enim sanguinem seroso replent succo, in-  
flationesq; ac colicos cruciatus suscitant. Vi-  
num ergo cum calfaciat, tenuet, flatus discutiat,  
& serosam redundantiam consumat, super ipsis  
conuenientissime bibitur. Deinde Nucem vene-  
no medicinam esse traditur, de quo copiose su-  
pra, capite 13. Secundo ac tertio versu dicitur, py-  
ra absq; vino commansa esse virus, hoc est, noc-  
ere humanæ naturæ, cuius ratio iam reddita est.  
Ne quis interim simpliciter, vt de illis quæ ex-  
cessu qualitatum elementorum, quarum mi-  
stione constant, aut propria qualitate, siue for-  
ma (vt vocant) occulta venena esse noscuntur, ita  
de pyris quoq; suspicetur. Sic enim commansa  
perniciem subinde vel noxam aliquam infer-  
rent, ac proinde arbor ea ferens merito detesta-  
bilis esset, adeoq; ob id ipsum excindenda, at-  
que in ignem coniicienda. Quarto versu innui-  
tur, pyra recentia & cruda esse venenum, id est,  
nocere humanæ naturæ. Nam extra hoc quod  
sanguinem seroso atq; ebulliente replent succo,  
inflationes & colicos cruciatus excitât, phlegma-  
ta etiam ac scabiem generant. Cocta vero contra  
*ανήτορον* id est, remedium præstant, perinde atq;  
illa paulo ante præstare diximus, quæ cum vino  
mauderentur. Atque hæc sane vltimo post alios  
cibos loco sumenda potissimum sunt: ita nan-  
que excrementorum subductionem adiuuant.  
Quinto versu docetur, crudorum pyrorum esum  
grauem esse stomacho. Ipsum enim non à conco-  
ctionis tantum opere distrahit, sed flatibus etiã  
distendit. Cocta vero è contrario grauatum.



stomachum leuant & reficiunt, inque suum primum vigorem restituunt. Ultimo tandem versu hoc imprimis præcipitur, vt vinum super pyrorum esu bibatur: cuius quidem ratio iam redita est. Deinde, vt à pomorum esu alius subducatur: quam rem Galenus libro 2. cap. 21. de aliment. facult. sic scribens confirmat: Poma acidum succū crassum in ventre inuenerint, ipsum incidunt, ac deorsum subducunt, ob idque deiectiones humectant. Quod si ventrem purum inuenerint, ipsum magis sistunt. Porro succus dulcis cum sine acrimonia & crassitie, hoc est, solus plane fuerit, celerius, quantum in ipso est, distribuitur. Quod si acrimoniam aut crassitiem habuerit, citius subducitur. Eadem habet Oribasius libro 4. Synopseos ad Eustathium filium capite 69. & Auicenna 2. Cano. cap. 569. Quinetiam hæc assignari potest ratio, nempe quod poma flatum in ventriculo excitent, flatus vero per anum deinde facile emittantur.

## DE CERASIS.

## CAPVT XL.

*SI cerasum comedas, tibi confert grandia dona:  
Expurgat stomachum, nucleus lapidem tibi tollit.  
Hinc melior toto corpore sanguis inest.*

*Cerasorum  
commoda.*

Tria ex cerasorum esu commoda hoc loco recensentur: ac primum quidem, quod stomachum expurgent: idq; de illis potissimum intelligendum, quæ vna cum nucleis manduntur. Ad eum namq; modum (vt nonnullis placet) ingesta abstergent & emundant. Secundum, quod nuclei eorum, cum inde expressus succus siue lacsumitur, peculiari quadam proprietate lapidem  
non



non in renibus tantum, sed in vesica quoque  
rangant & expellant. *Tertium* vero, quod quæ i-  
forum velut caro est, optimum generet sangui-  
nem, corroboret & impinguet. Et hoc certe  
experientia testatur & demonstrat ratio. Siqui-  
dem in passeribus, qui cerasis plurimum dele-  
stantur, eo ipso tempore quo hæc matura sunt,  
hecuscula non paulo maiora quam alias reperi-  
untur. Vnde hepar frequentiore cerasorum usu  
augeri ac roborari certo colligitur. Sed hic no-  
tandum, quod duplicia sint cerasa, crassa nimi-  
rum & parua: ac crassa rursus duplicia, nempe  
dulcia & pontica siue acerba. Dulcia omnia &  
parua insalubriora sunt, facile corrumpuntur, &  
lumbricos in corpore generant. Crassa pontica  
quoq; duplicia inueniuntur. Quædam enim pe-  
diculo constant longiore, bacca etiamnum cate-  
ris crassiore, gustu acerbo & admodum acido,  
colore perpetuo rufescente, nec vnquam in atrū  
vergente: Italis verle dicuntur. Hæc tenera adeo  
& fragilia sunt, vt nisi sub arbore sua comedan-  
tur, facile gestatu collidātur & marcescant. Qua-  
re non nisi recentia, atque in principio tantum  
mensæ sumenda sunt. Abstergerendi stomachi &  
ciendæ appetentiæ vi prædita sunt. Alia denique  
crassa, nigra, & maxime omnium pontica sunt,  
quæ in compluribus Italiæ locis Marasche vul-  
go nuncupantur, à sapore sic dicta, quod non in-  
iucundi amaroris tantillum resipiant. Ea sum-  
mo post alios cibos loco edenda sunt, ita vt os  
ventriculi ponticitate sua claudant: quo clauso  
concoctio & melius & citius peragitur. Galenus  
faciens cerasorum omnis generis mentionem,  
lib. 7. simpl. medic. cap. 19. scribit in hunc mo-

O s dum:



dum: Cerasus arbor fructus fert non paris adstitionis in omnibus particulatim plantis participem. Nam & in harum, sicut etiam malorum generum & malorum, quibusdam austera qualitas, in quibusdam vero dulcis, in nonnullis autem acida exuperat. Quinetiam ipsorum dulces quæ nondum cocta sunt, ac natura quædam ac modum sunt acerba, quædam similiter moris acida. Sed in moris immaturis acida qualitas acerbam exuperat, in cerasiis non semper. Ergo quæ dulciora sunt, magis quæ in intestinis sunt subducunt, sed minus grata stomacho sunt. Contra austera. Quæcunque vero acida sunt, ea pituitosis excrementosisque stomachis sunt apta. Siquidem austeris magis desiccant, & nonnihil etiam incidunt. Porro ipsius arboris gummi communem omnibus viscosis & mordacitatis expertibus medicaminibus facultatem obtinet, quæ & ad arterias exasperatas accommodata est. Proprie autem, siquidem, quod quidam subscribunt, verum est, calculis vexatos adiuuat. Nam sic illi tenuium partium inesset facultas quædam. Hæc ille. Plura Dioscorides libro 1. capite 126. Plinius lib. 15. cap. 25. & Simeon Sethi in Syntagmat,

## DE PRVNIS.

## CAPVT XLI.

**F***Rigida sunt, laxant, multum profunt tibi pruna.*

Duæ prunorum facultates hic referuntur. Ac prior quidem, quod corpus mediocriter refrigerent. Dulcia enim (quemadmodum libro 2. de medicaminibus simpl. purgantibus bened. capite 19. à Mesue scribitur) calido frigido sunt temperata, aut paulo frigidiora humida ordine

secun-



secundo: *μέσση* id est, dulcacida frigida principi-  
 o secundi. Omnia tamen refrigerant. Quare  
 Iusitani, qui calidam incolunt regionem, carniū  
 arum cocturæ pruna plerunque immiscent, &  
 potissimum Damascena. posterior vero quod al-  
 um moueant. Et hoc Galenus quidem lib. 2. de  
 limēt. facult. cap. 31. ita scribens cōfirmat: Cor-  
 pori, inquit, ex hoc fructu minimum alimenti  
 accedit: utilis tamen est iis, quibus propositum  
 est, ventrem mediocriter humectare ac refrige-  
 rare. Ipsum enim cum humiditatis, tum lentoris  
 cui gratia subducit. Quod certe de maturis intel-  
 ligendum: cruda enim, quemadmodum Auicen-  
 na testatur, non parum adstrictionis præse fe-  
 runt. Et quanquam posterior hæc prunorum fa-  
 cultas, non secus atque prior etiam, Damascenis  
 fere attribuitur, Armenis tamen potius adscri-  
 benda erit, vt quæ, Auicenna & Mesue testibus,  
 præter cætera magis alterent, largiusq; soluant.  
 Vtui vero maxime sunt matura, immatura mi-  
 nus: optima autem inter ipsa, & humanæ natu-  
 ræ conuenientissima sunt oblonga, carne cum-  
 dura, tum exigua, siccitate nonnulla participan-  
 tia cortice exteriori tenui, sapore non prorsus  
 dulcia, sed *μέσση* id est, dulcacida, qualia Damas-  
 cena cum primis habentur. Hæc enim mediocri-  
 ter humectant ac refrigerant. Multa porro & va-  
 ria prunorum genera reperiuntur, non omnium  
 tamē vsus approbatur. In hoc genere sunt agre-  
 stia quædam parua, dura acerbæque, & cibo in-  
 iucunda, Galeno *ἀγριοκκύνηλαν* vulgo prune-  
 ola siue prunula nominantur. Horum fructus, in-  
 quit Galenus lib. 7. de simpl. medic. facult. capi-  
 35. euidenter adstrictorius est, ventremq; sistit.

Que



Quo fit vt aquam nonnulli ventri sistendo accommodatissimam inde eliciant. Cæterum prunæ ventris subducendi gratia sumuntur, in qua frigida, prius quam ingerantur, aliquandiu præmaceranda sunt. Ita namque præparatæ magis tum humectant, tum refrigerant, adeoque ad appetentiam, quæ collapsa fuerit, excitandam & ad flauam præterea bilem, quæ in ventre habetur detergendam ac subducendam accommodatiora fiunt. Quare biliosis etiam non solum febribus, sed aliis quoque morbis salubria receduntur. Pruna recentia atque humida siccis valentius quidem alterant: sed excrementitium magis & peioris succi corpori præbent alimentum. Sicca vero non solum ad nutritionem accommodatiora sunt, verum magis etiam corroborant. Quod de prunis hoc loco diximus, idem de cerasis quoque aliquo modo intelligi potest: sed horum humiditas quam illorum subtiliora minus lenta est: quo fit vt minus etiam alant. De prunis Dioscorides libro 1. capite 134. Galenus & Mesues locis paulo ante citatis, & Aui-cenna libro 2. Canonum capite 539.

DE PERSICIS, RACEMIS, & Passulis.

CAPVT XLII.

*Persica cum musto vobis datur ordine iusto  
Sumere, sic est mos nucibus sociando racemue.  
Passula non spleni, tussi valet, est bona reni.*

Duo præcepta cum primis hoc loco traduntur.

Ac primum quidem, vt mustum cum persicis bibatur.



natur, aut sane persica simul cum musto exhibentur. Mustum namq; calefacit admodum, effullitionemque in corpore efficit: sed persica effullitionem hanc atque excalefactionem frigorate sua cohibent & moderantur. Contra vero persicis, cum vehementius refrigerent, merito prohibetur mustum, quippe quod frigiditatem aurum, ne ventriculo noxam inferant, calore non facile mitiget ac temperet. De persicis supra capite 7.

*Secundum* vero, vt vuarum racemi cum nucibus edantur: quod de aridis potissimum & antiquis nucibus intelligendū est. Virides etenim humidæ per se salubres censentur: antiquæ vero & aridæ excellenter siccant, adeoque ob opusculam suam qualitatem prompte in corporibus accenduntur. Iure igitur vuarum racemi cum iugis mandendi veniunt, vt qui exsiccationi atq; inflammationi humiditate sua resistant. De nucibus copiose supra, cap. 13.

*Tertio* deinde versu traditur, passulas siue vuas passas lieni officere. Ipsum enim communi ratione dulcium omnium obstruunt atq; lædunt. Hinc Galenus in libro de attenuante diætâ, capite 9. in hunc modum scriptum reliquit: Vuæ passæ si non sint adstringentes, lieni quidem & hepatis tumentibus non conueniunt: thoraci tamen ac pulmonis affectibus conducunt. Renibus etiam conferunt, quippe quos lauant & abstergunt, vrinamque cient. Renes namque multa ad ipsos deriuata humiditate mundantur. Sed de his quoque supra, capite nono,

DE



al. tenet.

*Ficuum fa-  
cultates.**Scropha, tumor, glandes, ficus cataplasmate cedunt.  
Iunge papauer ei, confracta foris \* trahit ossa.**Actius libro  
15. cap. 5.*

Hic duæ ficuum cataplasmatibus modo imposi-  
tarum facultates referuntur: Ac prior quidem,  
quod cum aqua, siue alio quopiam conuenienti  
liquore decoctæ humidæque impositæ scrophu-  
las, glandes atque tumores discutiant. Per scro-  
phulas vero, quemadmodum doctissime à Iano  
Cornario in cap. 8. lib. 1. Macri scribitur, Latinis  
non recepto adeo vocabulo, strumæ intelligun-  
tur. Videtur autem ex Græca voce factum esse.  
Sicut enim Græci *χοιρίδας* appellant, quas nos  
strumas dicimus, sic visum fuit huic, qui primus  
scrophas appellauit, eos glandularum circa col-  
lum ac guttur tumores, Græcæ vocis etymon ex-  
primere, *χοιρίδας* enim *ἀπὸ τῶν χοίρων* appella-  
tæ sunt, hoc est, à porcis ac suis: vel quod, Aui-  
cenna 3. 4. tract. 2. cap. 9. teste, ob edacitatē haud  
raro circa hoc animal reperiantur, vel quod ea-  
rum figura porcis plurimum adsimiletur. Per  
Glandes accipiendus hoc loco abscessus, vt Gui-  
doni Cauliaco placet, vtcunque mollis, vnicus,  
mobilis & separatus à partibus circumiacenti-  
bus, in emundatoriis plerumque nascens: talis e-  
nim à glandis forma quam præ se ferre videtur,  
nomenclaturam accepit. Lege Io. Tagaultium  
lib. 1. Institutio. chirurg. cap. 13. Porro per tumo-  
res quælibet inflationes in quavis corporis par-  
te exortæ intelligi possunt. His enim omnib. cu-  
randis ac maturandis ficus in aqua cum momē-  
to aceti, vt penetrationem earum adiuuet, deco-  
quen-



adhibenda sunt, donec mollescant: mox liquore  
 colum transfuso, ficus ipsa in mortario con-  
 trita adenda, ac cum eodem rursus cataplasma in-  
 ducendum. Cataplasma autem proprie medi-  
 camentum vocatur, quod è plantis viridibus cõ-  
 tritis, vel iisdem ad mollitudinem vsque in aqua  
 decoctis componitur: id quod innuitur etiam  
 in allegato versiculo:

*Hinc cataplasma facis, cum succum penis & herbam.*

Posterior vero facultas: quod cum papauere  
 composita ficus fracta extrahât ossa. Quo sane lo-  
 co erraticum illud papauer intelligendum est,  
 quod in aruis passim nascitur flore rufo, & capi-  
 to pollicaris vnguis magnitudine. Pueri in Scho-  
 la ἐγκαιστὴν, id est, atramentum librarium ex  
 contritis florum foliis conficere solent. Diosco-  
 rides lib. 1. cap. 142. de foliis eius priuatim testi-  
 monium præbet, quod cum ficubus cataplasma-  
 tis modo imposita ad extrahendum ossa fracta  
 conducant. Sed adscribam ipsius verba: Ἀνάγασ-  
 ται οἱ ὀλίγοι καὶ ὅσα σινὴ μήκων & ἀγέλας φύλλοις  
 id est, Grossi cum syluestris papauers foliis ossa  
 extrahunt.

*Vermiculos, veneremq; facit, sed cuiuslibet obstat.*

Duo hic traduntur effectus ficuum. Primo nam-  
 que ex largiore ipsarum vsu pediculorum mul-  
 tudo provenit: quod de iis potissimum intelli-  
 gendum est, quæ, vt refert Galenus libro 2. de a-  
 cument, facult. capite 2. & post hunc Auicenna 2.  
 Cano. capite 283. maturæ prorsus ac siccæ sunt:  
 quandoquidem sanguinem non admodum bo-  
 num sudoremq; multum gignunt. Deinde vero  
 Venerem irritant. Excrementitiæ enim sunt,  
 &



& inflationes pariunt, quibus virga erigitur, & Venereæ roborantur vires. Plura supra cap. 9.

## DE MESPILIS.

## CAPVT XLIV.

\* al. Escula. **M**ultiplicant mictum, ventrem dant \* mespila str.  
Etum.

*Mespila dura placent, sed mollia sunt meliora.*

*Mictio nocturna.*

Dux mespilorum vtilitates hoc loco recensentur. Vna quidem, quod mictum siue vrinam multiplicent atq; augeant. Quod certe non primo & per se ac propria sui ratione efficiunt, sed ex accidenti. Facies enim comprimendo inducant, quo fit, vt ventris humor ad vesicam distribuatur. Quinetiam ratio adsignari potest similis illi, quæ est apud Hippocratem aphor. libro 4. aphor. 83. Mictio noctu plurima facta paruum significat deiectionem. Quoniam, inquit Philotheus, multa & magis conferta distributio facta est in iecinore, & alio deriuata est materia, ideo multæ vrinæ fluxerunt, parum autem stercoreis: & è conuerso si multa stercoreis deiectio fiat, pauca erit vrinarum excretio, eadem de causa: nam parua distributio facta est, & ideo etiam parum vrinæ, multa autem per stercois deiectio, quoniam in ventriculo manet humidum. Altera vero, quod ventrem detineant: idque præstant maxime qualitatis ratione, quæ inest ipsis acerbæ admodum & styptica. Ex quo infertur hoc loco, mespila dura placere, quippe quæ ob adstrictionem aluo fluenti in cibo accommodatissime exhibeantur: sed mollia esse meliora, vt quæ magis nutrant, & aluum minus sistant. Illud porro neminem latere debet, omnibus huiusmodi



modi parce vefcendum eſſe, non autem affluenter, vt pyris, perficis, ficubus, vuis, & ſimilibus. Nullo enim ipſorum vt alimento, ſed vt medicamento potius indigemus. Quod ſaris quidem colligitur ex ſaporis acerbitate, & duritie ſubſtantie, vt quæ præterquam quod tardius in arbore maturitatem conſequuntur, minus etiam quam vt ediqueant molleſcunt. Atque hac ſane de cauſa priuſquam edantur, reponi ſolent donec emolliantur. Sic enim quamplurimum ex acerbitate & ſtypticitate amittunt, & in cibo ſuauiora ſiunt.

## DE MVSTO.

## CAPVT XLV.

**P**rouocat urinam muſtum, cito ſoluit & inflat.

Tres hic enumerantur facultates muſti.

*Prima* enim urinam prouocat. Siquidem facibus eius nitroſum quidpiam ineſt, ac tergendæ facultas, atq; eam ob rem vbi in veſicam deſcenderit, ipſam mordicans ad urinæ profuſionem impellit. Hic tamen verſus non de quolibet muſto, ſed de eo ſolum intelligendus eſt, quod faces habet mordicantes. Eiufmodi porro ex Rhenenſibus non pauca reperias. Muſtum enim cui faces inſunt craſſæ, non mordicantes, quemadmodum ſupra cap. 26. oſtendimus, meatu obſepit atque obſtruit vrinarios, ita vt urina potius ſupprimatur.

Deinde ventrem ſoluit: Viſcera enim nitroſa & ſalfa facis ſuæ qualitate abſtergens ad deiectionem incitat.

Tertio vero inflat, quod quidem propter eam contingit, quam in corpore excitat ebullitione:

P

inde



inde enim flatus proueniunt. Sed de his omnibus satis supra, cap. 26.

## DE CEREVISIA ET

Aceto.

## CAPVT XLVI.

**C**rassos humores nutrit ceruisia, vires.  
 Præstat, & augmentat carnem, generatq; crasiores.  
 Prouocat urinam, ventrem quoque mollit, & inflat,  
 Frigidat & medicum. Sed plus desiccatur acetum.  
 Frigidat, emaciatq; melanch. dat, sperma minorat.  
 Siccos infestat nericos, & pinguis siccatur.

*Ceruisia  
 proprietates.*

Duo hoc in loco peraguntur. Primo enim breuiter octo Ceruisiæ proprietates percurruntur. Quarum prima quidem est, quod crassos humores in humano corpore generet: idq; maxime, si vino comparetur. Porro iuxta materiæ varietatem vnde conficitur, aliam in se atque aliam recipit vel in crassandi, vel extenuandi humoris rationem. Siquidem ex crassiore substantia crassiores, ex tenuiore vero tenuiores humores procreari par est.

Secunda, quod robur addat.

Tertia, quod carnem augeat.

Quarta, quod bonum gignat sanguinem, Quæ quidem tres proprietates potissimum intelligendæ sunt de ceruisia multæ substantiæ, non nimis recenti, neq; nimis inueterata, ex optimis granis rite & perfecte cocta: qualis Erphordien- sis cumprimis existit. Ea enim multum habet substantiæ, boni est succi, vberimum corporibus exhibet alimentum, & vires auget.

Quinta, quod urinam prouocet: quæ proprietates claris maxime conuenit ceruisiis, quibus plu-



plurimum incoctum est lupuli: qualis est Embecensis. Ea namq; ob lupuli copiam celerrime penetrat & vrinam prouocat.

Sexta, quod ventrem molliat. Eiusmodi inter triticeas Hamburgensis existit: grati saporis est, multum substantiæ habet, copiosum & boni succi alimentum præbet, sanguinem bonum generat, & in soluenda aluo per se, aut cum butyro Phryfico primum locum sibi vendicat. Minus tamen conuenit illis, quibus caput non admodum firmum est: quippe qui ex ea facile inebriantur.

Septima, quod flatibus ventrem distendat, idq; maxime præstat Cereuisia cruda, hoc est, male & imperfecte cocta: quæ certe præterquam quod ægre concoquitur, inflationes etiam & obstructions gignit, vrinamq; remoratur: impinguat tamen admodum. In hanc classem Coyta Hollandiæ referenda est.

Octaua, quod paululum infrigidet. Eiusmodi censentur cum primis cereuisiæ Hollandiæ, Brabantiæ, Hannoniæ, Flandriæ, & quibus plebei homines vulgo vtuntur. Ea namque omnes vino collatæ refrigerandi facultatem habere videntur. Vbi sciendum cereuisiam confici posse ex a-uena, hordeo & tritico, sed iuxta materiæ rationem diuersa ei inducitur temperatura, siue qualitas. Quæ namq; ex hordeo fiunt frigidiores euadunt. Hordeum enim refrigerat siccaturq; in primo gradu. Quæ ex hordeo simul atq; auena, minus alunt, nec inflant neque obstruunt admodum. Quæ vero ex tritico, calidiores existunt, magisque tunc obstruunt, tunc nutriunt. Crassiores cereuisiæ tenuioribus tardius concoquuntur, atq; in

*Cereuisia  
preparatio*



corpus vniuersum distribuuntur : magis tamen nutriunt. Tenuiores vero contra cito alterantur, in partes corporis celeriter rapiuntur, mouent vrinam, & parum alunt. Mediocres omnia faciunt mediocriter. Pessima habenda est cereuisia, quæ conficitur ex rebus inebriantibus, nimirum ex lolio, vel chamepeuce. Ea enim adeo efficitur valida & halituosa, vt parum absit quin bibentes paulo immoderatus ad insaniam redigantur, maximum capitis dolorem generat, & nervos lædit. De Cereuisia plura supra capite 17. & 18. Est præterea eruditissimum Ioannis Placotomi de natura & viribus cereuisiarum opusculum in omnium manibus, vnde facile suppleri queant, quæ hic desiderantur.

*Aceti proprietates  
quinque.*

Secundo deinde loco quinque aceti facultates enumerantur. Ac prima quidem, quod exsiccat. Secunda quod refrigeret. De temperatura vel maxima est inter autores controuersia, aliis frigidum, aliis contra calidum adstruentibus. In hoc tamen præcipui consentiunt, quod vim habeat refrigerandi magis, quam calfaciendi. Exsiccat tertio gradu, estq; valde tenuium partium, crassos & glutinosos humores attenuat, atq; incidit, humorumq; putrefactioni vel maxime resistit. Eamq; ob rem Medici peste grassante cum in cibo, tum in potu aceti vsum mirifice commendant. Hinc sane 3. 1. doc. 5. capite 1. Auicē. inter alia sic ferme de eo scribit : Aceto præterea pestis tempore vti in cibo atq; potu, nocumēti ipsius securitatem præstat. Tertia, quod emaciet, hoc est, macrum reddat. Vehementer enim attenuat, incidit, ac deficcet, & excellentius, si, vt 3. 1. doct. 4. cap. 5. Auicēna tradit: ieiuno vsurpetur



petur stomacho. Assiduus tamen atq; immoderatio eius vsus plurima omnino adfert incommoda. Visum nanq; debilitat, pectus ac pulmonem offendit, & tussis commouet. Hepati quoque inimicum est: siquidem, vt tract. 3. ad Sultatum Babyloniz Rabbi Moses autor est, ipsum radit, sanguinemq; eius dealbat. Stomacho præterea, iuncturis, & nervosis omnibus mali non nihil immoderatiore vsu ingenerat, articularesque dolores, tremores, & paralyfin excitat. Proinde qui frigido sunt & sicco temperamento, qui que inualidum pectus, pulmonem, hepar, stomachum, & nervos habent, ab aceto abstineant, aut modice saltem eo vtantur.

Quarta, quod generet melancholiam: Frigiditate enim sua & siccitate ipsum hepar refrigerat & exiccat, atque ad generandam faciem melancholicam opportunum reddit, quæ deinceps facile in verā melancholiam vertitur. Hippocrates libro 3. de vict. rat. in morbis acutissimis aphor. 38.

Quinta quod Veneris appetentiam rescindat, & semen imminuat. Nimum enim attenuat, incidit, exiccat & refrigerat. Cibariorum tamē appetentiam suscitatur. Harum facultatum libr. 3. ad Almanforem cap. 17. Rhazes etiam meminit: Acetum, inquit, frigidum est & siccum, maciem efficit, virtutē destruit, sperma minuit, bilemque corroborat nigram, flauam vero demolitur, sanguinemque debilitat, & cibos quibus admiscetur, attenuat atque incidit.

Vltimo tandem versu tria comprehenduntur: Ac primum quidem, quod macris noceat. Cum enim acetum excellenter attenuet, incidat atq;



deficet, ex necessitate etiā maciem auget. Quippe similibus, vt Galenus lib. 1. cap. 10. de sanitat. tuend. testatur, quemlibet excessum augescere par est, contrariis vero remitti aut minui.

*Secundum*, quod noceat nervis. Exangues enim sunt: & cum tenue sit, valde eos penetrat. Plura de hoc supra cap. 1. in acida cereuisia.

*Tertium*, quod inmodice pingua corpora emaciet: atq; eius quidem ratio iam reddita est. De aceto plura Dioscorides libro 5. capite 17. Galenus libro 1. de simpl. medic. facult. capite 19. & deinceps. & libro 8. eiusdem operis capite 22. & Simcon Sethi in Syntag.

## DE RAPIS.

## CAPVT XLVII.

**R**apum iuuat stomachum, nouit producere ventum, Prouocat urinam, praestat q; in dente ruinam. Si male cocta datur \* tibi torsio sic generatur.

al. sic torsio tunc gen.  
Raporum commoda & incommoda.

Hic tres cumprimis raporū recensentur proprietates. Ac primum quidem, quod stomachum iuuent. Secundum, quod flatus gignāt. Tertium quod urinam prouocent. Quae sane omnia de iis intelligi debent, quae belle & perspicue cum pinguibus carnibus percoquantur. Ea enim iucundiora ac gratiora stomacho fiunt, satis tum nutriunt, tum impinguant, sed humentem ac fluxam carnem creant, flatus & genitale semen generant, Veneremque stimulant, urinam prouocant, fauces leniunt, atque thoracem, ac visum praeterea (vt Auenzoar in libro de conservanda sanitate & tract. 8. capite 21. libri 1. Theyfir. & Auerrohes lib. 5. capite 41. collect. testantur) peculiari quapiam proprietate roborant.

Fex



Fertur etiam quod fibræ illorum, siue caudæ, aluum fortiter moueant: Atque hinc sane vulgati excogitati sunt versiculi:

*Radix rapa bona est, comedanti dat tria dona.*

*Visum clarificat, ventrem mollit, bene bombit.*

Secundo deinde loco duo eorundem referuntur incōmoda. Nam & dentes lādunt, & torsiones siue tormina in ventre suscitant. Atque his quidem malis cruda maxime obnoxia sunt. Primum enim non ægre modo dentibus franguntur, verum etiam minus iusto in ventriculo conficiuntur, quo fit vt & ipsa corumpantur, & foetidos preterea halitus dentibus suggerant, acciditque duplici ita nomine dentes offendi, comanducatione nimirum & halitu. Deinde vero ad istum modum liberalius ingesta concoctu sunt difficiliora, ac flatulenta magis, stomachoque noxia. Nonnunquam autem & ventrem mordicant: Quorum posterius etiam vulgato nobis indicatur versiculo:

*Ventum saepe rapis, si tu vis viuere rapis.*

Crebrior raporum vsus crassum humorem generat, & obstructions iecoris parit. Ventrem nec sistunt nec mouent. Inter radices tamen omnes, quæ quidē edendo sunt, rapæ corporis nutritioni vel maxime conueniunt, idq; ex saporis iucunditate facile deprehenditur. Ea enim eduliorum omnium natura est, vt amara, & quæ linguam contrahunt, minus: dulcia vero magis alant. Rapa autem cum aliis radicibus dulciora sunt minusq; linguam contrahunt, maius etiam aliis præstare alimentum, magisq; victus salubris rationi conuenire consentaneum est. Sanguinem tamen crassorem & melancholicum



generant, cum minus iusto in ventriculo ob co-  
coctoria facultatis imbecilitatē conficiuntur.  
Coctionem autem diuturniorem postulant, ea;  
sunt laudatissima, quæ primæ ebullitionis aqua  
segregata & abiecta bis percoquuntur. Cruda ob  
prædictas paulo ante causas nullo modo eden-  
da sunt. Cymæ raporum decoctæ manduntur,  
& urinam cient. Rapum muria conditum, vel  
cum aceto & sale sumptum, minus quidem ali-  
menti sufficit, sed multo magis appetentiam  
recreat. Huius semen tritū & magna copia hau-  
stum, Venerem suscitatur. Fertur, quod si quis  
hoc ipsum semen cū calamintha & Lemnia ter-  
ra commixtum sumat, eo die neque veneno, ne-  
que morfu venenati animalis lædi. Appensum  
inguinum morbis peculiari quapiam propieta-  
te medetur. Plura Dioscorides libro 2. capite 99.  
Plinius lib. 18. cap. 13. Galenus lib. 2. de aliment.  
facult. cap. 62. & lib. 6. de simpl. med. facult. cap.  
98. & Simeon Sethi in Syntag.

DE ANIMALIVM VI-  
sceribus.

CAPVT XLIIIX.

*al. digeritur.* **E**geritur \* tarde cor, concoquitur quoq; dure.  
Sic quoq; ventriculus, tamen exteriora probantur.  
Reddit lingua bonum nutrimentum medicina.  
Concoctus facilis pulmo est, cito labitur ipse.  
Est melius cerebrum gallina, quam reliquorum.

Agitur hoc loco de natura & facultate visce-  
rum, quæ homines cibi causa ex animalibus se-  
cant. Recensentur autem numero quinque. Quo-  
rum primum quidem est, Cor tarde tum conco-  
Caro. qui, tum per intestina descendere. Caro enim e-  
ius



aus dura est, cui vt ægre concoquatur, & tardiffi-  
 ne descendat, natura comparatum est. Testis  
 Galenus lib. 3. de aliment. facult. cap. 11. Cor in-  
 quiescens substantia quidem sua caro est fibrosa  
 ac dura, ideoq; ad concoquendum est difficile,  
 & tarde permeat. Huc iecur quoque referendum  
 videtur. Nam, vt ibidem testatur Galenus, om-  
 nium animalium iecur crassi est succi, ac ad co-  
 quendum difficile, tardeq; permeat. Renes iti-  
 dem prauī admodū sunt succi, & concoctu dif-  
 ficiles. Galenus ibidem cap. 5.

*Secundum* est, stomachum quoq; ægre conco- *Stomachus.*  
 qui, & lente transire. Est enim membrum car-  
 tilaginosum ac ærueum, neq; facile in bonum  
 sanguinem mutari potest. Cartilaginosa enim  
 dura sunt: neruæ vero animalium particulę suc-  
 cum absolute pituitosum gignunt, Oribasio li-  
 bro. 4. Synop. ad Eustathium filium cap. 7. teste.  
 Galenus libro 3. de aliment. facult. capite 12. in  
 hunc fere modum de eo scriptum reliquit: Du-  
 rior carnibus est stomachus, ob id etiam si rite  
 conficiatur, succum tamen gignet non plane  
 sanguineum, neque inculpatum, sed frigidio-  
 rem ac crudiorē. Proinde multum temporis  
 requirit, priusquam satis confici & in probum  
 sanguinē mutari queat. In extremis tamen par-  
 tibus, nempe in fundo & orificio, facilius confi-  
 citur in quibus pinguior sit, & carniū natu-  
 ra propinquior.

*Tertium* est, Linguam boni esse alimenti, idq; *Lingua.*  
 maxime, Auicenna lib. 2. Cano. cap. 145. teste, cir-  
 ca radicem. Illic enim suauissima est, facile con-  
 coquitur, & probum corpori alimentum præ-  
 stat: cum fungosa alioqui laxa sit, & respectu  
 P s soli-



solidioris carnis parum alimenti habeat. Inter omnes tamē porcellinæ præstantissimæ sunt, ut quæ oblata circumcingente pellicula à structoribus ac prægustatoribus principum carni æquiparentur aprugnæ. Bouillæ ob exuperantem humiditatem parum in victus salubris ratione commendantur. Quamobrem ipsis vsuri obsonatrici artis periti caryophylla inserere solent, priusquam assentur, sic enim illarum humiditas contemperatur, edendoque accommodatiores fiunt.

*Pulmo.*

*Quartum* est, pulmonem facile & concoqui, & per intestina descendere, mollis enim admodum est & rarus. Paulus lib. i. cap. 85. hæc sic tradit. Pulmo facilius quidem, utpote fungosus, concoquitur, sed leuiorem cibum præbet, pituita generanda efficax. Agnus vero pulmo, licet pro alimento minus conueniat, medicamenti tamen vim possidet. Impositus enim ut autor est Dioscorides lib. 2. cap. 34. & Galen. libr. xi. de simpl. med. facult. cap. 8. attritus à calceamentis contractos ab inflammatione tuetur & sanat. Idem tradit Auicenna 2. Cano. cap. 568.

*Cerebrum.*

*Quintum* est, gallinæ cerebrum omnium esse præstantissimum. Vbi sciendum inprimis, cerebrum esse pituitosum crassi vitiosique succi: lente transire, concoctioni aduersari, stomachum ledere & nauseam excitare: ideo recte vulgo ad corrigendam frigiditatem & humiditatem, cum sale & puluere zingiberis, aut piperis condiri solet. Suillum naturæ inimicum est, ouillum vero, Vitulinum leporinum cuniculumve cum sale ac calidis speciebus mandi conceditur. Inter omnia tamen cerebrum gallinæ primam laudem obtinet, abunde enim nutrit, genitali femini



ini adiicit, & cerebri substantiam auget: vnde  
 in his qui tardiori leuioriq; in genio ac mentē  
 ant, prodesse dicitur. Dioscoridi libro 2. capi-  
 40. sanguinem à cerebri membrana profluen-  
 tm sistit: Quod Auicenna lib. 2. Cano. cap. 128.  
 296. ad fluxum sanguinis narium transtulit,  
 tempe qui membrana cerebri vitio contractus  
 . Cerebrum inquit, gallinæ prohibet fluxum  
 sanguinis narium, accidentem ex velaminibus  
 cerebri. Plura de hoc supra cap. 9.

## DE SEMINE FOENICULI.

## CAPVT XLIX.

*Emen foeniculi pellit spiracula culi.*

Hoc in loco traditur, semē foeniculi, quod  
 ἀπὸ θεοῦ Græce dicitur, flatus dissipare atq; ex-  
 cellere, idq; maxime ratione caliditatis. Nam  
 lib. septimo de simpl. medic. facult. capite 97.  
 Galenus memoriæ prodidit, tam valenter excal-  
 facit, vt ex tertio ordine excalfacientium cense-  
 di promereatur: desiccet vero non æque, sed i-  
 sum quispiam in hoc primi esse ordinis posue-  
 rit. Proinde lac procreat: quod si admodum de-  
 siccaret, non sane efficeret. Suffusis eadem ratio-  
 ne auxiliatur, vrinas mensesque ciet. Ex esu præ-  
 erea seminis foeniculi manant & alia quædam  
 commoda. In febribus enim nauseam & stoma-  
 chi feruorem ex aqua frigida potum sedat, sto-  
 machum purgat, oculorum aciem reficit, & cum  
 vino decoctum virulentorum vermium ictus sa-  
 nat. Contrariæ radices & cum melle illitæ mor-  
 sibus canum medentur. Quæ quidem omnia à  
 nonnullis memoriæ iuuandæ gratia hisce versi-  
 bus inclusa sunt.



*Bis duo dat marathrū, febris fugat atq; venenā  
Et purgat stomachum, lumen quoq; reddit acutū*

Transcripta autem ea sunt, partim ex Dioscoride lib. 3. cap. 71. partim vero ex Auicenna lib. 2. Cano. cap. 281. Quo sane loco inter alia refert Auicenna, etiam Democritum existimasse, serpentes & vermes venenatos recentis fœniculi semine pastos senectam exuere, oculorumque aciem succo eius reficere veris initio, vbi latebris relictis in apriū prodierint. Vnde intellectum est, hominum quoq; caliginem præcipue eoreleuari. Plura hac de re Nicander sub exordium Theriaca. Plinius lib. 8. cap. 27. & lib. 19. ca. 91. & lib. 30. cap. 23. Macer libro 1. cap. 16. & Mesues cap. 1. de ægritudinibus oculorum. Attamen quū concoctioni aliquantulū renitatur, & exiguum prauiq; succi alimentum corporibus exhibeat, non vt alimento, sed vt medicamēto potius fœniculo vtendum est. Proinde aliis interim cibis ipsum vice condimenti, & vt eorum prauitatem corrigat, adhibemus. Quemadmodum enim petroselinum nōnunquam cum lactucis, vt earum humiditas & frigiditas contemperetur, sic etiam cum cucurbitis interdum aut rapis, vt prauitas eorum minuatur, fœniculum decoquere simul & mandere consueuimus.

## DE ANISO.

## CAPVT L.

**E***Mendat visum, stomachum consortat Anisum.  
Copia dulcoris Anisi sit melioris.*

Dux hic referuntur utilitates Anisi.

*Primo nanq; visum emendat, & maxime quidem foris impositum. Atq; hinc sane apud Plinium*



libro 20. capite 17. naturalis hist. epipho-  
oculorum è vino radicem eius rufam ab Iol-  
imponi solitam legimus. Ipsum cum croco pa-  
modo & vino, & per tritum cum polenta ad  
magnas fluxiones, extrahendaque si qua in ocu-  
inciderint.

*Secundo* deinde loco stomachum roborare di-  
tur, quod profecto de semine eius potissimum  
intelligendum est. Illud namq; vt lib. 6. de simp.  
medic. facult. cap. 44. Galenus adserit, maxime  
bile est acre & subamarum, vt prope ad vren-  
tum accedat caliditatem. Est autem & in siccan-  
terti ordinis, sicut & in calefaciendo. Stoma-  
um igitur calefacit, & qui in ipso sunt humo-  
crassos ac frigidos lentosque attenuat, inci-  
liquidosque & expulsiōni accommodos red-  
t. Inflationes quoque, quæ ab iisdem profici-  
antur, discutit. Atque hinc adeo fit vt stoma-  
tum repurgetur, tum exsiccetur, & onere  
grauatus fuit, deposito roboretur. Quinetiā  
eadem ratione conferre existimandum est:  
quippe cui nihil æque noceat atque stomachi  
puritas. Hinc enim impuri, foetidi & turbu-  
fumi ad oculos sublati noxam spiritibus  
inuehunt. Melius ad hoc semper recens,  
venenum, non furfurosum, dulcedine & odore  
alestans. Præter has utilitates & aliæ quamplu-  
à Dioscoride lib. 3. cap. 55. à Plinio loco pau-  
ante citato, Serapione cap. 242. & Auicenna  
2. 2. Cano. cap. 1. recensentur. Oris enim halitū  
undio rem facit, doloris leuamentum præstat,  
nam ciet, discutiendi vim habet, aquam quæ  
cutē dissipat, potum sitim ex salis humo-  
us contractam extinguit, animalium venenis  
ad-



aduersatur, valet ad inflationes. Aluum & alba  
foeminarum profluuia tostum sistit, lac ad mam-  
mas elicit, Venerem stimulat. Dyspnoeas à pitui-  
ta profectas, tostum purgat, cum melle sumptum  
melius. Vetustis & antiquis ex frigore hepatici  
affectibus prodest. Iecoris, lienis, renum, vteri &  
reliquorum etiam viscerum obstructions tollit.  
Vias enim ab humoribus crassis, frigidis ac len-  
tis præclusas & obsessas aperit. Atq; ob id febris  
bus quoq; opitulatur antiquis. Dolores capiti-  
leuat, suffitum naribus: cum rosaceo tritum in-  
stillatumque fractis auribus medetur.

## DE SPODIO.

## CAPVT LI.

*Spodium.*

*Si crasor emanat, Spodium sumptum cito sanat.*

Spodium sanguinis profluuia hic sistere tra-  
ditur: quod de Spodio ab Arabibus nobis de-  
scripto potissimum intelligendum venit. Hoc, v-  
ex Auicenna 2. Cano. cap. 617. colligitur, non e-  
nisi radices cannarum arundinumve adustæ.  
Quare cum eo quod Græci *σποδίου* appellat  
conuenire videtur. Officinæ Platearii nixæ testi-  
monio pro spodio tam Græcorum, quam Ara-  
bum ossibus vltis vtuntur, quæ elephantis esse  
putant: quum verisimilius sit bouis, vel alterius  
esse animantis ossa. Quocirca cum veterum  
Græcorum spodium, quod Tuthiacus vocatæ specie  
est, habeatur, ex officinis prorsus hæc combustæ  
ossa proscribantur, eiusq; in Græcorum compo-  
sitionibus vsus sit: in Arabum vero cõpositio-  
nibus cannarum Indiæ spodio, aut si illud habere  
ri non possit, radicibus cannarum nostrarum ad-  
stis vtendum erit. Græcorum spodium solum ad



Renouetur: Arabum vero etiam sumitur & deu-  
natur. Hoc ipsum itaque sanguinem vndecunque  
etiam manantem hic sistere traditur, & maxime  
quidem quod frigidum sit & succum, valideque  
stringat, aut certe quod sumptum siue admo-  
num peculiari quadam proprietate hepar intem-  
perie vel naturali, vel quoquo modo aduentitia  
alidius moderetur ac roboret. Hoc autem visce-  
re (quod principium ac fons sanguificationis est)  
roborato, sanguis ab eodem melius etiam reti-  
netur. Puluis igitur eius cum stillatitiis liquori-  
bus rosarum & plantaginis in nares injectus  
eiusdem curat. Idem cum succo  
plantaginis contra *αἱμὴν* & dysenteriam  
efficaciter sumitur. Quin & alia quam plurima  
ab autoribus spodio attribuantur dotes. Siqui-  
dem cor quoque proprietate quadam corroborat,  
& spiritus claros ac solidos efficit: quapropter  
exhilarat etiam atque latificat. Potum aut appo-  
situm calidæ cardiacæ & contractæ ab effusione  
flauæ bilis ad os ventriculi syncope, calidoq; cor-  
dis tremori auxiliatur, adiuuante scilicet talem  
ipsius actionem facultate adstrictoria, & maxime  
quidem in temperaturis calidis. In frigidis ve-  
ro cum croco temperatum eadem præstat. Feбри-  
bus confert acutis, sitim sedat, & immodico cho-  
lerico alui profluvio atq; vomitui subuenit. Pu-  
stulis quoque quæ in ore & lingua erumpunt pro-  
dest. Furorem furoremque flauæ bilis cōpescit,  
ventriculum roborat, ardori eius atque imbe-  
cillitati proficit, flauæque ad ipsum bilis inhibet  
effusionem. Contra melancholiam ex sollicitu-  
dine, timorem de præteritis, terrorem de futuris  
& quaslibet animi perturbationes efficax est. Vti-  
liter



liter calidis oculorum abscessibus illinitur. Plura Rhazes lib. 3. ad Almanforem cap. 36. Auicenna loco citato, & tract. 2. de viribus cordis, cap. 3. Auerrhoes lib. 5. collect. cap. 56. Serapion capite 332. & Leonhardus Fuchsius lib. 1. ca. 17. de composit. medic. Porro autem quemadmodum spodium peculiari hepatis roborandi facultate præditum est, ita & alia nonnulla medicina aliis singularibus quibusdam membris roborandis accommodata sunt, veluti macis cordi, moschus cerebro, glycyrriza pulmoni, capparis lieni, & galanga stomacho, id quod vulgatis etiam hisce versiculis comprobatur:

*Gaudet hepar spodio, mace cor, cerebrum quoq, moscho,  
Pulmo liquiritia, splen capp. stomachusq, galanga.*

## DE SALE.

## CAPVT LII.

**V**As condimenti præponi debet edenti.  
Sal virus refugat, recte inspidumq, saporat.  
Non sapit esca probe, qua datur absque sale,  
Urunt res salsa visum, semeng, minorant,  
Et generant scabiem, pruritus siue rigorem.

Tria hoc in loco peraguntur. In primis enim generale traditur præceptum, nemini hætenus humaniori saltem atque ciuiliori non obseruatum: nempe ut vas condimenti, hoc est, salinum primum in mensa apponatur: idque adeo vulgatum vbique est, ut hisce etiam versiculis decantetur:

*Sal primo poni debet, primoq, reponi.  
Non bene mensa tibi ponitur absq, sale.*

Duo deinde salis recensentur commoda: ac primum quidem, quod venenis resistat. Cuius duplex



duplex assignari potest ratio: Vel quod sal vim  
 habeat vehementer siccam & adstringentem,  
 atque ob id quicquid in corporibus humidum  
 est, id omne depascit reliquum adstrictione le-  
 niter contrahat: eiusque rei testis est Galenus li-  
 bro vndecimo, de simpl. medic. facultat. capite  
 30. sic inquit: Nam sal quicquid in corpori-  
 bus humidum inest, id quodammodo absumit,  
 & quod reliquum est substantiæ solidæ adstri-  
 ctione contrahit: ac proinde etiam conditura  
 sua carnes seruat, & a putredine tuetur: Vel  
 quod sal non solum humores e corpore ducen-  
 dos liquet, incidat, tenuet, purget & exiccet: sed  
 poros etiam, per quos venenis vis in interiora  
 corporis irruere solet, denset ac constringat, ad-  
 eoque penetrationem eius intercipiat & exclu-  
 dat. Secundum vero, quod cibos condiat, id est,  
 sapidiore reddat. Nulla siquidem cibaria citra  
 salis commistionem, sapere quotidiano disci-  
 mus experimento. Tertiò demum loco salis, *Salis siue*  
 siue persalforum eduliorum, quatuor enume- *cibariorum*  
 rantur nocumenta. Quorum primum quidem, *nunc sal-*  
 est, quod usu præsertim immoderatiore vrant, *forum nocu-*  
 hoc est, corrumpant aut hebetem certe ac debi- *menta.*  
 liorem reddant visum. Ac huius itidem duplex  
 assignari potest ratio: vel quod oculi, vt supra  
 capite secundo, ex Aristotele ostendimus, sint  
 de naturâ aquæ: res vero persalsæ humidam i-  
 psorum substantiam exiccent & consumant, ad-  
 eoque hebetudinem, ob id visui adferant: Vel  
 quod a cibarijs persalsis in ventriculo existentibus  
 mordaces admodum atque acres resoluantur  
 fumi, qui ad oculos sublatis ipsos acrimonia sua  
 rodant ac rubefaciant. Atque hinc sane eos qui  
 Q sa-



falem excoquunt, rubros fere oculos habere cōspiciunt. Secundum, quod Veneris appetentiam conpescant. Nam cum omnes corporis exsiccent & consumant humores, sperma quoque necessario exhauriūt ac minuunt. Tertium, quod scabiem generent. Acrem enim ac mordacem procreant succum, sanguinemque adurunt, atque hinc profecto scabies incidere consuevit. Quartum, quod pruritus etiam excitent. mordacia enim ac pruriginosa generant excrementa. Horum nocumentorum Rhazes etiam meminit libro 3. ad Almanfor. capite 17. Sal. inquit, sanguinem eorum qui multam ex ipso sumunt quantitatem adurit: visum quoque debilitat, atque sperma minuit: pruritus generat & scabiem. Ad hanc serpiginem nonnunquam & impetiginem, morphæamque ac lepram progignit iis, quorum corpora ad patiendum sunt parata. Quin vrinarios etiam meatus, vsu præsertim immoderato ac frequentiore, excoriât. Modice tamen salsa profligato fastidio appetentiam reuocant. Fertur præterea quod si sal cum aceto & succo rutæ permixtus pedum, plantis diligenter infricetur, non noxam tantum ex vini crapula contractam curet, sed iis etiam qui cibos auersantur, Græci *ἀποστρεφτικοί*, appellant, aueritatem restituat. Plura de Sale Dioscorides libro 5. cap. 90. Galenus libro 9. capite 30. & libro 11. capite 50. de simpl. med. facultat. Simeon Sethi in Syntag. Auicenna 2. Cano. capite 624. & Mesues libro 2. sect. 2. capite 16. de medic. simplic. purgantibus.

DE



BONA VALETVDINE. 240  
DE S A P O R I B V S A C  
corum qualitatibus.  
CAPVT LIIL.

**H**ic ferme vigent tres, *salsus, amarus, acutus*  
*Alget acetosus, sic stipans, ponticus atque:*

*Unctus, & insipidus, dulci dant temperamentum.*

Hic agitur de saporibus, siue qualitatibus gustatoriis: Vbi sciendum imprimis, Saporem accipi pro omni eo quod gustu diiudicatur. Species autem eius aliter ab aliis numerari solent. Galenus lib. i. de simpl. med. facult. capite 38. non facile numero comprehensibiles esse tradit. A Theophrasto lib. 6. de causis plantarum cap. i. & *Sapores octo* 4. eius octo recensentur differentiæ: exempli gratia, dulcis pinguis, austerus, acerbus, acris, salsus, amarus & acidus. Quibus nonum quoque nonnulli adiiciendum putarunt, nempe insipidum, quem *ἀνύδριον* Græci vocant, quod extra omnem sit insignem tum caliditatem tum frigiditatem, medium, quoad fieri queat, constitutionem obtinens, qualem præbet sensum, aqua plane omnis qualitatis expers. Ex his tres calfacere hoc loco traduntur, nimirum salsus, amarus, & acris. Sed in his non parua est maioris minorisq; ratio. Siquidem acre, vt Auicenna 2. Cano. tract. i. cap. 3. confirmat, est calidus, hinc amarum, deinde salsum: quoniam acre maiorem vim habet soluendi, incidendi & abstergerendi, quam amarum: salsum vero est velut amarum frigida aliqua humiditate retusum hebetatumq;. Secundo deinde loco tres ex saporibus statuuntur frigidi: acidus videlicet, austerus & acerbus. Ex quibus acerbus tamen frigidior existit, mox austerus de-

Q 2 inde



inde acidus. Quod sane perspicuum euadit in omnibus fructibus qui dulcescunt. Principio enim sese prodit acerbitas vehementis in frigidationis: processu deinde temporis cum per solarem calorem aliquo modo ad concoctionem ducti fuerint, austeritas in eis sentitur: qua sensim deposita, aciditatem acquirunt, sicut *ὅμφρες*; hinc dulcedinem tandem adsciscunt. Acidum vero quamuis acerbo minus sit frigidum, tamen ob subtilitatem & penetrationem suam in pluribus maioris est in frigidationis. Acerbum autem & austerum in sapore sunt propinqua, sed hoc nihil linguae praeter extimam eius superficiem contrahit: illud vero non modo extimam superficiem, verum etiam interiora eius contrahit atque exasperat. Postremo vero tres dicuntur temperati, id est, mediae qualitatibus, ita ut corpus neque refrigerent excellenter, neque calfaciant: nempe dulcis, pinguis, & insipidus. Dulce enim licet calidum sit, in ipso tamen non apparet excellentia caliditatis, ut lib. 3 ad Almanso. cap. 1. Rhazae visum est. Porro sua ac propria saporis curaque adsignantur facultates.

### **Dulcia,**

Dulcia enim concoquant, emolliunt, rarefaciunt, laxant plurimumque corporibus exhibent alimentum & impinguant. Cum enim naturae sanguinis nostri & carnis proxime congruant, lingua auide excipit ac voluptate dilatationeque afficitur, eis fruens non laeditur, non exulceratur ab eis, nec refugit ea, ut amara seu acra. Ac sane quicquid nutrit, ex genere dulcium esse oportet. Nam dulcia vngunt, implent & restituant erosas particulas. Sed interdum excellenter dulcia nocent: quia cum sint valde calida & aërea  
cito



cito in igneam naturam transeunt, vel mel & saccharum celerrime: vertuntur in flauam bilem. Quare auidius vsi saccharo sæpe periculose inflammantur. Ad hæc dulces cibi intemperantius eduntur, humorisq; copiam generant, quam sequuntur interdum vel putrefactiones, vel obstructiones & abscessus hepatis atq; lienis: & maxime quidem cum hæc viscera ad patiendū accommodata fuerint. Stomachum quoq; relaxat admodum & aluum cient. Pectori tamē conferunt & pulmōni, genitaleq; semen augent.

Amara meatus perpurgant, abstergunt, extenuant, humorum crassitiem incidunt, & linguam mordent, suntque in natura terrestri crassa, in qua excedunt calor & siccitas, vt in Bile, Nitro, Marrubio, Absinthio: immodico vsu sanguinem cito adurunt & corrumpunt, bilemque augent flauam.

Acerba Græcis *σπυφρά* appellata, recentiores pontica à pungendo vocant, quo verbo medici quoque libenter vtuntur, linguam contrahunt & introrsum pellunt, ideoq; constipandi, densandi & abstringendi vim habent, suntq; in natura terrestri, crassa, frigida & sicca. Ideo enim acerbus sapor dicitur esse tardior quam acidus, quia acidus est in natura tenuiore minus terrestri. Acerba sunt fructus glandium, pyra sylvestria, & in genere immatura poma, mala cydonia ac magis immatura. Nam postquam maturuerunt, fit mixtus sapor ex acerbo & dulci, sicut nucum ex acerbo & pingui. Sunt *σπυφρά* & fructus qui vulgo Ribes dicuntur: item castaneæ, corna, & poma Cynosbati.

Austera Græcis *αῖσνη* medicis etiam nostri

Q

tem-



temporis *συμπληγὴ*, à verbo Græco *σύν* dicta. contrahunt, constringunt, densant, incrassant & infrigidant. Sunt enim in natura terrestri, crassa, frigida, & sicca, sed plus habent caloris & humiditatis quam habeant acerba. Frequentiore in cibis ac immoderatiore usu humores abunde extenuant inaniuntque, eoque sanguinem gignunt melancholicum, & corpus reddunt gracile. Ventriculum tamē quemadmodum Galenus id ipsum in libr. de cibis boni & mali succi, cap. 17. attestatur, corroborant. Omnia, inquit, quæ egregie austera sunt, laxum stomachum ac ventrem firmant, ac tum præcipue, cum calida intemperie affecti sunt. Hac enim de causa, atq; etiam ad alui fluxiones sistendas, austeris utimur vinis. Iuuant enim ventriculum natiaua siccitate, & aliquantulum adstringunt.

*Pinguia.*

Pinguia siue oleosa, quæ Græcis *λίπα* & vulgo unctiosa nominantur, dulcibus vicina sunt, aquæ & aeræ substantiæ: leniunt, emolliunt, lubricant, laxant, concoquunt, maturant, & humectant, sine manifesta tamen calefactione. Hæc si sint mediocria, optime nutriunt: sed immodice pingua supernatant, abominabilia sunt & nauseabunda, ventriculum resupinant, coctionem impediunt, flatus & obstructions generant. Ad hæc cibi quoque, antequam edendo naturæ satisfactum sit, satietatem adferunt. Quod Galeni testimonio confirmatur: qui libro tertio de aliment. facult. capite 29. ita scriptum reliquit: Pinguia & lenta cibaria statim ut sumpra fuerint, celeriter implent, & appetentiam ouertunt. Præterea, quod maius est, cō pluribus deinceps diebus ipsorum esum non sustinemus.

Ec-



Febricitantibus, ac iis etiam quibus stomachus atq; hepar calidiora sunt, non æque vt aliis conferunt: ipsis enim facile accenduntur, & in flauam bilem transeunt. Reliquis vero phlegmatis generant copiam, somnolentiam pariunt, rationalemque mentis partem reddunt hebetiorem. Carnium tamen atque olerum coctura non mediocre tribuunt condimentum.

Acrida, Græcis *δριμέα*, & vulgo acuta, non solum mordent ac rodunt linguam, sed etiam penetrant, vrunt, vlcérant, aperiunt, flatu dissipant, tenuant, incidunt, separant, resoluunt, à longinquo attrahunt: suntq; in natura tenui, in qua excedunt caliditas & siccitas, & superant calore res amaras. Vnde calorem augent & corpus velociter inflammant, ac sanguinem adurunt, ipsumque in bilem prius flauam, deinde in nigram conuertunt: siccant etiam emaciantque, ac sitim faciunt. Acrida autem sunt, vt piper, zingiber, allium, cepa, calx, & granum gnidium.

Salsa (Græcis *άλμυρα*), incidunt, tergent, tenuant, liquant, mordent, condiendo seruant & à putredine vindicant, conturbant, subuertunt ventriculum, & ad vomitum impellunt, deficcant citra apertam aut caliditatem aut frigiditatem, sitim excitant, exasperant, radendo expurgant, & aperiunt. Plura supra cap. 52.

Acida, Græcis *ὀξέα*, vulgo acetosa, mordendo constringunt & refrigerant, penetrant, incidunt, extenuant, diuidunt, tergent, farctu liberant, perpurgant citra excalefactionem. Sunt in natura tenui, frigida & sicca, in qua dominatur frigiditas. Nam quæ sunt tantum acida, sunt præcipue frigida, vt *ὀξύλις*, quæ vulgo acetosa nominatur: quia

Q + hæc



hæc pure hunc saporem habet. Est & species mali punici vere acida. Alia quædam sunt mixtæ qualitatis, vt acetum, quod est subacre, quia et si frigidum est, tamen retinet obscurum calorem ex vini corruptione: inde fit subacre, sed tamen dominatur frigiditas. Cum enim exhalant æreæ partes & reliquæ manent terreæ, diluta aquosa tenui parte fit accerū suā natura frigidū. Acida sanguinis atque flauæ bilis feruorem compescunt, & vt libro 2 cap. 21. de aliment. facult. Galenus attestatur, cum in ventriculo succum crassum inueniunt, eundem incidendo aluum subducunt, & ob eam causam faeces liquefaciunt. At si purum ventriculum inueniāt, eum magis supprimunt: corpus in frigidant ac deficiant, concoctoriam hepatis facultatem debilitant: neruis etiam ac neruosis omnibus nocent. Appetentiam tamen cient: quia humores vitiosos in orificio collectos diuidunt & pellunt, & mordicatione non vrente irritant ventriculum. Ex insipidis quædam magis nutriūt, nempe quæ propius ad æqualitatem accedunt: quædam vero mediocriter calefaciunt aut refrigerāt. Et hæc sane si multa etiam humiditate prædita fuerint, humectantium: sin vero ficcitas in eis exuperet, exiccantium ordini adscribenda veniūt. De his omnibus plura Galenus in libr. de simp. medic. facult. præsertim libro 5. capite 25. Paulus libro 7. capite 1. Aëtius libro 1. capite 1. Rhazes libro 3. ad Almanfor. cap. 1. Serapio sermo. 2. de temperam. simpl. Auicenna lib. 2. Cano. tract. 1. cap. 3. Mesues libro 1. Theorem. 1. & Philip. Melanth. in libro de Anima.

*Inspida.*

DE



## BONA VALETVDINE.

149

## DE VIPPA.

## CAPVT LIIII.

**B**Is duo vippa facit, mundat dentes, dat acutum  
 Visum: quod minus est implet, minuit quod a-  
 bundat.

Hic quatuor recensentur commoda Vippæ: *Vippa*  
 Primo dentes mūdāt. Panis enim vino imbutus  
 diutius circa dentes moratur, atque eam ob cau-  
 sam facilius etiam fœculentā materiā ipsis ad-  
 hærentem abstergit ac consumit, quam vinum  
 per se sumptū. Deinde visum acuit: malos enim  
 fumos, qui e ventriculo cerebrum petunt, suaq;  
 permissione spiritus visuos obscurant, reprimi-  
 mit: adeoq; materias prauas stomacho inhæ-  
 rentes concoquit, incidit & deorsum pellit. Ter-  
 tio cruda cōcoquit: quia os ventriculi leni qua-  
 dam adstrictione claudens concoctoriam facul-  
 tatem roborat, plurimumque alimenti corpori-  
 bus exhibet. Quarto vero vitiosorum humorum  
 multitudinem minuit: eos enim concoquit, in-  
 cidit, exiccat & deorsum expellit: idq; maxime,  
 si panis assatus prius, aut super prunis exiccatus  
 fuerit. Quin eodem modo etiam superflue cō-  
 cocta ad *συμμετρίαν* reuocat. Porro de vippa  
 quā Galice *Soupe au vin* vocāt, Hermolaus Bar-  
 bar. cap. 65. lib. 5. corollarij in Dioscoridem: ita  
 scribit: Erat veteribus ientaculum, buccæ ex  
 vino, quod genus Barbari à vino & pane vippam  
 vocant. De eo Athæneus lib. 1. Deipnos. sic ait:  
*πρωινὸν ἑμβρωμα, ὃ ἡμεῖς ἀκραπομὸν καλεῖμεν,*  
*ἀλλὰ τὸ ἐν ἀκράτῃ βρέχειν καὶ ἀποτίεσθαι ψωμῆς,*  
 id est, matutinū edulium siue ientaculū, quod  
*πρωτὶ ἀκραπομὸν* vocamus, propterea quod panis

Q s

buc-



buccellæ mero tingantur. Lege de eodem Plin-  
tarchum in Sympoſ.

## DE DIÆTA.

## CAPVT LV.

**O**Mnibus adſuetam inſeo ſeruare diætã,  
*Quod ſic eſſe probò, ni ſit mutare neceſſe.*  
*Hippocrates teſtu, quoniam ſequitur mala peſtis.*  
*Fortior hac metã eſt medicina, certa diætã.*  
*Quam ſi non cures, fatue regis, & male curas.*

*Diætã.*

*Conſuetudo.*

Cum primus præcipuusq; non ſolum morbi cuiuſuiſ curandi, ſed ſanitatis etiam tuendæ ſcopus (vt in libro qui de facile parabilibus inſcribitur, capit. 28. & in præſagio experientia confirmato, capite 5. & in libro de attenuante victus ratione cap. 1. Galenus adſerit) in exacta victus ratione conſiſtat: operæ præcium fuit de ea etiam hic aliquid præſcribi. Præcipitur ergo imprimis vt ſeruetur conſuetã diætã. Per quam ſana adminiſtratio ſex rerum non naturalium modo intelligenda venit. Et ratio quidem eſt, quod tranſgreſſio à conſuetudine noceat nocumento magno. Conſuetudo enim eſt altera natura: quia, vt lib. 1. cap. 11. Rhetoricorũ ad Theodecten. & lib. 7. capite 10. Ethicorum, & cap. 2. de memoria & reminiſcentia ab Ariſtotele ſcribitur, conſuetudo eſt eorum quæ vt ſæpe ſiue vt plurimũ fiunt: natura eorum quæ vt ſemper. Sæpe autẽ & ſemper ſunt ſibi inuicem propinqua. Quod eſt ergo diu adſuetum, in naturam fere tranſiuit. Quemadmodum igitur naturam cuſtodire oportet, ita & conſuetudinem, ſi laudabilis fuerit. Et quemadmodum conſuetã cibi & potus adminiſtratio, eadem ratione & aliarum rerum non naturalium



rum obseruanda est. Vnde si quis cōsuetus multum laborare velit hanc consuetudinem immutare, ocioq; indulgere, minusve laborare, vel aliud laboris genus adsumere, idq; alio & tempore & modo, ille proculdubio multum ex hoc debilitabitur. Idem intelligendum de cibo ac potu somno & vigilia, repletionē & inanitione, & animæ accidentibus. In quibus omnibus consuetudinē obseruare decet, & maxime quidem si sit laudabilis, vel ab hac non multum declinet, siue medium etiam locum inter bonam ac malam obtineat: respectu nimirum illius ad quod fieri debet permutatio. Porro quāta sit vis consuetudinis, vel inde colligas, quod debiles & senes consuetos labores facilius ferant, quam fortes atque iuuenes inconsuetos: quod profecto lib. 2. apho. 49. Hippocrates etiam hisce verbis confirmat: Qui consueti solitos labores ferre, etsi fuerint imbecilles & senes, non consuevis fortibus atque iuuenibus facilius ferunt. Quod dicit inquit Philotheus, tale est: Sunt duo, hic quidem senex, ille autem consistenti ætate, ambo incipiunt fodere, & huic quidem seni contingit recte fodere, illi autem qui est in consistenti ætate, non recte: seni quidem ob consuetudinem recte, quāuis sit imbecillus, iuueni autem non recte, cum non adsuetus sit. In vniuersum enim oportet cognoscere, fortiores alijs fieri partes quæ exercentur, & hac de causa solitos labores facilius sustineri. Ex hoc autem particulari exemplo licet nobis & de omnibus ratiocinari. Deinde vero malam pestem, hoc est, maximū periculum ex repentina cōsuetæ diætæ permutatione sequi confirmatur auctoritate ma-

gni



*Mutatio subita nocet.*

gni Hippocratis, nempe ex 2. libro de vict. rat. in morb. acutiss. aphor. 21. & 22. vbi sic inquit: Atqui facile est hoc addiscere, quod simplex victus cibi ac potus ipse sibiipso semper similis, securior omnino est ad sanitatem, quam si quis repente ad alium meliorem magnā mutationem faciat. Nam & his qui bis in die cibum sumunt, & his qui semel, repentinæ mutationes noxas & ægritudines inducunt. Et eos sane qui prandere non adfuerunt sunt, si pransi fuerint, statim infirmos facit hoc, & toto corpore graues, & debiles, & pigros, &c. Ælianus quoque initio libri 5. de varia historia: Tachi cuiusdā exemplo admodum diserte nobis significauit, quam periculosa sit repentina diætæ permutatio. Tachus Ægyptius, inquiens, donèc vsus est vernaculo victu, & frugaliter vixit, omnium hominum fuit sanissimus: Postquam vero ad Persas venit, & in illorum luxum delapsus est, cum non posset ferre insolentiam ciborum, vitam in dysenteria transegit, & luxuriam cum morte commutauit. Quanquam autem non sanis tantum, sed ægris quoque adfuerit victus ratio diligenter obseruanda præcipiatur, haud tamen raro incidit eius permutandæ necessitas: quando nimirum illaudabilis existit, ita ut, nisi permutetur, perniciosæ inde consequantur ægritudines. Talis autem eorum est, qui prandium aut coenam prauis terminare solent alimentis. Eiusmodi igitur consuetudinem necessarium est corrigi ac permutari, non quidem subito, sed paulatim & ordinate. Omnis enim subita permutatio vehementer nocet, maxime si à consueto ad inconsumetum transitus fiat. Hinc est quod in libro de  
natura



natura hominis ita scriptum reliquit Hippocrates: Detrahendi sunt cibi ac potus, quibus vti consueuerunt: idque paulatim facere oportet. Nam si quis cito diætā permutet, periculum est, etiam à permutatione aliquid in corpore nouatum iri. Quin etiam laudabilem victus rationem interdum mutari necesse est, quo (si quando necessitas inciderit) natura non offendatur insolentia nouitateque, neque renuat, neq; recuset. Nam qui omni diætā sese assuefacit, minus læditur, cum ad inconsueta transire cogitur. Eadem in alijs quoque rebus non naturalibus ratio est. Quod Hippocratis etiam testimonio confirmatur, qui libr. 2. aph. 50. ita scriptum reliquit: Quæ ex longo tempore consueta sunt, etsi deteriora sunt, insuetis minus molestare solent. Oportet igitur ad insueta permutari. In cuius quidem sententiæ explicatione Philotheus inter cætera sic inquit: Cum enim quodq; ipsorum factum sit peculiare, minus lædit, quamuis ex sua natura molestum sit, si nondum in consuetudinem venerit. Verbi causa, solitus est aliquis mannâ comedere, hic si ad bonum cibum sumendum conuertitur, læditur, cum adsuetus nō sit: adsuetus est aliquis aquæ potioni, si præter consuetudinē bibat vinum, offenditur, quoniam consuetudo contemnitur. Oportet igitur ad insueta permutari, vt, si necesse sit, ea quæ offeruntur ferre possimus. Vtentem enim copioso nutrimento, oportet etiam parum cibi quandoque assumere, vt, si contingat ferat etiam illius vsum. Hinc est quod Cornelius Celsus libro 1. capite 3. in hunc etiam modum scripsit: Nimis ociosa vita utilis non est, quia potest incidere  
labe-



*consuetudo  
varianda.  
Oribas lib. 1.  
cap. 2. Eupa-  
riston. ad Eu-  
napium.*

laboris necessitas. Neq; etiam ex nimio labore subitum ocium, neq; ex nimio ocio subitus labor sine graui noxa est. Huc igitur respiciēs Hippocrates rectissime consulit, consuetudinem esse mutandam. Proinde non temere à Plutarcho in libro de tuend. bona valetud. in hunc modum scribitur. Exacta illa & vehementer ad vnguem, vt dici solet, obseruata vitæ ratio simul & corpus formidolosum reddit, ac periculis obnoxium, & animi frangit vigorem. Quocirca cauere quisque debet, quemadmodum libro 4. capite 10. ad Almanf. prudentissime Rhazes monuit, ne alicuius rei sibi consuetudinem faciat, quam deinceps ipsum obseruare necesse sit. Exempli gratia: Si quis vno cibo consuetus sit vti, vel aliquo potu, vel omnino ab eis abstineat: vel dormire: vel moueri, vel egerere. Veneriue indulgere consuecat, & ab aliquo istorum impetuose irriteretur, maximum incurreret nocumentum, si ab eis abstinuerit. Quapropter quisq; corpus suum debet ita prapare, vt caloris & frigoris patiens esse possit, & ad motiones & cibaria sibi necessaria aptum reddatur, & vt somni & vigiliarum horas, atque mansiones & domos sine læsione permutare queat. Fortasse enim ex necessitate id ipsum quandoque facere cogetur. Poterit autem commode, si consuetudinem non obseruet ad vnguem, sed interdum ad insueta transeat. Porro quo tempore, quoque modo consuetudo mutanda sit, copiose admodum docet Galenus libr. cap. 8. & lib. 6. cap. 3. de sanitat. tuen. & libro 8. cap. 9. method. medend. itemq; Conciliator different. 98. & Hieronymus Cardanus libr. 1. tractat. 6. Contradiet. 2. Tertio demum lo-



eo traditur, fortio-rem ac potio-rem medendi me-  
tam, esse certam diatam: quam sane si medicus  
curare noluerit, ac aliam quandam eamq; non  
satis commodam administrauerit, stulte ægrum  
regere, ac male curare merito dicitur. Sciendum  
est autem, apud Galenum hæc alimentorum ge- *Alimenta*  
nera inueniri copiosum, medium, tenue. Copio- *torum ge-*  
sum est sanorum cibus, qui non solum vires con- *nera.*  
seruat, sed etiam auget. Medium ad sanos etiam  
spectat. (Nam vires quidem conseruant, non ta-  
men auget.) Tenue, id est, quod vires quidem  
comminuit, eatenus tamen vt non exsoluantur.  
Hoc ab Autoribus in multas partes diuisum est,  
nempe in tenue simpliciter, in tenue exquisite,  
in tenuissimum citra adiectionem, in & tenuis-  
simum in extremo. Tenue simpliciter per pau-  
ca, aut ea quæ parum nutriunt edulia fit: eius-  
modi est ptisanæ succus, mulsæ, & sorbitio ex ali-  
ca. Tenue exquisite, vbi ptisanæ succus exigua su-  
mitur quantitate. Tenuissimum citra adiectione-  
nem, per mulsam aquam, siue meicratum fit so-  
lum. Tenuissimū vero in extremo per in ediam  
ad iudicationem vsque progreditur. Copiosum  
autem vel est, vbi tota ptisana sumitur: vel co-  
piosum, vbi pisces, oua, & ius carniū: vel co-  
piosissimum, vbi caro: Medium autem horum  
est, vt panis lotus, vel placenta. Sani homines  
nō solum conseruandi, sed augendi etiam sunt,  
propterea alimentum copiosum illis competit.  
Qui vero ægritudine longa laborant, vires auge-  
re non debent, sed bene conseruare: aliter vsque  
ad finem non sufficerent: propterea hi medio  
victu cibandi sunt, qui etiam sanis conuenit, in  
quibus vires augere non cupimus, sed illas so-  
lum



lum conseruare in animo est, quas etiam in longo morbo totis viribus seruare studemus. Quam vero agritudo breui terminatura est, si quarta die finire debeat, aliquid dare non est opus, iuxta illud Hippocratis, libro 1. aphor. 6. Extremis morbis extrema exquisita remedia optima sunt. Imo si vires sufficerent, & in septimo terminatura esset, nihil penitus dandum esset; nisi posset illum terminum. Hac de re plura & cognitu non indigna reperies apud Galenum & Philotheum in comment. aph. 4. 5. & 6.

## DE ADMINISTRATIONE diætæ.

### CAPVT LVI.

**Q**uæ, quid, & quando, quantum, quoties, ubi  
*recta*

*Debent hac medico in Viçtus ratione notari,  
Ne male conueniens ingrediatur iter.*

Sex circumstantias medico in præscribenda victus ratione considerandas esse, hoc in loco traditur. Prima quale, hoc est, cuius qualitatis cibis exhibendus sit, quia in calida agritudine cibis frigidus, in frigida calidus, in humida siccus, in sicca vero humidus conuenit. Corpus tamen quod secundum naturam est, similem semper victum postulat: quemadmodum quod præter naturam est, contrarium. Siquidem quod naturaliter se habet, custodire: quod præter naturam est, tollere oportet. Sed de hoc plura Galenus cum alibi sapet, tum maxime in arte medicinali cap. 86. & lib. 1. cap. 10. de Sanitate tuenda. & lib. 8. cap. 9. meth. meden. Secunda, quid: id est, cuius substantiæ: Athletis enim ac rusticis, ijsq; qui



qui quamlibet actionē fortem, ac vehementem  
probeunt, cibus exhibendus est crassus ac durus:  
quia facultatē concoctoriam possident fortem.  
Neq; vero tenuis substantiæ cibus, velut est caro  
pullorum, caporum, vitulorum, agnorum, hœ-  
dorum, & similium, ipsis competit: quippe quæ  
in ipsis vel adureretur, vel quam par est citius  
conficeretur, ita vt sapius ob id cibari cogeren-  
tur. Non temere igitur inquit Glossa delectabi-  
lis in l. Seruis urbanis in principio. ff. de leg. ter-  
tio. Rustici non debent vti pane albo, vel pultis  
aut alijs delicatis cibarijs: sed pane grosso, caseo,  
cæpis & fabis. Porro nobilibus atq; ocio dedi-  
tis hominib. tenuis substantiæ cibus magis con-  
gruit: quippe qui virtutem concoctricem ha-  
beant debiliore, quam vt crassos cibos, cuiusmo-  
di sunt salsæ suum atque boum carnes, & pisces  
Sole aut vëto aut fumo indurati superare queât.  
Pari modo & in ægritudinibus acutis tenuiore  
vtendum est diætâ, quam in chronicis, id est, lon-  
gis, sicuti quartanis. Tertia, quando, id est, quo  
potissimum diei tempore cibus adsumi debeat:  
in sanis enim consuetudo maxime obseruanda  
est. Vnde hominibus mane surgentibus, & bis  
tantum in die cibū sumentibus, æstate quidem  
prandendum est hora decima, vel paulo ante,  
neq; differendum donec propinquet meridies,  
vt qui maximū æstum importare soleat: cœnan-  
dum hora sexta, vel paulo post. Hyeme vero  
ijsdem ob somni prolixitatem prandendum est  
hora vndecima, vel duodecima: cœnandum ho-  
ra septima, vel paulo post: sed ita tamen, ne quid  
præter consuetudinem fiat. Quinetiam in ægris  
cibandis temporis habenda est ratio, præsertim

R

in



in febricitantibus. Siquidem in ipsis paroxysmis, vel non multo ante futuram accessionem à cibis abstinendum est: quod nimirum naturam, quæ circa morbi materiam tum occupata est, cibus oblatus distrāhat, atq; adeo humores morbum efficientes adaugeat. Neq; immediate post paroxysmum cibus dandus est, quippe quem facultas à febris intemperie deiecta nondum superare queat. Quapropter tamdiu ante sequentis accessionis initium exhibendus est, vt prius quam ea appropinquet, decenter in ventriculo coquatur, & ad inferiores partes descendat: idque in illis potissimum ita obseruandum, quibus virtus adhuc satis valida existit. Iis vero quibus vires prosteruntur, dandus est cibus quocunq; tempore etiam in vigore. Cuius rei testis est Galenus, qui lib. 1. aphor. comment. 9. ita scribit: Aliquando in ipso etiam morbi vigore vbi symptoma aliquod interuenerit, robur naturæ dissoluens, nutrire cogimur. Quod idem copiosius etiam monstrat lib. 20. cap. 3. & 5. meth. medend. Hæc omnia de paroxysmo Stephanus Atheniensis in primum librum Galeni ad Glauco. comment. 39. multo clarius in hunc modum exponit: Sciendum sane est naturam egere semper alimento, quod basin ac sedem illius quod digestum est, ipsi repleat. Sed hoc ipsum alimentum præcipue dandum est, quando ipsum concoquere ac conficere potest. Concoquit autē quando pura ac integra est, nec à febris caliditate vexatur. Quare in interuallo dandum id est. Si enim in accessione demus, facultas quæ à febris intemperie deiecta est, ipsum superare non potest. Alimentum autem non concoctum, materia



ria fit febris. Et hoc est quod Hippocrates libr. i. aphor. ii. ait: in accessionibus subtrahere oportet: nam addere nocuum est. Dandum igitur est alimentum in interuallis. Sed hæc dici possunt in intermittentibus. In continuis vero quid utique quis faceret? neque enim in his inuenire licet remissum ac quietum tempus, quoniam febris continenter affligit. Tamen in his etiam cernitur *μειοπυεξία*, id est, febris diminutio, quæ interuallum imitatur: tuncque alimentum dandum est, non quando exacerbantur. Plura & ad præsentem speculationem maxime facientia habentur apud Brudū Lusi. lib. 2. cap. 9. de victu febricitantiū. Quarta, quantum, id est, quantitas sumendi cibi: quæ profecto in æstate, vt supra cap. 19. diximus, minuenda est: quod tum ob immodicas resolutiones calor innatus debilior existat: Hyeme vero augenda, propterea quod concoctoria facultas id temporis ob frigus ambiens roboretur. Quinta, quoties in die videlicet cibus exhibendus sit. Est enim æstate quam hyeme, autumno aut vere, sæpius exhibendus, sed minori quantitate. Pari modo facultate concoctoria debili existente, sæpe, sed parua quantitate dandus est. Eadem vero robusta existente, dandus est quidem quātitate magna, sed rarius. Sexta, vbi, id est, quo in loco: Cibus enim per æstatem quidem locis suis arte siue natura frigidis, per hyemem vero temperatis, sumendus est.

## DE CAULE.

## CAPVT LVII.

**I**us caulis soluit, cuius substantia stringit,  
Vtraq; quando datur, venter laxare paratur.

R 2

Hic



Hic agitur de caulibus: per quos nihil iam aliud intelligendum, quam vulgare illud olus, quod καρότυον Græcis, Latinis vero Brassica dicitur: atque hoc vel ex Martiali discere licet, qui xeniorum libro eos caules per nitratam aquam virides conseruari ait:

*Ne tibi pallentes moueant fastidia caules..*

*Nitrata viridis brassica fiat aqua*

Recensentur autem hoc loco tres ipsorum facultates: Quarum prima quidem est, decoctionum, & maxime primæ ebullitionis, ventris soluendi vim obtinere. In folijs namq; & exterioribus partibus nitrosa quædam & absterforia inest qualitas, quam sane, cum debiliter admodum inhæreat, modica elixatio in aquam facile deponit, eiq; potentiam adiicit purgatoriam, Atque hinc adeo fit, vt ius primæ decoctionis aliud excellentius, quam secundæ deiiciat. Nitrosa enim illa & absterforia qualitas exquisitè per primam segregatur, atque in aquam deponitur. Secunda est, corpus ipsum siue substantiam communi siccantium ratione ventrem sistere, magis, quam ad deiiciendum incitare: quia purgatoria potentia per decoctionem aufertur, & relinquitur substantia terrea sicca, quæ sumpta ventrem adstringit, idq; multo magis, si non bis duntaxat, sed ter aut quater aquam effuderis. Nam quanto exquisitus in aquam succum suum deposuerit, tanto & illi quidem maiorem purgandi vim adiiciet, & reliquam sui substantiam, quæ velut oleris ipsius caro est, restringentem efficiet. Eadem est ratio in beta, atq; adeo in omnibus ferme, quib; sapor aut aeris aut nitrosus, aut falsus inest. Quippe & lenticula ipsa, tametsi



fatis magnum adstringendi potentiam gustu refert. tamen eiusmodi quid sortita est. Nam & huius decoctum ventris soluendi vim obtinet. Verum hic succus, etiam si degustes, perspicuam misturam repræsentat, tanquam si nitroso austerum quid commisceas. Sed & conchularum maris cæterorumq; fere ostreorum succus plane tum falsus est, tum ventrem soluendi vim obtinet: quamuis eorum caro ventrem reprimat. Tertia est, vtrunque, nempe decoctum atque substantiam simul ventris subductionem efficere: cum enim vires suas ita retineant, abstergere etiam & intestina ad expulsionem irritare consentaneum est. Lege hac de re plura apud Galenum, libro 3. de simplic. medicam. facultat. capite 14. & libro 1. capite 3. & 25. & libr. 2. cap. 44. de aliment. facultat. Proditum quoque est, Brassicam naturali quadam facultate vino aduersari, & curare temulentiam: Vnde quærit Aristoteles, 3. Sectio. problemat. 17. Quid est cur brassica sedet *Brassica temulentiam* crapulam? Nonnulli respondent hoc euenire somnolentiam *curat.* litum, quod ex esu eius fumi eleuentur admodum crassi, qui, cum vini vapores incrassent, ad cerebrum ascendere etiam prohibent. Aristoteles tamen aliam adsignat causam, nempe quod quicquid humores vinosos vndique & omni ea corporis parte ad se in alium trahit, & corpus refrigerat, tollat crapulam. Brassica autem est huiusmodi. Ergo brassica curat crapulam. Minor probatur, quia per succum eius humores, qui vinosi crudique tenentur, è toto corpore detrahuntur. Ipsa vero substantia frigida, styptica ac terrea, supra in ventriculo remanens corpus refrigerat, quo fit vt tenues humores ad velicam

R 3 laban-



labantur. Cum igitur humor vtrunque educatur, corpusque refrigeretur, recte per consequens à crapula liberatur. Euenit ad hæc vt cum humores deorsum ad se trahunt atque excernunt, flatum etiam secum deducant, qui, si per vinum liceat, in caput se efferens grauitatem creat & crapulam: sin autem deorsum se vertit, corpusque ob causam prædictam refrigeratum est, dolor crapulae omnis tollitur. Quin & ipsa Brassicae folia, quemadmodum libro 2. de composit. medicam. local. cap. 5. Galenus attestatur, calida macerata capitiq; circumposita ac obligata naturaliter ebrietati resistunt. Porro Brassica quæ edendo est, calfacit & siccat primo abcessu: prauum & melancholicum succum procreat. Æstiuâ tamen peior est quam hyberna. Oculorum aciem hebetat, vnde Græcis *κρημνή* dicta cēsetur, quasi *κρημνή*, quod pupillas oculorum, quas illi *κρημνίς* vocant, obrundat hebetetq; somnum per contraria insomnia interturbat, stomacho incommoda est parumque nutrit, at si cum pingui carne coquatur, plurimum noxæ atq; vitii amittit. Vrinam ac menses ciet, & lumbricos interficit. Suceus eius cum melle sumptus magnifice defectiones vocis iuuat, & si vulneribus imponatur, ea glutinat, dolosa malignaque vlcera & induratas inflammationes sanat. Plura Dioscorides libro secundo, capite 108. Plinius libro vigesimo, capite nono: Galenus locis supra citatis: Simeon Sethi in Syntagmate: Rhazes libro tertio, capite decimo octauo. ad Almanforem, & Auicenna 2. Cano. capite 142.

DE



## DE MALVA.

## CAPVT LVIII.

**D**ixerunt Maluam veteres, quod molliat aluum,  
 Huius radices rase soluant tibi faces.  
 Vuluam mouerunt, & fluxum sapa dederunt.

Hic agitur de facultatibus Maluæ. Et primo quidem versu, qui ex libro 2. capite 36. Æmili Macri huc adscitus est, veteribus Latinis Maluā ab emollienda aluo dictam esse traditur. Cuius sane rei testis etiam M. Varro, qui Maluam, quasi moluam quod aluum molliat, dictam esse contendit, quippe quæ clysteribus infusa vel in cibo accepta ventrē facile moueat. Quin etiam Græcis *μαλάχη* ab emollienda aluo nomen traxit. Siquidem ipsis *μαλάττειν* mollire significat. Antiqui enim ea in acetariis cum lactuca ad subducendam aluum vtebantur. Vnde Martialis libro 10. Epigrammatōn:

*Exoneraturas ventrem mihi villica maluas*

*Attulit, & varias quas habet hortus, opes,*

Et alibi:

*Vtere lactucis, & mollibus vtere maluis.*

Cæterum hoc olus facile subducitur, non modo propter humiditatem, verum etiam propter genuinam viscositatem, & potissimum quando quis cum oleo & garo copiosam ipsam sumpserit. Atque ob id inter quatuor etiam emollientia, quorum decocto in clysteribus ad induratarum fecum educationem passim vtimur, primū locum sibi vendicauit. Porro duplex malua est. Vna quidem floribus sanguineis, altera vero cædidis, & in hac quam illa maior emolliendi vis inest.

R 4

Se



Secundo deinde versu innuitur, radices Maluæ raras facibus educendis esse accommodas : 8 : maxime quidem, si inde, perinde atque è radicibus Mercurialis, βαλανοί, Id est, grædes siue suppositoria fiant.

Tertio demum versu, Maluam menses ciere dicitur, quod & ipsum sane ob manifestam humectandi facultatem ac genuinū lentorem præstat. In sessione namq; vterum emollit, ita vt venena eius ab acri sanguine promptius fundantur. Quinetiā menses prouocare certo se experimento didicisse Platearius adserit. Folia Maluæ trita cum folijs salicis omnibus emplastris cōmodiora sunt. Nam & inflammari nō sinunt, & sanguinem sistunt, & recens vulnus cicatrice includunt: Sed & luxatis ac contusis medentur. Phalangiorum quoq; & reptilium plagas curant folia eiusdem, si cepas & porrum triueris, eisq; miscueris, ac imposueris. Siquis vero syluestris Maluæ succo cum oleo illinatur, à vespis & apibus non pūgetur: sed & qui punctus iam est succo opem sentit: & folia Maluæ contusa & imposita similiter percussū ab illis sanant. Similiter autem curat Malua illita lichenas, & occulta fœminarum vitia. Succus vero eius auribus instillatus dolorem auriū sedat. Cum melle acceptus thoracem pulmonemq; iuuat, & raucā vocem lenit, hepaticos sanat, & comitiali morbo apprehensos relipiscere facit. Eodem modo & nephriticis & ischiaticis auxiliatur. At vero decoctum ipsius potatum difficultatē emittendi vrinam emendat, lapides cōterit, somnū conciliat, facilemq; partum præstat. Prodest etiam erosionibus vesicæ & intestinorum, vuluæ se-

disque,



disque, clystere infusum. Malua illita inflammationes lenit. eaq; quæ incurata sunt, emollit. Plura Dioscorides libro 2. capite 106. Plinius libro 20. capite 21. Galenus libro 7. de simpl. medic. facultat. cap. 95. & lib. 2. de alim. facult. cap. 42. Constantinus Casar lib. 21. de agricultura, capite 12. & Simeon Sethi in Syntag.

## D E M E N T H A.

## CAPVT LIX.

**M**Entitur mentha, si sit depellere lenta  
*Ventris lumbricos stomachi vermesq; nociuos.*

Mentham eo nomine nō esse dignandam, nisi alui etiam lumbricos & stomachi vermes eucandi atq; expellendi facultatem obtineat, hoc loco adseritur. Amarum enim quiddam in se habet & acerbum: & amaro quidem, non secus atque absinthium, lumbricos interficit: acerbitate vero, si cum oxycrato bibatur, recētes sanguinis reiectiones reprimat. Exhibendum autem decoctum eius, velut absinthij quoq; & non substantia. Est enim, vt si qua alia herba, tenuiū partium gustu acri, & facultate calida, ex tertio nimirum ordine excalfacientium & secundo siccantium. Quare vt medicamento potius, quam alimento ipsa vtimur. Hepar enim frigidum & ventriculū iuuat, coreroborat & stomachū, & concoctionē facit, sedat quoq; singultum, & vomitum phlegmaticum atq; sanguineum. Prodest quoque ad cordis morsus, & appetitionem suscitāt. Mediocriter item ad Venerem excitat: id quod omnibus accidit, quæ humiditatem semicoctam & flatuosam continent. Aperit & iecinoris ac splenis obstructions. Verum hac vsci ad satietatē

R s

nom



non oportet: quoniam sanguinem extenuat & ferofum facit, & ipsum in flauam bilem permuat, deinde efficit vt sanguis, qui maxime est tenuium partium, discutiatur, & crassus ac melancholicus relinquatur: atque idcirco oportet biliosos ab ea abstinere. Contrita cum sale, & morsui rabiosi canis imposita, medicamentum fit salubre. Arida vero trita & post cibum sumpta ad concoctionem facit, & lienosos iuuat. Cum vino pota, difficulter parienti succurrit. Ferunt etiam quod mansa lippienti imposita fiat remedium, quodque eius decoctum absorptum confestim sanguinem e faucibus eiicientes sanat. Coire lac densarique in caseum non patitur, si folia potionibus lactis immergantur. In summa stomacho utilis est, & in condimentis peculiarem gratiam habet. Huius semen ventrem purgat, & pulmonem ledit. Plura Dioscorides lib. 3. cap. 34. Plinius libr. 20. cap. 14. Galenus lib. 6. de simpl. med. facult. cap. 136. Simeon Sethi in Syntagm. & Auicenna 2. Canonum, capite 459.

## DE SALVIA.

## CAPVT LX.

**C**Ur moriatur homo, cui salvia crescit in horto?  
 Contra vim mortis non est medicamen in hortis.  
*Salvia confortat nervos, manuumq; tremorem  
 Tollit, & eius ope febris acut a fugit.  
 Salvia, castoriumq; laudenda, primula veru.  
 Nasturt. Athanas hac sanant paralytica membra.  
 Salvia saluatric, natura conciliatrix.*

Permagnam esse vtilitatem Salviae, hoc loco traditur. Ac primo quidem versu per modum dubii quaeritur, qui fiat vt homo moriatur, cui  
 Salvia



Salvia crescit in horto? Ad quod ita responde-  
 tur secundo versu: quanquam medicina in hor-  
 is reperiatur, quæ corporis putrefactioni resi-  
 stat, humiditatemque custodiat naturalem, ne  
 citius quam par esset, dissipetur, nulla tamen in-  
uenitur, quæ moriendi necessitatem e medio  
tollat. Et hoc est, quod Auicenna 3. 1. cap. singu-  
 lari ait. Ars quidem sanitatis tuendæ nos à mor- *Gale, lib. 1.*  
 e securos non facit, neque corpus à foris inci- *cap. 17. de sa-*  
 dentibus nocumentis munit, neq; vnumquod- *nit. tuend.*  
 que corpus ad ultimam vitæ longitudinem, quæ  
 est secundum hominē, absolute perducit. Sed de  
 tuabus rebus securitatem præbet: putrefactio-  
 nem enim penitus excludit, & humiditatem de-  
 trahendit naturalem, ne iusto citius resoluatur.

Secundo loco tres referuntur Salviæ effectus:  
 ac primo quidem, quod nervos roboret. Siquidē  
 manifeste calfacit, & leniter adstringit, humorū  
 igitur copiam, qua nervi impediti relaxabantur,  
 exsiccat, refrigeratosque recalfacit. Deinde, quod  
manuum tremorem tollat: Nam quicquid nervos  
 roborat ac excalfacit, tremorem etiā tollit. Tre- *Manuum*  
 mor enim ex nervorum imbecillitate & frigidi- *tremor.*  
 tate potissimum accidit. Atq; hanc sane ob cau-  
 sam, senes nonnulli & anus decrepitæ cibis ac  
 potibus suis folia Salviæ imponere solent. Ter-  
 tio, quod acutam removeat febrem: cuius hanc  
 adsignaveris causam, nepe quod humores exic-  
 cet, adeoque putrefactionem, quam acuta febris  
 magna ex parte comitatur, impediat. Porro sal-  
 via temperamento est euidenter excalfaciente  
 & exciccante, atque eam ob rem per se in victus  
 salubris ratione nō temere vsurpanda. Attamen  
cum nervos excellenter roboret, dupliciter ea  
 ho.



*Saluiatum  
vinum.*

homines in sanitatis tutela vti consueuerunt. Aut enim inde parant *ἐπιβαρυντα*, id est, intinctus, quemadmodum ostendimus supra cap. 22. appetentiam ita reuocantes ei, cui ventriculus crudis, inconcoctis ac prauis humoribus repletus fuerit. Aut vinum ex ea etiam conficiunt Saluiatum ipsis appellatum, quod in mensa principio potissimum expetitur. Hoc cum sibi qualitatem quandam à salua calidam simul ac adstringentem, aromaticamq; & exiccantē adsciscat, tremulis, paralyticis, & epilepticis mire conferre putandum est: praesertim si post purgationem epotom edicamēto modice sumatur. Quin & ventriculum, cerebrū, nervos ac reliquas quoque corporis partes praehumiditate laxas exiccatur & roborat, idq; per hyemē maxime. Valet contra renum, vesicae & laterum dolores, reiectiones sanguinis, tussim, rupta & vulsa. Difficili urinā auxiliatur, & suppressos menses prorit, sed immoderatus: quocirca grauidis non nisi cum timore exhibendum est, quippe quod partus facile enecet, & abortus faciat. Vaporosum est admodum, facileq; caput ferit, & cito inebriat: quare caput debile habentibus, quibusq; plurimum molestiae catarrhus exhibet, ab ipso in roborando ventriculo cauendum est: ne dum vni parti auxilium quaerunt, reliquas offendant. Imo vero nec alias immoderatus eo vtendum est, neq; ad depellendam sitim, neq; ad deferendū permiscendum uicibus: quippe quod vniuersum ita cibū ad extremam plane caliditatem ac siccitatē perduceret. Primum enim per se calidum & siccum est vinum, deinde vero & Salua sat strenue exalfacit, desiccatur & tenuium est partium: quare quod



quod inde fit vinū, ad immodicam haud dubie  
 aliditatem ac siccitatem inclinabit, atq; ob id  
 sanitatis tutelæ minus conueniet: vt quod inge-  
 tum cibum permutare atq; ante perfectam con-  
 coctionem ē ventriculo ac hepate ad cerebrum  
 facile & nervos deferre, obstructionemq; om-  
 nis putredinis matrem, in humano corpore ex-  
 citare valeat. Plura de hoc Magninus ca. 21. part.  
 Regininis sanitatis, & Ioan Michael Sauano  
 tola, in maiori pract. 2. cap 4. Rubri. 15. Duplex  
 porro Salvia passim in hortis spectatur: Vna ma-  
 gni latis & asperis folijs. Altera vero folijs mi-  
 noribus, contractioribus & læuioribus. Græci, q̃  
 ipsa herba retorrída semper & exucca appareat,  
 communi vtrunque appellatione nuncuparunt,  
 λελις φανον, quod quasi in tabē, vel fideratio-  
 nem redacta videatur.

*Theophra-  
 stus lib. 6.  
 cap. 2. de hi-  
 stor. plant.*

Tertio loco sex enumerantur medicamenta *Salvia.*  
 simplicia παραλυσῶν curandę accōmodatissima,  
 nempe Salvia, Castorium, Lauendula, Primula  
 veris, Nasturtium & Arhanasia. Hæc nanq; om-  
 nia proprietate quadam membra paralytica cu-  
 rant ac sanant. De Salvia quidem ex modo dictis  
 satis constat: quippe quæ genuina caliditate &  
 siccitate sua pituitosum humorē, quo nervi ob-  
 structi resoluebantur, facile consumat, adeoque  
 nervis ipsis robur addat. Castorium calefacit sic- *Castorium.*  
 catque cum extenuandi viribus eximijs quibus  
 præter alias actiones, etiam neruorū, qui ex co-  
 pia humorū male habent, affectibus, nempe tre-  
 mori, stupori, cōuulsioni & paralyfi congruit, &  
 refrigeratos facile recalfacit, & extrinsecus ap-  
 plicatum, & potui datum: idq; ita, vt nullam a-  
 liam offendat particulam, etiamsi mediocriter fe-



febris affligat, quemadmodum in veterinis & cap-  
 taphoris: sed & mensibus retentis proficit, & se-  
 cundas expellit. Iuuat etiam, si quis suffitū ei-  
 in prunis impositi in spiratione hauriat, maximè  
 affectus in pulmone aut capite consistentes. Fri-  
 gida quoque surditati, & auribus ob crassos fla-  
 tulentosque spiritus dolentibus præclare opitu-  
 latur, ad lentis magnitudinem cum oleo nardi  
 no infusum. Oleum præterea castorii non mi-  
 nus contra frigidos neruorum & iuncturarum  
 affectus omnes valet, quam Castorium ipsum,  
 præsertim si post materiæ euacuationem appli-  
 cetur: residuum enim consumit, neruos roborat,  
 paralyti, conuulsioni ac tetano medetur, & acer-  
 rimos rigores, & frigora febrium, si spina dor-  
 so liniatur, sedat. Porro Castorium testiculus est  
 animalis ancipitis vitæ, quod *νεῖσω* à Græcis, à  
 Latinis Fiber appellatur. De quo Dioscorides li-  
 bro 3. capit. 21. Plinius libro 8. cap. 30. & libro 32.  
 cap. 3. Galenus lib. 11. cap. 11. de simp. med. facult.  
 Aetius libro 2. cap. 177. Paulus lib. 7. & Auicen-  
 na 2. Can. ca. 125. Lauendula excalefacit & exsic-  
 cat ordine secundo completo, vel tertio inchoā-  
 te, viribus à nardo Celtica non longe recedenti-  
 bus. Confert omnibus cerebri agitudinibus à  
 frigido prouenientibus, cōuulsis, resolutisq; au-  
 xiliatur: ventriculum roborat, & iecur ab infar-  
 ctu liberat: quin & obstructos lienes iuuat: vte-  
 rum calefacit & menses & secundas educit. Pri-  
 mula veris calida est & sicca, neruos roborat, cō-  
 uulsioni, tremori, apoplexiæ, paralyti, cæterisque  
 neruorum atq; articulorum vitiis frigidis & hu-  
 midis auxiliatur: atque inde *ῥιθρίτικα* etiam à  
 nonnullis & herba paralyti appellatur. Primu-  
 la

*Lauendula.*

*Primula  
veris.*



la vetis autem dicitur, quod scilicet Vere inchoante mox erumpat. Per Nasturtium Sisymbrium aquaticum hic intelligitur, quod riguis gaudet, & in fontium riuis discurrentibus comitesio nascitur, foliis primo exortu rotundis, quū vero adoleuerint eruce modo dissectis, odore ac sapore satiuo nasturtio proximis, atque ob id *Nasturtium* a nonnullis, id est, nasturtium, nominatur. Ea herba cum sicca est, tertii est ordinis excalefacientium & deficcantium: cum humida & viridis, secundi: crassos & pituitosos humores extenuat, incidit, & resoluit: qua ratione nervos à phlegmate purgat, paralyfisq; causam aufert. Atque hinc sane præcipiunt Medici, vt in quadragenaria illa Ecclesiæ abstinentia, propter phlegmaticos cibos, qui per id tempus mādī solent, Nasturtia quoque subinde exhibeantur. Athanasia tanacetum etiam vocatur. Ea parthenii species quādam existit, purgandique phlegmatis facultate prædita est, nervos caliditate sua exsiccat. Siue foris imposita, siue intro in corpus assumpta lumbricos & materiam vnde illi generantur ex ventre pellit. Plurimum igitur Galli primis sanctum post Pascha diebus Athanasia cum ouis frixa ad phlegmatis per ieiunium quadragenarium ex esu piscium collecti eductionē vtuntur, ne scilicet inde lumbrici in corporibus aptis ac præparatis generentur. Recentiores etiam vtuntur ad ventriculi & alui flatus discutiendos: item ad frangendos renum calculos & ad ciendam vrinam. Vltimo tandem versutraditur, Saluiam sic dici, quod ad multa sit salutaris, præcipue ad foecunditatem.

D E



*Mac. lib.  
I. cap. 12.  
al. Ruta.*

**N**obilitas ruta hac, quod lumina reddat acuta.  
Auxilio ruta vir quippe videbit acuta.  
\* Cruda comesta recens oculos caligine purgat.  
Ruta viris minuit Venerem, mulieribus addit.  
Ruta facit castum, dat lumen, & ingerit aßum,  
Colla & ruta facit de pulcibus loca tuta.

*Visus.*

Quatuor hic recensentur facultates Ruta: Ac primo quidem, quod acutam reddat videndi aciem: commanducata enim, vt testis est Dioscorides, libro 3. capite 44. & post eum Auicenna 2. Canon. capite 578. mire opitulatur oculis, qui hebetudinem sensere. Præstat idem & succus eius cum succo fœniculi & melli inunctus. De hoc nonnihil quoque supra capite 13. & infra capite 79.

Secunda, quod coeundi desiderium in viris minuat, augeat vero in mulieribus. Nam quum ex tertio sit ordine excafcientum & siccantium, flatus strenue discutit aboletque, & sic semen virile, quod tenue admodum & aëreum est, resiccat, ac prorsum ne esse quidem permittit. Ex quo sanè Veneris appetitum in viris cohibet. Sed in mulieribus semen aquosum & frigidum calefacit, incidit & extenuat: quare eas ad coitum magis incitat.

Tertia, quod astutiam siue calliditatem, id est, apprehensionem & medij alicuius in subtili causa facilem inuentionem vsurpantibus conciliet. Calfactione enim ac resiccatione extenuantur & acuantur spiritus, fouetur & illustratur ingenium.

Quarta,



Quarta, quod decoctum ipsius, si domus ea respergatur, pulices depellat. Eos enim, ut vno ore Medici testantur, acrimonia sua necat, & graui odore fugat. Pamphilus apud Constantinum *Pulices fugantia & necantia.* Casarem, libro 13. cap. 15. de Agricultura, longe plura aduersus pulicum molestias remedia enumerat. Scrobem, inquit, facito, & rhododaphnas contusas in ipsum mittito, sicq; omnes concurrent. Absinthium aut cucumeris syluestris radix aqua marina rigata ac respersa, pulices necant. Disperdit autem penitus Melanthium, aqua maceratum ac respersum: aut conyzæ coctæ *Actius libr. 13. cap. 43.* decoctum irroratum. Disperdit eisdem similiter semen sinapeos & rhododaphnes, ambo feruefacta, & in domo respersa. Calcem viuam cribrato, & postquam locum verreris, inspergito, indeq; necabuntur. Idem continget ex amurca pauimentis assidue irroratis, Cyminum item syluestre tritum ac aqua mixtum, & seminis cucumeris syluestris drachmæ decem tritæ & in aquam demissæ, indeque domo respersa, pulices crepare faciunt. Item chamelææ radix, & populi nigra folia tusa, & aqua macerata, & tribulus ex aqua coctæ. Pulices etiam muria acris respersa & aqua marina enecant. Quod si in media domo quis peluim deponat, & circulum machara penitus ferrea circumscribat, & reliquam domum, præterquam locum circumscriptum, cremore staphidis agricæ aut lauri foliorum tuorum conspergat, aut etiam muria aut aqua marina coctæ, omnes pulices in peluim congregabit. Fistile quoque vas defossum, ita ut labra æqualia pauimento habeat & adipe taurino oblitum omnes pulices in sese congregabit, etiam

S

eos



eos qui adhuc in paleis delitescunt. Sub lecto  
 parvulum scrobem facito, & in ipsum sanguinem  
 caprinum mittito, congregabit eo pulices  
 & ex aliis vestibus ad se illiciet ac vocabit. Ca-  
 terum ex amphimallis & densissimis tapetibus,  
 in quibus plurimi pulices delitescunt, eximi ac  
 evocari possunt, si sic in vna aut dolio ipse san-  
 guis caprinus deponatur. Haftenus ille. Auicen-  
 na 6.4. Tract. 3. capite 11. de fugatione pulicum  
 hoc amplius addit: Quando, inquit domus co-  
 locynthidos infusione aspergitur, saliant puli-  
 ces & fugiunt, & similiter ex decocto rubi. Re-  
 ferunt quidam, quod si lignum adipe erinacei  
 oblinatur, eo pulices statim omnes concurrent.  
 Fugantur quoque suffitu sulphuris. Est etiam-  
 num herba quaedam vulgaris notitiae Arabice  
 dicta Chichuanu, id est, herba pulicum, quae in  
 ciuitate Chairi puluerizata in lecto circa dor-  
 mientes ponitur, & ex odore illius inebriantur  
 stupidiq; fiunt pulices, & non laedunt. Porro ni-  
 hil aequae disperdit pulices, ac graueolentia, ve-  
 lut ruta, mentha, mentastrum, & lupulus, pra-  
 ecipue tamen fimus & vrina equi. Enecat & pu-  
 lices seminis rapi decoctum inspersum. Quin &  
 taurini cornu suffitu pulices fugari perhiben-  
 zur. Fama est, inquit Dioscorides libro quarto,  
 capite 60. si psyllium virens domum importe-  
 tur, non sinere in ea pulices gigni. Postremo ve-  
 ro nihil tam accommodum est comprehendend-  
 dis pulicibus, quam lecto imposita recēs & can-  
 didissima lanugo xyliua. In ea namque congre-  
 gati facillime capiuntur. Plura Rhazes  
 libro 8. capite 8. ad Alman-  
 forem.



**D**E capis Medici non consentire videntur.

*Fellitis non esse bonas ait ipse Galenus.*

*Phlegmaticis vero multum putat esse salubres.*

*Non modicum sanas Asclepius adserit illas.*

*Præsertim stomacho pulchrum quæ creare colorem.*

*Contritis cepis loca denudata capillis*

*Sape fricans, capitis poteris reparare decorem.*

*Sunt Ma-  
eri libro 1.  
cap. 7.*

Agitur hoc in loco de Capis: Ac primo quidem dicitur, medicis de natura earum nondum satis constare. Nam ipforum quidam phlegmaticis ex usu esse tradunt, quidam vero minime. Galenus lib. 2. de aliment. facult. cap. 71. choleris admodum nocere, phlegmaticis vero prodesse, his attestatur verbis: Abstinendum ab assiduo usu omnium acrium, ceu ceparum, porri, & allij, & potissimum cum is qui ipsis vescitur, natura fuerit biliosus. Solis enim qui vel succum pituitosum vel crudum & crassum ac lentum acceruarint, cibi eiusmodi sunt accommodati. Si quidem cape, ut Galeno libr. 7. de simpl. medic. facult. cap. 58. placet, in quarto calfaciunt excessu. Quo fit ut calidis, quales cholericis cum primis existunt, vehementer officiant. Rhazæ vero lib. 3. ad Almanforem cap. 18. superfluos humores & phlegma in stomacho generant. Quod de illis maxime intelligendū, quæ crudæ manduntur. Earum namque essentia crassarū est partium, & mali succi. Porro per fellitos, quemadmodum Cornarius noster in cap. 7. li. 1. Macri diserte admodum monuit, biliosos hoc loco accipere oportet, id est, τοὺς χολαίδεις, sicut phlegmaticos,



pituitosos. Deinde vero cepas phlegmaticis multum prodesse traditur. Corpus enim calefaciunt, humoresq; crassos ac glutinosos in ipso coacervatos concoquunt, attenuant, incidunt ac detegunt. Quin eadem etiam ratione stomacho frigidis, crassis, ac glutinosis humoribus grauato utiles sunt, & ad validum colorem, veluti testis est apud Plinium libro 20. cap. 5. Asclepiades, proficiunt. Neque enim fieri potest, ut viuus ac floridus sit faciei color, ubi ventriculus crudo, pituitoso ac prauo succo refertus fuerit. Tertio demum loco adseritur, contritarum caparum succo pilos siue crines locis glabris ac denudatis restitui, si eo saepius perfricentur: & maxime quidem, si ex densatis infarctisque meatibus & materiae sub cute detentae corruptela, glabrities euenerit. Cape enim caliditate sua meatus aperiant, materiamque prauam sub cute detentam non solum digerunt ac resoluunt, sed meliorem etiam in locum eius substituunt. Quapropter alopeciae succo earum conuenientissime perfricantur. Celerius enim, ut Dioscorides libro 2. capite 137. Galenus loco paulo ante citato, & Alexander Trallianus lib. 1 cap. 2. testatur, quam Alecyonium pilos euocat. Vnde infertur tandem capitis decorem, quem Q. Serenus capitis honorem vocat, eo reparari. Capitis porro decor, capilli sunt. Cape praeterea semen genitale gignit, & Venerem stimulant, vrinam cient, appetentiam ante alios cibos sumptae excitant: sed largiore cibo capitis dolores faciunt, sitim mouent, fastidium pariunt, ruborem faciei inducunt, saliuam multam generant, & rationem, ut aliqui ferunt, laedunt. Succus illarum cum melle illitus,

ocu-



oculorum hebetudinibus, argemis, nubeculis & incipientibus suffusionibus auxiliatur. Quin etiam canis morfibus idem cum aceto, ruta & melle illitus confert: quare hi quoque duo versus à quibusdam hic additi sunt:

*Appositas perhibent morsus curare caninos,*

*Si trita cum melle prius fuerint & aceto.*

Plura de his supra capite 13. diximus, cum de Aliis ageremus.

DE SINAPI.

C A P V T LXIII.

**E***st medicum granum, siccum calidumq; Sinapi, Dat lachrymas, purgatq; caput, tollitq; venenum.*

Duo hoc in loco potissimum aguntur. Primo namque perpusillum illud granum, quod *σίνηπι* aut *σάπυ* Græci, Latini vero Sinapi vocant, ad calefaciendum desiccandumque efficax esse traditur: & hoc quidem Galeno libr. 7. cap. 5. de simpl. medic. facultat. teste, in quarto gradu. Deinde vero tres eidem adsignantur facultates.

Prima, quod lachrymas eliciat: excellenti enim caliditate sua humiditates, quæ in cerebro sunt, attenuat, incidit, liquefacit & dissoluit: illis itaque fluentibus, simul etiam lachrymæ profiliunt.

Secunda, quod caput purget: cōmanducatum enim pituitas capitis p̄ os ducit & purgat. Quin etiam tritum, naribusq; admotum, sternutamēta ciet, quibus meatuum obstructions tolluntur, & cerebri vitia expelluntur: eaq; ratione comitialibus & apoplecticis mirifice succurrit.

Tertia, quod venenum tollat: suffitum namq;



ac incensum serpentes fugat ad eorundem quoque & scorpionum ictus cum aceto tritum magna vtilitate illinitur: fungorumq; venena discutit. Ad hælienis etiam affectibus ex humiditate & flatu procreatis confert. Item quartanis morbis, qui ex adusta pituita contracti sunt, preterea & podagris à pituita factis. Officit vero visui, & calido capiti, aciecori. Concoctionem & distributionem ciborum crassarum partium adiuuat. Minuit, quæ in ventriculo sunt, humiditates. Illitum lepris, eas in melius mutat. Linguas etiam humiditate grauatas siccatur. Si cum melle sumatur, tussis resoluit. Cum caricis vero ischiadicis illitum & lienosus, vtile est: trahit enim, quæ intus sunt ad corporis superficiem. Plura Dioscorides lib. 2 cap. 140. Plinius lib. 30. cap. 22. & Simeon Sethi in Syntagmate.

## DE VIOLA PURPUREA.

## CAPVT LXIIII.

*Mac. lib. 1. cap. 19.* **C**rapula discutitur, capitis dolor, atq; grauedo.  
Purpuream violam dicunt curare caducos.

*Ebrietas.*

Hic tres referuntur effectus nigre purpureæ violæ. Primus, quod crapulam siue ebrietatem dispellat ac sedet. Cuius sane rei duæ adferri solent rationes. Vna quidem, quod temperatum suauem & cerebrum confortantem spiraret odorem: cerebrum vero roboratum ac validum ebrietas non tam facile, quam imbecillum, tenet. Altera, quod cerebrum refrigeret, & fumis calidis recipiendis ineptum reddat, adeoq; vini vaporem infringat, & sic ebrietatem dissoluat. Secunda, quod κεφαλαλγίαν, id est, capitis dolorem discutiat: & hoc quidem, si à causa calida



da, nempe à flaua bile, ortum habuerit, hanc enim purgat, & ab ea calorem extinguit. Horum effectuum meminit Plinius lib. 21. cap. 19. vbi de violæ viribus differit, his verbis: Violæ purpureæ crapulam & grauedines capitis impositis coronis olfactuue discutunt Meminit etiam Simeon Sethi in Syntagmate: Violæ, inquit, dolores capitis, qui fiunt à flaua bile, sopiunt, potæ & odoratæ. Tertius, quod curet caducos, id est, comitiali morbo correptos, à symptomate accidenti accasu. Hoc habetur apud Dioscoridem lib. 4. cap. 105. Cæterum is non simpliciter hoc de purpurea Viola tradit, sed de parte ea, quæ in flore purpurea existit, vel purpura scit. Sic enim scribit: *Φασι δὲ τὸ πορφυρεῖον τοῦ ἀνθὸς μεθ' ὕδατος ποθεῖν, συνάγχεσθαι βοηθεῖν, καὶ ἐπιληψίας τὰς ἐπὶ παιδῶν*: id est: Dicunt id, quod in flore purpureum est, cum aqua potum, anginis & comitialibus puerorum morbis auxiliari. Videtur itaque accipiendum esse de altero flore, qui in medio Viola instar capillamentorum inest. Sunt enim quidam flores, dicit Theophrastus libro 1. capite 21. de historia plantarum *διανθεῖς*, id est, duplicis floris, qui alterum florem in medio habent, velut rosa & lilium, & viola nigra. Lege doctissimas Iani Cornarii annotationes in caput 29. libri primi Macri. Quinetiam Plinius loco iam citato id ipsum sic tradidit: Id quod purpureum est ex iis, comitialibus medetur, maxime pueris in aqua potum. Eiusq; rei hæc assignari potest ratio, quod cerebrum violæ fragrantia roboret, ita vt à prauis nocumentis minimum lædatur, & sic in epilepsiam non facile incidat. De violis plura Galenus lib. 6. cap. 150.



de simpl. medic. facult. Rhazes lib. 3. ad Alman-  
for. cap. 21. Auicenna 2. Cano. cap. 726. & Mesues  
lib. 2. Sect. 1. cap. 11. de simp. purg.

## DE VRTICA.

## CAPVT LXV.

*Mac lib. 2. cap. 2.* **A** Egri dat somnum, vomitum quoque tollit, & v-  
sum.

*Illius semen colicis cum melle medetur.*

*Ei tussim veterem curat si saepe bibatur.*

*Frigus pulmonis pellit, ventrisq; tumorem.*

*Omni bus & morbis ea subuenit articularum.*

*Somnus.*

Hic septem recensentur facultates Vrticæ. Ac  
prima quidem, quod somnum ægrotantibus ac-  
cerfat. Crassos namque & pituitosos humores,  
quibus natura grauata somno destituebatur, ex-  
tenuat, incidit, & priuatim expurgat.

*Vomitus.*

Secunda, quod vomitum, simulq; vsum eius  
tollat. Lentam enim & frigidam materiam, qua  
stomachum imbuente, nausea ac vomitus pluri-  
mum suboriri solent, incidit, exsiccat & dissoluit.

*Colica.*

Tertia, quod Colicis medeatur doloribus: nã  
præterquam quod crassum pituitosumq; humo-  
rem incidit & extenuat, crassos quoq; & flatu-  
lentos spiritus, qui exitum non habentes colic-  
os excitant cruciatus, discutit & expellit.

*Tussis.*

Quarta, quod veterem curet tussim. Crassos e-  
nim viscososq; humores è pectore pulmoneque  
educit: qua ratione orthopnoæ quoque & late-  
ris doloribus prodest, & maxime quidem semen  
eius cum melle delinctum, quemadmodum 2.  
Canon. capite 725. in eum prope modum scri-  
bens Auicenna attestatur: Quando cum ptisa-  
na sine aqua hordei decocta bibitur, vitia pecto-  
ris



ris extrahit, & folia eius cum aqua hordei decocta thoracem à lentis crassisque humoribus expurgant: sed semen cum melle delinctum ad omnia efficacius est.

Quinta, quod frigora pulmonis pellat: humores namque frigidos ac pituitosos caliditate sua incidens simul & extenuans ex pectore pulmoneque educit.

Sexta, quod ventris tumorem discutiat atque sedet: Crassos enim ac flatulentos spiritus, quibus venter distentus in tumorem attollebatur, dissipat atque resoluit.

Septima, quod omnibus articulorum doloribus, arthritidi nimirum, ischiadi, & podagra *Podagra.* subueniat: præcipue quidem, si prouenerint à lenta, crassa ac frigida materia: eam enim vrtica calefacit, incidit & extenuat. Ad hæc vrtica flatuosum etiam quiddam obtinet, quo & Venerē extimulat, & maxime vbi cum passo aut musto semen eius bibitur. Eodem modo potum, & vuluæ ora patefacit, vrinam ciet, renumque doloribus medetur. Ventrem modice subducit, ipsa duntaxat abstersione ac veluti titillatione, non purgatione, crudum ac pituitosum humorem educens. Ducit fœminis præterea menses foliorum vrticæ decoctum, addita exigua myrrha potum. Cauendum tamen ne linguam œsophagumq; lædat, nimium enim exurit: quod commodè quidem fieri poterit, si post sumptionem eius parum olei rosacei absorbeatur. Est autem vrtica cum semine suo calida in principio tertii, ficca vero in secundo: licet semen minore paulo, quam herba ipsa, siccitate participet. Plura Dioscorides libro 4. capite 79. Plinius libro 22.

S 5 cap.



cap. 13. Galenus lib. 6. de simpl. med. facult. cap.  
13. Paulus lib. 7. Rhazes lib. 3. ad Almanforem,  
cap. 28. & Auicenna, loco citato.

## DE HYSSOPO.

## CAPVT LXVI.

Mac. lib. 2.  
cap. 5.

**H**ysopus purgans herba est e pectore phlegma,  
Ad pulmonis opus cum melle coquenda iugata.  
Vultibus eximium fertur prestare colorem.

Hic agitur de hyssopi viribus: quod quidem  
desiccat & excafcit ordine tertio, sed & tenui-  
um est partium. Pituitam manifesto experimen-  
to expurgat, facitq; ad pituitosos tum cerebri,  
tum neruorum affectus: quod non modo munda-  
det, sed roboret quoque. Quin & pectus & pul-  
monem detergit, presertim senibus, quorum pe-  
ctora lenta crassaq; pituita referta sunt: quo fit,  
vt decoctum cum ficis, aqua, melle, & ruta, po-  
tumq; peripneumonicis, diuturnæ tussi, suspi-  
riosis à capite in subiectas partes distillationi-  
bus, & orthopnoicis auxilietur. Ascarides reli-  
quosq; interaneorum vermes pari modo sum-  
ptum enecat. Idem facit, si cum melle delinga-  
tur, nitri tamen addito momento. Decoctum ex  
aceto mulso epotum, crassum humorem per al-  
uum extrahit. Ad subducendam aluum cum fi-  
cis viridibus detritis manditur: vehementiusq;  
addita iri, nasturtio, aut irione, deiecit. Mesues  
exhibet cum iure aut manna mistum, vel cum  
melle, aut vuis passis purgatis, vel scilla coctum.  
Cutis in corpore colorem floridum efficit. Lien  
& aquæ inter cutem cum fico nitroq; emplastri  
modo imponitur. Inflammationibus quoq; ex  
vino illinitur. Cum feruente aqua impositum,  
fugil-



fugillata discutit. In anginis cum ficuum decocto optime gargarizatur. Decoctum cum aceto dentium dolorem collutione sedat: Hyssopi v. fus inflationes, auricularum præsertim, vaporis suffitu discutit. Cibi appetentiam inuitat, visum acuit, menses & vrinam ciet, & febrium horrores excutit. Vinum decoctionis eius vterum à superfluitatibus purgat & abstergit. Plura Dioscorides, lib. 3. cap. 27. Auicenna 2. Canon. cap. 365. & Mesues, lib. 2. sect. 1. cap. 18. de med. simpl. purgantibus.

## DE CHÆREFOLIO.

## CAPVT LXVII.

**A**ppositum canceri tritum cum melle medetur.  
*Cum vino potum lateris sedare dolorem*  
*Sape solet, tritam si neētis desuper herbam.*  
*Sape solet vomitum, ventremq; tenere solutum.*

*Mac. lib.*  
*cap. 22.*

Enumerantur hoc in loco tres facultates chærefolii. Prima, quod tritum & cum melle appositum cancerū curret. Est autem Cancer tumor durus melancholicus, inæqualis, rotundus, venosus, id est, venas habens in circuitu turgidas & exaltatas, liuescēs siue fuscus, & colore magis quam inflammatione nigricans, calidus, sed non adeo, ut inflammationes, subito accrescens, ægros maxime fatigans, & perpetuo fere dolore affligens: Græce καρκίνος & καρκίναρος dicitur. Hanc autē appellationem huic morbo indiderunt tam Græci quam Latini à cancro aquatico animali, quoniam circa hunc implentur & intenduntur venæ, cancerum pedibus, à glomere illo corporis descendentes, persimiles. Nonnulli vero inde sic nuncuparunt, quod difficillime ab his partibus

*Cancer.*



bus quas obsederit euellatur, quemadmodum cancer aquaticum animal. Hic enim loco, quem semel apprehenderit, pertinaciter hæret. Adde quod hic tumor canceri animalis colorem repræsentat, nempe subnigrum. Plura de hoc Paulus libro quarto, cap. 26. & Ioannes Tagaultius lib. 1. cap. 15. chirurg. Inffit.

*Tormina.* *Secunda*, quod cum vino potum lateris dolorem sedet. Tormina quoque ventris mitigat. Crassas enim inflationes, unde dolores isti proveniunt, discutit. Præterea stomachi atque aliorum etiam viscerum flatus dissipat, obstructionsque tollit, ad quæ quidem omnia vinum quoque per se sumptum singulare est.

*Vomit.* *Tertia*, quod vomitus aluique profluvia sistat. Calefaciendi enim & exsiccandi vi materiam eorum discutit atque consumit, & maxime quidem, si à frigido & pituitoso succo oriantur. Vrinam & menses ciet, lateris, renum ac vesicæ dolores tollit, cum melicrato exhibitum. Porro Chærefolium, de quo hoc loco agitur, nulla alia herba est quam quæ vulgo nostrati *Carfueil* appellatur. Cæterum medicamenta quæ hic de chærefolio produntur, neque apud Plinium, neque apud ullum aliquem autorem Græcum reperiuntur, sed ex Plinio illo recētiore, qui longe post Galeni tempora extitit omnia transcripta sunt. Nam hæc verba de ipso tradit: Chærephyllon canceratis medetur, lateris dolores ex vino mitigat. Quidā illud oleo incoctum ἀρνίῳ ad soluendam frigoris iniuriam, miscuerunt. Ex aqua mulsa pituitā resolvit. Ex aceto lumbricos & tineas perimit, urinam ciet, menstrua pellit. Tritum cum cera & axungia vetere parotidas discutit. Lege  
de-

*Lib. 4. cap.  
37 de re me-  
di.*



doctissimi viri Iani Cornarii annotationes in caput 22. lib. 1. Mac. Ad hæc succus, siue stillatitius chærefolii liquor, potus cum carbonibus tilia & lapide ex cancerorum capitibus exempto, sanguinem ob casum, percussionem, vel contusionem in grumos concretum certo experimento dissoluit, & renum calculos frangit.

## DE ENULA CAMPANA.

## CAPVT LXVIII.

**E**Nula campana reddit præcordia sana,  
Cum succo ruta succus si sumitur eius,  
Affirmant ruptis quod proest portio talis.

Mac. lib. 1.  
cap. 20.

Hic duæ referuntur facultates herbæ, quam ἐλένιον Græci vocant. Latini Heleniū & Inulam. Barbari Enulam, Officinæ Enulam campanam.

*Prima*, quod curet ac roboret præcordia: quo nomine iam exta in homine intelligenda veniunt, nempe os ventriculi, membra spiritus, & quæcunque cordi propinquiora sunt. Et hoc sane radice potissimum efficit. Ea enim calida & sicca atq; odorata est, cum excrementitia humiditate: quapropter in eclegmatis cum melle temperata crassos ac lentos humores pectori pulmonique infarctos educit, tussi orthopnœæque prodest. Omnis iræ dolorisque obliuionem inducit, cor exhilarat ac roborat. Ex ea vinum etiam conficitur, quod *νεκταρίτης* Græcis dicitur. Hoc contra stomachi & pectoris vitia & cordis ex humiditate & frigidityte imbecillitatem efficax est, excrementa in venis sanguini permista per menses ac vrinas expellit.

Vinum enulatum.

*Secunda*, quod succus eius cum rutæ succo permistus herniosis, hoc est, ruptis, quibus intestina

in



in scrotum deuoluuntur admodum opituletur, & maxime quidem si hernio ex flatuum multitudine euenerit. Eos enim rutæ atque helenij succus discutit. Radix præterea helenij stomacho prauis succis referto utilis est in passo condita, obstructionsque iecoris atque lienis tollit. Trita potaq; ad cruentas excreationes singularis est & serpentium moribus medetur. Ruptis ac conuulsis omnibus conferi. Folia eius ex vino cocta utiliter illinuntur frigidis ac diuturnis partium affectibus, cuiusmodi sunt nonnullæ coxarū passionēs, ἰσχιάδας vocant, & exiguæ assiduæq; articulorum quorundam præhumiditaret procidentia ac luxationes. Plura Dioscorides libro 1. cap. 17. Galenus libro sexto, capite 114. de simpl. med. facult. & Auicenna 2. Canon. capite 240.

## DE PVLEGIO.

## CAPVT LXIX.

Mae, lib. 2.

cap. 4.

Cvm vino nigram cholera potata repellit,

Appositam veterem dicunt sedare podagram.

*Atram bilis.*

Duo hoc in loco Pulegij recensentur effectus. Prior quidem, quod atram bilē cum vino expurget, cuius rei testis etiā est Dioscorides lib. 3. cap. 32. Atram inquit, bilem per aluum exigit.

*Podagra cum*

Alter vero, quod peculiari proprietate quadam antiquam curret podagram. Crassos enim viscososq; humores vnde podagra generari plurimum solet, vehementer calfacit, concoquit, extenuat & amolitur. In tertio nanque ordine calidum & siccum esse statuitur, quapropter podagris etiam per se subuenit, impositum vsque dum rubescat locus. Vi pollere corroborandi,

ex



ex bona fragrantia eius satis liquet: Aperit quoque attrahit & consumit, ratione tum essentia, tum qualitatum. Potum menstrua, secundas ac partus eiicit. Pulmonis vitia ex melle & aloe potum extrahit, conuulsis auxiliatur. Capitis dolores impositum leuat. Quin & olfactu capita tueri contra frigorū æstusq; iniuriam, & à siti traditur. Nauseas stomachiq; erosiones ex posca permulcet. Bibitur in vino vtilissime contra serpentium morsus. Defectos animo recreat, cum aceto naribus obiectum. Siccatum præterea crematumq; & in puluerē tritum, gingiuas confirmat. Illitum cum polenta inflammationes omnes sedat. Cum cerato varos extinguere, thienosis cum sale vtiliter illinitur. Decoctum eius ablutas pruriges mitigat: & eadem vtilitate insidentibus foeminis prodest: inflationes, durities & muliebrium locorū cōuersiones corrigens. Plura Dioscorides locc citato, Plinius lib. 20. cap. 14. Galenus libro 6. capite 93. de simpl. med. facult. & Simeon Sethi in Syntagmate.

## D E N A S T V R T I O.

## CAPVT LXX.

**I**llius succus crines retinere fluentes

Illius adseritur, dentib; leuare dolorem.

Lichenas succus purgat cum melle perunctus.

Mac. lib. 1.  
cap. 12.

Hic agitur de hortis familiari herba Nasturtio, quod *καρδάμων*, Græci vocant, quasi *καρδάμων*, quod caput tentet ac domet. Et referuntur tres ipsius facultates.

Prima, quod succus eius sine stillatitius liquor capiti illitus, aut potus etiam, capillorum defluuia sistat, præsertim si ex densatis infarctisque

mca-



meatibus orta fuerint. Crassos enim & pituitosos humores calefacit, incidit, & extenuat.

*Secunda*, quod dentium curret dolorem, præcipue si à frigida materia prouenerit: eam enim nasturtium discutit.

*Tertia*, quod succus eius cum melle illitus lichenas, id est, impetigines, siue squamas cuti adhaerentes, abstergat. Nascuntur ex exphlegmatopotissimum salso, sed nasturtium intrus assumptum omne phlegma pellit & expurgat: & mel quoque insigniter abstergit. Nasturtii semen adurentis seu causticæ facultatis particeps est, sicut sinapi. Proinde coxendicis & capitis dolores, atque adeo quicquid aliud rubrificationem postulat, eo perinde atque sinapi excalefaciunt. Miscetur quoque remediis quæ exhibentur asthmaticis, quippe quod crassos succos valenter incidere valeat, velut & sinapi: nam per omnia ei simile est. Stomacho aduersatur, aluum turbat, vētris lumbricos pellit, lienē imminuit, partus exanimat, menes ciet, & Venerem stimulat. Illitum cum melle lienem extenuat, fauos expurgat. Serpentium venenis potum resistit, atque eos suffitu fugat. Carbunculos ad supputationem perducit & rumpit. Coxendicibus cum polenta cōmode ex aceto illinitur: tumores inflammationesque discutit. Furunculos cum muria illitum ad supputationem ducit. Vomitu flauæ bilis citat, eandemque per inferna seducit. Tradunt nonnulli nasturtium vim vigoremque animi suscitare, ac proinde eos qui ipsum elitaauerint ingenio ac mente promptiores fieri. Lege Plinium libro 19. cap. 8. Erasmi Chiliades in Prouerbio, *ἡ δὲ ἡγέδριον*. Porro & herba arefacta similem semini vim possidet.



fidet. Humida vero adhuc & viridis propter aqueæ humiditatis admiffionem multo femine inferior est: adeoq; tunc mordacitas eius moderata est, vt cu pane ea vti liceat, ceu obsonio. Plura Dioscorides libro 2. cap. 141. Plinius libro 20. cap. 13. Galenus lib. 7. cap. 8. de simpl. medic. facultat. Simeon Sethi in Syntagm. & Auicenna 2. Canon. capite 509.

## D E C H E L I D O N I A.

## C A P V T L X X I.

**C**æcatis pullis hac lumina mater hirundo,  
(Plinius vt scripsit) quamuis sint eruta, reddit.

*Msc. lib. 2.  
cap. 29.*

Notatu dignū est, quod hic ex Plinio de chelidonia refertur, nempe ipsam pullis hirundinum visum restituere. Locus est libro 25. cap. 8. vbi sic scriptum reliquit: Animalia quoq; inuenere herbas, inprimisq; chelidoniam. Hac enim hirundines oculis pullorum in nido restitunt visum, vt quidam volunt, etiam erutis oculis. Meminit eiusdem etiam lib. 8. cap. 27. his verbis: Chelidoniam visui saluberrimam hirundines monsttrauere, vexatis pullorum oculis illa medentes. Hoc nomen, vt lib. 2. cap. 165. Dioscorides testatur, sibi videtur vendicasse, quod aduentu hirundinum exoriatur, & discessu emarcescat. Sunt qui narrant hirundines excæcatis pullis, admota herba visum restituere, inquit idem. Hinc cognitum est succum eius hominum oculis quoq; mederi, vtiq; in quibus crassum quiddam in pupilla colligitur, digestionem atq; discussionem indigens. Hinc igitur edocti medici chelidoniam omnibus fere oculorum remediis pro visus claritate admiscere solent. Herba est:

T no--



nota, crocei succi, cuius inuentionem hirundinibus ob id quoque attribuunt, quod pulli earum saepius quam ulli aliarum auium in caecitatem incidant. Hirundinum enim sterco chelidoniae oppositum praestat: excacat namque, si calidum in oculos decingat, & praecipue matrum. Quod etiam sacra testantur litera: nam Tobiae 2. seniore illum hoc stercore excacatum fuisse legitur. Cor. Cel. libro 6. capite 6. fabulam putat, per parentes oculos herba restitui, qui per se sanescant. Chelidonia tertiis est ordinis absoluti iam: idque tum in calfaciendo, tum in siccando. Attrahit igitur, discutit & consumit. Radix trita & in vino decocta caput columellamque frigidorum humorum à capite descendentium multitudine laxatam, ac linguae radici atque faucibus incumbentem expurgat, si exurgentem inde fumum infundibulo adhibito ager admittat, & vinum deinde gargarizet. Cum aniso & vino albo pota medetur regio morbo, & vlcerebus quae serpunt: imposita cum vino, aut manducata, dentium dolorem sedat. Plura Galenus libro 8. capite 172. de simpl. med. facult.

## DE SALICE.

## CAPVT LXXII.

*Mac. lib. 2. capit. 16. & lib. 2. c. 35. Idem lib. 4. cap. II.*  
**A**uribus infusus vermes succus necat eius, Cortex verrucas in aceto cocta resoluit. Huius flos sumptus in aqua frigescere cogit. Infinitus Veneris cunctos acres stimulant. Et sic desiccatur, ut nulla creatio fiat.

Tria hoc loco de Salice traduntur. Primum, quod succus eius auribus instillatus vermes interficiat, & maxime quidem, si is sit ex foliis &

COR-



cortice expressus. Amarum enim quiddam in se habet & acerbum. Idem quoque cum rosaceo in calice punici calfactus, aurium doloribus & fanici medetur.

*Secundum*, quod cortex eius in aceto decoctus verrucas pellat. Hanc rem Dioscorides libro primo, capite 115. sic tradidit: Corticis cinis admisto aceto maceratus, illitu clauos & callos tollit. Est enim vis eius admodum desiccatoria, sed ita tamen, vt morsu abstineat: habet vero etiam quandam adstrictionem. Auicenna capite 541. secund. Canon. eundem effectum portulacæ quoque tribuit: Ex ea, inquit, fricantur verrucæ & eradicat eas non qualitate, sed naturali quadam facultate.

*Tertium*, quod flos salicis conceptus prohibeat, & hoc certe ob vim desiccatoriam & adstrictionem. Hoc ipsum autem *ἀστυλὴ ψίαν ἐρροῖ ζεοδα* Dioscorides dixit, hoc est, facere vt mulier non concipiat. Non autem solum mulierum conceptus prohibet salicis semen, siue fructus, siue flos velut hic appellatur, sed etiam instinctus Veneris omnes hebetat ac resiccant, etiam in viris, vt generare nequeant. Atque hoc ipsum Democritus quoque apud Constantinum Cæsarem libro 11. capite 14. tradit his verbis: Qui fructus salicis appellatur, pabulo pecorum admixtus, ipsa pinguefacit. Tritus autem & in potu acceptus ab homine steriles facit: ex quo & Homerus *ὀδυσ. κ.* ait:

*Μακροῖτ' ἀγχοῖτ' ἢ ἰπταὶ ὠλεσίνεσσι.*

Id est:

Et grandes populi & salices fructū perimētes.

T 2

Ve-



Verum Theophrastus libro 3. cap. 2. de historia plantarum, & Plinius libro 16. cap. 16. vocem ὀλισίκον non sic accipiunt dictā ab Homero, vt significet fructuum ac seminum humanorum perditionem, sed ipsius arboris. Plinii verba hæc sunt: Ocyssime autem salix amittit semen, antequam omnino maturitatem sentiat, ob id dicta ab Homero frugiperda: secutaque ætas scelere suo interpretata est sententiam, quando semen salicis mulieri sterilitatis medicamentum esse constat. Hæc fere Ianus Cornarius in cap. 11. lib. 4. Macri. Didymus antiquissimus Homeri interpretes ita ex Theophrasto de salice refert: ὀλισίκον τὴν ἰτέραν πινόμενος ἀφανίζει τὸν γυνὴν πᾶν αὐθρόων. Id est: Fructus salicis potus genituras hominum demolitur. Plura de Salice Galenus lib. 6. de simpl. med. facult. cap. 155. & Auicenna 2. Canon. cap. 326. & 686.

## DE CROCO.

## CAPVT LXXIII.

**C**onfortare crocum dixerunt exhilarando,  
Artus defectos reficitque, hepar reparatque.

Hic agitur de proprietatibus quibusdam Croci. Ac primo quidem corpus roborare dicitur, eique lætabundam quandam conciliare alacritatem iucunditatemve, præcipue si quis eo modice utatur. Immoderatus enim sumptus, pondere nimirum trium drachmarum, lethalis est.

Deinde verò membra defecta, id est, debilia ac prostrata reficere, inque vigorem suum restituere traditur. Superat enim in eo calfaciens & qualitas & facultas, vt tota eius essentia secundi  
sit



fit ordinis excofacientiū, & primi exiccantium:  
proinde concoquendi, maturandi, emolliendi,  
aperiendi, & discutiendi vim quandam habet,  
adiuuante scilicet & paucula quadam adstrictio-  
ne. Cor non parum exhilarat, ipsumq; adeo ac  
simul etiam hepar atque alias corporis partes, ob  
insidentem nimirum adstrictionem ita corrobora-  
rat, vt nō facile dissolui queant, obstructionsq;  
tollit. Quinetiam stomachum moderato calore  
suo firmat, eiusq; tum coquēdi, tum distribuē-  
di facultatem adiuuat. Immodice tamen illo v-  
tendum non est: quippe qui ita nauseam facile  
moueat, & cibi inappetentiam, Græci *αὐτοεξέλιξις*  
vocat, efficiat: siquidem aciditatem in ventri-  
culo extinguit, quæ præsertim appetentiam ex-  
citât. Siccando mediocriter dispositionibus pe-  
ctoris phthificis auxiliatur, putredines corrigit,  
anhelitum felicem reddit, eiusque instrumenta  
corroborat. Nam si vsus ipsius mediocris fue-  
rit, facilem respirationem & amabilem coloris  
bonitatem facit: sin vero citra modum, pallo-  
rem inducit, cerebrum infestat, capitis dolorem  
commouet, sensus obtenebrat, & oculos hebe-  
tat. Vino impositus vehementer inebriat, ad-  
eoque exhilarat, vt insaniam maxime alacrem &  
lætitudinem pariat. Si quis vero ex passio bibe-  
rit, crapulam non sentiet. Additur in potiones,  
quæ interaneorum causa temperantur. Pituito-  
sa vitia & lethargica sanat. Somnum conciliat,  
Venerem stimulat, menses & vrinam ciet. Mu-  
lieribus difficuler parientibus in potu duarum  
drachmarum pondere exhibitus, partum accele-  
rat. Illitus cum humano lacte visum abstergit,  
& oculorum fluxiones cohibet. Aurium reime-



diis vtilissimus est. Vergentes ad ighem sacrum inflammationes inunctus lenit. Vulua sedisq; cataplasmatibus vtiliter inditur. Plura Dioscorides lib. 1. cap. 25. Plin. lib. 21. cap. 20. Galenus lib. 7. de simpl. medic. facult. cap. 75. Simeon Sethi in Syntagmate, Serapion cap. 173. simpl. & Auicenna lib. 2. Cano. cap. 129.

## DE PORRO.

## CAPVT LXXIIII.

*Mac. lib. 1.  
cap. 6.*

**R** Eddat fecundas mansum persape puellas:  
Manantemq; potes naris retinere cruorem,  
Vngas si nares intus medicamine tali.

Dux hoc in loco Porri referuntur proprietates. Ac prior quidem, quod impragnandi facilitatem vrentibus mulieribus pariat, atque ne abortiant grauida prohibeat. Quod sane magni etiam Hippocratis autoritate Plin. lib. 20. cap. 6. in hunc modum scribens confirmat: Hippocrates de morb. mulieb. lib. 1. & 2. & alibi saepius, si ne alia mixtura dari iubet, vuluasq; contractas aperiri putat: foecunditatem etiam foeminarum hoc cibo augeri. Idq; non in cibo tantum siue potu, sed illitum quoq; & foris admotum praestat. Coquitur enim in aceto & marina aqua coma eius, decoctoq; illo infidentium foeminarum praclusi duratiq; loci vtiliter fouentur. Folia quoq; porri muliebres locos, qui nimio humore madefcentes foetum haud continere valent, egregie purgant. Item ex abortu profluuia sistit, potu succo cum lacte mulierum.

Altera, quod sanguinem e naribus erumpentem sistat: & maxime quidem succus eius cum aceto, addito thure aut eiusdem manna, vel galla  
aut



aut mentha. Idem quoq; sanguinem reicientibus cum gallæ aut thuris farina, vel acacia auxilio est. Quinetiam potæ seminis drachmæ duæ cum paribus myrti baccis veteres sanguinis ex pectore reiectiones sanant. Acrimoniam enim quandam habet porrū, & adstringendi aliquam vim, sed semen acrius est. Plura supra, cap. 13.

## DE PIPERE.

## CAPVT LXXV.

**Q**uod piper est nigrum, non est dissoluere pigrum,  
Phlegmata purgabit, concoctricemq; iuuabit.  
Leucopiper stomacho prodest: tussiq; doloriq;  
Utile, proueniet motum, febrūq; rigorem.

Agitur hoc in loco de triplici genere piperis, longo scilicet, albo, & nigro. Et fructus quidem, vt lib. 8. cap. 42. de simpl. med. fac. Galenus memoria prodidit, nuper admodum germinantis arboris, oblongum est piper, maturo humidius: humiditatis eius indicium est, quod facile repository perforetur, ac non protinus mordicet, sed post paulo incipiat, verum plusculum duret. Fructus veluti acerbus immaturusq; albū est piper, nigro quidē acrius. Nam illud iam quasi superaffatum est, & superexiccatū. Longum quidem piper, μακρόν Græci, album λευκόν, nigrū μελαν-πέπερα vocant. Sane prioribus duobus versibus tres nigri comprehenduntur proprietates.

*Prima*, quod in dissoluendo non sit pigrum, hoc est, crassos, glutinosos ac frigidos humores, flatuososq; spiritus egregie discutiat. Valenter enim tum excalfacit, tum desiccet, ordine nimirum tertio completo.

*Secunda*, quod phlegmata expurget: Viscidam

T 4

enim



enim pituitam: quæ in interiore corpore, nempe in thorace, pulmone & intestinis residet, concoquendo atq; extenuando dissipat expellitq;.

*Tertia*, quod plurimum adiuventi concoctioni adferat facultati. Hoc ipsum Dioscorides etiam libro 2. cap. 145. his confirmat verbis: Somnum, inquit, & appetentiam cibi conciliat, concoctionem adiuuat: utunturq; ob id eo ad intinctus. Porro ad eum usum melius est longum: quippe quod, Galeno lib. 4. cap. 10. de sanitate tuenda teste, flatuosi spiritus crassitudinem soluit, & quæ in præcordiis pigra cessant, ad ventrem depellit, & concoquendis, quæ sumptis, subuenit. Posterioribus duobus versibus quinque albi piperis referuntur utilitates.

*Prima*, quod stomacho conferat: ipsum enim, ut Galenus eodem, quo antea loco testatur, supra duo reliqua genera roborat.

*Secunda*, quod linctu potuq; tussientibus opituleretur: præsertim si ex frigido & crasso humore tussis euenerit: eum namque piper album calfacit, incidit, & dissoluit. Pari modo & cunctis aliis frigidis, & à pituita ortis pectoris vitiis succurrit.

*Tertia*, quod dolori subueniat: idque intelligendum vel de dolore pectoris, ut iam dictum est, vel de dolore flatuoso. Potum enim cum melle & recentibus lauri foliis, flatuosos spiritus & tormina discutit.

*Quarta*, quod præsumptum febrium accessiones, siue exacerbationes, *παροξυσμοί* Græci vocant, auertat: & hoc quidem in febribus frigidis. Earum namq; materiam excalfaciendo quodammodo dissipat & expellit.

*Quinta,*



*Quinta*, quod febrium horroribus circuitu repetentibus siue potu, siue illitu subueniat. Nervos enim & musculos caliditate sua vehementer roborat, & in eis residentem materiam consumit. Hinc est, quod lib. 3. cap. 1. Macer in hunc modum cecinerit:

*Quodq; mouere solet frigus periodica febris  
Compescit, febris si sumitur ante tremorem.*

Illud ipsum 2. Can. cap. 556. Auicenna innuere etiam voluit, inquiens: Fricando fit inunctio ex ipso cum vnguento, & confert rigori. Eiusq; rei exempla sunt apud eundem 1. 4. tract. 2. cap. 12. Et hæc certe facultates non albo tantum piperi, sed & reliquis quoq; generibus conueniunt. Liberalior piperis vsus, quemadmodum est apud Aristotelem, sect. 1. probl. 44. vrinas prolicit, parcius autem aluum deiecit: è contrario vero scamonia. Piper caliginem, quæ oculis obuersatur, absterget. Serpantium moribus auxiliatur: Anginæ eo & melle conuenienter perunguntur. Cum vua passa manducatum, pituitam à capite elicit. Strumas cum pice discutit. Vitiliginis ex nitro emaculat. Plura Plinius lib. 12. cap. 7. & Serapion cap. 735. de simpl. med. fac.

## DE GRAVITATE auditus.

### CAPVT LXXVI.

**E**T mox post escam dormire, nimisq; moueri,  
*Ista grauare solent auditus, ebrietasq;.*

Hic tria recensentur, quibus auditus prægruari solet.

Primum, cibis, quem somnus statim excipit, & maxime quidem, si ventriculus eo distentus

T 5 fue-



fuerit. Hic enim concoctionem impedit, & cruditates gignit. Ex incoctis vero ac crudis in ventriculo cibis viscosi, crassi & flatuosi suscitantur fumi: qui in caput sublatis, cum exitum non inueniant, auditorios obstruunt meatus, auditumq; grauant. De hoc nonnihil etiam supra, cap. 3.

*Oribas. lib. 1.  
cap. 7. ad  
Eunapium.*

*Secundum*, motus siue labor vehementior illico post ingestū cibū susceptus. Causam Galenus in commentario *Dei dysypnias & nauyypnias*, capite 5. hanc esse tradit: Sicuti, inquit, bonæ valetudini ante cibum exercitatio maximum adfert commodum: sic qualiscunque sumpto cibo motus noxius admodum est. Alimentum enim ex ventre ante concoctionem in diuersas corporis partes distribuitur, proptereaq; crudi humoris copia per ventas aggeritur. Vnde crassi etiam ac flatuosi spiritus sursum elati meatus auditorios obturant. Idem quoque libro 6. de sanitate tuenda, cap. 8. his testatur verbis: Non leue incommodum nonnullis accidit, cum repleti cibo se exercitant. Nonnullis enim & caput impletur vaporibus, & in iecinore aut ponderis sensus, aut distentionis, aut vtriusq; percipitur. Et lib. 1. cap. 9. de aliment. facult. Carnes, inquit, inanitæ rapiunt ex ventre succum, non modo semicoctum, sed nonnunquam etiam omnino crudum atque inconcoctum, cum cibo sumpto operibus sese reddiderint: ob eamq; causam ii grauissimis morbis posteaprehenduntur, & antequam senectam intereunt.

Stare tamen post comestionem, vel suauius deambulare, quo cibus ad fundum descendat ventriculi, multum expedit & confert ad bonam  
cibe-



iborum concoctionem. Idq; vulgato etiam  
hoc comprobatur versiculo:

*Post cenam stabis, aut passus mille meabis.*

*Tertium*, ebrietas: nam ex calidi vini tempera-  
ura multi omnino vapores ac fumi ad auditus  
egressi prompte deferuntur, qui cum exitu non  
inueniant, spiritum eius insitum perturbant,  
& audiendi difficultatem, Græcis *Bapnugian* &  
*Bapnugian* appellatam, pariunt. Neque vero au-  
ditui solum, sed visui quoq; ac reliquis sensuum  
instrumentis omnibus ebrietas nocet, quemad-  
modum 4. 3. capite 2. Auicenna his testatur ver-  
bis: Ex eis quidem, quæ nocent auri, & reliquis  
sensibus sunt, nauseosa satietas & repletio, &  
proprie somnus super repletionem. In non-  
nullis exemplaribus hic etiam versus adscriptus  
habebatur:

*Balnea, Sol, vomitus, adfert repletio, clamor.*

Nec male quidem, siquidem & hæc auditum  
grauare, & aurium sonitus generare 4. 3. cap. II.  
auctor est Auicenna: Oportet, inquit, vt om-  
nes isti vitent Solem, balneum, motum labo-  
riosum, vomitum, clamorem, coitum, & reple-  
tionem, & vt leniant naturas suas.

## DE TINNITU SIVE sonitu aurium.

### CAPVT LXXVII.

**M**otus, longa fames, vomitus, percussio, casus,  
Ebrietas, frigus, tinnitum causat in aure.

Septem hoc loco enumerantur sonitus siue  
tinnitus aurium causæ.

*Prima*, motus, immoderatio scilicet. Humo-  
res enim & spiritus vehementiore atque inordi-  
nato



nato corporis motu concitati crassos ventososque generant flatus, quibus sursum vergentibus cum facilis non pateat exitus, tinnitus excitatur. A plurimum sane ob ventosi flatus in auditorio meatu commotionem nasci solet.

Secunda, fames, siue longior vltra consuetam edendi horam abstinencia. Cuius Auicenna 4.3 cap. 9. hanc tradit esse causam: nempe, quod humores per corporis molem dispersi, ac quiescentes longiore fame exagitantur. Natura enim cibo, in quem agat, destituta, ad humores conuertitur, eosque resoluit & commouet.

Tertia, vomitus violentus & multus. In hoc enim motus accidit vehementior, quo humores exagitati sursum ad caput feruntur: quo fit, ut oculi nonnunquam ac facies rubescant, visusque debilitetur: nonnunquam vero vapores ac ventosi flatus ad auditorium pertingant organum, tinnitumque excitent.

Quarta, praegressa plaga, siue percussio sphaerulae capitis, & maxime qua parte aures sitae sunt. Innato enim auditus aeri vehementius inde exagitato spiritus accedit. Siquidem membro aliquo laeso, quemadmodum in libro de renum affect. dignot. & cura, cap. 12. Galenus testatur, spiritus statim & sanguis, qui sunt naturae vehicula, eo concurrunt: ex quorum deinde commotione tinnitus accidit.

Quinta, casus, praesertim supra caput: cuius eadem cum praecedente ratio est. Quinetiam humores in corpore ex quolibet casu vehementer exagitantur.

Sexta, ebrietas, & maxime quidem ex largo vini potu. Inde enim caput fumis repletur, ac vapores



poribus, quibus ad auditorios meatus vergentibus innatus eorum aer commouetur, & sonitus quidam excitatur.

*Septima, frigus immodicum.* Eo enim auditus organum & naturalis cerebri calor debilitantur, ut flatuosus generent spiritus, quibus ad aures penetrantibus tinnitus facile elicitur. Neque ob dictas solum causas, sed ob alias etiam non paucas, sonitus in auribus fiunt: Nempe ob flatuosum spiritum in capite generatum ac commotum, ex sonitu saniei, quæ in ipsa fortassis auge genita est: aut ex feruore puris in partibus eius, aut ex motu vermium in auditoriis meatibus sæpenumero eueniente, aut ob humoris in toto corpore ebullientis commotionem, sicuti in febribus fere & paroxysmorū principiis contingit, aut ob superfluam in corpore repletionem, præsertim in capite, aut ex lenta & crassa materia in ventosos flatus resoluta, aliquando denique ob pharmacorum auriculariū vsum sonitus quidam etiam fiunt. Qui in febribus sonitus fiunt minime interturbandi sunt: ut plurimum enim statim sedantur. Plura Galenus lib. 3. de compositione Pharmacorum secundum locos, cap. 1. de sonitu in auribus. Serapion tract. 2. cap. 12. de surditate, & Auicenna loco iam citato.

## DE VISVS NOCVMENTIS,

## CAPVT LXXVIII.

**B**Alnea, vina, Venus, ventus, piper, allia, fumus,  
Porrum cum cepis, faba, lens, fletusque sinapi.  
Sol, cotusque, ignis, labor, ictus, acumina, puluis,  
Ista nocent oculis, sed vigilare magis.

Vnum & viginti numero hic referuntur, quæ  
ocu-



oculis important. Ac *primum* quidem Balneum idque tam humidum, quam siccum : hoc Stuph Barbaris, Latinis Aereum balneum dicitur: illud vero Tina vulgo, Latinis Solium appellatur. Duplici porro nomine vtrunque oculis officit. *Primum* quidem immodice excalfaciendo temperaturas eorum destruit. Natura enim, velut supra ostendimus, frigidi sunt & aquei. Deinde vero tenuiores humiditates, quibus visui iique ignei temperantur refocillanturque spiritus, resoluit & exiccat. Atque hinc adeo prope Rhenum, vbi plurimus vtriusque balnei usus est, non pauci passim occurrunt cæci, quemadmodum in Hollandia ob inordinatam victus rationem multum leprosi.

*Secundum*, vinū, & maxime quidē si immodice bibatur. Cum enim caput, vt sæpius iam dictum est, vaporibus ac fumis repleat, non oculos tantum ac visum, sed reliquos etiam sensus omnes immoderatiore usu hebetare putandum est.

*Tertium*, Venus, immodica scilicet: Hanc enim obtundere oculorum aciem, Medici omnes vno ore prædicant. Cuius causam Petrus Aponensis Sect. 4. problematum Aristotelis commentar. 3. hanc esse tradit : Nempe quod coitu auferatur id, quod commodum est oculis, humidum scilicet aqueum & subtile, quo spiritus fulciuntur visui. Oculus enim, vt libro 5. capite 1. de generatione animalium, & alibi sæpius Aristoteles adseruit, humidus est & de natura aquæ. Iam vero euulsis atque euacuatis humidis, partes superiores necessario exiccantur. Quo fit vt oculi, qui humiditate vigent, à sua decedant natura, hebetioresq; fiant. Merito autem humiditate vigent:

nisi



nisi enim ea sustentarentur, per igneos facile spiritus, qui in frequenti sunt motione, exarescerent. Atque hinc sane constat, superiores partes immoderato concubitu plus iusto exiccari, visusque aciem hebetari: humores enim deorsum extrahuntur.

*Quartum*, Ventus, & præcipue Austrinus: De quo lib. 3. aphor. 5. Hippocrates: Νότοι, inquit, βαρυήγοι, ἀχλυάδες, καὶ ἑσθαι καὶ, hoc est, Austri auditum hebetant, caliginem obducunt, capitis grauitatem efficiunt. Auster enim natura calidus & humidus est, ac magna ex parte pluuias & tempestates adfert: quare etiam τὰ τῶν αἰσθητῶν ὄργανα ὑποσβέννυσι, quemadmodum Philotheus ait, id est, sensuum instrumenta implet & obtundit. Caterum vocem, ἀχλυάδες, bifariam interpretari possumus. Primum, vt ad austros ipsos referatur, qui caliginem aeris efficiunt. Iis enim flantibus aer fit turbidus, crassus, caliginosus & tenebrosus. Secundo, vt ad oculos ipsos potius hæc vox referatur, qui flantibus Austri caliginosi redduntur, minusq; acute vident. Vt enim reliqua omnia sensuum instrumenta nō satis probe suo funguntur munere, sic etiam oculi ipsi ab Austro caliginem quandam contrahunt. Lege Galenum commentario 1. in 1. epidem. Tempestate 1. aphor. 8.

*Quintum*, piper. Hoc enim cum impensius exsiccat, acres omnino vapores frequenti esu generat, qui vbi ad caput ascenderint, oculos mordicant, & exiccant.

*Sextum*, alliū: quod acrimonia sane & vaporibus, q̄b. caput replet, oculos offendit. Supra c. 13.

Se-



*Septimum*, fumus, qui certe quod mordacissimus sit, nimiumq; exiccet, infestissimus est oculis. Aristoteles problem. 22. Sect. 31.

*Octauum*, porrum, hinc enim crassi ac melancholici generantur fumi, qui sursum elati oculorum aciem hebetem faciunt, si quis eo frequentius vtatur. Supra cap. 13.

*Nouum*, cepa, horum namq; esu acres similiter ad caput submittuntur fumi, qui non visum tantum, sed, vt quidam volunt, rationalem etiam animæ partem lædunt. Simeon Sethi.

*Decimum*, faba, flatuosum enim crassumq; & melancholicum generat fumum, qui horrenda & terribilia parit somnia, mentem perturbat ingeniiq; aciem obtundit, & spiritus visuos obtebrat. Galen. lib. 1. de alim. facult. cap. 26. & Simeon Sethi in Syntagm.

*Vndecimum*, lens: Ea visum integrum & inculpatū hebetat, ipsum immoderate exiccans. Galen. lib. 1. de alim. fac. cap. 25.

*Duodecimum*, fletus, præsertim immodicus: Hic enim cum retentricem oculorum facultatem imbecilliozem reddat, visum vehementer oblaedit, & sanam oculorum aciem nimio plus siccando hebetat.

*Decimum & tertium*, sinapi, quod acrimonia sua visum efficit debiliorem.

*Decimum & quartum*, conspectus Solis: Et hoc quidem ob excellentem eius splendorem ac nitorem, quibus visum destrui manifesta constat experientia & ratione. Sensibilibus enim exuperationes, vt libro 2. de anima, cap. 12. Aristoteles adstruit, sensuum instrumenta corrumpunt. Quod quidem Galenus etiam lib. 10. de vsu part. cap. 3.

iii.



in hunc modū scribens approbat: Solem ipsum, inquiens, si quis oculis inconniuentibus velit intueri, oculos celeriter perdet: multique in Solis defectibus, cum eum affectum qui Soli acciderat, planius nosse cuperent, fixis oculis Solem intuentes, imprudentes prorsus fuerunt occaecati. At enim per niuem iter facere, quam oculis sit perniciosum, si minus Xenophonti credis, experientia tibi discere id licet: Sin vero naturalius quippiam audire sustines, vbi ellychnium ardens, aut aliam quamuis flammam in Sole luculento constitueris, cernes eam protinus marcescere, atque etiam si prope quamlibet flammam magnam ellychnium posueris, vel aliam quamuis flammam minorem, repente extinguitur: cum quæ minor lux est à maiore vincatur semper ac dissipetur. Lege eundem etiam libr. I. de causis sympto. cap. 6.

*Decimum & quintum*, coitus: & maxime quidem intempestius ac immoderatio. Hunc enim paulo ante capiti, oculis, omnibusque sensuum instrumentis plurimum nocere ostendimus.

*Decimum & sextum*, ignis: Cuius frequens inspectio & splendor vehementer exsiccat oculos, visumque debilitat. Quo fit vt fabri ferrarii, & quicunque artes, quibus se suosque sustentant, ad ignem exercent, rubros fere & debiles habent oculos.

*Decimum & septimum*, labor: immodicus scilicet. Is enim sanguinem efficit sicciorem, sicut etiam reliquum corpus. Siccitas autem totam cutem indurat, atque adeo etiam eam qua pupilla integitur. Itaque vis illa conspiciendi cooperitur.



tur & delitescit. Aristoteles problemat. sect. 37. problem. 14.

*Decimum & octauum*, ictus siue percussio capitis, & maxime quidē qua parte oculi sunt. Cum enim sanguis inde, sicuti precedente capite ostendimus, ad oculos rapiatur, accidit vt spiritus visui perturbentur, adeoq; visus ob id debilitetur, & apostema nonnunquam generetur.

*Decimum & nonum*, nimius acrium rerum usus: cuiusmodi falsamenta nonnulla existunt, quæ fumorum acrimonia aciem oculorum obtundunt.

*Vigesimum*, puluis, siue ambulatio per loca puluerulenta: puluis enim ad oculos pertingens visum maxime obscurat.

*Vigesimum primum*, immodicæ vigiliæ: quæ non oculos tantum, sed totum etiam corporis habitum impensius exsiccant & extabefaciunt.

*Ad hæc* nocet oculis quolibet repletio, & quicquid naturam exsiccat, quicquid item sanguinem conturbat, siue ex rebus sit falsis, siue acribus, siue etiam aliis: & omnis ebrietas. Vomitus medio quodam modo se habet: confert enim quatenus ventriculum expurgat, nocet vero quatenus cerebro insidentes materias commouet, adque oculos defluere facit. Quod si necessarius fuerit, cum facilitate à sumpto cibo pronocandus est. Somnus quoque superfluous, quique repletionem mox subsequitur, infestus admodum est oculis. Sic quoque copiosa sanguinis detractio. Potissimum vero quæ per frequentem circubitularum affixionem celebratur. Plura Auicenna 3. 3. tractat. 1, capite 5. & 3. 3. tractat. 4. capite 6.

DE



BONA VALETVDINE.  
DE CORROBORANTI-  
bus visum.

307

CAPVT LXXIX.

**F**oeniculus, verbena, rosa & chelidonia, ruta,  
Subueniant oculis dira caligine pressis.  
Nam ex istis aqua fit, quæ lamina reddit acuta.

Quinq; hoc loco recensentur herbae, quarum  
succo & stillatio liquore siue aqua visus refici-  
tur ac recreatur.

*Prime*, fœniculus: succus namque caule & fo-  
liis expressus siue destillatus, quemadmodum  
lib. 3. ad Alman. cap. 47. Rhazes testatur, & nos  
supra cap. 49. abunde ostendimus, ad excitandâ  
oculorum aciem præstantissimus habetur.

*Secunda*, Verbena siue Verbenaca, *ῥοσσερεῖνα*  
*ἢ ἰεργὴ βορένλη* Græci vocant. Huius stillatitius  
liquor semel aut bis oculis quotidie admotus, i-  
psorum vitiis mederi perhibetur. Qua ratione  
oculorum remediis plurimum misceri solet. Se-  
men eius, vt in Pandectis Syluaticus refert, cum  
succo fœniculi impositum oculos emundat.

*Terna*, rosa: Cuius aqua refrigerando & ad-  
stringendo oculorum potissimum fluxiones co-  
hibet, animalemq; spiritum ac visum corrobo-  
rat. Succus recentibus foliis expressus Dioscori-  
di lib. 1. cap. 109. ad oculorum circumlitiones  
reconditur.

*Quarta*, chelidonia. Huius succus claritati ocu-  
lorum vtilissimus est, quemadmodum satis su-  
perque ostendimus supra, cap. 71.

*Quinta*, ruta: herba vulgo cognita, quæ visus  
aciem excitat, grauesq; oculorum dolores em-  
plastri modo imposita cum polenta mitigat. Plu-  
ra supra capite 61.

V 2

DE



DE CONSERVANDA  
DE DOLORE DENTIVM  
sedando.

## CAPVT LXXX.

*Sic dentes serua, porrorum collige grana,  
Vre cum hyoscyamo, adiuncto quoq, thure, decen-  
\* Sic per chonion & fumum cape dente remotum.*

*al. Sicq, per  
eribotum.*

Remedium hoc in loco traditur efficacissi-  
mum ad sedandum dentis ex erosione dolorem.  
Id constat seminis hyoscyami albi & porri, sin-  
gulorum partibus iiij. & seminis cepæ partibus  
ij. S. thuris parte vna. Primum optime præmun-  
dato dente omnia simul comburantur exurgen-  
temque hinc fumum æger admittat, infundibu-  
lo adhibito ad affectum dentem. Lege de hoc  
plura apud Æginetam libro 3. capite 26. Aetium  
libro 8. cap. 33. Auicenn. 7. 3. capite 19. Mesuën de  
ægritudinibus oris, titulo de vermibus dentiũ:  
& Rosam Anglicam capite de dolore dentium.  
Hyoscyami natura est ἀνώδυνη & quæ doloris le-  
uamentum adeo præstat, vt vix percipi quidem  
amplius possit. Fumus vero seminum porri at-  
que cepæ, Auicenna 2. Canon. cap. 547. teste, ac-  
commodatissimus est necandis eiiciendisq; ver-  
mibus, qui in erosio nonnunquam dentibus in-  
tolerabiles cruciatus excitant. Hyoscyamus, vt  
lib. 4. cap. 64. à Dioscoride describitur, frutex est  
caules emittens crassos, folia lata, oblonga, di-  
uisa, nigra, hirsuta, flores è latere caulis ordine  
prodeunt, tanquam punicorum cyrini, scutulis  
septi seminum plenis vt papaueris, ἡρίζα μετ'  
ὁξὺς ἐψηθεῖσα, ὁδὸν πηλγίας ἐστὶ Διόσκλυτος. Id  
est, radice eius in aceto elixa, vtiliter in dolore den-



dentes colluuntur. Quod Macer lib. 2. cap. 35. hisce versibus confirmat:

*Ore diu tepidum si contineatur acetum,  
Quo sunt decocta radices illius herba,  
Dicitur immodicum dentis pacare dolorem.*

Porro *χώνιον*, quod in emboti locum substitui-  
tuimus, *δῖο τῆς χώνης* diminutivum est, signifi-  
cat infundibulum.

## DE RAUCEDINE VOCIS.

## CAPVT LXXXXI.

**N***Vx, oleum, frigus capitis, anguilla, potus :  
Ac pomum crudum, faciunt hominem fore rau-*  
*cum.*

Sex causæ raucedinis hic recensentur.

*Prima, Nux :* ea enim cum vehementer exic-  
cet, vocem exasperat, gruumque clangoribus si-  
milem efficit.

*Secunda, Oleum :* & maxime quidem, quod  
ex immaturis oliuis exprimitur. Huius enim  
glutinosa quædam pars, dum in ore continetur,  
ad asperam delabitur arteriam, ipsamque diu-  
tule inhaerendo stringit & exasperat. Omne  
præterea oleum in biliosis corporibus prompte  
accenditur, quare vocalem sæpe arteriam ipsis  
exasperat, raucedinemque parit. Quod oleo  
attribuitur hoc in loco, id ipsum etiam de caryi-  
no, quod è nucibus conficitur iuglandibus, in-  
telligi potest.

*Apor. lib. 1.  
Cōmentar. 5.*

*Tertia, frigus capitis :* ipsum enim caput com-  
primit ac stringit: quo fit vt humores, qui sunt  
in cerebro, deorsum ad asperam arteriam de-  
fluant, eamque immodice humectando rauce-  
dinem excitent.



*Quarta*, anguilla: De ea satis supra, capite 31. dictum est.

*Quinta*, potus: nimius scilicet, & maxime quidem, si instante nocte atq; hora somni exhibeatur. Asperam enim arteriam immodice rigat & humectat: quæ ex medicorum omnium sententia potissima raucitatis causa est.

*Sexta*, pomum crudum: quo nomine quilibet fructus crudi intelligendi hoc in loco veniunt. Quatenus enim crudi existunt, phlegmatis generant multitudinem. Quod si immaturi præterea ac styptici fuerint, fauces exasperant, raucedinēque pariunt. Plures causas raucitatis enumerat Auicenna 10.3. Tract. 1. cap. 1.

## RHEVMATIS REMEDIA. CAPVT LXXXII.

**I**eiuna, vigila, caleas dape, tuq; labora.

Inspira calidum, modicum bibe, comprime flatum,

Hæc bene tu serua, si vis depellere rheuma.

Si fluat ad pectus, dicatur rheuma catharrus:

Si ad fauces, branchos, si ad nates, esto coryza.

Hic septem enumerantur rheumatis remedia:

*Primum*, fames, siue ieiunium: per hoc enim ipsius consumitur materia. Fames enim, ut aphor. 59. lib. 7. Hippocrates adserit, corpora exsiccat: & hoc quidem ex accidēti. Nam cum fame scimus, si in fame perseueremus, naturalis calor, qui nunquam cessat, pabulo in quod agat destitutus carniū humiditatē exsiccat. Quare rheumatis quoq; materiam concoquendo ac dissilando consumit.

*Secundum*, vigilia: quæ & ipsæ sane cum totum corporis habitum, quemadmodum libro 7. capi-



BONA VALETVDINE. 311

te 6. methodi medend. & comment. 28. libro 2. aphorif. Galenus testatur, fufficienter exiccent, rheumatis etiam caufam, nempe cerebri humi- dirates neceffario confumunt, vaporumq; copia ad caput tranfmitti prohibent.

*Tertium*, cibi calidi: praefertim fi à frigida ma- teria *ῥεῦμα* initium duxerit. Eam enim cibi cali- di concoquunt ac maturant.

*Quartum*, labor. Hic enim ficuti libr. 2 de dia- ta Hippocrates adferit, fuapte natura fuperflu- demit. Cuius deinde hanc affert caufam, nempe quod corpus ficcet. Corpora enim laborantium calefiunt: quibus calefactis attenuatur & repur- gatur id quod in ipsis fuperfluum eft.

*Quintum*, calidi aëris infpiratio: & maxime quidem, fi ex frigida materia fit rheuma. Ea namque per calidi aëris attractionem incalefcit ac maturatur.

*Sextum*, moderatio potus: Nam & hæc corpo- ra, perinde ac fames, exiccat: adeoq; rheumatis materiam maturando diffipat atque confumit.

*Septimum*, cohibitio fiue retentio fpiritus. Ea frigido potiffimum auxiliatur catarrho: frigefa- ctas namque peëtoris particulas, Aëtio libro 8. capite 54. teste, calfacit, materiamq; catharri pi- tuitofam ac frigidam concoquit, difpergit atq; confumit. Galeno lib. 3. cap. 3. de fanitate tuend.

*τὸ πνεῦμα τὸ κρυτὸν ἢ κρυπτήν* dicitur. His amplius oportet vt is qui catharrum patitur, caput fuum moderato calore continenter foue- at, & à frigore, Boreali praefertim, tueatur: & ma- xime quidem poft diutinos Austri flatus. Siqui- dem caput, vt comment. 2. lib. 3. aphor. Galenus fcriptum reliquit, repletum eft in calida atque hu-



humida austrina constitutione : Frigus autem Septentrionis superueniēs, ceu manus quadam extrinseca capiens ac premens cerebrum, veluti spongiam quandam exprimit illam, quæ in ipso continetur, humiditatem. Hæc vero delata alias ad alium locum, ex ijs qui faciles sunt ad patiendum, multos generat morbos. Minime tamen sub dio solaribusve radijs nudum exponendum est, neq; ad luculentum ignem diutius commorando excalfaciendum. Eo nanque modo rheumata augentur. Multam quoq; ciborum ingestionem, præsertim vaporosorum, ac vini potum fugiat : imo vero quod fieri potest, famem ac sitim toleret. Caueat etiam à potu aquæ glacialis ac niualis, præterea supinum decubitus vitet, ne peccans humor in posteriorē partem & dorsalem medullam deferatur. Ea enim pars cum manifesto careat meatu, quo materia excernatur, periculum est, ne ad nervos penetrans convulsionem aut paralyfin generet. Somnum item fugiat diurnum, quantumcunque potest vigilet : quoniam est radix curæ. Hæc fere Rhazes libro 9. cap. 14. ad Almasorem, & Auicenna 5.3. tractat. 1. cap. 13.

Ultimi duo versus differentiam inter catarrhum, branchon, & coryzam continent. Rheuma autem nomen est generale ad quemlibet materiæ defluxum  $\delta\pi\sigma\tau\acute{\epsilon}\rho\omega$ , quod est, fluo. Eius species siue membra sunt catarrhus, & coryza, de quibus supra cap. 3.

Porro rheumatis generatio imbrium generationi similis est, quemadmodum lib. 2. de partib. animalium, cap. 7. Aristoteles docet. Cum enim ex terra vapor exhalat efferturq; in sublime à ca-

le-



lore, vbi supernum aërem subierit frigidum, consistit: denuo in aquam propter refrigerationem conuertitur, atq; in terram defluit. Fluxiones etiam sic ex capite oriuntur, in ijs corporibus quibus cerebrum frigidius est, quam temperamentum modicum postulet. Cum enim alimentum per venas sursum respirat, vbi excrementum ob eius loci vim refrigeratum est, fluxiones pituitæ, saniei; mouet. Haftenus Aristoteles.

DE CVRATIONE FISTVLÆ.  
CAPVT LXXXIII.

**A**uripigmentum, sulphur miscere memento.  
*His decet apponi calcem, coniunge saponi.  
Quattuor hac misce, commixtis quattuor: fistis  
Fistula curatur, quater ex his si repleatur.*

Medicamentum hoc in loco pro fistulæ curatione describitur longe optimum: quod (vt præter quotidianam experientiam, recentiorum fere omnium scripta testantur) neminem vnquam fefellit: Nempe vt fistulis infundenda collyria, siue penicilla ex auripigmento, hoc est, arsenico, sulphure, calce. & sapone commisceantur. His enim omnibus insignis quædam inest erodendi, exiccandi, discutiendi, abstergerendi, & emundandi facultas: quæ ad fistulæ curationem cum primis necessaria est.

Auripigmentum siue arsenicum facultatis est causticæ siue vrentis, idq; tam cōbustum, quam vstionis expers. Discutit, attrahit, erodit, consumit & emundat. Crustas cum vehementi vredine & violento morsu excitat. Reprimit quæ crescunt, & capillos euellit. Quod vero sublimatum est, cancrum, lupum, esthiomenon, noli me



tangere, fistulam, & omnes tales pessimos morbos prima die occidit & extirpat.

Sulphur substantia tenue est, calfaciendi & ipsum vim obtinet, celeriter concoquit, attrahit, detergit & discutit.

Calx omnis cōmuniter habet feruidam vim, erodit,urit, & igniū modo crustas inducit. Calx vero in aqua elota absque morfu desiccatur: ac si bis terque aut amplius abluta fuerit, plane mordacitatis expers constituitur, ac strenue absque mordacitate exiccat.

Sapo, qui Græcis etiā *σμήγμα* dicitur, est pingue illud album siue nigrum, quo vestes mulierculæ lauant, abstergunt & emundant. Calfacit quidem & desiccatur, sed reliquis paulo remissius. Aptissimus est ad emolliēdos tumores in *σχιρρῶν* induratos. Q. Serenus Samonicus prima longa extulit cap. 1.

*Attrito sapone genas purgare memento.*

Porro fistula (quæ Græcis *σύνειξ* nominatur) arctus oblongusq;, & callosus est sinus, aliquatenus indolens, assidue & periodice, id est, secundum diuersa tempora siue lunationes, ut vocant, fluens. Hic magna parte ex abscessibus parum dextre curatis oritur, sed & ex aliis nonnunquam vlcere generibus ac sinibus perperam curatis, nascitur. Hæc autem nomen accepit ab arundinearum fistularum tralatione: quandoquidē in eis cauitas quædam deprehenditur, arundinū cauitatibus similis. Plura Cornelius Celsus lib. 5. cap. 8. Paulus Ægineta lib. 6. cap. 77. Auicenna 4. 4. tract. 3. cap. 11. & Ioannes Tagaultius lib. 3. chirurg. instit. cap. 18.

D E



BONA VALETVDINE. 315  
DE DOLORIBVS CAPITIS.  
CAPVT LXXXIV.

*Si capitis dolor est ex potu, lymphæ bibatur:  
Ex potu nimio nam febris acuta creatur.  
Si vertex capitis, vel fons æstu tribulentur.  
Tempora fronsq; simul moderate sæpe fricentur,  
Morella cocta nec non calidæq; lauentur,  
Istud enim credunt capitis prodesse dolori.*

Duo hic traduntur remedia doloris capitis.

*Primum*, si cuiuspiam ex nimio vini, vel alterius cuiuslibet liquoris inebriantis potu dolor accidat capitis, ut is in potu aqua utatur frigida. Ea namque frigiditate ac crassitudine sua impedit, ne fumi ex eiusmodi potu sursum euecti cerebrum petant ac lædant.

*Secundum*, si cuiuspiam vertex capitis, siue frons nimio calore æstuet, ut ei tempora & frons moderate primum fricentur, ac calida deinde aqua decoctionis morellæ lauentur.

Porro Morella, siue Maurella, ut diserte admodum Ianus Cornarius in cap. 34. lib. 2. Macri exponit, dicitur solatrum Officinis appellatū, ob atrum acinorum colorem Mauros referentem. Græci *ἐρύχρον καὶ μαῖον*, Latini vero Solanum vocant hortense. Notum est omnibus, utunturque illo ad omnia ea quæ refrigerari adstringiq; possunt: potest enim hæc duo ordine secundo, Galeno lib. 8. cap. 144. de simpl. med. facultat. testis. Folia per se trita & imposita, capitis dolores sanant. Dioscorides lib. 4. cap. 71.

In quibusdam exemplaribus hi versus contra fluxum ventris subiiciuntur.

*Quæ*



*Qui fluxum pateris, si non caueas, morieris,  
Concubitum, nimium potum, cum frigore motum.*

DE QVATVOR ANNI  
temporibus.

CAPVT LXXXV.

**T**emporis aestiui ieiunia corpora siccant,  
*Quolibet in mense & confert Vomitus, quoque  
purgat*

*Humores nocuos, stomachus quos continet intus.*

*Ver, Autumnus, Hyems, Aestas dominantur in anno.*

*Tempore vernali calidusq; aer madidusq;*

*Et nullum tempus melius est Phlebotomia.*

*Usus tunc homini Veneris confert moderatus,*

*Corporis & motus, ventrisq; solutio, sudor,*

*Balnea, purgentur tunc corpora per medicinas.*

*Aestas more calet sicca, & noscatur in illa*

*Tunc quoq; praecipue cholera rubra dominari,*

*Humida frigida fercula dentur, si Venus extra,*

*Balnea non prosunt, sint rara phlebotomia,*

*Utilis est requies, si cum moderamine potus.*

Plurima hisce versibus comprehenduntur.

Ac primum quidem, quod ieiunia corpus per  
aestatem validissime exiccent. Aestas enim cum  
calida sit ac sicca, necessario talem etiam vim,  
nempe calidam & siccam in corpore exercet. Cu-  
tem igitur efficit rariore, poros aperit, sudoreq;  
elicit, quo fit, ut humoribus large discussis ac  
consumptis corpus vehementer exicceetur. Super-  
ueniente autem insuper & ieiunio, magis omnino  
exarefieri necesse est. Naturalis siquidem calor,  
ut cap. 82. ostendimus, humido destitutus cibali  
in propriam agit carniū humiditatē, ipsamq;  
exhaurit & exiccat: Fames enim corpora siccant.

*Secur-*



*Secundum*, quod vomitus singulis mensibus semel aut bis prouocatus, plurimum tuendæ sanitati adferat emolumenti. Ventriculum enim à bile & pituita cæterisq; prauis ac vitiosis humoribus, quibus grauatus fuit, exonerat. Atque hoc quidem de Hippocratis consilio constat. Nam in libro de salubri diæta ita scriptum reliquit: Melius est, vt is qui singulis mensibus vomere consuevit, continuo biduo hoc agat, quam interpositis quindecim diebus: ita enim secundus dies prioris reliquias extrudit. Quæ quidem sententia in libro etiam de insomniis repetitur. Galenus quoque libro 5. de vsu partium, cap. 4. hanc Hippocratis sententiam his confirmat verbis: Recte igitur veteres medici vomitus à cibis in singulos menses, repeti præcipiebant, alii quidem semel, alii vero bis. Omnes autem hi qualitates ipsas eo casu comedendorum acres atque absterforias deligendas suadent, vt pituita omnis è ventriculo purgetur: neque prauo succo corpus adficiatur. De hoc nonnihil etiam supra, cap. 15. Cur vero arte vomitum interdum moliri oporteat, Auicenna 4.1. cap. 13. hanc potissimum adsignat causam. Nempe quod ventriculo à natura nihil ordinatum sit, quo irritante sua sponte expurgari queat: sicuti intestinis flaua bilis: quæ descendens ipsa facile & abstergit & emundat. Idem eodem in loco quamplurima etiam vomitus recenset commoda, siquidem recte fiat, & vomens suapte natura facile ferat.

*Ac primum* quidem, quod capitis grauitatem tollat: idque maxime, si ex humorum ac vaporum multitudine è ventriculo ac membris inferioribus sursum vergente contracta sit. Si vero à  
pro-



proprio ipsius cerebri fuerit nocumento, ab eo cauendum, vt qui grauitatē augere magis soleat.

*Secundum*, quod visus aciem subtiliorem reddat: praesertim si visus ob vaporum copiam ē ventriculo sursum ascendentem obscuratus fuerit: alias enim offendit potius.

*Tertium*, quod nauseosam auferat satietatem: humorem enim in ventriculi spatio innatantem ac nauseam excitantem euacuat.

*Quartum*, quod illi etiam, ad cuius ventriculū, flaua bilis confluens cibum corrumpit, egregie opituletur: eam enim per superiora exturbat.

*Quintum*, quod stomachi subuersionem atque abominationem ex pinguium ac dulcium alimentorum esu contractam submoueat.

*Sextum*, quod *ἀνορεξία* id est, appetentiæ amissionem, & corruptum ipsius ventriculi desiderium, quo nimirum acria solum, aut acida, aut pontica appetuntur, curet. Vomitus namque cuiusmodi affectionum causas omnes remouet: remotis vero causis, effectus quoque tolli necesse est.

*Septimum*, quod corporis ex humorum redundantia lassitudini cōueniat, euacuata enim materia, vires corporis omnes leuantur & recreantur.

*Octauum*, quod renum ac vesicæ vlceribus succurrat: materiam namque eo corruentem ad oppositam abducit partem.

*Nonum*, quod lepræ auxilietur: & maxime quidem, si cum vehementi vomitiuo, quale veratrū cum primis existit, eliciatur. Hoc enim lepræ materiam eradicatu difficilem ē remotis locis subducit. Quinetiam primæ cōcoctionis errata corrigit:



rigit: quo fit vt & reliquæ concoctiones absolutiores fiant. Lepræ enim origo est ex concoctionis facultatis corruptione.

*Decimum*, quod corporis colorem ex vitioso aliquo humore deprauatum emendet: ipsum enim à cute alio deriuat.

*Vndecimum*, quod epilepsiam ex vetriculi cum cerebro sympathia obortam curet: humorem enim, cuius euaporatione epilepsia accidebat, è ventriculo expellit.

*Duodecimum*, quod ictero, illi præsertim qui ab obstructionibus initium ducit, medeatur: vehementiore siquidem vomendi conamine obstructionum materia à locis, quos obsidebant, auertuntur. Ad hæc materia etiã pituitosa, quæ eiusmodi fere parit obstructiones, vomitu educitur.

*Decimumtertium*, quod asthmati subueniat: causam eius antecedentem tollit. Quin thoracem etiam ac pulmonem calefaciendo superfluitates absunit, vnde asthma gignebatur.

*Decimumquartum*, quod tremorē atq; paralyfin curet: harū enim passionū materiam aufert.

*Decimumquintum*, quod magna & nigra vlcera in extremis partibus, & impetiginem (materiam diuertendo) curet.

*Quamquam* vero vomitus rite prouocatus dictorum commodorum omnium sit autor, cauendum tamen vnice erit, ne is qui valere & fescere volet, vomitū quotidianum habeat. Nam eius frequentia assiduusq; vsus stomachum sentinam & lacunam facit omnium superfluitatū. Præterea surditatem etiam inducit, visui obest, thoracis pulmonisq; venas disrumpit, nocet dentibus & doloribus capitis, maxime si nō ex ventriculi



triculi vitio orti sint. Cæterum in eliciendo vomitu summa diligentia considerandum medico, qui ad vomendum faciles, quiq; difficiles futuri sint. Difficulus enim vomentes ad vomitiones non sunt cogendi, sed per inferiora potius purgandi. Difficulus enim vomentibus, ubi eos ad vomendum vrseris, venarum quæ in thorace sunt ruptionis periculum imminet. Difficiles autem & inepti ad vomendum sunt mediocriter carnosì, & angusto thorace præditi. Contra vero faciles & idonei, qui tenues gracilesque natura sunt, & amplum obtinent thoracem. Quæ singula Hippocrates libro 4. aphor. 6. & 7. ita scribens confirmat: Graciles & ad vomendum faciles, per superiora purgare conuenit: qui vero ad vomendum difficiles sunt, & mediocriter carnosì, hos per inferiora purgare oportet. Tempus vomitioni aptissimum est æstas, utpote in qua biliosi potissimum humores generantur, qui facile sursum feruntur, & per vomitum sine negotio eiiciuntur. Quod Hippocrates etiam libro 4. aphorismo 4. ita scribens confirmat: Æstate quidem superiores magis ventres, hyeme autem inferiores medicamentis purgare conuenit. Neq; obstat quod Hippocrates in libro de diæta salubri, aphorismo 15. contrarium adstruere videatur, sex hybernis mensibus vomere utile esse tradens: & Celsus libro 1. capite 3. vomitum vtiliorem hyeme quam æstate esse scribat: quod vterq; in iis locis de pituitæ vacatione, quæ citra purgantia medicamenta fit, loquatur. Quando enim hyeme in ventriculo pituita generatur, necesse est ut illam vomitibus expurgemus. Verum vniuersum corpus si purgare instituamus, æstate



æstate per superiorem ventrem, hyeme per inferiore, vt est in aphorismis relatum, purgabimus. Quid multa? vniuersum corpus æstate per superiora & vomitum magis purgandum: hyeme vero per inferiora. Pituitam vero in ventriculo tantum coaceruatam hyeme vomitu eiicere nihil prohibet, imo plurimum confert. Porro quid ex eis quæ per vomitum quouis tempore eiiciuntur prædicere liceat, Hippocrates libro secundo prognost. aphor. 38. & sequentibus, & post eum in suis commentariis Galenus abunde docuerunt. Lege plura apud Leonhardum Fuchsi-um lib. 2. Sect. 5. cap. 25. Institut. medic.

*Tertium* ex iis quæ in præscriptis notantur verbis est, quod quatuor sint anni tempora, Ver scilicet, Æstas, Autumnus, & Hyems. Et inter hæc Ver, licet per se sit omnis excessus plane in medio, quemadmodum libro primo de temperamentis, capite septimo Galenus testatur: respectu tamen habito ad reliqua tempora, calidum dicitur ac humidum. Hoc tempus sanguini mittendo accommodatissimum est: siquidem æquale est, atque adeo neq; nimis calidum neq; supra modum frigidum: vt rectissime ab Hippocrate libro septimo aphorism. 54. dictum sit: Quibus sanguinem à venis detrahere confert, iis vere sanguinem mittere prodest. Hoc item tempore sanguis in corporibus augetur. Conuenit autem vt in vere ad imminuendam repletionem, Venus, motus, ventris solutio, sudor, & balnea sint moderata. Hoc etiam tempus, vt lib. 6. apho. 47. Hippocrates testatur, aptum est corporis purgationi, quæ fit per medicamenta.

*Quartum*, quod æstas calfaciat atq; exiccet, ac

X

pro-



proinde flaua bilis, quæ calida & sicca est, per ipsam in corporibus augeatur. Ad moderandam igitur *διεσπείριαν*, quæ corporibus ratione temporis accedit, alimentis vtendum est frigidis ac humidis: abstinendum à Venere & crebris balneis. Nam & hæc exsiccant. Et nisi necessitas cogat, rara sit phlebotomia. Sit quies & paucus motus: quies enim humectat, motus exsiccet. Potu vtendum moderato, præsertim frigido: superfluum namque frigidi potus sumptionem obpororum apertionem subita nonnunquam corporis in frigidatio, vel paralytis, siue laxitas membrorum, aut repentina mors consequitur. De anni temporibus plura diximus supra, capite decimonono & quinquagesimo sexto.

DE NUMERO OSSIVM,  
dentium, & venarum in humano corpore.

## CAPVT LXXXVI.

*Ossibus ex dentibus centemque nouenis,  
Constat homo, dentibus & duodenis,  
Ex tercentenis decies sex quinqueque venis.*

Traditur hoc in loco, quot in vniuersum sint ossa, dentes ac venæ humani corporis. Ossa quidem fiunt è semine, cum id quod est crassissimum à calido vrente induratur, sicut lapides coquuntur à calido vrente. Sunt autem ossa veluti truncus sustinens reliquum corpus. De horum numero haud parua inter ipsos artis Medicæ scriptores dissensio est. Hic enim ducenta ea esse & nouendecim asseritur. Ioannes Tagaultius excellentissimus nostri æui medicus, du-



ducenta & quadraginta sex hoc disticho complexus est:

*Adde quater denis bis centum senaque, habebis  
Quam sis multiplici conditus osse semel.*

Nonnulli 304. constituerunt. Sed Rhazes lib. 1. cap. 2. ad Almanforem, ducenta & quadraginta octo ea esse Galeni autoritate probat. Cum omnia, inquit, corporis ossa numerata fuerint: prout Galenus numeravit, ducenta & quadraginta octo erunt. Cui subscribit etiam vulgatissimus hic versiculus:

*Ossa ducentena atque quater sunt & duodena.*

Secundo deinde loco dicitur, homini inesse 32. dentes: & hoc quidem in corpore bene constituto, ut qualibet maxilla, tam superior, quam inferior, sexdecim dentium sit capax. Quaterni primores siue aduersi *τομείς & τομῆγι* Græcis nominantur, item *γελᾶσται*, quod inter ridendum retegantur, Latinis incisores siue incisorii, quia cibum in os primo allatum confringant & incidant: singulis tantum radicibus nituntur. Horum vero lateribus adiacent in qualibet maxilla duo acuti, canum dentibus similes (vnde *Κυνόδοντες* vocati) cinguntque tomos ex omni parte, quorum munus est, morfu diuidere escas, atque eas discriminare. Simplici radice constant, quemadmodum incisorii. Sed caninorum qui superiores sunt, longissimas habent radices, ut ad oculorum orbem fere pertingant, nervisque, qui labri superioris motores ab oculorum regione per superius foramen emergunt, admodum vicini sint. Vnde fit ut altero ex his dentibus auulso, periculum nonnunquam im-

*Dentes.*



mineat, ne parte aliqua offendantur oculi, quapropter vulgo dentes ocularii dicti. Magnum dum nascuntur dolorem infantulis infligunt, & si quando defluxio à cerebro in eam gingivæ partem infederit, in quam implantantur (vel natu grandioribus) totius genæ & oculi dolorem pullatorium non sine febre suscitant. Intimis porro dentibus atteritur cibus iis maxillaribus siue molaribus nomen est inditum, Græci γαμφιδες & μύλως, siue μυλιδες vocant, quod cibos iam incisos & confractos à prioribus dentibus molant & comminuant: asperi enim sunt, duri & ampli, ut incisa à tomicis & confracta à caninis in laeuorem exactum terant. Sunt autem viginti: superius quidem decem, in utroque latere caninorum liti, totidemque inferius. Qui superiori maxillæ affixi sunt, triplice radice, interdum etiam quadruplici nituntur: alii vero duplici, nonnunquam triplici: præsertim qui duo ex iis aduersi & anteriores magis sunt: tertius enim perraro huiusmodi esse reperitur. Postremi dentes, qui sunt omnium reconditissimi, ac propemodum gingiua operti, Græcis σωφρονισήρις, quod scilicet eo tempore producantur, quo sapere solemus, & ὀψιγεννοί, id est, serotini, & Κραντήρις, quod ætatem perficiat & compleant, nuncupantur. Latini simpliciter Genuinos nominant, nonnulli dentes sensus & sapientiæ. Interdum ad septimum & vicesimum annum latent, unde Hippocrates in libro de carnibus, sic scriptum reliquit: Quin & in quarto septenario dentes enascuntur, plerisque hominibus duo, qui sapientiæ dentes appellantur. Interdum etiam

ad



ad octuagesimum annum, teste Plinio, lib. II. capite 37. Plura Galenus in libro de ossibus, capite 5. & lib. II. cap. 8. de vsu part. Auicenna prima 1. doct. 5. sum. I. cap. 5. Andreas Vesalius lib. I. cap. II. de humani corporis fabrica. Carolus Stephanus lib. I. cap. II. de dissectione. Et Leonhardus Fuchsius parte I. epitomes de humani corporis fabrica, lib. I. cap. 14.

Tertio demum loco traditur, humanum corpus constare ex trecentis & sexaginta quinque venis. Cuius rei certitudo ex anatomia petenda est.

## DE QVATVOR HVMORIBUS humani corporis.

### CAPVT LXXXVII.

*Quattuor humores in humano corpore constant,  
Sanguis cum cholera, phlegma, melancholia.  
Terra melancholica, aqua confertur pituita,  
Aër sanguineus, ignea vix Cholera.*

Hic de humoribus, qui ad humani corporis constitutionem necessario concurrunt, cum primis agitur. Sunt autem ii numero quattuor, sanguis scilicet, pituita siue phlegma, flaua bilis siue cholera, & atra bilis siue melancholia.

Deinde ostenditur, quodnam eorum sit temperamentum, & quomodo singulis elementis respondeant. Melancholia frigida ac sicca est, & terra respondet. Pituita frigida & humida existit, & aqua comparatur. Sanguis calidus est atque humidus, & confertur aëri. Flaua bilis calida ac sicca existit, & igni respondet. Quod sane vulgatis hisce versiculis maiores nostri innuere etiam voluerunt:

X 3

Humi-



*Humidus est sanguis, calet, est vis aeris illi.*

*Alger phlegma, humet q<sup>3</sup>, illi sic copia aquosa est.*

*Sicca calet cholera, & sic igni sit simulata.*

*Frigens sicca melancholia est, terra adsimilata.*

Sanguis omnium humorum facile praestantissimus est, vel quod materia sit spirituum, in quibus consistit vita & omnis actio, naturalis scilicet, vitalis & animalis: vel quod vitae principis conformis existat. Est enim temperate calidus ac humidus: vel certe quod praecipuus ipsius usus sit, ut nutriat. Ex eo enim omnes particulae corporis, ut multis in locis testatur Galenus, nutriuntur. Et ut vno verbo dicam: Sanguis naturae thesaurus & vitae fomes est: ut quo affatim effuso mors subinde sequatur. Hinc sane est, quod Moses 17. Levitici ita scriptum reliquerit: Anima omnis carnis in sanguine est. Significat autem anima Hebraeis vitam. Hanc cum dicit in sanguine esse, vult sanguinem vehiculum esse vitae.

*Phlegma.* Phlegma secundum probitatis locum sibi vendicat. Hic humor, ut testis est commentar. 39. libri de natura humana Galenus, in prima ciborum mutatione generatur. Colore autem albus existit, & concoctione in sanguinem mutatur. Quapropter quum sit veluti ex dimidio coctum nutrimentum, nullum quod pituitam expurget propriam instrumentum natura machinata est. Quippe in ventriculo generata pituita, quia fertur simul cum iis, quae ex cibi potusque humoribus in iecur distribuuntur, concocta iam sanguis euadit. Quod autem pituita in venas fertur, animali etiam ex usu est. Desiderat itaque talis humor non utique euacuari, sed in corpore manens alterari. Quod vero in intestinis  
relin-



relinquitur, à bile ex iecinore in ea defluente  
absterfum, commodissime ac celerrime per se-  
dem eiicitur, vt lib. 5. de vsu part. corp. hum. cap.  
4. fusius Galenus ostendit. Porro excrementum,  
quod à cerebro distillat, veluti Gal. 2. de natural.  
facult. capite vlt. attestatur, proprie non recte  
appellatur pituita, sed Græce βλέννα καὶ κέρυζα  
Latine, Mucus.

Flaua pallidave bilis sic à colore, qui est flauus  
pallidusve, appellationem accepit, simpliciterq;  
Græcis, Galeno in libello de tumoribus præter  
naturam, capite 10. teste ὁλὴ dicitur. Reliquas  
vero omnes biles eum coloris adiectione nomi-  
nant. Generatur autem bilis in hepate, ibi-  
demq; cum sanguine miscetur. Necessarium au-  
tem fuit, vt ab ea sanguis purgaretur, ne scilicet  
totius corporis color ab ea, haud secus quam in  
ictero, inficeretur. Hinc natura huic propriam  
sedem machinata est, vesicam nimirum, quæ ie-  
cori subest, & bilem ex eo ad se per conuenien-  
tem meatum trahit. Vfus autem bilis flauæ est,  
vt intestina à pituitosis excrementis repurget &  
abstergat, atq; eorundem excretionem adiuuet.  
Ad intestina autem defertur bilis per meatum  
duodeno inferrum.

Atra bilis naturalis veluti fax ac sedimentum  
sanguinis est, ideo colore, quod nomen satis in-  
dicat, nigra. Hæc autem, si volumus exquisite lo-  
qui, Galeno sect. 6. aphor. comment. 53. attestan-  
te, nondum atra bilis nominari debet, sed me-  
lancholicus humor. Neesse vero est ab hoc hu-  
more expurgari iecur, ideoq; instrumentum,  
quo ille expurgetur, natura lienem condidit.  
Qui si minus quam oporteat melancholicum



humorem ad se trahit, vt inde sanguis impurius, ita totum corpus redditur magis decolor. Vt hinc etiam peripicuum omnibus sit, eum humorem in iecore generari, à quo tandem in lienem transfertur. Vfus autem atræ bilis naturalis est, Galeno libro 5. de vsu part. humani corporis, capite 4. attestante, vt ventriculi actiones iuuat. Ipsa enim cum acerba & acida sit, ventriculum intendit, & in seipsum contrahit, & exquisitè comprehendere cibos cogit ac retinere, quousq; plene concoquantur.

Verum enimvero cum exacta humorū cognitio vtilissima cumprimis sit, & oppido quam necessaria, de ipsis latius nonnihil dicemus.

Sanguis igitur, vt comprehensum est, humor est calidus & humidus ex temperatiore parte ipsius chyli progenitus. Et hic quidem duplex est iuxta neotericorum diuisionem, naturalis, & non naturalis.

Naturalis, est humor calidus & humidus, substantia quidem mediocris, colore vero multum rubens, odore autem & sapore dulcis, mitis ac benignus.

Verum non naturalis ille dicitur, qui ab isto nuper descripto deflexit degenerauitq;, intra tamen suæ latitudinis terminos: quos si transgreditur, non iam sanguis, sed alius humor venit appellandus. Hoc autem (sanguinem, inquam, degenerare à propria sua natura) contingit dupliciter. Vno modo (vt aiunt) in se, hoc est, ratione sui, permutata propria eius substantia, citra alterius admissionem. Altero modo per alium, seu ratione alterius. Et per se quidem adhuc bifariam; nempe, vel quia eius substantia crassior est,



est, aut tenuior quam debeat: vel quia aduritur, & quod ex eo tenuius est, in flauam bilem mutatur: quod vero crassius, in atram, idq; absq; separatione. Alterius vero ratione sanguis fit non naturalis, quando alius humor illi permiscetur. Quod multifariam contingere potest, prout scilicet variae species bilis, pituita aut melancholia cum ipso sanguine misceri possunt: qui ob id multariam a naturali etiam differt. Ac primo quidem substantia: crassior enim est & turbidior, cum ipsi miscetur melancholia: tenuior, cum flaua bilis aut aquositas. Secundo, colore: pituita namq; ratione declinat ad albedinem, flauae bilis ad pallorem: melancholia vero ad nigredinem. Tertio, odore: foetet enim, cui humores admisti sunt putridi, omnino vero expers odoris est, cui crudi. Quarto, sapore: flauae bilis namq; admistione ad amaritudinem, melancholia ad aciditatem, pituita vero ad insipiditatem vergit. Auicenna i. i. doctr. 4. cap. 1. & Ioannes Tagaultius lib. i. institut. chirurg. cap. 6.

Phlegma, quod Latini pituitam vocant in generatione humorum sanguinem consequitur, maiorq; eius portio est in corpore secundum sanguinem, quam aliorum humorum. Est autem pituita duplex, naturalis, & non naturalis. Et naturalis quidem, est humor frigidus & humidus, substantia crudus, colore vergens ad quandam albedinem, sapore vero & (si fas sit dicere) odore ad dulcedinem. Hac certe concoctione in sanguinem mutatur: est enim potestate iam sanguis, sed nondum exquisitè concoctus. Est quoque modus quidam pituitae dulcis, quae non existit valde frigida, imo si cum corpore confera-

X § tur,



tur, paucæ admodum frigiditatis videbitur esse  
 particeps: si vero sanguine ac flaua bile, non  
 modo frigida, sed naturaliter etiam alba erit.  
 Dicitur autem dulcis, extenso nimirum hoc no-  
 mine ad omnes sapores, qui delectationem gu-  
 stui pariunt. Alias enim naturalis pituita ἀποιὸς  
 καὶ ὑδατώδης id est, qualitatis expers, insipida &  
 aquosa, hoc est, aqua saporis valde assimilis est.  
 Huic natura, ut dictum est, proprium instrumen-  
 tum, veluti flauæ bili & melancholiæ machina-  
 ta non est, sed simul cum sanguine fertur, ut in  
 ipsum opportuno tempore facile commutari  
 queat: similitudinem enim ipsi finitimam iam  
 atque propinquam habet. Huius quidem pitui-  
 tæ duplex est necessitas, & vna utilitas. Ac prior  
 quidem necessitas est, ut in hoc iuxta membra  
 sit, quo facultates eorum caliditate sua natura-  
 li in ipsa concoquenda ac distribuenda operen-  
 tur, ex eaquæ tempore indigentia nutriantur, cum  
 proprio videlicet alimento, quod est sanguis mi-  
 tis ac benignus, ob retentionem aliquam massæ  
 sanguineæ destituta fuerint: eam enim à ventri-  
 culo nonnunquam atque hepate ex accidente  
 quopiam retineri contingit. Altera necessitas  
 est, ut sanguini misceatur, ipsumquæ adeo mem-  
 bris phlegmaticæ constitutionis siue tempera-  
 turæ, quale cerebrum cum primis existit, atque  
 spinæ medulla à Galeno νῶτα καὶ μενέλα, ab  
 Arabibus vero Nucha appellata, nutriendis ac-  
 commodet. Horum namquæ sanguini pituitam a-  
 ctu admisceri oportet, iuxta mensuram, quam  
 materiæ necessitas exigit. Utilitas porro eius  
 est, ut articulos ac membra, quæ in continua  
 sunt atque iugi motione, humectet; ut scilicet

me-



melius inuerti possint, quia vbi non sint partes humectatæ, sed siccæ, difficiles sunt ad motum: & ne per calorem, qui ex motu & collusione proficiscitur, penitus exsiccentur. Non naturalis pituita est ea, quæ à modo descripta degenerat, intra tamen suæ latitudinis terminos, quos si forsan pertranseat, non iam amplius phlegma pituitave, sed alius humor dici debet. Contingit autem bifariam pituitam ipsam à propria sua natura degenerare: Vno quidem modo in se, quando scilicet in propria sui ipsius substantia citra alterius admisionem permutatur. Quod sane multifariam contingit. Alia enim iuxta sensus iudicium in substantia, hoc est, crassitie ac tenuitate partium suarum diuersa apparet: eaq; à similitudine muccaginis, quæ è seminibus quibusdam extrahitur, mucilaginosæ dicitur. Alia in substantia secundum sensus iudicium æqualis apparet, cum reuera tamen in partibus suis sit diuersa, eaq; pituita est cruda: quæ in ventriculo potissimum atque intestinis colligitur. Ac illam quidem, quæ in ventriculo residet, Hippocrates in libro de salubri diætâ, singulis mensibus bis vomitu expellendam præcipit. Ad alterius vero excretionem, quæ in intestinis congeritur, à natura constitutum est, vt flaua bilis è vesicula fells, quæ *χοληδὲξ* Græcis dicitur, ad ieiunum reliquaq; ad inferiora intestina deferatur, eaq; à pituitosis excrementis repurget & abstergat, ipsorumq; expulsionem iuuat. Hæc eadem interim in venis quoque, senum præsertim, ob concoctoriæ facultatis imbecillitatem coaceruatur, ibidemq; diutius hærendo augetur, ac crassescit. Huius vero molestiam

cum



cum ulterius natura non ferat, ipsamque per ordinarios meatus expellere nequeat, facit e possibilibus, quod melius est, repellitque à corde ac reliquis internis membris nobilioribus ad exteriora, eaque ignobilia, & præcipue ad tibias: quo naturaliter alioquin ob gravitatem suam tendit. Eaque causa tibiæ senum inflantur nonnunquam, adeoque in tumorem attolluntur, ut pressæ digitis fossulam repræsentent: & maxime quidem appropinquante nocte. Idem evenire nonnunquam pinguibus etiam atque obesis solet, qui que humidioribus oblectantur alimentis. Alia pituita tenuis valde est & aquosa, aquæ nimirum paululum admodum densatæ similitudinem quandam præ se ferens. Qualis quidem in salivis haud raro ac sputis illorum visitur, qui cibos minus belle conficiunt, qui que largius bibunt: consuevit etiam in corryzæ principio à cerebro in nares distillare. Hac eadem per decoctionem indurata, pituita evadit crassa ac mucilaginosa. Pituita alia crassa admodum est & alba: cuius quidem, quod tenue erat, ob diuturniorem in iuncturis moram evanuit: crassum vero inspissatum ac conglutinatum mansit ceu lapis quispiam. Hinc nodosa generatur podagra, morbus, ut Ovidius testatur, fere incurabilis. Sic enim lib. 1. de Ponto, eleg. 4. de illa cecinit:

*Tollere nodosam nescit medicina podagram.*

Alia vero pituita densa & crassa est, colore & lentore pondereque fuso ac liquefacto vitro similis: quæ ob id passim etiam apud rei medicæ scriptores vitrea appellatur. De qua copiose admodum Galenus libro 2. capite 7. de sanitate



rate tuenda & libro 1. capite 8. de sympto. causis, & libro 2. capite 6. de differen. febr. & libro 2. capite 5. de loc. affect. & libro 12. capite 8. methodi medend. Altero modo pituita efficitur non naturalis, per admissionem: quando scilicet alius quispiam humor illi extrinsecus accedit: verbi gratia, vel sanguis, vel bilis flaua, aut atra. Si sanguis pituitæ permisceatur, hæc dulcis efficitur: fiuntq; ex eo, sicuti in libro de multitudine, capite 17. Galenus testatur, somnolenti. Si crudi humores, insipida & aquosa: quæ propter infirmam concoctionem in corporibus redundans cibi fastidium parit, perindeque ac dulcis pituita aperte somnulosos facit. Si flaua bilis, salsa: hæc mordacior certe sicciorque, ac leuior cæteris pituitæ generibus inuenitur: nam flaua quoque bilis mordax, sicca & leuis est. Hæc quidem ex sapore sputi facile iudicari potest, & in corporibus intemperantium, qui fortia vina bibunt, & falsis vescuntur cibis, nascitur copiosius: ac inde perniciosi oriuntur catarrhi. Longo vero tempore in ventriculo residens intolerabilem nonnunquam excitat sitim. Diutius autem huc illuc per intestina discurrens ipsa fere exulcerat, dysenteriamq; generat & tænelinum. Si melancholia pituitæ permisceatur, ea acidâ efficitur, sapiusq; in imbecillo ventriculo, quam in aliis corporis partibus reperitur: melancholia enim naturaliter defertur ad os ventriculi, vt coctionem eius adiuvet, famemque ac naturalem appetentiam inuitet. Ea igitur subsidendo nonnunquam pituitæ miscetur, ipsamque reddit acidam: quæ ex acido certe rictu iudicari facile potest: fiuntq; ex ea in corporibus redundan-

te



te famelici. Quinetiam pituita per se nonnunquam in ventriculo ex chylo acida efficitur, citius alterius humoris admistionem: nempe à debili calore per modum ebullitionis. Ea pituitosius accidit frequentius, non secus ac dulcibus fructuum quorundam succis accidere solet. Primum enim illi feruent atque ebulliunt, deinde acescunt. Postremo vero pituita quadam melancholice pontice admistione pontica etiam efficitur: minus saepe tamen ob eius melancholice raritatem inuenitur. Talis autem melancholia oritur quandoque ex vehementi infrigidatione, qua nimirum humiditas eius (cum nullus accedat calor, neque debilis, quo ebulliens in acorem vertatur, neque fortis, qui cōcoquendo in sanguinem mutet) congelascit, & ad terram nonnihil essentiam inalteratur.

Bilis, quæ *χολή* Græcis dicitur, vulgo autem Cholera, est humor calidus & siccus, ex tenuiore & calidiori parte chyli, vel ex sanguine tenui & feruente procreatus. Hæc quoque duplex est, naturalis scilicet, & non naturalis. Naturalis, est humor calidus & siccus potestate: substantia quidem tenuis, colore vero flauus, aut ruber, declinans ad quandam citrinitatem, seu flauitiam: sapore vero exacte amarus, non autem acutus siue acris, ut quidam male affirmarunt. Hæc quidem in hepate generata in duas statim distribuitur partes. Vna cum sanguine ad venas deferitur: altera ad *κυστιν*, id est, vesiculam felle transmittitur. Quæ quidem cum sanguine deferitur, necessitatis & iuuamenti causa cum eo transit. Necessitatis quidem, ut sanguini permisceatur pro nutritione membri, in cuius temperatara con-



conuenientem flauæ bilis partem esse oportet iuxta mensuram, quam materiæ necessitas requirit. Galenus libro 5. de usu part. huma. corp. capite 6. de pulmone. Iuuamenti vero, ut sanguinem, quo commodius per angustos venarum meatus ad nutriendum penetret, subtiliorer reddat. Quæ vero de ea colata ad cystin fells transit, ob necessitatem itidem ac utilitatem eo transmittitur. Necessitas autem vel est ratione totius corporis, nempe ut ipsam à pituitosis ac biliosis excrementis repurget & abstergat: vel unius cuiusdam membri, ut nimirum vasa fellis nutriat. Utilitatis vero duo sunt iuuamenta: vñ, ut intestina ab inhærentibus fæcibus & viscoso phlegmate abluat & expurget: alterum, ut intestina & ani musculos pungat atque irritet ad excernendum quod ipsis noxium inest. Propterea quando porus, qui à vesica fellis ad intestina protenditur, obstructus est, male habent intestina in expulsionem excrementorum, & colica sæpe accidit passio.

Non naturalis vero bilis dicitur, quæ à prædicto humore vere bilioso degenerauit, intra terminos tamen suæ latitudinis continetur: quos si egrediatur, non iam bilis, sed alius humor reputabitur. Hoc autem (bilem inquam egredi limites suæ latitudinis) contingit bifariam: vno modo (ut sic dicatur) per se, & in se: altero modo per admistionem. Per admistionem quidem bilis efficitur non naturalis, seu præter naturam, cum alius humor illi extrinsecus accedit. Et hoc quidem fit multifariam. Alia enim est, cui pituita admiscetur: quæ, quod frequentius generari soleat, nota & famosa, siue maioris famæ vulgo appel-



appellatur: hinc sæpe tertiana notha oritur. Alia vero est, cui melancholia admiscetur, & dicitur minoris famæ. Bilis autem siue cholera maioris famæ duplex est, citrina & vitellina. Quando enim bilis naturalis cum pituita tenui & aquosa miscetur, appellatur bilis citrina: quando vero cum crassa pituita miscetur, vitellina bilis appellari solet, quod ouorum vitellis tum colore, tum crassitudine sit similis. Ex hac quidem vitellina rursum duplex est, sicuti vitellorum ouorum duplex est color. Quidam enim magis alii albicant, alii rufiores videntur. Bilis autem quæ rufioribus est similis, per assationem fit. Minoris quoque famæ bilis duplex est. Aut enim cholera naturalis miscetur atræ bili ex bilis naturalis assatione factæ, & hæc est peior, aut miscetur bilis naturalis cum humore melancholico naturali, qui in hepate cum aliis humoribus generatur, & hæc est melior: color eius ruber est, sed non clarus, neque floridus, imo sanguini qui in venis est similior. Bilis vero non naturalis per se & in se, id est secundum propriam suam substantiam, alia quidem in hepate sæpius generatur per adustionem eius quod tenuius inest in sanguine, crassum enim in melancholiam vertitur. Alia vero in ventriculo ex prauis alimentis non concoctis, sed corruptis: vel ex aliis humoribus in venis generatur. Et hæc quidem duplex est. Vna porracea, prassinam etiam vocant, quæ porri virorem præ se fert: generatur ex vitellina, quando aduritur. Adustio enim in cholera vitellina efficit nigredinem, qua cum citrinitate mista generatur viriditas. Altera est æruginosa, quæ æruginis colorem imitatur, & gigni-



gignitur ex porracea, quando eousque aduritur, donec humiditas eius exsicceetur, & ob siccitatem albescat. Et hæ duæ extreme quidem malæ sunt, sed æruginosa peior. Auicenna loco supra citato, & Ioannes Tagaultius libro i. capite 8. Institut. chirurg.

Melancholia si in vniuersum definiatur, humor est frigidus & siccus, ex crassiore ipsius chyli portione progenitus. Hæc quoque duplex est, naturalis scilicet, & non naturalis.

Naturalis, est boni sanguinis fax, ac veluti limosa quædam superfluitas, hoc est, crassior quidam sanguis, cuius color niger est, sapor vero acerbus, vel acidus, vt vomentibus eum non raro innotescit: hæc in hepate quidem, & in massa sanguinaria (in qua humores vniuersi continentur) generata in duas statim deducitur partes. Vna enim cum sanguine ad venas defertur, altera ad lienem detrahitur. Quæ quidem cum sanguine defertur, necessitatis & iuuamenti causa cum ipso transit. Necessitatis quidem, vt sanguini permisceatur pro nutritione membrorum, in quorum temperatura conuenientem melancholiæ partem esse oportet iuxta mensuram, quam materiæ necessitas exigit: sicuti sunt lien, ossa, & omnia membra terrestria. Vtilitatis vero siue iuuamenti, vt nimis fluidam illam sanguinis tenuitatem eousque restringat, firmet ac condenset, dum inde nutriendorum membrorum pars solida fiat. Requirit enim sanguis in hisce animalis particulis nutriendis crassitudinem quandam.

Altera pars nempe crassior magisque terrea, quæ non satis commode à naturali calore alte-

Y

rari



rari potuit, ob necessitatem pari modo ac utilitatem ad lienem seiungitur. Necessitas autem vel est ratione totius corporis, nempe ut ipsum à melancholiæ superfluitate expurget, vel unius cuiusdam membri, nimirum ut lienem nutriet. Utilitas vero eius est, ut ad os ventriculi profluens inuentas ibidem humiditates exprimat non aliter quam muliercula lac mulgendo è vaccarum vberibus solent. Et huius quidem utilitatis duo sunt iuuamenta: Vnum, ut contrahat ventriculum ac constringat: & cum acerba sit atque acida, non modo non lædat actiones eius, sed multo magis etiam promoueat. Nam ventriculum intendit ac contrahit in seipsum, cogitque cibos ad vnguem circumplecti, ac retinere quousque fuerint concocti. Alterum, ut acredine sua commotionem ac corrugationem in ventriculo faciat, quibus ventriculus ad cibi appetitionem excitatur. Talis autem virtus excitata, fames appellatur. Fit enim fames propter succum melancholicum tendentem ad os ventriculi, qui corrugando partem illā facit famem: ob id igitur succus melancholicus utilis in natura fuit. Melancholia non naturalis est, quæ à modo descripta naturali degenerat, intra tamen limites suæ latitudinis permanens: quos si prætergrediat, non iam amplius melancholia, sed alius humor diceretur. Eius quatuor differentiæ notæ communiter statuuntur, licet plures sint obscuræ.

Prima est, quando humor ipse melancholicus (qui naturalis dictus est, & quotidie gignitur in corpore, dum animal sanitate fruitur) in propria sua essentia torretur, adurit, & putrescit.



scit, fitque bilis atra exquisita. Talis enim, vt libro 14. capite 9. Therap. method. & libro de atra bile capite 3. & comment. 21. libro 4. aphor. Galenus ait, ex humore atro supra modum adusto conflatur, habetque splendidum aliquid, veluti bitumen & pix. Hæc autem (vere inquam, atque exquisita atra bilis nominata est) acida est, & in terram effusa velut acetum feruet, & ipsam fermenti ruti eleuat, tum omni animanti iniucunda adeo, vt ne mures quidem ipsi aut muscæ eam gustauerint, non magis quidem, quam copiosum salem, in quo nullum animans vitam peragit, vt mare quod Mortuum appellatur indicat. Porro tum gignitur huiusmodi nigra bilis, cum ille veluti sanguinis limus (quam melancholicam naturalem diximus) diutius moratur in corpore, & neque per aliquem sensibilem effluxum, neque occultum excernitur: verum transmutatur, corrumpitur & putrescit. Siquidem hic humor, vbi amplius incaluerit, aut propter putredinem, aut febrem inflammantem, nigram efficit bilem, inquit Galenus libro 14. capite 9. methodi medendi: quæ quidem frigida est, quia terrestris, sed tamen caloris non expers, quemadmodum & cinis, & acetum apparetque dum per aluum (vt contingit aliquando dysentericis) excernitur, splendidior ac nigrior ipso sanguine crassiore & nigriore, quem humorem melancholicum appellamus. Splendet enim veluti Mortui maris bitumen, quod Iudaicum vocant.

Secunda species seu differentia bilis atræ non naturalis est, quæ ex adustione aliorum humorum nascitur, vt illa quæ fit ex flaua bile vehemen-

Y 2.

men-



menter vsta: quæ etiamnum tantæ est malitiæ, vt & terram radat, & eam more bilis exquisire atræ in altum attollat. Sed & muscæ ipsam, non secus quam vere nigram bilem, refugiunt. Si sanguis quoque aut pituita in corpore vehementer incaluerint & exurantur, efficitur etiam melancholicus humor, non naturalis per adustionem dictus, vt voluit Auicenna. Verum duæ istæ postremæ species (quæ scilicet per sanguinis, aut pituitæ assationem fiunt) Auicennæ mitiores sunt. Scribit autem Galenus commentar. 29. libro tertio, prædict. Hippocrat. illam bilis atræ speciem, quæ ex flaua bile vehementer assata generatur, deteriorem esse ea, quæ ex crassiore sanguine generationem habet: qui subsidenti in dolio vini faecula aut amurcæ, hoc est, faci olei proportionem respondet. Hæc enim mitior est, sed potissimum quoties traxit nondum in animali moram cum aliquo calore abundante præter naturam. Verum priusquam in exactam atram bilem transmutetur, primo in vitellinam, secundo in porraceam, tertio in æruginosam transit.

Tertia species melancholiæ non naturalis est, quæ originem sortitur à lapidosa quadam concretionem, vt cum ab imperitis Medicis vel Chirurgis erysipelata & inflammationes (quas Græci *phlegmoræ* vocant) aut quicquid alii tumores ex naturalibus humoribus procreati admotis extrinsecus præfidiis nimis vehementer refrigerantur, adstringunturque: vel cum iisdem tumoribus ea quæ valenter nimis trahunt digeruntque medicamēta applicantur. Tunc enim toto quod in eis subtilissimum erat dissipato, id quod reliquum



quum est (nempe crassus) plus iusto desiccatum lapidis duritiem cōsequetur, atq; in melancholicum humorem vertetur.

Quarta melancholiæ non naturalis differentia exurgit, quando alius humor ipsi melancholiæ naturali permiscetur: quod dum fit, dulcoratur ac mitescit magis, nisi dum alterutra bilis adusta huic commiscetur. Siquidem tunc vel accrescit, vel amarescit, & erosionis non modicæ particeps efficitur. Auicenna loco antea citato, & Ioannes Tagaultius libro primo, capite decimo quarto Institut. chirurg. Plura Ioannes Baptista Montanus in i. r. doct. 4. cap. 1. Auicennæ, & Leonhardus Fuchsius libro 1. Sect. 4. capite 2. Institut. medic.

DE TEMPERATURA,  
siue complexione Sanguinea.

CAPVT LXXXIIX.

**N**aturæ pingues isti sunt atq; iocantes,  
Rumoresq; nonos cupiunt audire frequenter.  
Hos Venus & Bacchus delectant, sercula, risus.  
Et facit hos hilares, & dulcia verba loquentes.  
Omnibus hi studiis habiles sunt, & magis apti.  
Qualibet ex causa non hos facile excitat ira.  
Largæ, amans, hilaris, ridens, rubeique coloris,  
Cantans, carnosus, satis audax, atque benignus.

Signa, quibus sanguinea temperatura facile  
dignosci queat, hic recensentur.

Ac primum quidem, quod sanguinei sint pingues: quod de pinguetudine proprie dicta minime hoc in loco accipiendum est. Ea enim, sicuti Galenus libro 2. capite 9. de temper. & post eum



Auicenna 2.1.doct.3.capite 3. attestantur, ex habitus frigiditate gignitur, sed de pinguedine ad mediocrem corpulentiam siue carnis abundantiam extensa, quam *ῥοιγξίαν* Greci vocant. Siquidem rubrae carnis cum decenti firmitate abundantia calide & humida, hoc est, sanguineae temperatura nota est. Quibus enim plus est carnis rubrae, ii & virtutem assimilatiuam habent potentem, & sanguinis copiam: quippe quae (Galeno loco iam citato teste) vigeant inualefcantq; calido atq; humido. Corpulentia inquit siue abundantia carnis ex sanguinis copia nascitur. Cum enim calori intra debitos fines manenti boni sanguinis accedit copia, necesse est vt corpulentia sequatur. Idem innuere etiam his verbis Auicenna voluit: Corpus carnosum absque multo adipe & pinguedine calidum est, & humidum, id est sanguineum.

*Secundum*, quod sanguinei sint vel iocantes, vt qui multa iucunditate magnoq; iocandi lepore amicis ac familiaribus suis risum subinde moueant, vel lati, hoc est, alacri & erecto animo idque maxime ob spirituum, qui ex sanguinei humoris benignitate procreantur, subtilitatem & perfectionem.

*Tertium*, quod facetiarum iocosarumq; fabularum & nouarum rerum auditione eandem ob causam mirifice capiantur.

*Quartum*, quod prouisi admodum sint in Venere: Nimia enim Venus, seu intempestiuum eius desiderium fit ob multitudinē geniturae, quae ex sanguinis copia potissimum nascitur.

*Quintum & sextum*, quod conuiuia appetant, vino suauiter indulgeant, & cibis gaudeant optimis



ptimis atq; exquisitissimis, scilicet sui similibus, & quibus seruari possint, seruantur enim similia similibus.

*Septimum*, quod ridibundi sint, hoc est, facile rideant : quod Hippocratis etiam testimonio confirmatur, qui in libro de structura hominis ita scriptum reliquit : Qui puri sanguinis participes sunt, hi vsquequaque rident, & aspectu ac corpore floridi, nec non perspicui coloris existunt.

*Octauum*, quod hilares sint ac lato vultu, idq; ob viuidum maxime ac floridum colorem & venustatem corporis, hæc enim omnia sanguinem qui temperatus est consequuntur.

*Nonum*, quod blanda plerunq; & auditu iucunda verba ab ipsorum ore profuant, quod & ipsum utiq; ob sanguinis benignitatem euenire putandum est, οἷον γὰρ αἱ τῶν ἀνθρώπων κρείσσεις τοῦτο ἔστι καὶ αὐτῶν ὁ λόγος.

*Decimum*, quod ingeniosi hoc est, artibus quibullibet addiscendis idonei sint, nimirum ob vigorem & insitam ingenii ex sanguine vim, siue docilitatem. Hinc etiam Hippocrates in libro de flatibus ita scripsisse videtur : Opinor inter omnia quæ in corpore sunt, nihil magis ad prudentiam conferre, quam sanguinem.

*Vndecimum*, quod nō facile excandescant, præcipientesq; in iram ferantur, reprimat enim sanguinis humiditas bilis feruorem, qui ὀξύθυμιον efficit. Vnde eleganter sanæ flauæ bilis frenum ab Auicenna quarta, primi, capite vigesimo dicitur.

Postremis duobus versibus non solum ex iam



dictis repetuntur quædam, sed adduntur etiam alia nonnulla.

Quorum *primum*, quidem est, quod sanguinei sint largi, hoc est, liberales, benefici, & ab omni auaritia alieni.

*Secundum*, quod amoribus sint dediti.

*Tertium*, quod hilares sint, & iucundo ac læto vultu.

*Quartum*, quod ridibundi: quæ quidem omnia sanguinis benignitate eueniunt.

*Quintum*, quod rubei sint coloris. Humor enim cuti colorem adfert, quemadmodum li. i. aphor. commentar. 2. Galenus adferit. Et Auicenna 2. i. doct. 3. capite 3. Color, inquit, rubeus sanguinis multitudinem significat. Quod intelligendum maxime de colore, qui ex rubeo & albo cum iucundo quodam nitore commistus sit: & nō qualis in facie eorum visitur, qui fortia potant vina, & in cibo falsis atq; acribus viuntur speciebus, nempe rubeus fuscedine quadam permistus, hic enim lepram portendit.

*Sextum*, quod cantionibus & musicis delectentur harmoniis: quippe quæ & ipsæ (autore Theophilo Citharædo apud Athenæum libro 14. δεσπο.) perinde atque sanguis temperator, *ὀνείαν*, id est, bonos ac candidos mores pariāt.

Μίγας γὰρ ἰσχυρός ἐστὶ καὶ βέλαι· ἡ μυσική δ' αὖτοι τοῖς μαθηταῖς παιδιδόεισσι. καὶ γὰρ ἦν παιδόμεναι, καὶ τὰς ὑμνοειδῆς τὰς γυνάμεις διφθέρας καὶ ταπρᾶναι.

*Septimum*, quod sunt corpulenti.

*Octauum*, quod sint audaces: idq; ob sanguinis caliditatem.

Νο-



*N*onnum, quod sint benigni, clementes, libera-  
es, & benefici: ratione nimirum humoris san-  
guinei, qui est dulcis, mitis & benignus.

## DE TEMPERATURA CHOLERICA, siue biliosa.

### CAPVT LXXXIX.

*E*st humor cholera, qui competit impetuosus,  
Hoc genus est hominum cupiens præcellere cunctis.  
Hi leniter discunt, multum comedunt, cito crescunt.  
Inde & magnanimi sunt, largi, summa petentes.  
Hirsutus, fallax, irascens, prodigius, audax,  
Astutus, gracilis, siccus, crociq; coloris.

Biliosa temperatura notæ hoc in loco tradun-  
tur.

Ac prima quidem, quod biliosi siue cholericæ,  
quos *χολώδεις* Græci vocant, præpti admodum  
sunt ad operationes: sed impetu animi potius  
quam cogitatione faciant omnia. Igneum enim  
habent colorē, qui impetum & agilitatē ad mo-  
tiones præstat. Hinc 2. 2. doct. 3. cap. 3. ita fere ab  
Auicena. scribitur: Cum operationes plene ac per-  
fecte naturali cursu procedūt, tēperaturæ æqua-  
litate indicant: cum vero ad superfluos mutan-  
tur motus, caliditatis exuperantia significatur.

*Secunda*, quod ambitiosi sint & honorum cu-  
pidi, primasq; in conciliis ac confessibus expe-  
rant cathedras, adeoque præferri omnibus ve-  
lint: perinde atque ignis ipse, qui sine pondere  
semper euolat, excelsaque locum sibi quærit in  
arce. Exuperans enim ille calor animos ad inso-  
lentiam plerumque & arrogantiam excitat atq;  
inflammat.

*T*

*Ter-*



*Tertia*, quod celeris sint mentis ingenioque  
& facile discant, ob calidum nimirum & ful-  
lem cerebri substantiam, quæ formas cito ac-  
cile suscipit. Hinc non temere mentis acumen  
& prudentiam à bilioso humore proficisci, co-  
mentar. 40. de natura humana, Galenus tra-  
dit. Lege plura de hoc apud eundem; capite du-  
decimo, artis medicinalis, & Auicennam locum  
aliquoties iam citato.

*Quarta*, quod edaces sint & multiuori, tum  
nim fortiozem habent calorem concoquentem  
tum ipsis etiam plus per omnem cutem dige-  
tur, & in ambientem aërem euacuatur, quam  
aliis corporibus.

*Quinta*, quod cito adolescant, & corporis in-  
crementum consequantur, validissimum enim  
habent calorem innatum, hic vero omnes acti-  
ones naturales adauget, ergo & eam, qua corp-  
ad summum incrementum (*ἀνὰ πλὴν* Græci vocant)  
perducitur. Galenus commentar. 14. aphorismi  
libro 1. & libro 5. capite 8. de simplic. medic. f-  
cultat.

*Sexta*, quod magnanimi sint illatasque iniurias  
iniquo animo ferentes à se propulsare statim co-  
nentur, idque maxime ob caliditatis exuperantiam.  
Parum enim ab vnaquaque re pati posse, calidi-  
tatem significat, inquit Auicenna.

*Septima*, quod largi, benefici ac liberales sint  
præsertim in eos à quibus honores se consecu-  
turos sperant.

*Octaua*, quod summa petant, id est ad summum  
semper dignitatum ac honorum gradus affecte-  
viam.

*Nona*, quod sint hirsuti : calida enim & sicca  
in



temperies, sicut Galenus lib. 2. cap. 10. de temperat. testatur, hirsuta est, verum ea in summo, nippe per omnem cutem diffatur semper aliquid à calido, quod secum etiam interim humoris non nihil ad cutem adfert, unde pili generentur. Quomodo autem hæc generatio fiat, copiose admodum ibidem docet.

*Decimum*, quod versuti, fallaces, & deceptores sint.

*Undecima*, quod præcipites sint in iram, acerbè nonnunquam vehementerq; excandescant & inscantur, ob animosam nimirum facultatis vehementiam, magnum caliditatis excessum, facilem illis commotionem, & caloris in corde feruorem: Lege Galenum cap. 29. & 3. artis medicinas, lib. 2. cap. 16. de sanitat. tuend. & in li. de causis morborum. cap. 2.

*Duodecima*, quod sint prodigi, in eos potissimè, quibus se ad summos dignitatum gradus promotum iri sperant.

*Decimatertia*, quod audaces, fortes, ac animosi sint: Plurimum enim in corde caloris habent. Galeno libro secundo, capit. 12. de temperament. esse.

*Decimaquarta*, quod sint astuti, & hoc sane ob flauæ bilis tum caliditatem, tum mobilitatem.

*Decimaquinta*, quod graciles, id est, macilentiores sint corpulentior, ob exuperantem nimium & immodice diffantem caliditatem. Hinc magna ex parte graciles sunt biliosi. Galen. comment. 6. lib. 4. aphor.

*Decimasexta*, quod sicci sint, id est, macri eadē ratione.

*Dicit*



*Decima septima, quod crocei sint coloris, id est pallidi aut flauī. Certissima enim succi animi cognitio ex colore datur. Tanquam igitur cor sicubi albius solito est effectum, pituitosum abundare succum indicat: sicubi pallidius aut uius, biliosum: ita sicubi ad rubicundius quod pro natura est mutatum, sanguinis abundantia subesse significat: sicubi ad nigrius, nigram abundantare bilem ostendit. Ita Galenus libro 4. apite 7. de sanitat. tuend. Lege eundem commentar. 2. lib. 1. aphorism.*

## DE TEMPERATURA PHLEGMATICA, siue pituitosa.

### CAPVT XC.

*Phlegma dabit vires modicas, latosq; breuesq;.*

*Phlegma facit pinguis. sanguis reddit mediocres:*

*Otia non studio tradunt, sed corpora somno.*

*Sensus hebes, tardus motus, pigritia, somnus,*

*Hic somnolentus, piger et sputo crebriore.*

*Est huic sensus hebes, pinguis, facie color albus.*

Hic recensentur notæ temperaturæ phlegmaticæ.

*Prima, quod phlegmatici viribus sint infirmæ inualidis: cum enim phlegma frigidissimum ac humidissimum sit omnium quæ in animo habentur, mobilitatem caloris innati, & quæ inde oriuntur facultates omnes magna ex parte obtundit ac debilitat, & occasione quidem frigiditatis torpidum pigrumque corpus ad naturæ actiones omnes reddit: humiditatis vero ratione neruos omnes relaxat languidosque facit: quo fit ut phlegmatici, in quibus hic h*



or p̄ualet, in omnibus motibus voluntariis  
gritiam sentiant.

*Secunda*, quod sint lati, sed breuioris staturæ:  
debilitatem enim caloris innati corpus in  
ingum extendi non potest: porrigitur ergo &  
latitudinem protenditur.

*Tertia*, quod pingues sint & obesi, nimirum ob  
igiditatem & humiditatem. Adeps enim vel  
nguendo superflua frigiditatis & humiditatis  
cessum significat; & temperaturam corporis  
alegmaticam. Quicquid enim in sanguine pin-  
ne, leue & tenue est, id in calidioribus corpo-  
ibus alimentum quoddam calido fit: in frigi-  
ioribus seruat. Cum porro id venæ extra se  
transmiserint, vbi in frigidas particulas incidit,  
quod genus membranæ sunt, in iis concrefcit, &  
in adipem siue pinguedinem conuertitur. Gale-  
us libro 2. capite 9. de tempera. Sequitur dein-  
e, sanguineos esse staturæ mediocris: quicun-  
ue enim corporum habitus & temperati natu-  
a sunt, & mediocri exercitatione vtuntur, hos  
neceffe est *σώματος* esse: id vero est, mediocri  
omnino corporis habitu.

*Quarta*, quod ad oia, quam studia propensio-  
es sint: instrumentis nimirum veluti torpenti-  
bus ob frigiditatem. Galenus libr. 3. de sympt.  
causis, capite 3.

*Quinta*, quod sint somnolenti, idque ob mul-  
tam cerebri humiditatem & frigiditatem. Frigi-  
ditas tamen minorem vim ad procreandum so-  
mnum, quam humiditas obtinet. Galen. cap. 22.  
artis medicinalis.

*Sexta*, quod tardi ac hebetis sint ingenii:  
quemadmodum enim mētis celeritas, *εὐχέρεια*  
Gra-



Græcis dicta, & discendi facilitas, quam *ὑπερθεμία* iidem vocant, à caliditate & siccitate, in eorundem hebetudo ac tarditas à contrariis nempe à frigiditate & humiditate exordium sumunt, Galenus capite duodecimo, 16. 18. & 22. artis medicinalis.

*Septima*, quod tardi sint motus: & hoc frigiditatis ac humiditatis ratione: frigidi enim proprium est non mouere: humidi vero, relaxare.

*Octaua*, quod sint pigri.

*Nona*, quod sint somniculosiores: quorum omnium causæ ex iam dictis satis constant.

Postremis duobus versibus reperiuntur notæ prædictæ cum quibusdam aliis.

*Prima*, quod sint somnolenti.

*Secunda*, pigri ac tardi sint ad quamlibet operationem.

*Tertia*, quod multi sputi: frigiditas enim improbe concoquit ac digerit: proinde multa in corpore excrementa relinquit.

*Quarta*, quod sensibus minime vigeant. Galenus cap. 22. artis medic.

*Quinta*, quod sint pingues.

*Sexta*, quod album habeant faciei colorem, de quo satis in præcedenti capite, nempe 89.

## DE TEMPERATURA Melancholica.

### CAPVT XCI.

**R**estat adhuc tristis cholera substantia nigra:  
Qua reddit prauos, pertristes, pauca loquentes.  
Hi vigilant studiis, nec mens est dedita somno.  
Seruant propositum, sibi nil reputant fore tutum.

*Intra*



*solidus & tristis, cupidus, dextraq; tenax,  
non expers fraudis, timidus, luteiq; coloris.*

signa melancholicæ temperaturæ hoc in loco  
seruntur.

Ac primum quidem, quod melancholici sint  
qui, hoc est, malis, feris ac perditis moribus, vt  
eo mœstitiæ facile inducantur, vt mortem  
viderent, iugularique se optent: & odio profe-  
rentur omnes quotquot viderint. Galenus li-  
3. de loc. affect. cap. 7.

Secundum, quod tristes admodum sint, infi-  
sque sibi tendi in omni vita suspicentur: ob  
obidos nimirum & tenebricosos qui ex me-  
lancholico humore procreantur spiritus. Quem-  
modum enim puri ac tenues spiritus lætitiā,  
contrario turbulenti ac crassi tristitiā con-  
ferunt.

Tertium, quod taciturni sint, & paucorum ver-  
bum: vt enim caliditas garrulitatem, sic frigi-  
ditas taciturnitatem & silentium generat.

Quartum, quod ad bonarum artium studia a-  
liabiles atque accommodati sint: propter so-  
litudines nimirum & secreta quæ fere petunt  
Nam, vt libro secundo, epistol. vltima, Ho-  
ratus ait:

*Optorum chorus omnis amat nemus, & fugit vrbes.*

Ob idem sententiam sic extulit Ouidius lib. 1.

*Tristium.*

*Armina secessum scribentis & otia quarunt.*

hinc est quod Hippocrates de Democrito Ab-  
bita ad Philopoemenem ita scriptum reliquit:  
in infaniam, sed quandam excellentem men-  
sanitatem vir ille declarat, dum neque libe-  
rorum,



rorum, neque vxoris, neque cognatorum, neque rei familiaris, neque omnino alicuius curam gerit, sed & diu & noctu apud seipsum consistit, priuatim vitam degit, plerumque in antris & solitudinibus, aut sub arborum vmbreis, aut in montibus herbis, aut apud frequentia aquarum fluenta. Contingunt igitur talia plerumque atra bile percitis. Taciturni enim aliquando sunt, solitarii ac deserti amantes, & rerum familiarium conspectum auersantur, alienum putantes. Nec vero dissimile vero est, etiam his qui circa disciplinas versantur, ab vna erga sapientiam adfectione alias curas exclusas esse. Legimus Aristotelem problemate 1. sect. 30. Ciceronem libro 1. Tusculan. question. & Quintilianum libro 10. capite 3.

*Quintum*, quod breuibus admodum minimisque profundis pertententur somnis. Nam ad somnum creandum calidum adesse humorem oportet: hic enim concoqui expedite potest, indeque ad caput vapores iurriguntur, à quibus fabinde somnus inducitur. Quod si deest, exitusque humor aut concoctu difficilis inest, somnus non oritur. Qua de causa post cibum somnolentissimi fieri ob calorem solemus. Melancholicos vero & vehementer astuantes insomnia tenent: illos, quia refrigeratus humor peruenit: hos, quia nullus est, aut certe minimus. Horribilia etiam visa melancholicis per quietem obiciuntur, quibus maturius è somno excitantur. Galenus libro primo, capite octauo, de symptom. cau. Et Cælius Rhodiginus libro 16. capite 36. & 37. lect. antiq.

*Sextum*, quod constantes ac stabiles admodum



dum sint in rebus gerendis, ægerrimeque dimo-  
ueantur ab eo, quod menti semel hæserit, adeo-  
que difficulter etiam, si quando offendantur, in  
veterem gratiam restitui possint. Et hoc certe  
siccitatis occasione, quæ non finit propositum  
facile immutari.

*Septimum*, quod nil sibi tutum fore putent, eó-  
que semper timeant. Hinc est quod Galenus lib.  
2. capite 7. de sympt. causis ita scriptum reliquit:  
Illud quod ab Hippocrate perhibetur, omni-  
bus melancholiæ speciebus commune esse vide-  
tur. Si timor & mœstitia multo tempore du-  
rant, melancholicum eiusmodi symptoma est.  
Sunt enim omnes sine causa mœsti: nec si roges  
quamobrem mœreant, reddere causam possint.  
Timent autem eorum nonnulli tum mortem,  
tum alia, quæ minime sunt timenda. Nec de-  
sunt & qui mori vehementer expetant. Cate-  
rum quod ex atra bile, cum principium rationa-  
lis animæ occupauit, timor mœrorque, ac mor-  
tis expectatio accidant, nihil mirum. Siquidem  
etiam eorum, quæ extra corpus sunt, nihii vide-  
mus, quod nos perinde terreat, ac tenebræ. Er-  
go cum tenebræ rationalis animæ parti sunt cir-  
cumfusæ, necesse est hominem timere: vt qui  
semper vna cum corpore suo timoris causam cir-  
cumferat. Quod enim nobis extrinsecus fit, al-  
tissimis tenebris circumdatum nobis aërem ad  
tempus aliquod occupantibus, id melancholiæ  
vitio laborantibus ab interno & ipso corpore  
contingit, scilicet vel ipsa nigra bile cerebrum  
occupante: vel aliqua melancholici halitus ex-  
halatione, veluti in morbo quem flatuosum &  
hypochondriacum vocant. Idem libro tertio, ca-

*Lib. 6. apho-  
rism. Apho-  
ris. 23.*

Z

pite



pite septimo, de locis affectis iam citatam sententiam his fere repetit verbis : Differunt autem inter se melancholici. Nam omnes timent, morerent, vitam damnant, odio habent homines, sed non omnes mori cupiunt. Etenim hoc ipsum nonnullis melancholicę caput est, quod mortem pertimescunt. Quosdam etiam alieno admodum atque extraneo videbis animo: utpote, qui simul & mortem metuunt, & tamen mortem sibi consciscant. Proinde recte videtur Hippocrates omnia ipsorum accidentia in duo hæc coegisse, metum & mœstitiā. Mœstitia nimirum eos inducit, ut odio prosequantur omnes quotquot viderint, nunquam non tristitiā præ se ferentes: terrentur quoque ut in tenebris pueri, atque ex adultis indocti. Sane quemadmodum externa tenebræ omnibus fere hominibus pauorem inducunt, nisi vel audaces admodum vel edocti fuerint: sic atra bilis color, mentis sedem tenebris similem reddens, timorem efficit. Etenim summis tum medicis tum philosophis in confesso est, & humores & omnino corporis temperamentum animæ actiones variare posse. Postremis duobus versibus repetuntur quędam ex iam dictis, & adduntur nonnulla alia.

*Primum*, quod sint inuidi : Est enim inuidia tristitię species.

*Secundum*, quod tristes.

*Tertium*, quod avari.

*Quartum*, quod tenaces.

*Quintum*, quod fraudulentī.

*Sextum*, quod valde timidi.

*Septimum*, quod lutei, id est, terrei siue fuscę coloris sint. Color enim pure fuscus, qui viriditatis



BONA VALETVDINE.

335

rati propinquus est, melancholix dominium ostendit, teste Rhaze libro secundo, capite primo ad Almanforem.

DE COLORIBVS.

CAPVT XCII.

**H**i sunt humores, qui præstant cuique colores.  
Omnibus in rebus ex phlegmate fit color albus.  
Sanguine fit rubens, cholera rubra quoque rufus.

INDICIA REDVNDANTIS sanguinis.

Si peccet sanguis, facies rubet, extat oculus,  
Instantur gena, corpus nimis inque grauatur,  
Est pulsusque frequens, plenus, mollis, dolor ingens,  
Imprimis frontis, sit consipatio ventris,  
Siccaque lingua, sitis, sunt somnia plena rubore,  
Dulcor ad se spuri, sunt acris dulcia quæque.

Hic cuiusque temperaturæ ex coloribus indicia præscribuntur. Phlegmatici enim coloris sunt albi: biliosi, pallidi siue flauis: sanguinei, rubri: melancholici vero fusci. Est autem color fuscus proprie, Galeno libro 14. capite 9. Therapeu. method. teste, inter rubrum & nigrum medium. Sed de his omnibus in præcedentibus satis iam dictum est.

Secundo loco tredecim traduntur notæ redundantis sanguinis.

Prima, rubor faciei: ob ascensum enim sanguinis omnia quæ circa caput sunt, rubicundiora apparent.

Secunda, oculorum prominentia: calor nan-

Z. 2.

que.



que exuberantis sanguinis ipsos dilatat, ac flatu distendit.

*Tertia*, genarum inflatio: cuius eadem est ratio.

*Quarta*, vniuersi corporis cum distentione grauitas: Natura enim cum contentos humores moderari nequeat, corpusque multitudine grauatum sustinere minus valeat, supplanatur ac deiicitur.

*Quinta*, pulsus creber, propter caliditatem, quæ sanguinis multitudinem sequitur.

*Sexta*, pulsus plenus: ob calidorum & humidorum vaporum copiam.

*Septima*, pulsus mollis: nimia enim sanguinis exuperantia arteriæ emolliuntur.

*Octaua*, dolor capitis, & maxime quidem circa frontem, ob sanguinis in plexu reticulari, vt quibusdam placet, augmentum.

*Nona*, ventris constipatio: nimia enim caliditate faeces exiccantur & indurantur.

*Decima*, ficitas linguæ ob eandem causam.

*Vndecima*, vehementia sitis: orificium enim stomachi præ nimia caliditate exiccatur.

*Duodecima*, somnia plena rubore: Nam quæ in somnis visuntur agique putantur, magna ex parte corporis affectionem humorumque naturam, plenitudinem, defectum ac qualitatem testantur. Nam qui ægre se moueri putant, aut graui onera portare, aut in ea re impediri, quam se efficere somniant, animalem facultatem ex plenitudine aut crassitie, aut viscositate humorum deprauante habere coniiciendum est. Contra qui se vel volare, vel currere ocyslime credunt, humores paucos eosque leues minimeque excre-



excrementitios habere verisimile est. Et qui nocturnas Veneris imagines patiuntur, genitali semine abundare. Ad eundem modum, qui in locis foetentibus, sordidis ac immundis se volutari putant, illos in corpore materiam putrem corruptamq; ac grauitèr olentem habere suspicio est: quemadmodum contra qui in locis odoris se esse autumant, materiam probam suauiterq; olentem: & cui accensus ignis apparet, hunc a flaua bile infestari: cui vero fumus aut caligo aut profundæ tenebræ, ab atra bile. Imbrès autem frigidum humorem abundare testantur: nix vero & glacies, & grando, frigidam pituitam. Gallorum gallinaceorum cristas habere, aut rufa quædam, sanguinem exuperare. Luctatorem qui sibi visus fuit in sanguinis folio stare, & vix supereminere, multo sanguine abundare Galenus coniecit, & euacuatione opus habere. Hæc fere Galenus commentar. 3. in libro primo epidem. aphorism. 1. & in libello de dignotione ex insomniis. Lege & Rhazem libro secundo, capite vigesimoquarto, ad Almanforem, & Auicennam secunda primi, doctrin. tertia, capite septimo.

*Decimatertia*, dulcedo sputi: propter sanguinis dulcedinem. Rhazes libro secundo, capite 20. ad Almanforem.

## INDICIA EXUPERANTIS

Choleræ, siue flauæ bilis.

*Accusat choleram dextra color, aspera lingua,  
Tinnitus, vomitusq; frequens, vigilantia multa,  
Multa sitis pinguis, egestio, tormina ventris.  
Nausea sit, morsus cordis languescit orexus.*

Z 3.

Pul-



*Pulsus adest gracilis, durus, velocq̃, calescens.  
Aret, amarescitq̃, incendia somnia fingit.*

Lege de his omnibus Rhazem, lib. 2. cap. 1.  
ad Almanforem, & Auicennam 2. 1. doct̃. 3. ca-  
pite 7.

INDICIA REDVNDAN-  
tis phlegmatis.

*Phlegma supergradiens proprias in corpore leges,  
Os facit insipidum, fastidia crebra, salivas.  
Costarum, stomachi simul occipitūq̃ dolores.  
Pulsus adest rarus, tardus, mollis, quoq̃ inanis.  
Praecedit fallax phantasmata somnia aquosa.*

Rhazes lib. 2. cap. 23. ad Almanforem, & Auicenna 2. 1. doct̃. 3. cap. 7.

INDICIA ABVNDAN-  
tis Melancholiz.

*Humorum pleno dum fax in corpore regnat,  
Nigra cutis, durus pulsus, tenuisq̃, urina.  
Solicitude, timor, tristitia, somnia tetra.  
Acescunt ructus, sapor & sputaminū idem.  
Lanaq̃, praecipue tinnit vel sibilat auris.*

Rhazes lib. 2. cap. 22. ad Almanforem & Auicenna 2. 1. doct̃. 3. cap. 7.

DE PHEBOTOMIA, AC  
primo quidem de ætate phle-  
botomiz.

CAPVT XCIII.

**D**enus septenus vix phlebotomen petit annus.  
Spiritus uberiorq̃, exit per phlebotomiam.

*Spiri-*



*Spiritus ex potu vini mox multiplicatur,  
Humorumq; cibo damnum lente reparatur.  
Lumina clarificat, syncerat phlebotomia  
Mentes & cerebrum, calidas facit esse medullas.  
Viscera purgabit, stomachum ventremq; coerces,  
Turos dat sensui, dat somnum, radia tollit.  
Auditus vocem, vires producit & auget.*

De venæ sectione, quam *Φλεβοτομία* Græci  
vocant, iam agitur: Ac primo quidem huic rei  
accommodata ostenditur ætas, annus nimirum  
decimus septimus, vel vt aliis placet, decimus-  
quartus. Pueris namque vsque ad quartum de-  
cimum ætatis annum sanguis mittendus non  
est: carnem enim habent teneram & facile per-  
spirabilem. Quod Galenus libro nono, capite  
decimoseptimo, method. medend. his testatur  
verbis: Puerorum, inquit, substantia omnium  
facilime digeritur ac dissipatur, propterea quod  
est omnium humidissima: & nulla frigidior,  
hoc est, omnium minime frigida. Quo minus  
vacuantis præsidii eger, cum habeat ex se ipsa,  
vnde naturaliter vacuetur. Idem etiam libro ii.  
capite 14. eiusdem operis de syncho loquens  
confirmat. Si in puerum incidat, qui quartum-  
decimum annum hætenus non attigit, mitti il-  
li sanguis non debet, propterea quod tantil-  
lis, cum præsertim calidi ac humidi sint, pluri-  
mum corporis substantiæ quotidie defluat ac di-  
geratur. Ita quod ex incidenda vena molien-  
dum nobis fuerat, id vltro nobis ex curandi cor-  
poris natura præstatur. Quanquam Auenzoarus  
memoriæ dederit, se filiolo trimo venam dissecu-  
isse, atq; hunc à morte tali remedio liberasse. *Auerrih. lib. 7. cap. 3. col-  
lectam.*  
Quod si corpus decimumquartum annum ex-  
cesse-



cesserit, æstimandum est, qualifnam eius natura sit, num gracilis, spissa, dura, & copiosi sanguinis, an contra. Atque ita in priore missionem sanguinis adhibebis: in secunda, nequaquam. Senibus quoque post septuagesimum annum, si multi sanguinis fuerint, viresque robustas habuerint, ac morbus ita iubeat, venam secabis. Quod si in hac ætate constitutis, vires parum valida sint, & sanguine non admodum abundant, in totum ab huiusmodi euacuatione arcendi sunt. In his enim cum, Galeno libro quarto, capite decimo, de sanitate tuend. teste, sanguis bonus exiguus sit, crudi vero humores plurimi, incisa vena bonum sanguinem emittit: malum vero qui in primis maxime venis circa iecur, & quod mesenterium vocant, colligitur, in totum attrahit corpus.

Secundo loco vnicum innuitur ex phlebotomia incommodum: nempe quod vberior per ipsam exhalet spiritus. Quod certe Galenus in libello de scarificatione his ostendit verbis: Venam incidere sæpe in anno, minime commodum puto. Nam vna cum multo sanguine vitalis spiritus excernitur. Hoc autem frequentius consumpto, & tota corporis moles perfrigeratur, & omnia animalia opera peius fiunt. Frequentior igitur venæ sectio maturam senectam, & hanc morbis grauioribus obnoxiam reddit: cuiusmodi sunt cachexia, hydrops, arthritis, tremor, paralysis & apoplexia. Impensius enim refrigerato nativo calore, humidoq; primigenio immutato viscera languescunt, cruditas dominatur, quæ tot malorum causa fit atq; origo.

Tertio versu traditur remedium reparandum



rum spirituum, potus nimirum vini. Hoc enim ex omnibus celeriter ac subito nutrientibus, veluti supra capite 8. & 11. ostendimus, principem obtinet locum. Quin ex cibo quoque, vt quarto docetur versu, spiritus recuperantur: sed lente, hoc est, tardius. Vbi sciendum cum primis, quod exhibendus sit à venæ sectione cibus concoctu facilis, optimi succi, ac plurimi nutrimenti, velut oua sorbilia, & eiusmodi. Eo moderatius tamen, vt libro septimo, capite vigesimo primo, ad Almanforem Rhazes præcipit, primo ac secundo die vtendum est: quippe concoctoria facultas, sanguinis educatione debilis, multum superare cibum nequit. Hinc Isaacus in diatista ferme scriptum reliquit: Cibus ipsis minuendus, sed potus augendus, respectu nimirum cibi, & non consuetudinis: imo vero quam ante phlebotomiam minus bibendum est, quod virtus concoctrix debilior adhuc sit, quam vt copiam eius ferat.

Quarto demum loco vndecim moderatæ atque tempestiuæ phlebotomiæ enumerantur commoda.

*Primum*, quod visus aciem roboret, clarioremq; reddat: imminutis enim & detractis per phlebotomiam humoribus, quorum effumatione oculorum claritas obscurabatur, visus necessario roboratur ac reficitur.

*Secundum*, quod cerebrum expurget, integritatem menti restituat, & ingenii excitet aciem: idq; consimilem omnino ob causam.

*Tertium*, quod medullas excalfaciat: superfluas namq; humiditates, quarum confluxu in-  
frigidabantur, absorbit.

Z 6

Quarta



*Quartum*, quod viscera, id est, interiora expurget: leuata namq; quæ corpus nostrum regit natura exonerataq; sanguine, quo velut sarcina premebatur, haud ægre crudos in interioribus detentos humores concoquit & euincit.

*Quintum*, quod vomitus & alui profluvia cohibeat: humores enim ab interioribus ad externas reuellit partes. Hinc ab Auicenna quarta r. capite vigesimo, ita scriptum est: Phlebotomia, propterea quod ad diuersa trahit, naturam secundum plurimum retinet. Vbi tamen silentio prætereundum non est, quod in alui profluvio cubiti vena incidenda veniat: vt quæ citissime conspicuam nonnunquam adferat vtilitatem: quod si contra feces, nempe in pede, nihil omnino profuerit. Accidit tamen aliquando, vt alius venæ sectione fluida magis fiat, idq; duobus maxime modis: Vno quidem, quod naturæ onere per phlebotomiam sublato virtus roboretur, adeoq; alias haud raro incitet euacuationes: Altero vero, quando alui profluvium oritur ex retentricis facultatis imbecillitate. Ea enim venæ sectione augetur: quo fit, vt venter magis proritetur.

*Sextum*, quod sensus efficiat puriores: euaporationem enim ad caput, vnde sensus turbantur, imminuit.

*Septimum*, quod immodicis conferat vigiliis: si quidem humorum exuperantiam, vnde acres subinde atq; diuersi fursum feruntur fumi, qui somnum impediunt, euacuat.

*Octauum*, quod tædia, id est, nimiam corporis grauitatem segnitiemq;, siue lassitudinem tollat: leuat namq; quæ corpus nostrum regit naturam,



BONA VALETVDINE. 161

ram, exoneratq; humorum multitudine, qui-  
us velut onere quodam grauissimo premeba-  
r. Melancholia quoq;, quæ præcipua quædam  
mediorum ac grauitatum causa existit atque ori-  
o, vna cum sanguine educitur: quippe fax eius  
est & sedimentum.

Nonum, quod audiendi difficultatem corrigit:  
minuit enim redundantiam humorum, vnde  
crassi ac flatuosi sursum euecti spiritus audito-  
rios obturant meatus.

Decimum, quod voci conferat: subtrahit nam-  
que superfluas humiditates, quibus vocalis ar-  
teria immodice irrigata raucas edebat voces.

Undecimum, quod vires reficiat augeatq;: si-  
quidem corpora humorum exonerato multitu-  
dine vires recreantur & augentur.

QVIBVS MENSIBVS

conueniat, quibusve noceat  
Phlebotomia.

CAPVT XCIIII.

**T**Res insunt isti, Maius, September, Aprilis,  
Et sunt Lunares, sunt velut Hydra dies.

Prima dies primi, postremaq; posteriorum,  
Nec sanguis minui, nec carnisbus anseris uti.

Et senium atq; inuenta licet, si sanguis abundat,  
Minus mense probe confert inciso vena.

Hi sunt tres menses, Maius, September, Aprilis,  
In quibus eminusas, ut longo tempore viuas.

Tria hoc in loco traduntur. Ac primum qui-  
dem, quod tres menses sunt lunares, nempe Ma-  
ius, Aprilis, & September, ipsisq; dies quidam  
insistat, quibus venam incidere nefas habeatur:

Maii



Maii scilicet primus, & reliquorum trigessimus  
Id vero vulgo quidem ita creditur, cum reuer-  
fictum atq; à veritate alienum sit. Siquidem  
his ipsis diebus, modo constellatio non deter-  
reat, venam secare nihil impedit. Vanum item  
ac errore plenum est, & quod de anserum  
subiungitur, magisq; fascinationi tribuendum  
vel tractum forte à Iudæorum consuetudine esse  
existimandum.

*Secundum*, quod senibus æque atque iuueni-  
bus singulo quoque mense, modo in venis san-  
guis abundet, ac morbus ita iubeat, sanguinem  
subtrahere fas sit: vt in quibus non facile diges-  
ratur dissipeturq; substantia, & boni sanguinis  
adsit copia.

*Tertium*, quod phlebotomia pro conseruanda  
sanitate administranda sit in aliquo horū trium  
mensium: in Aprili scilicet, aut Maio, aut Se-  
ptembri: differenter tamen. In Aprili enim a  
Maio, iecoraria incidenda venit, ob exundant-  
tem nimirum sanguinis copiam: est enim tem-  
pus vernum. In Septembri vero lienaris: siqui-  
dem per id tempus, cum sit autumnale, atra bi-  
lis nonnullis plus cæteris colligitur.

## DE IMPEDIMENTIS phlebotomiæ.

### CAPVT XCV.

**F**rigida natura, & frigens regio, dolor ingens,  
Balnea post coitum, minor ætas, atq; senilis,  
Morbus prolixus, potus, repletio & esca,  
Si fragilis, vel subtilis sensus stomachi sit.  
Et fastidiri tibi non sunt phlebotomandi.

Duo



Duodecim hic recensentur impedimēta phlebotomiæ.

*Primum*, frigida hominis natura: quippe quæ venæ sectione augeatur. Fundamentum enim caloris innati, sanguis est: hoc igitur per phlebotomiam imminuto & calorem innatum imminui, totumq; corpus grauiter refrigerari necesse est. Galen. capite sexto de curand. rat. per sang. missionem.

*Secundum*, regio impense frigida: Hac enim largam vacationem, qualis phlebotomia est, haud sustinet: quod corpus detracto cum sanguine natiuo calore satis antea refrigeratum magis subinde refrigeret. Præterea nec calida nimis regio venæ sectionem tolerat: quod sua caliditate vires dissoluat ac humores discentiat. Tempus etiam anni mittendo sanguine expendendum, num scilicet calidum sit, aut frigidum. In frigido enim tempore corpus refrigeratur: ideoque sanguinis missionem impedit. Quid enim attinet corpus antea abunde satis refrigeratum sanguinis detractioe magis refrigerare? In calido tempore improbe vacuati syncope & resolutione intereunt: quippe calor ambientis è corpore foras euocatum spiritum digerit, resiccatque corporis habitum & imbecilliores reddit. Quocirca tum omnino à sanguinis missione abstinendum erit. Quod Galenus libro vndecimo, capite 4. method. medend. his verbis confirmat: Et omnino quidem non mites in tempore æstatis, & regione æstuosa, & cœli statu calido ac sicco. Proinde eadem est temporis, quæ regionis, conditio.

*Tertium*, dolor ingens, sub quo & nimia corporis



poris inflammatio comprehenditur. In his enim  
festa vena multa seditionem & agitationem  
humoribus excitat: phlebotomia nimirum an-  
trahente ac vacuante humores, dolore vero ad  
que inflammatione contrahentibus, adque  
rapientibus. Siquidem dolor omnis & calor an-  
trahunt influxumq; humorum efficiunt: quo  
ut inflammatio augeatur, & natura magis deb-  
litescat. Et hoc quidem, ubi temperatior & artifi-  
cialis fuerit phlebotomia. Si vero acuatior  
vel ad animi deliquium usque fiat, in prædictis  
casibus plurimum adfert emolumenti. Quip-  
pe hoc præsidio feruentis sanguinis copia in ma-  
ximis inflammationibus educitur, & laborans  
phlegmone pars refrigeratur. In vehementissi-  
mis autem doloribus ideo sanguinis missio  
confert, quod sanguinis confluxum, dolorem  
rescindendo, inhibet. Accedit quod excreto-  
ria facultas causam dolorem excitantem, eli-  
cere properans phlegmonem interdum excite-  
re. Quum enim primis suis conatibus nihil profe-  
cit, vehementius aggressa quod infestat expel-  
lere sanguinis aliquid ex superpositis partibus  
in afflictam simul exprimit, ut copiose libro 23.  
methodi medend. capite tertio Galenus ostendit.  
Quapropter ne id accadat, sanguinem mit-  
tere expedit. Et hæc fuit intentio Galeni com-  
mentar. 23. libro 1. aphorif. ubi sic scriptum reli-  
quit: In ardentissimis febribus si usque ad animi  
defectionem sanguis mittatur, statim totius  
corporis habitus refrigeratur & febris extingui-  
tur. In maximis vero doloribus nullum maius  
noui remedium, quam usque ad animi defectio-  
nem euacuare. Lege plura apud eundem libr. 9.

me-



methodi medend. capite 4. & in libro de curan.  
rat. per sanguin. missionem capit. 11. & Leonhar-  
tum Fuchium libro 2. Sect. 5. capite 4. & 6. Insti-  
tut. medic.

*Quartum*, Balneum, & maxime quidem *δια-  
φορητικόν*, id est, resolutiuum. Hoc enim cum  
Galeno in libro de vtilitate respirationis, capi-  
te septimo teste, spiritus ex toto corpore eua-  
cuet, adeoque vires debilitet, phlebotomiam  
impedit. Nam plurimum & repente euacuare  
periculosum est, inquit Hippocrat. libro secun-  
do aphorism. 51.

*Quintum*, coitus: post quem prohibetur inci-  
sio venæ, quod is corpus iam plus æquo excalfe-  
verit, vires deiecerit ac debilitarit. Porro quo-  
nam modo Venere vires dissoluantur, diserte  
admodum Galenus libro 1. de semine, capite 25.  
his demonstrat verbis: Circa tempus, inquit,  
concubitus testes ex venis seminarium humo-  
rem, quantum eius in ipsis continetur, trahunt.  
Est autem modicus hic, & ad roris similitudi-  
nem sanguini ammixtus: huiusmodi autem illæ  
opus habent. Violenter igitur eo per testiculos,  
utpote potentiori facultate præditos, quam ve-  
næ detracto, venæ ipsæ rursus à supra positis re-  
uellunt: hæ vero rursus ab his quæ deinceps sitæ  
sunt, deinde hæ rursus à vicinis, atque hoc fieri  
non cessat, donec ad omnem corporis particu-  
lam transumptio perueniat, adeo ut omnes to-  
tus animalis partes proprio alimento euacuen-  
tur. Reuellit enim semper id quod perfecte est  
euacuatum, ab eo quod plus habet velut violen-  
ter eripiens. Hoc igitur quum semper fiat, & om-  
nia velut in choro inter se mutuo participant in

tan-



tantum sane omnia vasa, ac partes totius animalis euacuari necesse est, donec fortissima ex omnibus pars depleatur. Neq; vero solam feminariam humiditatem ab omnibus animalis partibus auferri contingeret hoc tempore, sed etiam spiritum vitalem. Nam & hic ex arteriis vna cum feminali humiditate euacuatur. Quare nihil mirum est, immoderato coitu vtentes imbecilliores reddi, à toto corpore vtroq; syncerissimo ablato, accedente insuper voluptate, quæ ipsa per se sufficiens est vitalem firmitatem dissolvere adeo vt iam quosdam ex nimia voluptate ac iucunditate mortuos esse constet. Quæ omnia Marsilius Ficinus libro primo de sanitate tuenda, capite septimo, his etiam confirmat verbis. Venerens, inquit, coitus si vel paululum vires exceßerit, subito exhaurit spiritus, præsertim subtiliores, cerebrumq; debilitat, labefactat stomachum atque præcordia, quo malo nihil ingenio aduersius esse potest. Curnam Hippocrate coitum comitali morbo similem iudicauit? nisi quia mentem, quæ sacra est, percellit, tantumq; obest, vt Auicenna in libro de animalibus dixerit: Si quid spermatis supra quam natura toleret, coitu profluat, obesse magis, quam si quadragies tantundem sanguinis emanarit, vt non iniuria prisce Musæ atq; Mineruæ virgines effluuierint. Plura de hoc lege apud Galenum, capite octuagesimo sexto artis medicinalis, Paulum Æginetam libro primo, capite trigesimo quinto, & Aëtium lib. 3. cap. 8.

Sextum, ætas, vel maior vel minor, quam phlebotomia requirit: qualis est infantia, & senectus. Horum omnium meminit Auicenna 4. 1. cap.

te 20



te 20. in hunc ferme modum scribens: Cauere debes à venæ sectione in complexione vehemētis frigiditatis, & in regionibus fortis frigiditatis, & in hora fortis doloris, & post balneum resolutium, & post coitum, & in ætate quæ est minor 14. annis, quanto plus poteris, & in ætate senum, quanto magis poteris: nisi in figura confusus fueris, & in soliditate musculorum & venarum amplitudine, & earum repletione, & colorum rubedine: hos nanque ex adolescentibus & senibus phlebotomare audebis. Adolescentes tamen secundum ordinem ad phlebotomandum paulatim prouehere debes cum pauca minutione.

*Septimum*, morbus prolixus: virtus enim temporis tractu exoluta nō tolerat venæ sectionem, vt quæ à morbo plus satis iam debilitata phlebotomia facile exhauriretur. Galenus de curan. rat. per sang. miss. capite 20. Idem Auicenna etiam loco citato confirmat: In corporibus, inquiens, quæ prolixas perpeffa sunt aggritudines, abstinendum à venæ sectione, nisi sanguinis affuerit corruptio, quæ ad hoc te perducatur: quoniam tunc sanguinis subtractione vteris.

*Octauum*, nimia potus repletio.

*Nonum*, largior cibi ingestio: sub qua inconcoctio, siue cruditas etiam comprehenditur: causa horum omnium est, vt ex Auicenna 1. 1. doct. 6. capite 3. colligitur, quod tria sint materiam attrahentia, loca scilicet inanita, membrorum caliditas, ac totius corporis habitus. Sanguis igitur si sic affectis mitteretur, venæ proprio & comodo destituta nutrimento, quod nondum in



ventriculo ac hepate concoctum est attraheretur. hoc vero in membra raptum non corrigeretur. Siquidem tertia concoctio, vt Galenus autor est, non emendat erratum secunde, nec secunda primæ. Atque interim excrementorum copiam in corpore, ac inde tandem agritudines prouenire necesse est. Tanto igitur tempore differenda est phlebotomia, quantum satisfacere tum ad eorum concoctionem, tum vt excrementa descendant, videbitur.

Præstiterit tamen intemperantibus vinosisq; ac ventri gulæq; deditis, vt capite sexto libri de curand. rat. per sanguin. missionem Galeno visum est, à venæ sectione in totum abstinere, vt quos neque purgatione, neq; sanguinis missione magnopere adiuueris. Nam per vitæ intemperantiam, crudorum humorum copiam ocysissime colligunt: verum his ne manum quidem ad mouere tentandum est. Quorsum enim attinet apud vulgum infamare præidia, quæ multis fuisse salutis? Galenus libro vndecimo, capite nono, method. medend.

*Decimum*, fragilitas, id est, debilitas virtutis: quippe sanguine misso virtus semper iis extreme concidit, nec postea reuocari recolligiq; potest. Galen. cap. 6. de curand. rat. per sang. miss. & lib. ii. cap. 14. meth. med.

*Vndecimum*, os ventriculi supra modum sensibile: sub quo imbecillum etiam comprehenditur, & quod amara bile redundat: ob hæc enim multi in venæ sectione ante iustam euacuationem per initia statim animo destituuntur.

Porro os ventriculi magno sensu præditum esse ex eo maxime coniicitur, inquit Auicenna, quod



quod acria mordaciaque citra offensionem non facile trāsglutiāt. Imbecillitatem arguit deiecta cibi potusque appetentia. Amara vero bilis redandantiam, oris amaritudo, nausæq; perseuerantes, & bilis frequētiore vomitus ostendunt. Hæ itaq; indicationes à sanguinis subtractione dehortantur. Siquidem humores venæ sectione exagitati sic affectis ad os ventriculi haud raro, seu ad consuetum locum, confluunt: sed cum id membrum debilius iam sit, quam vt tali humorum confluxui resistat, multa omnino ex sanguinis missione contrahunt mala. Et hæc vna causa est, cur multi ex ipsis animo liquantur. Bilis namque in stomachum refusa morfu suo cor nonnunquam ac cerebrum *εἰς συμπύκνωσιν*, id est, in consensum trahit, syncopenq; parit, quandoque vero subitam etiam adfert mortem, Galenus libro 9. capite 5. method. meden. & Aui-cenna loco citato.

*Duodecimum*, nausæa: in hac enim si sanguis mitteretur, venæ exhaustæ prauam illam ac nau-seosam ad se facile attraherent materiam. Neque ob dictas solum causas, sed ob alias etiam non paucas à phlebotomia interdum abstinemus.

Ac primo quidem ob *ἀναρροϊδαν* mensiumque fluxum. Quod certe Galenus libro nono, capite quinto, method. medend. his innuere verbis voluit: Si tempore, inquit, mittendi sanguinis menses moueri cōtigerit, siue etiam hæmorrhōis sit reclusa, si inspecto fluentis impetu ipse satis fore videbitur, qui solus quod requiris, vacuet, naturæ rem omnem permittes: sin minus, tantum ipse detrahes, quo ex coniunctis ambo-



bus perficiatur quod postulas. Nonnunquam tamen reuulsionis etiā causa in immodicis sanguinis è naribus, vtero, sede aut thorace eruptionibus venæ sectio citissime conspicuam adfert vtilitatem.

Deinde ob corporeæ constitutionis raritatē, hoc est, humidam calidamq; temperaturam. Eius enim substantia celerrime in ambientem dissipatur, alias in halitum sensibilem, alias in perspirationes, quæ visum fugiant, sed ratione deprehendantur. Itaque etiam huius causa aut prorsus venam non secabimus, aut parū detrahemus. Galenus libro nono, capite decimoseptimo method. medend.

Tertio, ob lentorem ac cruditatē humorum, hæc enim venæ sectione augentur. Vnde in diutinis morbis sanguinis missione vtendum non est, ne cruditas scilicet augeatur, virtus debilitetur, & morbus eosq; producat, vt nequaquam postea curari queat. Hinc præcipit Auicenna, vt in morbis chronicis pharmacia venæ sectioni præmittatur, & non contra, licet vtraque opus habeant agrotantes.

Cruditas porro humorū duabus potissimum de causis accidere solet. Primum quidem ob aggranantem humorum copiam, quæ innatum calorem velut suffocando in tantum debilitat, vt ipsos euincere postea nequeat. Et in hac phlebotomia vti licet, quemadmodum id ipsum Alexander Trallianus libro 9. capite 2. in curatione Anasaræ his confirmat verbis: Omnium curatio à vacuatione incipienda est, sed Ascitis quidem dicti aut Tympaniæ à sola purgatione. Cui autem Anasarca nomen est, ea venæ sectionem  
inter-



interdum requirit, vt quæ ex sanguine frigido nascatur. Ac frigiditatis quidem ratione illa nō indiget, sed quoniam copix detractio naturam leuat, vt hæc minorem illam effectam facile superet, non alienum, sed rationi consentaneum est, hic quoq; venæ sectione vti. Videmus enim quod etiam ignis externus, cum à lignis viridibus propemodum extinguatur, refocillatur rursus si illa quæ ipsum suffocabant auferantur. Deinde vero ob caloris innati debilitatem, vt hominibus frigida naturæ, quales à diutino morbo conualescentes cum primis sunt, & senes, phlebotomia ex vsu non est. Subtracto enim sanguine, qui fomes natiui caloris ac vitæ thesaurus est, necesse est vt corpus vehementius refrigeretur, humorumq; cruditas augeatur. Sanguis igitur ipsis, vt humores concoquat & euincat, relinquendus est. Quinetiā post *χόλεραν*, diutinos vomitus, *διάρροιαν*, inediam, vigilias, labores vehementiores, & vno verbo, post omnia quæ corpus impensius calfaciunt exiccantq; ac vires dissoluunt, à venæ sectione abstinendum, vt copiose admodum docet Rhazes libro 6. capite 11. ad Almanforem.

QVÆ CIRCA VENÆ SE-  
ctionem obseruanda.

CAPVT XCVI.

**H**Æc facienda tibi quando vis phlebotomari,  
Vel quando minui, fueris vel quando minutus,  
Vnctio, siue lauacrum & potus, fasciæ, motus,  
Debent non fragili tibi singula mente teneri.

Quinq; in sanguinis missione obseruanda es-

Aa 3

sc



se hoc loco traditur: & ex ipsis alia quidem prius quam vena tundatur, quædam interea dum sanguis emittitur, nonnulla vero eo subtracto.

*Primum* est vinctio: alias enim membrum in quo vena incidi debet, oleo irrigatum fricamus, ut tepore eius sanguis reddatur fluxilis: interdum ipsi etiam *φλεβοτόμῳ* siue scalpello olei nonnihil allinimus, ut inflatum dolorem mitiget: Quandoque vero & vulneri olei cuiuspiam parum illinimus, quo nimirum cicatrice tardius obducatur, humoresq; in venis relictæ liberius expirent, & mali fumi discutiantur.

*Secundum*, potus: & præcipue quidē vini. Hoc enim cum in ipsa sectione, si syncope obuenerit, tum post eam etiam ad boni sanguinis generationem spirituumque recuperationem conuenientissime exhibetur. Supra cap. 8. & 10.

*Tertium*, lauacrum, id est, balneum: quo certe per biduum aut triduum ante & post sanguinis missionem uti conceditur, nequaquam vero eodem die. Ante quidem, in illis quos crassorum humorū copia aggrauari suspicio est: hos enim balneum incidit, mobilesque facit: ob eandem etiam causam paululum dimoueri ante phlebotomiam conuenit, & assumere nonnihil syrupi acetosii. Eodem quoq; tempore membrum incidendæ venæ fricandum est, ut humores è propinquis venis ad locum sectioni destinatum alliciantur, & ad exitum properent. Post vero emissionem sanguinis, valet ad humorum vaporumque reliquias discutiendas. Verum eo supersedere in ipso die oportet: cutem enim nimis reddit mollem, quo fit ut plaga facillime cedat, quod non est citra periculum.

Quæ



*Quartum*, fasciæ, hoc est, ligatura, ex pannis scilicet lineis, quas tam ante, quam post venæ sectionem administrari oportet. Ante quidem, & ut inde venæ incrassescant, conspicuæque magis fiant, & ad humores ad constitutum incisioni locum facilius proleantur. Post vero, ad sistendū reprimendumque fluxum.

*Quintum*, motio siue inambulatio, moderata nimirū ac tranquilla: qua quidem & ante & post venæ incisionem uti conuenit: ante quidem, ut humores dissoluantur extenuenturq;: post vero, ad dissipandas humorum reliquias.

Ea hodie apud vulgum inualuit consuetudo, ut venæ ieiuno fere ac vacuo incidantur stomacho: sed hoc ipsum Doctoribus quibusdam minus probatur, ut quibus conducibilius esse videatur, ut ouum molliusculum siue forbile cum haustulo vini prius exhibeatur, idq; circiter horam nonam, vel decimam ante meridiem, ac confestim deinde vena incidatur. Natura enim stomacho existente vacuo, ne alimento destituatur, sanguinem pertinacissime retinet. Contra vero pauculo eoque exigua mole plurimum nutriente (cuiusmodi vinum & oua forbilia cum primis habentur) ingestocibo, eundem facillime exire patitur.

Porro quoad diem, in quo fit venæ sectio, tempus attinet, sciendum sanguini mittendo conuenire maxime tempus matutinum, sic tamen ut non protinus excitis è somno, sed horam vnā antea vigilantibus vena secetur. Quibusdam etiam posteaquam rerum solitarum quidpiam obierant, siue in ludoliterario, siue in officina, siue in foro, siue in ædibus, sanguinem



*Oribas. lib.**1. cap. 11.**Synops.**ad Eusta.**Aetius li.**3. cap. 6.*

nem auferre expedit. Aëgris autem nullum est  
venæ sectionis præscriptum tempus, quamob-  
rem nec per noctem sanguinem mittere iis, si  
morbus sic expetat, verearis. Sic Galenus in li-  
bro de curand. rat. per sanguin. miss. capite de-  
cimotertio & vigesimo, & in prælagio. experien-  
tia comprobato, capite 4.

## DE QVIBVS DAM PHLE- botomiæ effectibus.

### CAPVT XC VII.

**E**xhilarat tristes, iratos placat, amantes.  
Ne sint amentes phlebotomia facit.

Hic tres phlebotomiæ referuntur effectus.

*Primus*, quod contristatos exhilaret, ac latos reddat.

*Secundus*, quod animos iratorum placet recon-  
cilietq;. Ac vtriusq; quidem causa est, quod hæc,  
scilicet ira, maxime fiat, cum sanguini admisce-  
tur multum flauæ bilis, illa vero nempe tristitia,  
cum multum melancholiæ sed: horum humo-  
rum vterque vna cum sanguine per phleboto-  
miam educitur, ergo, &c.

*Tertius*, quod præcaueat, ne amantes ob rabi-  
dos quosdam appetitus ad insaniam adigantur:  
humores enim à capite ad partes subiectas re-  
uellens expellit.

Ob quinq; porro causas venæ sectio adhiberi  
solet, quarū vna tantum directa est, reliquæ vero  
omnes indirectæ.

Directa sane habetur sanguinis vacuandi cau-  
sa ipsius abundantia, sed cum is utilis sit naturæ,  
probe hanc administrari conuenit, sic vt quod  
inutile



inutile nature sit emittat. Fit autem sanguis nature inutilis bifariam, vel cum propriam qualitatem ad vnguem non seruat, nec amplius nutrire sicut prius, cum utilis esset, potest, vel ita multitudine creuit, vt aut vires premat, aut tum venas, tum arterias vel distendat, vel fundat, vel obstruat. Ac in his quidem missio sanguinis utilis est, ceu vacuantium præsidiolorum vna. Differenter tamen adhibenda est. Siquidem in sanguinis multitudine copiose detrahere, in reliquis vero pauca vacuatione vti oportet. Hinc est quod libro nono, capite decimo, method. medend. Galenus in hunc prope modum scriptum reliquit. Si sanguis vitiosus in corpore fuerit, paulatim quod vitiosum est, vacuare oportet, & paulatim inuicem quod salubre est pro eo reponere. Vocant medici eiusmodi vitiosi succi curationem Græce *ἐπιχρησις* Huic subscribit Alexander etiam Trallianus libro nono capite secundo, his verbis: At hoc non vna vice faciendum est, ne vires deiciantur. Etenim quamuis id quod vacuatur recrementitium est, tamen vniuersa ac subita mutatione magis offendit. Satiùs igitur est paulatim & tuto euacuare, quam festinando perturbandoque vna cum morbo etiam agrum è medio tollere. Atque hinc certe liquet, quam peruerse phlebotomia abutantur qui vitiosum sanguinem studiose auferunt tam diu dum bonus effluere cœperit, cum vniuersus forte sanguis citius erupturus sit, quam bonus appareat. Paucam igitur esse decet, & vt Galenus præcipit, in eiusmodi casibus ante venæ incisionem *ἐπιχρησις* vtendum est, hoc est cibus exhibendus est probum generans sanguinem,

Ad s quo



quo nimirum in vitioso locum bonus succedat  
ac paulo post sanguis extrahendus est modico  
Hæc quidem directa dicitur phlebotomia: quæ  
per se fiat, ad euacuationem illius quod per  
venæ sectione euacuari debet: nempe ad multitudinem  
humorum, siue sanguinis euacuationem  
principaliter tamen, secundum quod cum  
sunt alii humores.

Reliquæ quatuor dicuntur indirectæ: & ad  
mistrantur ut humorum vehementiorem impetum  
ad diuersam reuocent partem, vel ad latera ex  
sistent.

*Prima*, adhibetur ob magnitudinem morbi  
siue vehementiorem apostematis cuiuspiam  
inflammationem. Nam in apostemate vehemens  
inflammationis, in febribus, & doloribus magnis  
non inuenitur excellentius remedium quam  
sectio venæ, teste Galeno lib. 1. aphor. commen  
tar. 23.

*Secunda*, ut materia alliciatur ad locum,  
quem euacuanda est: unde in mensium atque  
hæmorrhoidon suppressione saphena aperiri  
est, quemadmodum in libro de curand. rat.  
sang. missionem capite 9. in hunc scribens morbi  
Galenus attestatur: Plenitudines à suppressione  
mensibus ortas omnino per crura euacuabis,  
ue venam secare oporteat, siue scarificare. Sed  
enim in cubito venæ mulierum reuellere purga  
tionem assolent.

*Tertia*, ut humores deriuentur ad partem  
oppositam loco, ad quem sua sponte rapiuntur  
& hoc quidem, ut materia à membro, in quod  
confertim ingruit, auocetur reuellaturque:  
propterea in immoderatiore mensium fluxu  
cam



imus basilicam, id est, interiorē cubiti venam, nā hepatitis etiam vocatur, vt reuulsa materia ad locum oppositum à fluxu suo diuertatur.

*Quarta*, vt portiuncula materiæ quapiam per venæ incisionem euacuata, natura residuum eincere valeat. Atque ita tandem venam incidere conuenit, vbi repletio in corpore fuerit, ne generetur apostema, virtute scilicet imbecillioreistente, quam vt vniuersam illam humorum redundantiam simul moderetur ac regat. Ideo portiunculam eius emittimus, ne ob naturæ impotentiam imbecillitatemque in debiliores partes ingruens inibi abscessus aut tumores præter naturam exciter.

## DE SCISSURÆ QVANTITATE IN VENÆ SECTIONE.

### CAPVT XCVIII.

*Ac plagam largam mediocriter, vt cito summo  
Exeat vberius liberiusq. cruor.*

Hic vnicum habetur præceptum de scissuræ quantitate in venæ sectione: nempe vt ea mediocriter sit ampla: quo nimirum crassior sanguis ac fumi liberius exeant. Fissura enim stricta existente tenuior sanguis duntaxat effluit, crassus intus remanente. Vbi hoc quoque sciendum, quod in venæ sectione aliquando amplum, nonnunquam vero arctum infligere vulnus oporteat. Et amplum quidem, tribus maxime de causis. Primo, cum humores sunt crassi, & crassior sanguis educendus est: vt facilius exire queat. Hinc melancholicis etiam amplū infligendum est. Secundo, ob temporis ac regionis frigiditatem.



tem: per eam enim humores crassescunt, qui per hyemem, sic necessitate iubente, amplius utendum est vulnere. Tertio, ob redundantiam humorum, qui melius certe amplo, quam arcto, euacuatur vulnere. Contra vero arctius vulnus magis convenit, cum virtus imbecillior ne scilicet immodice spiritus excernantur, & calor innatus extra modum debilitetur. Eadem est ratio in calido tempore, & cum sanguis subtilis ac tenuis euacuatur.

QVÆ IN VENÆ SECTIO  
ne consideranda.

CAPVT XCIX.

*Sanguine subtracto sex horis est vigilandum,  
Ne somni fumus ledat tibi sensile corpus.  
Ne nervum ledas, non sit tibi plaga profunda.  
Sanguine purgatus ne carpas prorsus escas.*

Tria in venæ sectione consideranda esse in loco traditur.

*Primum*, ut is cui venæ secta est non dormiat illico post phlebotomiam, nisi sex ad minus horæ præterierint, ne fumi scilicet, quos somnus efficit, sursum ad caput euecti cerebrum offendant. Possunt tamen & aliæ assignari causæ. prima quidem, ne ager vertendo sese inter dormiendum supra membrum voluatur, in quo venæ secta est, itaque læsionem percipiat. Secundo ne inter dormiendum humores transfluant in partem ex scalpelli ictu dolentem, inibi quoque æstema generent. Siquidem patres dolentes capite 95. artis medicinalis, & in libro de cur



super sanguin. mission. capite septimo, Gale-  
asserit, natura solent fluxionem suscipere, &  
cipue quidem in somno. Auicēna vero hanc  
causam, nēpe quod ex dormitione phle-  
omia propinqua plerunq; accadat in mem-  
confractio. Dum enim huc & illuc inordi-  
atque inopinato voluūtur reuoluunturq;  
u, fasciæ dissoluuntur: quo fit vt rectæ & ad-  
recenti sectione hiantes plagæ immodi-  
nonnunquam sanguinis vim inscientibus  
dant: quod quam sit vitæ discrimini con-  
tum, nemo est qui ignoret. Ad hæc fumida  
que excrementa per somnum intro rursus  
incipalia reuocantur membra. Quinetiam  
atus, sanguis & calor venæ sectione ad exte-  
prolecati per somnum ad centrum retra-  
tur: atque ita certe haud raro cum ob venæ  
non excitatam commotionem, tum somni  
que retractionem, ebullitio in humoribus  
ingit, ac inde febris tandem accenditur. Sa-  
tur liquet, confestim à venæ sectione non  
dormiendum: præsertim si interea nihil  
cibi ingestum fuerit. Quod si vero à cibi  
otione in vnam atq; alteram horam, imo &  
usculas ( si ita patitur animus ) somno in-  
reatur, nihil aut parum admodum offendit.  
idem exagitatio humorum tanto temporis  
so ad plenum contrahi sedariq; potest. Sa-  
amen fuerit à somno abstinere: aut certe  
na necessitas dormire omnino cogat, quam  
issimo vti somno, adhibita semper cautio-  
namadam, ne discinctæ fasciæ ægrotantes in  
discrimen adducant. Nonnulli hanc quo-  
adsignant causam, nempe quod materia  
per



per somnum crassescat, contractioque in membris eueniat, perinde atque in quartana typi ob materiae crassitiem frigiditatemq; solet. Tunc nerui præterea atque lacerti frigidi sunt: fumus igitur a se ipsos perlatus in somno, in quo calidior naturalis totus in profundum corporis retrahitur, crassescit simul & refrigeratur: is sic refrigeratus & crassior effectus frigiditatem quoque & crassitiem, siue contractionem cum membris communicat. Simile namque à simili facile accipitur. Et hæc quidem de somno phlebotomia propinqua, & non de remotiore intelligenda veniunt.

*Secundum*, ne venæ sector profundam nimis incutiat plagam, ita ut scalpello neruum, aut arteriam venæ iunctam attingat. Nerui enim punctura ob sentiendi præstantiam, ob idque quod cum principio pars hæc continuitatem habet, prompte dolorem accersit, quem necessario committatur humorum defluxio, hanc excipit phlegmone, quam ex necessitate deinde non solum quidem puncti nerui, sed totius etiam instrumenti consequitur conuulsio, & inde acerbissima tandem mors, vel ad minus membri, utpote brachii aut digiti, &c. amissio. Quod Cornelius Celsus libro 2. capite 10. his etiam verbis significare voluit: Iuncta est, inquit, vena arteriæ his nerui. Ita si neruum scalpellus attingit, sequitur neruorum distentio ea quæ hominem crudeliter consumit. Lege Galen. cap. 92. artis medicinalis, & lib. 1. cap. 2. de motu musculorum lib. 6 cap. 2. method. medend. Porro ex arteriæ punctura fluxus sequitur sanguinis arterialis difficilissimæ curationis.

T



*Tertium*, ne is cui vena secta est, protinus à mis-  
 ce sanguinis cibum sumat, sed expectet dum  
 morum exagitatio sedetur, ne cibus nondum  
 concoctus ad subueniendum membro læso cum  
 guine simul attrahatur. De hoc Galenus libr.  
 cap. 10. de sanitate tuenda.

QVÆ POST PHLEBOTO-  
 miam vitanda.

CAPVT C.

*Minuta de lacte vitabit rite minutus,  
 Et vitet potum phlebotomatus homo.  
 Minuta vitabit, quia sunt inimica minutis,  
 et dictus eritq, minutis nubilus aer.  
 Minuta exultatq, minutis luce per auras,  
 Minutis apta quies. Et motus saepe nocuus.*  
 Sic quinque ab incisa modo vena cauenda  
 præcipitur.

*Primum*, lac & lacticinia omnia. Siquidem ex *Lacticinia.*  
 moribus venæ sectione agitata ac commotis  
 in ventriculum nonnihil transfluit. Laci-  
 niæ, quod per se alioqui corruptioni obnoxium  
 sumptum dictisque humoribus admistum  
 lime omnino & corrumpitur, & dulcedinis  
 ratione incoctum ac crudum ab inanitis venis  
 abitur. Supra cap. 7.

*Secundum*, potus: quippe qui & ipse pari mo- *Frigida.*  
 incoctus facile ab iisdem abripiatur. Supra  
 cap. 95.

*Tertium*, frigida omnia, tam intro sumenda,  
 tam foris adinuenda. Eiusmodi autem cum-  
 panis sunt, alimenta frigidiora, potus frigidus,  
 balnea



balnea frigida ambientis nos aeris frigiditas, venarum exilitas, super petram nuda fessio, capitis ac pedum frigiditas. Hinc enim corpus, calore nimirum innato plus satis iam venarum sectione imminuto, præter modum refrigeraretur.

*Nebula.* *Quartum*, ne is, cui vena secta est, versetur siue ambulet in aere turbido ac nebuloso: hic enim est qui (vt supra capite decimoquarto ostendimus) sanguinem melancholicum efficiens animam contristat: sed versetur potius incedatque in aere lucido, claro atque sereno. Hoc enim spiritus recreantur omnes, & iucundissima quadam voluptate distracti, ad eum ceu sibi similem promouentur.

*Quintum*, vt idem temperatam amplectatur quietem, motionemque vitet. Hæc enim humores venarum sectione agitados magis adhuc commouet, & vires vsquequaq; debilitat: illa vero commotionem contrahit ac sedat.

Sunt qui tradant cauendum etiam esse à salitorum piscium vsu, postquam vena alicui incisa est. *αἰτὰ φῆς τε γὰρ ποικίλεις καὶ ψάρας δεινὰ ἐννοῦν*, id est, vitilignes enim & scabiem sæpenu-mero gignunt. Simeon Sethi in Syntagmate de piscibus.

QVIBVS MORBIS ET ÆTATIBVS phlebotomia conueniat, & quantum sanguinis quoque tempore detrahendum.

#### CAPVT CI.

*P* *Principio minui in acutis, perperacutis.*  
*Ætatis media multum de sanguine tolle.*

*Sic*



*Sit puer atque senex, tollet uterque parum.  
Ver tollat duplum, reliquum tempus tibi simplum.*

Quatuor phlebotomiæ præcepta hoc loco traduntur.

*Primum*, ut in principio acutorum & peracutorum morborum vena incidatur: pro cuius pleniore intelligentia sciendum initio, peracutum morbum esse duplicem: exquisitè peracutum, qui ultra quartum non producit diem (hunc recentiores Medici barbaram sectantes medicinam, peracutum vocare solent.) Non exquisitè peracutum, cuius vigor in septimo futurus est. Hi itaque morbi cum breues sint, ac statim summos, id est, maximos obrineant labores, neque inducias concedant, illico per initia curandi sunt. Idem porro, quod à calidis magna ex parte humoribus, sanguine nimirum & flaua bile, nascantur, venæ sectionem potissimum exposcunt. Hinc non temere Hippocrates libro quarto, de victus ratione in morbis acutis aphorism. 19. ita scriptum reliquit: In acutis morbis sanguinem detrahe, si vehemens morbus videatur, florueritque ægrotanti ætas, & virium adfuerit robur.

*Secundum*, quod in ætate media siue florenti, ab anno nimirum 30. ad 45. vel 50. copiosius sanguinem in aliis sanguis detrahendus sit. Etenim hic corpus solidum esse incipit, quod nequam tantum sanguinis quantum solebat, in se traducit, sed plus solito in venis relinquit. Quo fit ut eius subtractio incrementum non impediat, neque virium robur dissoluat. Corpus namque in ea

B b ætate



etate neque augeri sensibilibiter, nec imminui, sed  
veluti stare videtur.

*Tertiam*, quod senibus ac pueris parum sanguinis detrahendum sit: ut per pueros intelligamus etiam eos, qui pubertatis, hoc est, 14. annis annum exceſſerunt. Nam usque ad pubertatis initium tota illa ætas pueritiæ mollis est & tenerior, quam quæ phlebotomiam toleret: quæ tamen licet concoctio & nutritio in iis liberalior sit, tamē spiritus & sanguis modicus, utpote qui continuo atque affatim in corpus, quod nutritur simul & augeri postulat, transsumitur: neque natura citra noxam illius vacationem sustinere potest: Nam esto quod natura nostra in soliditate habitet, tamen ad immodicam omnem evacuationem labefactatur, aut interit. Pubertas ergo primum sanguinis missionem tolerat. Hic igitur pro mutatione naturæ sanguinem mittere licet, neque tamen id facere decet affatim, sed ad modum breuiter.

Porro per senes eos inaudire oportet, qui adhuc in prima atque secunda senectute consistunt. In his enim audacia mittendi sanguinis paulatim decreſcit, adeo ut in decrepitis, hoc est, post 70. annum ob virtutis imbecillitatem vix liceat. Plura Galenus in libro 4. Hippoc. de vict. rat. & morbis acu. com. 19. & ibidem etiam Hieremi Thriuerus Brachelius.

*Quantum*, quod dupla sanguinis portio, respectu nimirum reliquorum temporum vere detrahenda sit. Tunc enim sanguinem maxime concutere in corporibus nostris apud omnes medicorum scriptores in confesso est. Caterum quod a



primum præceptum attinet, regulæ nonnullæ circa sanguinis missionem obseruandæ sunt.

Ac prima quidem, vt ab initio morbi non fiat phlebotomia. Medicus enim, vt capite 87. artis medicinalis, & comment. 22. lib. 4. aphor. Galenus adserit, naturæ minister est. Sed natura ipsa nunquam in morbi principio, dum crudi adhuc sunt humores, vllam vacuationem instituit. Ergo nec medicus ipse in principio morbi, dum adhuc omnia cruda sunt, vacuationem vllam moliri debet. Cruda enim cum vacuationi non obediunt, grauius ea de causa symptomata excitant. Galenus comment. 22. lib. 1. aphor.

Fallit tamen hæc regula in tribus casibus: Primo, quando noxii humores turgent, hoc est, sua sponte concitati ad excretionem nos adducunt: tum enim in principio etiam morbi nondum coctis humoribus vacuare licet, ne scilicet humores parum stabiles & ab vna parte ad aliam sine ordine moti, ad principem aliquam partem decumbant. Raro autem accidit vt humores mobiles ab vna parte ad aliam transfluant, sed plerunque sunt in parte aliqua firmi ac fixi: ideoque non est in principiis morborum vacuandum, nisi rarissime, hoc est, quando humores turgent. Hinc non temere 4. 1. cap. 20. & 22. 3. tract. 2. cap. 7. & 1. 4. tract. 1. cap. 33. ab Auicenna præcipitur, vt in principiis morborum venæ incisio penitus dimittatur, vt quæ superfluitates extenuet, vt per corpus fluant ac sano sanguini permisceantur, non extrahat tamen quod extrahi necesse erat: quo fit vt post temporis intervallum phlebotomiam repetere oporteat, interim eodem die, in-



terim posttridie. Atque hinc profecto vires nimium debilitantur.

Secundo, in materiæ multitudine: hic enim circa principia quandoque, quemadmodum comment. 29. lib. 2. aphor. Galenus testatur, venæ sectionem, nonnunquam vero & purgationem adhibere oportet, quo minorem iam factam materiam natura possit concoquere.

Tertio, in morbi magnitudine ac vehementia, ut in magno vehementissimique doloris apostemate: licet non sit multa in corpore materia, scilicet antecedens. Nam repellendus humor est, ne apostema citius, quam par est, crepet aut aperiatur. Venæ igitur sectio, ut magna hæc & prava symptomata euitentur, circa initia statim adhibenda est. Quod Galenus libro decimotertio, capite vigesimo, method. medend. his innuere verbis voluit, inquiens: Itaque incidenda in talibus affectibus vena statim ab initio, si modo tam valens virtus sit, ut sine noxa missionem sanguinis toleret, ac nihil prohibeat eorum quæ de secanda vena retulimus, sicuti vel crudi humoris copia, vel puerilis ætas, vel anni tempus, vel regio in qua sit extremus calor aut frigus. Non solum autem in morbis acutis, atque adeo inflammationibus, verum etiam in vulneribus & contusionibus particularum, præsertim nobilium, sanguis ex opposita parte mittendus est, ut inflammatio prohibeatur, etiam si sanguis modicus fuerit.

*Secunda*, ne fiat phlebotomia in die motus ægritudinis, velut in crisi: ut in qua neq; venæ sectio, neque aliqua alia vacuatio tentanda sit: ne mate-



materia scilicet diuertatur à loco, ad quem natura ipsam, vt excernatur, pellit. Pari modo nec in ipso paroxysmo tale quippiam tentandum: recteq; commentar. 29. libro secundo aphorism. Galenus præcipit, vt morbo iam consistente neque venæ sectio, neque purgatio adhibeatur, quod coctiones morborum tunc maxime fiant: quæ melius in quiete, quam motu perficiuntur. Cæterum sicuti se habet status ad integrum morbum, ita & paroxysmus respectu dierum ἀνυπαξίως, id est, intermissionis: quemadmodum igitur in statu non est vacuandum, ita nec in paroxysmo.

*Tertia*, ne phlebotomia circa initia statim morborum fiat, quando crisis adhuc remota est. Sanguis enim insiti caloris fundamentum est, ipsum nimirum sustinens, licet cor generet, & spiritus ipse deferat: sed sanguis est fundamentum eius: ex ipso enim vt materia natiuus calor gignitur: per sanguinis igitur subtractionem calor, qui coquere materiam morbi debebat, vacuatur: quo fit, vt morbus in longum protrahatur, virumq; robur deiciatur, vt timendum sit, ne ob morbi diuturnitatem ac virium imbecillitatem natura succumbat.

*Quarta*, ne in corpore, cui stercus multum inter intestina cohibetur, phlebotomia adhibeatur. Tria enim sunt, velut supra capite 95. ostendimus, attrahentia: loca scilicet inania, membrorum caliditas, ac totius corporis habitus. Venæ igitur sanguinis missione exhaustæ à membris rursus propinquis attrahunt, quemadmodum & mesaria ex ventriculo: quo fit, vt aliis

*Auerrh. lib.*

*7. cap. 1. col.*

*ma- lect.*



magis cohibeatur, & materia in venis contenta corrumpatur. Mesaraicæ enim humiditatem e stercore penitus exuentes ipsum exiccant. Proinde molli clystere, aut subiecta glande ager prius vacuandus est, ne venæ putridam quampiam superfluitatum essentiam ab intestinis venentur attrahantq; Galenus in præfatio experientia confirmato, cap. 5.

*Quinta*, vt ne frequens ac multa phlebotomia fiat: Hinc enim circa senium multi ac mali generantur morbi, sicut est epilepsia, apoplexia, & paralytis: siquidem ob sanguinis & caloris imminutionem multæ generantur phlegmaticæ superfluitates, quæ dictas tandem ægrotudines excitant. Hinc non temere vulgo dici solet: Qui in iuuentute phlebotomiam exercent, hoc est, sanguinis missione citra necessitatem sapius vtuntur, senectutem deslebunt.

*Sexta*, ne venæ sectio adhibeatur mulieri; cui menses fluunt, aut vtero gerenti. Vtero gerenti quidem, ne abortiat: calor enim cibum concoquens venæ sectione diminuitur, & alimentum foetui subtrahitur, & maxime quidem si is auctior fuerit. Nam foetus ex mensibus nutritur: cum autem non inueniat, vnde nutriatur, fame conficitur, & mouetur, & dissoluitur, exciditq; ex naturalibus vinculis: magis autem hoc contingit, si maior sit foetus, quippe qui maiori indiget alimento. Non inuenit autem, ipso sanguine misso. Plura de hoc Leonhardus Fuchsius comment. 31. lib. 5. aphor. Hippoc. Cui vero menses fluunt, naturaliter scilicet & secundū reuolutionem mensis, vena secanda non est, nisi in immo-  
dera-



deratiore fluxu, nempe ad reuellendam materiam. Sed quando naturaliter & secundum debitum naturæ cursum erumpunt, naturæ res omnis permittenda est. Supra cap. 95.

*Septima*, ne phlebotomia fiat post immodicam ventriculi perturbationem, infra & supra factam, quam *χολεργον* Græci, Latini choleram etiam appellant: Barbaram sectantes medicinam cholicam & cholericam passionem nominant. Cum enim venæ sectione humores commouentur, timendum, ne per hoc biliosus humor in ventriculum transfluens ipsum inflammet. Plura supra, circa finem capitis 95.

Postremo videndum etiam est, quibus hominibus phlebotomia conueniat: cuius sane rei regulæ etiam nonnullæ ponendæ sunt.

Ac *prima* quidem, quod hominibus delicatis, otiosis, desidiosam vitam agentibus, valde corpulentis & multum nutriente cibo vtentibus potissimum conueniat.

*Secunda*, quod illis etiam, qui sanguine abundant: quod quidem per vrinæ crassitiem cognoscitur. Abundantia enim sanguinis eam efficit crassam: flaua vero bilis, tenuem.

*Tertia*, quod iis quoque ex usu sit, qui melancholico abundant succo: vnde multa melancholia naturali cum sanguine per corpus discurrente, quod ab ea sanguis in hepate adamussim non depuretur, purgationem antecedere debet phlebotomia, sequi vero purgatio. Duplex porro melancholia est, naturalis scilicet, & non naturalis. Quando naturalis abundat, cum sanguine simul discurret, quare ad eius euacuationem, primum

Bb 4

qui-



quidem venæ sectio adhibenda est: ab eodem enim calore, temperato nimirum, sanguis & melancholia generantur: deinde vero post temporis aliquod intervallum, nempe post concoctionem, purgatio phlebotomiæ succedet.

*Quarta*, quod illis cum primis etiam conferat, in quibus periculum est, ne ob humoris redundantiam in corpore accidat calfactio, ebullitio & conturbatio. Nonnulli tamen per hanc regulam sæpe numero falluntur. Quando enim calfactionem aliquam percipiunt, humorum ebullitionem adesse suspicari, venæ sectione statim utuntur, cum ex flauæ bilis feruore & incensione hoc interim accedere etiam possit. In qua sane tantum abest, ut calfactio & ebullitio per venæ incisionem cohibeatur, ut magis etiam incitentur & augeantur. Phlebotomia enim humores commouet, ut maiore deinceps impetu per corpus discurrant. In tali igitur casu phlebotomia utendum non est, nisi sit ex humorum redundantia: quod quidem ex sudoris multitudine dignoscitur, & præcipue cum is maturino tempore oboritur. Aliqui enim non sudant, nisi cum euacuatione opus habent.

*Quinta*, quod venæ sectio illis potissimum adhibenda sit, quibus vires adhuc firmæ sunt, quiq; sanguineæ, & non frigida ac sicca sunt temperatura. Hinc Rhazes lib. 7. ad Almanforem, cap. 21. Corpora, inquit, quæ venas habent amplas & conspicuas, quæq; hirsuta sunt, & colore inter rubrum fuscumq; medio, adolescentium nimirum, iuuenum, & senum nondum decrepitorum, phlebotomiæ præsidia magis tolerare possunt. Pueris vero & infirmis venæ sectio

canda



canda non est, nisi maxima incumbente necessitate.

QVÆ MEMBRA, QVOQVE  
tempore venæ sectione vacuanda.

## CAPVT CII.

**V**Er, æstas, dextræ, autumnus hyemisq; sinistræ.  
*Quattuor hæc membra, hepar, pes, oepha, cor, vacuanda.*

*Æstas hepar habet, ver cor, sicq; ordo sequetur.*

Hic ostenditur, quæ membra quoq; tempore per phlebotomiam sint vacuanda.

Ac primo quidem dicitur, vere & æstate venas dextræ partis esse secandas: dextræ scilicet manus, brachii vel pedis. Sed autumnno ac hyeme sinistras: sinistræ nimirum manus, brachii, vel pedis. Vere enim crescit atq; augetur in corpore sanguis, æstate vero flaua bilis, quo fit, vt vere ac æstate vacuandæ sint venæ, quæ sanguine & flaua bile magis abundant: tales autem cum primis sunt venæ dextræ. Siquidem in dextra corporis parte situm est membrum sanguificationis, nempe hepar, & κύστις χοληδών, id est, folliculus flauæ bilis. In autumnno vero humor generatur melancholicus, qui acervatur etiam, nec dissolvitur per hyemem: vnde autumnno & hyeme illæ venæ potissimum secandæ sunt, in quibus melancholia magis dominatur, suntque venæ sinistræ. Nam in sinistra corporis parte situs est lien, receptaculum melancholiæ.

Bb s

Secun-



*Secundo* deinde loco traditur, quatuor hæc membra, nempe κεφαλή, id est, caput, cor, pedes, & hepar, vacuanda esse iuxta quatuor anni tempora. Cor quidem vere, hepar æstate: caput hyeme, & pedes autumnis.

DE COMMODIS EX SECTIONE  
Saluatellæ.

CAPVT CIII.

**E**X saluatella tibi plurima dona minuta,  
Splenem, hepar, pectus, vocem, præcordia purgat,  
Innaturalem tollit de corde dolorem.

Sex commoda hoc loco recensentur sectionis venæ, quam saluatellam vulgo vocant. Ea inter digitum medicum & medium frequenter admodum & sapissime inciditur. Alius incisionis eius locus est, ut vulgus autumat, inter medicum & auricularem.

Ac *primum* quidem eius commodum, quod lienem expurget.

*Secundum*, quod iecur emundet.

*Tertium*, quod pectus purificet.

*Quartum*, quod vocis auferat incommoda.

*Quintum*, quod à nocumento tueatur, ac conseruet præcordia: quo nomine os ventriculi, membra spiritus, & quæcunque cordi vicina hic intelligenda sunt.

*Sextum*, quod non naturalem cordis dolorem tollat: ac ratio quidem omnium est, quod huius venæ sectio, ut latius paulo post declarabitur, ab omnibus illis locis sanguinem educat.

Pro pleniori autem huius rei intelligentia  
pri-



primo quidem sciendum est, aperiri nonnunquam venas, nonnunquam vero arterias. Verum propter difficilem fluxus arteriæ compressionem arterias Medici incidere metuunt: quippe cum quis in secunda forte vena arteriam vulnera-rit, agre statim sanguinis eruptionem compe-  
scat, ac vbi res optime cadat ad cicatricem per-ducta diuisione, tamen *αὐτοματῶς*, hoc est, arte-riæ incisæ dilatatio existat, teste Galeno in libro de curand. rat. per sanguin. missio. cap. 21. & 22. Difficilis porro est fluxus arteriæ compressio, par-  
tim quidem ob arterialis sanguinis feruorem: hic enim promptissime mouetur, arteriamq; di-  
latando aperit: quare sanguinis eiaculationem in arteriæ incisione admodum iuuat: Partim ve-  
ro, quod motus arteriarum, vt libro secundo, ca-  
pite vigesimo, de sanitat. tuend. Galenus atte-  
statur, nunquam intermittatur, quo fit, vt ipsa-  
rum vulnera tardius etiam curentur: cum utiq; quietem requirant ea, quæ sananda sunt. Gale-  
nus libro quinto, capite octauo, method. med. & commentar. 6. libro 6. aphorif. Prodest autem  
arteriæ incisio, quando corpus redundat sangui-  
ne tenuiore aut flatuoso, aut feruidissimo. Sedes  
enim sanguinis subtilis ac tenuis, vnde calor na-  
turalis & spiritus procreantur, atque item fla-  
tuosi, in arteriis est. Quin feruidissimus etiam  
sanguis, qui à calidissimo membro, corde scili-  
cet, perficitur, inq; singula corporis membra di-  
geritur, in arteriis continetur. Crassioris vero,  
quo membra nutriuntur, receptaculum in venis  
est. Sane vero, quæ Galeno occasio extiterit se-  
cundæ arteriæ, ipse capite 22. de curandi rat. per san-



sanguin. mission. afferit. Monitus, inquit, per  
quædam insomnia, quorum duo perspicue mihi  
hi visa sunt, accessi ad dextræ manus arteriam  
inter indicem ac pollicem sitam: siuique fluere  
donec sponte sanguis subsisteret: nam ita somnium  
præceperat. Effluxit autem non tota li-  
bra. Subito itaque diuturnus extinctus dolor  
est, in illa maxime parte fixus, qua iecur septo  
transuerso committitur. Mihi quidem hoc a ta-  
te iuuenili euenit. At minister Dei Pergami diu-  
tino lateris cruciatu laborans liberatus est arte-  
ria in summa manu incisa, aggressus & ipse illud  
insomnii monitu.

Secundo vero loco sciendum, quod venæ fe-  
ctio multis admodum membris adhiberi soleat.  
Aliquando quidem brachio, siue manui magnæ  
nonnunquam parvæ, quandoq; pedi, interdum  
nafo, aliquando fronti, nonnunquam labiis  
quandoq; lingvæ siue palato, nonnunquam et  
iam angulis oculorum frontem versus. Quinq;  
venæ secandæ veniunt in manu magna, per quam  
intelligitur apud Medicos totum brachium cum  
summa manu: vt per pedem totum crus, hoc est  
quicquid ab ischio vsque ad plantas pedum est  
quemadmodum docuit Rhazes lib. 7. ad Alman  
cap. 21. & Auicenna 4.1. cap. 20.

Vna vocatur humeraria siue humeralis, Græc  
*ὤμικη*, quod per humerum in manum feratur  
vel exterior, quoniam cubiti exterius latus per-  
reptat: vel *κεφαλικὴ*, id est, vena capitis.

Altera interior cubiti vena, quæ *ἡπικη* Græc  
cis dicitur: Latini iecorariam & lienarem, hodie  
facientes medicinam Basilicam vocant.

Tertio



Tertia media, quam nonnulli & alio nomine non inepte communem, vel cardiacam, vel uigram, vel matrem nuncupant: Barbari vero medianam appellant.

Quarta axillaris, quæ est ramus basilicæ.

Quinta funis brachii, quæ est ramus cephalicæ descendens. In minori siue summa manu est Sceilen, siue saluatella. Et ita in mann sex venæ secandæ veniunt.

Cephalica incidenda est, vbi superiores pectore partes, facies nimirum, aut caput male afficiuntur: quare cõfert passionibus capitis, vt hemi-cranix, mania, & similibus. Galen. cap. 16. de curan. rat. per sang. miss. *Cephalica.*

Basilica à partib. statim euacuat, quæ infra ceruicem sunt, verbi gratia, à lateribus, pulmone, corde, iecore, liene, aut ventriculo. *Basilica.*

Communis sita & compositione inter duas iam dictas media est. Nam ea ex fissione vtriusque oritur: Est etiam in vacuando media: vndique enim vacuat, ab inferioribus nimirum partibus infra ceruicem, à collo, & supra collum. Vnde exquisitissima omnium humorum & vniuersalis toti corpori per huius venæ sectionem fit euacuatio. Vniuersalis quidem, nõ vt quibusdam placet, quod à corde oriatur, sed quod sit ramus cephalicæ & basilicæ. Sanguinem igitur à cephalica detractus, ea non apparente, medianam potius quam basilicam secabis. Quod si nec basilica se ostenderit, ad medianam potius, quam ad cephalicam confugies. *Mediana.*

Saluatella siue salubris, Sceilen Auicennæ 1. 1. doct. 5. sum. 5. capite 4. appellatur, & est vena sub *Saluatella.*



sub annulari & medio digito exporrecta. V  
rum alias subinde apud Arabes & Barbaros  
lam Sceilen vocari obseruatur, quæ iuxta br  
chiale ab humerariæ ramo & axillaris venæ pr  
pagine constituitur, cui eadem quæ axillari m  
dicorum vulgus nomina imponit, hanc quoq  
saluatellam & salubrem vocans. Hæc obstru  
cto hepate in dextra manu, liene vero in sin  
stra incidi solet. Quare hoc fiat, ratione ostē  
dere non est, sed experientia licet. Porro man  
illius cui hæc vena secatur, in calidam aqua  
ponenda est, donec locus infletur, & leuiter ex  
tumeat, conspicuusque fiat: secta autem iam  
na, iterum in aquam ponenda est: ideo vt sang  
cito eiaculetur, si eius eruptio debilis fuerit, s  
uti solet in pluribus eorum, quibus per hanc v  
nam sanguis extrahitur, & ne sanguis in ore  
næ coagulatus illico restringatur. Cum aut  
ex ea quantum volueris emanarit, parum olei  
salis imponendum est, ne iusto citius vulnus  
catrice obducatur. Rhazes libro septimo, capi  
vigesimo septimo ad Almanforem, & Auicenna  
4.1. capite 20.

*Axillaris.* Axillaris ramus est basilicæ, & apparet in cu  
natura brachii versus inferiora: de hac idē qu  
de basilica iudicium.

Funis brachii similis est cephalicæ: est enim  
ramus eius. Quanquam autem venæ section  
quemadmodum id ipsum à Galeno & Auice  
na adseritur, vniuersalis è toto corpore fiat  
uacuatio, non tamen ex omnibus venis æqu  
biliter, sed tantum ex communibus, vt visum  
est. Licet etiam venæ è toto corpore vacue  
n



non tamen æqualis in omnibus est timor. Imo cephalica Rhazæ est securior: basilica vero & cardiaca magis timenda, quanquam hæc quam illa minus.

Cephalica omniū minus est noxia, quod nullus nervus, nulla arteria, nullus etiam tendo sub ea vena procurrens sectionem impediat.

Cardiaca siue medianæ incisio admodum difficilis ac periculosa est, propter subiacentē nervum ac tendinem: maxime si in ipso brachii sinu profundius incidatur.

Basilica inter cæteras eius loci periculosissimā habet sectionem: tum propter arteriam quæ subiacet, tum etiam propter incertum & variū nervorum in ea parte procursum, qui te dubium & anxium reddunt: præsertim in interiore brachii plexu, qui minus carnosus est.

Sceilen siue saluatella non est periculosa, sed tamen subtilis: vnde convenit vt in sectione eius manus in aqua calida detineatur, quo expeditius erumpat sanguis.

In pede tres venæ sunt, ischiatica scilicet, saphena & vena poplitis, quas incidere consuevimus sanguinem deorsum reuulsuri, vt in mensium prouocatione.

*Pedia vena.*

Sed in hoc vena poplitis, iuxta Auicennæ sententiam, efficacior est saphena, aut ischiatica: propinquior enim est vtero, vnde melius ab ipso deorsum trahit.

Saphenæ sectio à renibus, ab vtero, testiculis, & virga sanguinem educit.

Ifchiatica ab ancha, id est, ischio, siue à coxa, renibus & membris versus exteriorem partem sitis.



fitis melius trahit. Iuuamentum sectionis eius magnum est in ischiade, podagra, varice & elephantiasi.

Saphena ab utero trahit, & membris versu interiorem partem siris, licet eiusdem venæ siri rami, menses prouocat, & hæmorrhoidum orificia aperit.

*Frontis vena.*

In media fronte inter duo supercilia sita est vena, cuius incisio confert grauitati capitis, & præcipue illi quæ est à parte posteriori, & antiquis faciei vitiiis, nempe morpheæ, impetiginibus, scabiei, & oculorum affectibus, incisa tamen prius cephalica.

*Nasi.*

Est in naso quoque vena, in cuius incisione colum sudariolo stringere oportet, donec capitis partes intumescant, & vena conspicua fiat. Idem etiam in sectione venæ frontis faciendum.

*Labiorum.*

Inter labra item & gingiuas venæ sunt, quæ propter oris aut gingiuarum abscessus scindi solent, cephalica tamen prius incisa.

In palato venæ sunt quatuor, quarum incisio confert fluxioni rheumatis ad dentes ac in eis dolorem incitantis. Suntque omnes conspicuæ, & incidenda potissimum post concoctam materiam.

*Oculorum.*

Sunt quoque venæ quædam in angulis oculorum lachrymalibus frontem versus, quæ inciduntur in passionibus oculorum, doloribus capitis, ophthalmia antiqua, & lachrymis, secta prius cephalica.

*Lingua.*

Præterea venæ quæ sub lingua conspiciuntur possunt in multis affectibus incidi, præsertim in angina, secta tamen prius cephalica.

*Temporum.*

Quinetiam in temporibus iuxta aures venæ sunt,



sunt, quæ inciduntur propter vertiginem, hemi-  
craniam, vehementem capitis dolorem, & ægri-  
tudinem diuturnam: sed hæc incisio, vt in libro  
de genitur. & in libr. de aere, aquis, & locis Hip-  
pocrates autor est, hominem reddit sterilem.  
Quibuscunque, inquit, iuxta aures venæ sectæ  
sunt, hi coeunt quidem, & genituram emittunt,  
verum modicam, & debilem ac infœcundam.  
Nam plurima genituræ pars à capite iuxta aures  
in spinalem medullam procedit. Ipse autem  
genituræ meatus cicatrice sectioni inducta ob-  
struitur. Et proceres Scytharū, incisis iuxta aures  
venis, sterilefcere affirmat. Auicenna eas iuue-  
niles vocat.

In collo etiam venæ sunt, quas Græci σφαγι-  
πδας, Latini iugulares, id est, venas faucium &  
gutturis, Arabes Guidez, Barbari Subeticas, A-  
poplecticas & somni venas appellant, quod pres-  
sa, ligatæ & complicatæ afferant νγιγον, id est, so-  
mnum veternosum, & torporem quendam apo-  
plecticum. Hæ inciduntur, cum anhelitus in  
principio lepræ maxime constringitur coarctā-  
turque, & in principio fortis angina, in asthma-  
te acuto, in rauedine vocis, in abscessu pulmo-  
nis, in dyspnœa, quæ est ex multo sanguine ca-  
lido, & in ægitudinibus splenis ac laterum.

Plura in libro anatomie viuorum Galeno  
adscripto, capite vigesimo octauo, &  
apud Rhazen, & Auicennam  
locis citatis.

\*\*

Cc

EMIS-



MISSI SANGVINIS

observatio ex Ioannis Fernelii

vacuandi ratione,

cap. 20.

**E**ffluens sanguis excipiendus mundis ter-  
sisque peluiculis, terrenis, vitreis, stanneis  
aut argenteis: non item aneis, ne ab his  
vel propriæ substantiæ, vel coloris, vel alterius  
qualitatis conuersionem subeat, quæ nostrum  
de corporis affectione iudicium peruertat. Sint  
& peluicula multæ, in quibus sanguinis varietas  
dispici ac distingui possit. Seponantur loco mun-  
do, quo nec puluis, nec fumus, nec ventus, nec  
Solis radii pertingant.

*Iudicium de  
sanguine e-  
misso ex sub-  
stantia.*

Omnia prima in his observabitur sangui-  
nis substantia. *Viscosus* est qui lente fluxit, &  
tanquam glutinum digitis adheret: quorum  
neutrum efficit probus atque mediocris. *Cras-*  
*sus* est & densus, multasque fibras habet qui o-  
cyus concrescit atque congelat: hic obstructio-  
num aliorumque inde morborum fit autor. Qui  
tardius concrescit ac durescit, tenuis est: qui ve-  
ro iam refrigerens minime durescit, is omnino  
vel aquosus vel putridus est, cuius fibræ omnes  
direptæ atque corruptæ vanuerunt. Idipsum pla-  
nius distinguit fissio. Crassus ac compactus diffi-  
cile finditur, tenuis facile: putridus vero non  
finditur, verum simul atque attingitur, totus in  
partes exiguas discerpitur.

*Serum.*

Serum multum tanquã aqua citrina concre-



to sanguini innatans vel potum liberaliorem, vel iecur infirmum, quale hydropici, vel inbecillos renes, vel eosdem obstructos ostendit: quibus ex causis serum redundans in venas sanguini permiscetur. Hunc tamen non eo prorsus destitui par est, velut in his qui frugalius bibunt, aut immoderatus sese exercent: crassescens enim sanguis difficile in tenues venas distribuitur, easque prompte intercludit.

Spuma innatans, nisi fluoris impetu nata sit, *Spuma-* incendium atq; feruorem eius humoris ostendit cuius calorem præ se fert: rubra quidem, sanguinis: citrina, bilis: alba, pituitæ: liuida, melancholiæ.

Durescentis sanguinis color per summa rubicundus boni utilisque sanguinis est index: ruber quidem ac lucidus ardentis, qualis est articularum: ruber vero & obscurus mediocris, qualis est venarum. Color citrinus, bilem: albus, pituitam: viridis, bilem retorridam: liuidus aut plumbeus, atram bilem cum pernicio, ut disparium colorum permixtio varios humores exuperare commonstrat: qui an etiam putridi sint necne, sanguinis substantia palam facit. Est autem quum albus color ex optima concoctione proficiscitur: quod his præsertim accidit, quorum plenior est virtus, & quorum urinæ bene coctæ visuntur, multo alboque sedimento confertæ. Illorum quippe sanguis in venis tenuioribus concoctione iam albescit.

Sanguinis parte summa innatat nonnunquam *Pingue.* pingue quiddam & adiposum instar telæ aranei coharens. Hoc, si admodum pingue & obesum



corpus est, ex ipso sanguine causam habet, qui est in adipem pronus. Sin corpus strigosius fiat minusque optimum, id ipsum colliquari & marcescere portendit.

*Subsidentia.*

Ima parte concreti sanguinis subsidet quod terrenum magis est atque faculentum. Id quum scinditur, sapius apparet vel rubrum, obscurum, vel nigrum, vel lucidum, vel viride: unde humoris, qui sanguinem perfundit, naturam videre est atque ex coloris copia assequi, quantum unusquisque humor in venis abundet.

*Grana.*

Si diffisso sanguine grana quædam arenularum æmula offendantur, aiunt vel Elephantiasin, vel ad hanc propensionem notari: quanquam obferuantibus nihil tale deprehensum est.

*Graueolentia.*

Rarum est sanguinem à venis graueolere: quod si contigerit, putredinis corruptionisq; deplorata est indicium.

*Sapor.*

Detractum sanguinem nemo degustarit: at si cui in os fortasse incidet, dulcisq; apparebit, secundum naturam est: qui amarus, biliosus: acridus aut stypticus, melancholicus: insipidas, pituitosus: salsus, pituita salsa perfusus.

*Iudicium ex collatione pellicularum.*

Sanguinis substantia atq; colore animaduersis, conferendæ inuicem erunt pelliculae. Quæ si omnes optimum sanguinem æquabiliter exhibeant, credibile est reliquum in venis similem haberi, illum tamen detrahendum fuisse, quod multitudine peccaret: quæ una corpus grauat, sensus offendit, & in putredinem, aut in grauiorum malorum pericula coniicit. Si vitiosus & impurus sanguis conspicitur, multo etiam vitiosius eductus est, ut qui & copia & qualitate mor-

lestus



lestus corpori negotium facesseret, sed & post hac diligentius vacuari corpus debet, aut pharmaco, aut venæ sectione. Si qui prius manauit, syncerus, qui autem posterius, prauus existit, multi huiusmodi resident in corpore, proba virtus ratione, idoneisque vacuationibus exterminandi. At si hoc ex phlegmone accidit, bono esse solet: nempe indicium completæ & integræ vacuationis, quæ morbi materiam ex affecta sede extirpauit. Si postrema peluis purior est primis, consummata est vacuatio, quæ sanguinem vitiosum omnem detraxit, dum utilis ac bonus dimanaret. Sanguis in tepescentem aquam effusus diuulsis secretisq; substantiis multa profert. Serum aquæ omnino confunditur, vt interno-sci nequeat: illi etiam permiscetur tenuior sanguinis portio, ex cuius colore liceat de humoris natura & specie quodammodo iudicium facere. Crassior sanguinis portio & fibrosa subsidet in imo: quæ pura & secundam naturam esse iudicabitur, si lucida, tenuis, subalbida & coherens fuerit. At crassior, crassum etiam sanguinem inesse: obscura & nigra, aliove infecta colore, sanguinem vitiosorum humorum facibus inquinari commonstrat, quos ipsa coloris differentia discernit. Si parum illa coheret distrectaq; facile dilaceratur, summæ putredinis est argumentum.





## DIOCLIS CARYSTII

*Medici ab Hippocrate fama & atate secun-  
di, aurea ad Antigonum Asia Regum Epi-  
stola, de morborum presagiis, & eorundem  
extemperaneis auxiliis, à Græco Latine red-  
dita, per Antonium Mizaldum.*

## DIOCLES ANTIGONO

*Regi salutem.*

*Antigoni  
Regis eru-  
ditio non  
vulgaris.*

*Similitudo  
sane quam  
apposita.*

**Q**VONIAM summa tibi inter omnes  
Reges, ANTIGONE, comparata  
est eruditio, & iam senilis procedit æ-  
tas, vniuersæque philosophiæ ac ma-  
thematicarum non vulgaris tribuitur cognitio,  
quibus singulis clarissimus haberi, & palmam  
aliis longe præripis: Ego regiam quoque & fa-  
miliarem tibi esse debere existimans, eam philo-  
sophiæ partem quæ ad tuendam sanitatem per-  
tinet, idcirco tuæ Maiestati hac nostra Epistola  
paucis complecti volui, vndenam infirmitates  
hominibus contingant: & quibus indiciis præ-  
cedentibus augurentur, quibusue præidiis op-  
portune eis prospiciatur. Quemadmodum e-  
nim signa quædam minime obscura, cœli tempe-  
statem fere semper præueniunt, quibus naturæ,  
& alii rerum naturæ periti, quid faciendum sit  
vt tutiores euadant, facile colligunt: sic nullus  
præter naturam affectus homines corripit, nisi  
certis



certis præcurrentibus signis ille indicatus fuerit. Tu itaque nostris ea de re præceptiunculis admonitus, illas oburis vlnis excipere & ad vnguem obseruare minime dedignaberis.

Distribuimus humanū corpus in partes quatuor. Caput, Thoracem, Ventrem & Velicam.

*Corporis partes quatuor.*

## CAPV T.

CVM itaque morbus quispiam caput præhensurus est, certa præfagia & signa illum, magna ex parte solent prædicere. Cuiusmodi sunt capitis ad supercilia vsque grauitas, aurium murmurans sonitus, & temporum pulsatio. Mane lachrimantur oculi & caligant: hebetatur odoratus, ac gingiue intumescunt. Itaque dnm eiusmodi præfagiorum & signorum quippium animaduenteris, caput confestim repurgandum esse iudicato, nullis, inquam, pharmacorū præfidiis, verum, sumptis hyssopi, vel origani summatibus tritis, & in ollula ebullitis cum passo vel iuris semisextario, quibus os ieiunum collues: & quo ad pituita educatur gargarizabis. Hoc sane morborum capitis facilimum est remedium. Saluberrimum quoque fuerit, decocto sinapi, in aqua mulsa & calente præmacera- ti, ieiunum os itidem colluere, & gargarizando humorem è capite deducere. Oportet autem caput ipsum antea perblande fricare, & tegumento quopiam calfacere: vt liquefacta pituita sublato obitaculo, melius fluere possit. Quisq; præuisa signa & posita remedia neglexerit, se morbis istis opportunum fore certo sciat: nem-

*Præfagia instantiū morborū capitis.*

*Remedia morborum capitis.*

*Semisextarius uncia decem.*

*Cautela notatu digna.*

*Accidentia ex neglectis remediis capitis.*



pe ophthalmie, glaucomati, aurium dolori, strumis in ceruice, tabi cerebri & σφικελισμῶ, corycē, raucedini, angine nocturne, lapsui vultus, capillorum defluuio, vlcusculis capitis & dentium cruciatui.

*Signa mor-  
borum tho-  
racis impen-  
dendum.*

## T H O R A X.

*Remedia  
morborum  
thoracis.*

*Vomitum  
paratu fa-  
cillimum.  
Incommo-  
da ex negle-  
ctis pro fidis  
thoracis.*

Quando vero mali quidpiam thorax passurus est, his præfagitur & præsignificatur notis. Sudor quidam per corpus vndique diffluit: sed omnium maxime ad thoracis regionem. Lingua erassescit, & salsa, amara, aut biliosa expuuntur: spontanei dolores in lateribus & scapulis citra manifestam causam oboriuntur: oscitationes crebre fiunt, vigilię fatigant, vrgent suffocationes, sitis adest, & ex somno labor & animi anxietas, infestant pectoris angustie, & brachiorum lassitudo, ac manuum tremula affectio. Quibus nec male, nec imprudenter ad hunc succurritur modum. Imprimis vomitus haudquaquam crapulosus, à cœna, quoad eius fieri potest, proritandus est ac mouendus: sed absq; medicamento. Pro sunt etiam vomitus ante pastum matutini, & ieiunii, à gręcis σερμαιομοι nuncupati. Quibus igitur hoc pacto vomere placuerit, radículas tenues, seu raphanos, nasturtium, erucam, sinapi, aut portulacam deuorēt, deinde aqua tepida affatim hausta vomant. Qui dicta præfagia & præsidia negligendo prætermiserint, hos meruant affectus, pleuritidem, peripneumoniam, melancholiam, febres acutas, phrenetidem, venternum, & cum singultu faucium ardorem & phlegmonem.

VEN-



## VENTER.

SI quis autem morbus ventrem inuasurus est, his detegitur indiciis. Venter in primis conuoluitur, obmurmurat, & perturbatur: esculentia cum poculentis amarorem præ se ferunt: genuum adest grauitas, spinæ & lumborum rigor inflexilis, cum vniuersi corporis lassitudine, citra manifestam causam. Vbi hæc signa obseruas, venter, nullo quidem medicamento, sed victus ratione emolliendus ac lubricandus est. Nam & melius & longe tutius est iis vti, quibus non facile potest delinqui. Ex horum classe & numero sunt beta aqua mulsæ incocta: allia elixa, maluara, ramex, mercurialis, & omnia melle condita, cuncta enim hæc alui excrementa clementer ac benigne deliciunt. Quod si præfagiorum quodpiam magis atque magis intentatur, cnici seu cartami liquorem omnibus decoctis infundes, nam is & suauior & tutior est. Vtilis etiam fuerit lauis brassica, multa aqua elixata. Huius etenim iusculum hemina dimidiæ seu vnciarum quinque mensura cum melle & sale haustum, summe iuuabit, perinde atque cicerum decoctum ieiuno stomacho eadem mensura potum, nam eundem habet effectum. Hæc signa & auxilia paruipendentibus affectiones istæ sæpenu-mero succedere solent, diarrhœa, dysenteria, lienteria, voluulus, coxarius morbus seu ischias, tertiana febris, podagra, apoplexia, hæ-  
morrhoides, & articularis  
cruciatus.

*Indicia sus-  
sutorum ven-  
tri morborum.*

*Remedia  
morborum  
ventris per  
illius lubri-  
cationem.*

*Alui blan-  
de & facile  
soluentia.*

*Qua sequun-  
tur neglecti  
ventris cu-  
rationem.*



## VESICA.

*Signa mor-  
borum vesti-  
ca propin-  
quantium.*

*Auxilia af-  
fectuum  
vesicae.*

*Incommoda  
seque[n]tia  
neglectam  
curationem  
vesicae affe-  
cto.*

*Aduerten-  
da & notan-  
da.*

Quando autem vesicae mali aliquid imminet, his indiciis dignoscitur. Post exiguum ci-  
bum plenitudo infestare apprehenditur: obori-  
untur flatus & inflationes, ructus & pallor vni-  
uersi corporis. Somni adsunt graues, urinae ter-  
nues: aquosa & ægerrime stillantes, nec non cir-  
ca pudenda bubones, vel œdemata. Vbi sese pro-  
ferent eiusmodi signa & præsagia, auxiliis lotio-  
impellentibus & promouentibus, opportune  
succurrendum erit. Id quod sine periculo præ-  
stabitur apii & fœniculi radices, in vino albo, ter-  
nui & odorato, maceratae & decoctae: modo cy-  
thi duo iusculi, seu unciae tres quotidie exhibee-  
antur: mane nimirum & vespere, cum aqua dau-  
ci, smirni, vel enulae campanae: quodcumque  
horum ad manum fuerit, nam aequae singula pro-  
sunt. Cicerum quoque præmaceratorum & co-  
ctorum aquam, si cum vino biberit ægrotans, i-  
dem prorsus consequetur. Qui vero scripta signa  
& auxilia imprudenter neglexerit, à sequenti-  
bus morbis sibi metuat: nimirum ab hydrope  
lienis tumore, hepatis dolore, lithiasi, nephriti-  
de, stranguria, colico cruciatus, & torminibus.  
Cæterum, in omnibus signis & malis, quæ hacte-  
nus proposuimus, infantibus quidem & iunio-  
ribus, clementiora medicamenta, grandioribus  
vero, & natu maioribus, validiora ac efficaciora  
exhibere conueniet.

Cæterum, quoniam statis anni temporibus  
certi quidam morbi ingruere solent, quæ in sin-  
gulis



# EPISTOLA. 41<sup>a</sup>

gulis alimēta tibi sumenda fugiendaue sint, paucis exequar, auspiciatus à solstitio hyberno.

## SOLSTITIVM HYEMALE.

**S**olstitium itaque hyemale vsque ad vernum æquinoctium auget in hominibus destillationes humiditatesque: ac propterea calidioribus vti cibis, parciore potu, sed meraciore, atque ex origano bibere oportet, nec non Veneri indulgere. Numerantur ad æquinoctium dies nonaginta.

*Hæc postrema ex I. Guinterii Andern. interpretatione transcripta sunt.*

## ÆQUINOCTIVM VERNVM.

**H**oc tempore pituita in hominibus crescit, & dulce serum sanguinis vsque ad Vergiliarum ortus: eoque tum maxime succosa acriaque assumi debent, corpus exerceri & Venus. Sunt autem ad vsque Vergiliarum ortum dies sex & quadraginta.

*Corn. odera-  
ratissime.*

## VERGILIARVM EXORTVS.

**H**oc tempore bilis amara augetur, amarumque serum vsque ad æstiuum solstitium: dulcia omnia tunc quæ aluum moueant conueniunt Venus quam parcissime exercenda. Hinc ad solstitium æstiuum dies quinque & quadraginta existunt.

## SOLSTITIVM ÆSTIVM.

**H**oc anni tempus atram bilem adusque Æquinoctium autumnale promouet: Quapropter



propter aqua frigida atque odoratis omnibus  
utendum est, venus perniciofa, aut innocentius  
saltem quæ de ea præscripsimus adhibeto. Porro  
sunt ad Æquinoctium autumnale dies tres &  
nonaginta.

### ÆQUINOCTIVM AV- tumnale.

*Corn. odera-  
rissima.*

**H**Æc anni pars pituitæ copiam generat, tenu-  
esque defluxiones, donec Vergiliæ occidant.  
Conuenit igitur tunc humores ex capite elicere  
atq; acerrima \* maximeque succosa assumere,  
vomitum rarissime citare, exerceri atque con-  
cubitum vitare. Numerantur ad Vergiliarum oc-  
tasum sex & quadraginta.

### VERGILIARVM OC- tasum.

**H**Oc tempore pītuita ad vsque Solstitium  
hyemale in hominibus redundat, quamob-  
rem acerbissima quæque, vinum suauissimum  
assumere oportet, pinguibusq; vti & exercitari.

Sunt autem ad Solstitium hyemale,  
dies quinque & qua-  
draginta.







# DE SALVBRI DIÆTA

incerti autoris Liber, Hippo-  
crati quondam falso adscri-  
ptus.

*Iano Cornario medico physico  
interprete.*

Argumentum in librum sequentem  
Ioan. Culm. Gepping.

I. *Diata idiotarum & priuatorum, qualis  
hyeme, vere, astate, & autumno esse debeat.*

II. *Diata ad etates, ad omne tempus, & ad  
corporum species constituenda.*

III. *Ambulandum hyeme velocius, astate  
tardius, nisi per aelum iter facias. Carnosi  
gracilibus citius ambulent. Balneis quomodo  
utendum. Vestes pura hyeme induenda, astate  
sordida, & oleo imbuta.*

IV. *Gracilitatem corporis quo studio con-  
sequaris. Pinguis ex gracili quomodo fias.*

V. *Vomendum sex mensibus hybernis.*

VI. *Quæ infusa, quibus temporibus, qui-  
busq; naturis conueniant. Infusa crassa & te-  
nuia qua.*

VII. *Cras-*



VII. Crassos & graciles, quomodo ad vomitum prapares. Bis in mense vomere consueti, iis melius est, ut consequenter in duobus diebus, quam per maiora intervalla vomant.

II X. Cibos removere consuetorū, aut quorū alui non probum transitum habent, curatio.

IX. Puerulorum infantium educandi & cibandi ratio.

X. Mulieribus siccioris modi diata convenit. Exercitiorum ratio iuxta temporum anni differentias instituat.

XI. Alui profluvii in exercitiis utentibus & excrementis ciborum speciem referentibus, curatio diatetica: Item quibus temperamentis hic morbus sit familiaris. Corpora densam carnem habentia, iis quæ raram habent, à carniū esu magis leduntur.

XII. Cibus postridie eructantes, longiori somno & aliis laboribus curantur.

XIII. Siti correptis cibi & labores detrahendi, vinum vero aquosum & frigidissimum exhibendum.

XIV. Aqua aut muci per naves vel aures eruptio, capitis torporem solvit. Sanitas res preciosissima.

I. **E**Os qui propria priuataq; negotia agunt homines, hac diata uti oportet. Hyeme quidem



dem comedere quam plurima, bibere autem quam parcissime. Sit potus vinum quam meracissimum: cibi, panis, & obsonia assata omnia. Oleribus quam paucissimis hoc tempore vtendum est. Sic enim corpus maximae siccum ac calidum reddetur. Vbi vero ver apprehenderit, tunc sane potum ampliorem assumere oportet, vinum dilutius & paulatim: cibis quoque mollioribus ac paucioribus tum vtendum est: ablato pane mazam exhibere conuenit & iuxta eandem rationem obsonia detrahare, & loco assatorum omnia elixa facere. Oleribus vero paucis tunc vti oportet, donec ad aestatem perueniat homo, cibis mollioribus vtendo, & obsoniis elixis, & oleribus, tam crudis quam coctis, similiterq; potibus quam dilutissimis ac plurimis: ita tamen vt paulatim non derepente his vtatur, ne videlicet magna mutatio fiat. At vero aestate maza molli nutriatur, & potu aquoso ac multo, obsoniis omnibus elixis. Sic autem his vbi aestas fuerit vti oportet, vt frigidum sit corpus & molle. Tempus enim calidum est & siccum, & facit corpora aestuosa ac squalida. Quapropter tali studio auxiliari oportet. Iuxta eandem vero rationem, quemadmodum ex hyeme ad ver, sic ex vere ad aestatem deducendus est, cibo quidem detracto, potu vero aucto. Sic quoque contraria faciendo ex aestate ad hyemem perducatur. In autumnno vero rursus cibi plures exhibendi sunt & sicciores, & obsonia iuxta eandem rationem: potus vero pauciores & meraciores, quo etiam hyems bona fiat, & homo in ipsa vtatur potibus meracioribus ac paucis, cibis vero quam plurimis ac  
siccif



siccissimis. Sic enim & maxime sanus fuerit, & minime frigore impeteretur. Nam tempus hoc valde frigidum ac humidum existit.

2. Porro habitibus corporum carnosus & molli-  
bus ac rubris, plurimo anni tempore siccioribus  
diatis uti conducit. Humida enim est ipsorum  
natura. Verum siccos & graciles, fuluosque ac  
nigros, humidioris diata maiore temporis par-  
te victitare oportet. Corpora enim talia sicca e-  
xistunt. Sed & iuuenibus corporibus, molliori-  
bus & humidioribus diatis uti confert. Nam æ-  
tas ipsorum sicca est, & corpora compacta sunt.  
Seniores autem siccioris victus modo maiori  
temporis parte degere oportet. Corpora enim  
in hac ætate humida sunt, & mollia ac frigida.  
Oportet igitur & ad ætatem & ad tempus anni,  
& ad corporum species ac habitus, diatas con-  
stituere, ita ut consistentibus & caloribus & fri-  
goribus nos opponamus. Sic enim maxime sani  
fuerint.

3. Quin & ambulandum hyeme quidem veloci-  
ter est: æstate autem leniter, nisi per solis æstum  
iter faciendum sit. Oportet autem & carnosos ci-  
tius ambulare, graciles vero tardius. Balneis  
quoque multis æstate utendum est, hyeme paucio-  
ribus. Gracilibus autem magis expedit lauari,  
quam carnosus. Vestes autem puras induere hye-  
me oportet: oleo imbutas ac sordidas, æstate.

4. Caterum pingues, & qui graciles fieri volunt,  
omnes labores ieiuni facere debent, & cibos as-  
sumere anhelantes adhuc ex fatigatione, & non  
refrigerari, præpoto vino diluto, & non valde  
frigido, & obsonia preparata assumere ex sesa-  
mis,



mis, aut condimentis horrensibus, & aliis huiusmodi. Sint autem obsonia pingua quæ offeruntur: sic enim à quam paucissimis impleri poterint. Sed & semel in die cibum sumere, & illotum manere, & stratum durum habere & nudum deambulare oportet, quantum eius maxime fieri potest. Quicumque vero graciles sunt, & pingues fieri volunt, tum alia his quæ dixi contraria facere, tum ieiunos nullum laborem subire oportet.

At vero vomitibus & alui per infusa elotionibus hoc modo vtendum est. Sex menses hybernos vomendum est. Hoc enim tempus pituitosius est æstiuo, & morbi circa caput fiunt & regionem eam quæ est supra septum transversum. Quum vero æstas ac calor fuerit, infusis vtendum est. Hora enim hæc æstiosa est, & corpus biliosius, & lumbi ac genua grauantur, & calores oboriuntur, & in ventre tormina fiunt. Quapropter corpus perfrigerare oportet, & quæ in sublime eleuantur, inferne subducere ex istis locis.

Sint autem infusa pro crassioribus ac humidioribus saliora & tenuiora, pro siccis vero & gracilibus ac debilioribus, pinguiora ac crassiora. Crassa autem & pingua infusa sunt quæ ex lacte fiunt, & cicerum decoctum, & alia huiusmodi. Tenuia vero & salia, sunt muria & aqua marina, & eiusmodi. At vero vomitus sic facere oportet.

Quicumque homines crassi ac pingues sunt & non graciles, ieiuni vomant à cursu aut ambulatione cita, iuxta meridiem. Sit autem dimidia hemina hyssopi in aquæ congio contriti, atq; hoc ebibat affuso aceto & adiecto sale, quo iucundius

De diu



dius euadat. Bibat autem primum sensum ac len-  
tius, postea citius. Qui vero graciliores sunt ac  
debiliores, à cibis vomitum faciant hoc modo:  
Lotus calida præbibat meri heminam, deinde  
cibos omnigenos edat, & neque dum cibum su-  
mit, neque à cibo bibat, sed contineat se donec  
quatuor stadia quis percurrat: deinde vina tria  
permixta ipsi in potu offerantur, austerum, dul-  
ce, ac acidum: primum quidem meracius & pau-  
latim, & per multum temporis spacium, deinde  
vero dilutius, & citius & multum. Quicunq; au-  
tem bis in mense vomere consuevit, huic melius  
est vt cōsequenter in duob. diebus vomat, quam  
per quintum & decimum. Verum aliqui penitus  
contrarium faciunt.

8. Quibuscunq; vero commodum est reuomere  
cibos, aut quibus alui nō probum transitum ha-  
bent, his omnibus conducit saepe in die come-  
dere, & omnigenis eduliis vti, & obsoniis variis  
modis præparatis, vinumque bibere duplex aut  
triplex. Qui vero reuoment cibos, aut aluos ha-  
bent humectas, his omnibus contrarium huius-  
modi facere conducit.

9. Caterum puerulos infantes per multum tem-  
pus in aqua calida lauare oportet, & vinum bi-  
bendum dare aquosum, & nō penitus frigidum.  
Dandum est & id vinum, quod minime ventrem  
eleuet ac inflat. Hæc autem facere oportet, vt &  
convulsionibus minus corripiantur, & maiores  
fiant, & meliorem calorem adipiscantur.

10. Mulieres porro sicciore modi diæta vti opor-  
tet. Nam & cibi sicciore ad muliebriū carniū  
mollitiem cōmodiores sunt, & meraciores po-  
tus



tus præstabiliores sunt ad vteros ac foetuum nutrimenta. Qui exercitiis vtuntur hyeme currere ac luctari debent: Aestate vero luctari quidem parum, currere autem minime, sed multum deambulare secundū frigus. Quicumq; ex cursibus fatigati fuerint, eos luctari oportet. Qui vero ex lucta fatigantur, eos currere expedit. Sic enim laborans, fatigata corporis parte vel maxime cal fieri componique ac recreari queat.

Quosunque exercitiis vtentes alui profluvia corripunt, & recrementa ciborum speciem refertentia ac cruda habent, his exercitiorum nō minus quam tertiam partem detrahare oportet, & ciborum dimidium saltem exhibere (palam est enim quod ventriculus confouere non potest) quo ciborū multitudo concoquatur. Sint autem his cibi, panis quam maxime affatus in vino intritus, & potus quam parcissimi ac \* meracissimi, & deambulationibus à cibo ne vtantur. Oportet autem sub hoc tempus semel duntaxat in die cibum sumere. Sic enim quam maxime concalescit ventriculus, & ea quæ ingesta sunt exuperauerit. Fit hic profluvii alui modus his corporibus, quæ densam carnem habent, quum ad carniū esum homo cogitur, natura eiusmodi existere. Venæ enim densatæ cibos ingestos non suscipiunt. Est autem hæc natura acuta, & in vtramq; partem vertitur, & ad modicum tempus viget bona habitudo in talibus corporibus. At vero rariores ac hirsutiores corporum species ac habitus tum carniū esum suscipiunt, tum labores magis tolerant, & bonæ habitudines ipsis sunt diuturniores.

*Mero pass-  
perati.*

Dd 2 Qui-



12. Quicumq; postridie cibos eructant, & præcordia ipsis eleuantur, vtpote cibus crudis & incoctis existentibus, his longiori quidem tempore dormire conducit, verum & aliis laboribus corpora ipsorum cogere oportet. Vinum autem meracius & amplius bibant, & cibus pauciorib. sub id tempus vtantur. Palam est enim quod ventriculus, præ imbecillitate ac frigiditate, ciborum multitudinem concoquere non potest.

13. Quosunque vero sitis corripuerit, his & cibi & labores detrahendi sunt, & vinum bibant aquosum & quam frigidissimum. Quibuscunque autem dolores fiunt ex visceribus, siue ex exercitiis, siue ex aliquo alio labore, his quiescere conducit cibus abstinentes: potionem autem vtantur, quæ quam parcissime in corpus assumpta plurimam vrinam ducat, quo venę visceribus infitæ non distendantur repletæ. Ex talibus enim tubercula oboriuntur ac febres. Quibuscunque vero morbi à cerebro fiunt, torpor primum caput occupat, & frequenter mingit æger, & reliqua velut in vrinæ stillicidio perpetitur, atque hæc sane ad dies nouem patitur.

14. Et si quidem erumpat per nares aut aures aqua siue mucus, à morbo liberatur, & vrinæ stillicidium sedatur. Mingit autem multum, & citra dolorem, idque albū, donec viginti præterierint dies, & capitis dolor hominē relinquit. Intendenti autem oculos splendor occultatur. Porro virum prudentem id secum reputare oportet, quod res preciosissima est sanitas, & proinde scire vt ex suo ipsius consilio in morbis vtilitatem percipiat.

DE



## DE RATIONE VICTVS SALV-

taris post incisam venam & emissum sanguinem, ad Armatum Epigramma Anastasii.

**V**enam Armate tibi medici incidere, timentis  
 Nescio ventriculi qualia damna mali.  
 Nunc quo vita modo fuso peragenda cruore,  
 Sitq; dieta tibi qualis habenda rogas.  
 Illi morborum dicant Armate periti:  
 Hac non est nostra falce metenda seges.  
 Non missum facis, & cupio ex te audire disertis,  
 Atq; aliquid tua, quod Pieris ornet, ais.  
 Accipe quandoquidem nugae ad seria ducis,  
 Quae facias, octo versibus, octo dies.  
 Prima cena die sit misso sanguine parca,  
 Lux abeat latis aucta secunda modis.  
 Tertia sed placida debetur tota quieti:  
 Quarta & quinta sibi mollius esse volunt.  
 Balnea sexta petit: mox septima colligit auras.  
 Fertq; vagos circum rura nemusq; pedes.  
 Octava amplexus dilecta coniugis, & qua  
 Ante fuit, vitam restituisse solet.

## VICTVS ET CVLTVS RATIO

exposita quaternis in singulos menses  
 versibus, per Ioachimum  
 Camerarium.

Ianuaris.

**M**ensis amat tepido Iani decurrere victu,  
 Et refici grato saepe liquore iubet.  
 Vena tibi nullos exudet secta cruores.  
 Sed calida fas est mergere corpus aqua.

D d 3

Fe-



## Februarius.

Februa alius, volucresq; cibus odore palastres,  
 Esseq; inerrifica febre timenda solent.  
 Pharmaca tunc haeri, tunc scinde in pollice venam,  
 Et calido multum flumine membra foue.

## Martius.

Martius humores & terra & corporis auget,  
 Tunc ratio est puri magna tenenda cibi.  
 Dulcia tum profunt acri condita sapore,  
 Pharmaca non profunt, venam aperire nocet.

## Aprilis.

Frigore vim lenta reuocat telluris Aprilis,  
 Tunc etiam est tenuis perq; forata cutis:  
 Tunc intus sunt aulba magis, suntq; omnia plena,  
 Soluere se venter, vena aperire iubet.

## Maius.

Omnia iam florent, iam formosissimus annus,  
 Iamq; sibi cuncti mollus esse volunt.  
 Balnea nunc cole, nunc sit pharmaca sumere cura:  
 Et tibi nunc misso sanguine vena fluat.

## Iunius.

Iunius & gaudet gelidus, & pascitur herbis  
 Vinifico humori tunc inimica fuge.  
 Latitia & recreet tunc mentem blanda voluptas,  
 Affligat corpus, nec medicina tuum.

## Iulius.

Aëris ignifluos intendit Iulius aestus,  
 Hoc breuior somno tempore danda quies.  
 Balnea vitentur, nec venam tangere ferro,  
 Nec dominae petulans accubuisse velis.

## Augustus, siue Sextilis.

Ipsè etiam Augustus somnum restringit & escat,  
 Et Veneris cupido gaudia ferre vetat.

Phar-



*Pharmaca nemo bibat, laceret neq; corpora ferro,  
Nec gelidas intra delicietur aquas.*

September.

*Poma dat & gratos September ab arbore fructus,  
Tunc etiam presso pascere lacte capra.*

*Pharmaca nil prohibet tunc sumere, scindere venam,  
Nec tuus externum vitet aroma cibus.*

October.

*Octobri offertur venatio, vina, volucres:  
Vtere, nec dubites non tenuisse modum.*

*Sic tamen ut ne oneres nimio praeordia victu,  
Cumq; modo studeas non tenuisse modum.*

November.

*Esse salutaris perhibetur mulsæ Nouembri,  
Gingiber & dulci fissile melle natans.*

*Tum neq; saepe laues, Veneris neq; sacra frequentare  
Ante senex tempus ne videre suum.*

December.

*Iuxta mense focum calidis utare Decembri,  
Tunc iaceant mensis gramina nulla tui.*

*Incidas capitis defensi à frigore venam.  
Cinnamomeq; tuus fragret odore calix.*

## LOCI ALIQVOT PHILIPPI

Melancht. in lib. de anima, de moderatione cibi & potus: item somni & vigiliarum.

i. Modus organorum hortatur ad temperantiam. Cum enim immodice onerantur, non potest coctio perfici. Et vitia primæ coctionis deinde non possunt corrigi in aliis coctionibus. Quare cibo immodico ingestio, cum fit malus chylus,

De 4

etiam



etiam postea fit insuane nutrimentum, & corpus vitiosis humoribus impletur.

2. Traditur vtilissima regula: Vitium prioris coctionis non potest corrigi in posteriore. Quare cum ventriculus non facit suum officium, nunquam fiet ex crudo chylo sanguis bonus. Ideo intemperantes, qui non concedunt ocium primæ coctioni, replent corpus vitiosis humoribus, fiunt pallidi, & prosteruntur vires ventriculi, ac deinde hepatis.

3. Sæpe citatur dictum Hippocratis, in quo complexus est & res vtilis corpori, & earum modum & ordinem: *πρῶτοι, ἑπτά, πέλα, ὑπὸι*.

*Labores, cibi, potus, somni, omnia sunt moderata.*

*Non pura corpora, quanto plus nutries, tanto plus lades.*

*πρῶτα μέτρα.* Primum locum tribuit labori, qui propter multas causas præcedere cibos debet. Excitatur enim calor, superfluitates consumuntur & expelluntur, quod vtile est antequam ingerantur alii cibi. Vt enim si ad focum calfacias aquam, & iam feruenti infundas frigidam, rursus extinguatur calor, ita turbatur coctio, cum rursus cibi ac potus ingeruntur crudi: id cauere iubet Aphorismus, *τὰ μὴ κατὰ τὴν ὥρην αὐτῆς, μᾶλλον βλάψεις.* Sunt autem vtiliora exercitia, in quibus agitantur brachia, & thorax panditur, vt discutiantur superfluitates in pectore & pulmone, & motus calorq; diaphragmatis in ventriculo profunt. Post cibum cauendi sunt omnes vehementiores motus corporis & animi, cauenda & vocis intentio. Tribuenda enim quies ventriculo amplexo iam cibum, qui cum agitur, non potest integre concoqui. Motus enim aperit orificium, vbi exhalant calor & spiritus, aperit & pylorum, vbi crudus chylus ante



ante tempus effunditur. Ac interdum subitum exitium afferunt illi vehementiores motus post cibum. Nec quisquam est, qui non experiatur sibi tales contentiones nocere. Itaque videmus natura etiam pecudibus hunc sensum inditum esse, quietem vt ament postquam pasta sunt. Qualis est autem immanitas, homines prorsus contemnere ordinem à natura institutum, vtilem vitæ & conseruandis non solum ventris, sed etiam ingenii viribus? Est etiam quædam diligentia, quæ eruditos decet, cibi & potus discrimina considerare, qui iuuent aut offendant corpus, vt calidis & siccis minime profunt calida aromata, & pleniora vina. Ad somnum conciliandum profunt lactuca & cibi ex amygdalis facti. Obseruet igitur quisq; qualibus cibis opus habeat.

*De somno.*

4. Conducit quies ad recreandas tres virtutes. Ad rigationem cerebri, ad generandos spiritus, & ad perficiendum officium ventriculi & hepatis. Vere igitur Ouidius:

*Is quoq; qui gracili cibus est in corpore somnus.*

Et Vergil.

— *Fessos sopor irrigat artus.*

Nam cum coctio recte perfecta est, omnibus membris distribuitur nutrimentū, quod membra irrigat, gignuntur spiritus, qui nouas vires addunt, & tamen æstus corporis ipsa quiete mitigatur: perfunditur etiam corpus quadam vtili & suaui rigatione ex cerebro. Recipit & cerebrum vires, vnde fiunt nerui viuaciores.

D d 5

De



5. Nec inanes suauiter dormiunt, nec immodico cibo onerati: Balneæ antecedant coenas, à coena exiguum sit interuallum ad somnum. Molli ambulatione cibus ex orificio ventriculi descendit, & orificium clauditur. Deinde quies gratissima est ventriculo, ac primum in dextro latere cubandum est, ne hiet os ventriculi. Fit igitur collecto calore in somno coctio, prohibetur cruditas, conseruatur calor naturalis, gignitur sanguis suauior, sequitur & virium & coloris bonitas. Nec dubium est, certissimam esse perniciem virium corporis & ingenii, extendere vigilias post coenam in multam noctem. Quia non tantum cruditas sequitur, sed dissipatur calor naturalis, languescit virtus ventriculi, gignitur sanguis impurus, corpus vitiosis humoribus repletur, sequitur aut *αἰσχρογαστήρ*, aut macies, accedunt pallor, conturbatio spirituum, debilitas cerebri. Quare assuefacienda est iuuentus, non modo ne conuiuia producat in multam noctem, sed etiam vt lucubrationes omittat principio noctis, nec tempus ad quietem diuinitus constitutum omnibus animantibus transferat ad exitiosos labores.

6. Est etiam opus animi tranquillitate. Nam dolor cordis, item sanguinis ac spirituum æstus in metu, mœstitia, ira, nimis intenta cogitatione, impediunt cerebri quietem, nec sinunt cor vacare huic actioni naturali.

NON-





NONN VLLA  
DE REGIMINE  
SANITATIS,

*iuxta*

SEX RES NON NATV-  
rales, placita ex Hippocratis &  
Galenī libris desumpta, cum aliis,  
tum literarum studiosis, & iis, qui  
minus exercentur, cognitu neces-  
saria:

PER D. IOANNEM KATZCHIVM,  
*Hallensem Med. Doctorem iam olim edita, sed re-  
cens à variis mendis repurgata per*  
I. A. S. L.

**T**AMETSI duo esse humani corpo-  
ris principia Galenus in primo de tu-  
enda sanitate libro adfirmet, Semen  
videlicet viri, Sanguinemque men-  
struum mulieris: tamen tum vete-  
res, tum neoterici Medici omnes ipsum se-  
quuntur



quati prudentissime septem res numerant, quæ corporis humani constitutionem ingrediuntur, quas quidem res naturales vocant: expeditque easdem tueri conseruareque perpetuo similibus. Nam Medicus, qui harum rerum naturalium exactam cognitionem non habuerit, neque per morbum sanandum earum vires sedulo tuebitur, in eum haud dubie incidet sermonem: Morbus quidem curatus est; Homo autem obiit: id quod à quam plurimis quotidie factitari videmus, præsertim ab iis, qui rationi experientiam sine ratione præferunt, teste Galeno secundo artis curatiuæ libro ad Glauconem.

*Sunt autem septem res vocata naturales.*

1. Elementa.
2. Temperamentum.
3. Humores.
4. Membra vel partes.
5. Virtutes seu facultates,
6. Operationes vel Actiones.
7. Spiritus.

De his singulis nunc differere non est nostri instituti: Verum hoc non est silentio prætereundum, principio, Sanitatem non esse absolute elementorum, ex quibus constamus, aut medium temperamentum, quam Eucrasiam vocant, aut debitam convenientiam, quam Symmetriam appellant: sed eam duntaxat, quæ similarium est partium.

Deinde instrumentalium partium sanitatem  
in



in figura, numero, magnitudine ac compositione simularium consistere : functionibus vero secundum naturam obeundis sanitatis habitum discerni.

Postremo duplicem esse sanitatem: Vnam quæ optima, consummata ac summa est : Alteram quæ imperfecta, & ceu ab hac deficiens est : quarum vtraque maioris minorisque ratione diuidua ingentem habet latitudinem. Veluti enim album corpus aliud magis, aliud vero minus album cernitur : ita & quod sanum dicimus, magis minusq; tale esse videtur. Cuius rei duplex est demonstratio : Prima sumitur ex mutatione, quæ ætatum vicissitudines sequitur. Alia enim sanitate fruuntur Infantes, alia itidem Iuvenes, & alia denique Senes, cum tamen omnibus per omnes ætates liceat esse sanis. Tametsi sint qui senectutem ipsam morbum esse velint. Altera administratio ab actionum differentia habetur. Siquidem nec qui sani sunt, omnes oculis æque cernunt : sed alii perspicacius, alii obtusius : Nec auribus pari modo audiunt. Sed nec pedibus nec manibus ex æquo similiter valent : sed hi probius, illi deterius. Neque reliquorum denique membrorum munia similiter omnes obeunt : imo in singulis pene magna est in excessu defectuque diuersitas : Tamen cuique propositum est seruare tueriq; eam quam ab initio accepit sanitatem. Nam si quis eos duntaxat sanos esse contendat, quorum singula membra functiones suas obeunt absolutissime, ceteros qui minus probe sint affecti, non esse sanos : is vniuersæ artis quæ de sanitate tuenda instituitur



*l. libr. de sa-  
nitat. tuend.*

tur, fundamentum subuerteret. Hæc ex Galeno  
eam ob rem assignauit, ut quisque intelligat haud  
similem vniverſis hominibus naturam conti-  
giſſe: ob idque nihilo felicius eandem viſtus ra-  
tionem omnibus præſcribi poſſe, quam ſi Sutor  
vnum calopodium omnibus hominibus adapta-  
re conetur.

Porro ex prædictis ſeptem rebus naturalibus  
humanum corpus conſtitutū formatumq; duo-  
bus potiſſimum modis in ſanitate conſeruatur.  
Vno quidē ac primo modo. (Quia corpus in con-  
tinuo fluere eſt) per reſtitutionem illius quod  
effluxit. Si enim ex corporibus noſtris nihil ef-  
flueret, ſed æqua moles ſubſtantiæ ſemper ſer-  
uaretur, nulla foret alimenti neceſſitas.

Altero vero modo conſeruatur corpus per ex-  
crementorum, quæ per concoctionem collecta  
ſunt, expulſionem.

Quæ ambo ſi rite à medico ac ſedulo procu-  
rantur, neceſſario ſequitur, corpus præpropere  
nec ſeneſcere, neq; putreſcere: Atque ſic primo  
modo à celeritate mortis naturalis: Secundo ve-  
ro modo à morte accidentali ſecurus redditur.  
Nemo enim exiſtimare debet, Artem de ſanita-  
te tuenda corporis immortalitatem præſtare,  
quemadmodum Galeni temporibus quidam ſo-  
phiſta edito libro immortalitatis viam docere  
aggreſſus eſt. Huius ſimiles hodie ſunt, qui tam-  
etſi omnium bonarum literarum expertes ſint,  
mira tamē βαττολογία aureos de ſe montes pol-  
liceri audent. Sed non eſt nunc de his locus. V-  
terque vero conſeruandi modus perficitur per ſex  
ineuitabiles res, quas tum veteres, tum neoteri-  
ci



cū Medici prudenter non naturales vocant: propterea quod tam morbi quam sanitatis causæ esse poterunt. Si namque ut necessitas corporis exigit, cum mensura & æqualitate opportuna adhibentur, sunt res salubres causæq; sanitatis: Sin præter necessitatem citraq; modum corpori adferuntur, sunt res insalubres, causæq; morbi: ob id commodam artificialemq; requirunt administrationem.

*Sunt autem hæc Res non naturales:*

1. Aër,
2. Cibus & potus,
3. Repletio & Euacuatio,
4. Exercitium seu motus, & quies,
5. Somnus & vigilia,
6. Accidentia seu motus animi.

Porro per hæc sex res non naturales (quibus duæ virtutes, scilicet pulsatiua seu vitalis, & naturalis deseruiunt) in sanitate conseruatur totum humanum corpus, si rite ac debite administrantur. Per easdem enim fit non modo resectio eius quod è corpore effluit, verum etiam excrementorum expulsio.

Quod vero è corpore nostro assidue effluit, aut est substantia aerea & ignea, & potissimum restauratur per aerem, mediante virtute pulsatiua: Aut est substantia sicca, & restituitur per cibum: Aut est substantia humida, & restauratur per potum, agente virtute naturali: & sic primæ duæ res non-naturales, Aer videlicet, & cibus ac potus, potissimum resectioni deseruiunt, quemadmodum deinceps videbimus.

DE



Quando vero Aër tam per inspirationē, quam per arteriarum motū ac pulsum attractus nobilissimam corporis nostri partem, videlicet spiritus vitales, animales, naturalesque, qui sunt de substantia ignea aereaque, conseruat: primum de ipso, tanquam de nobiliore dicemus.

Sciendum quod aer inter ceteras res non naturales principatum obtinet, fortiusque humanum corpus alterare poterit omni alia re nō naturali: partim quia continuo degimus in ipso, nullaque eius vitandi ratio est, quando sine eo inspirato non conceditur viuere, inuitisque nobis hauriendus est: partim quia nunquam non nos vndique ambiens subtilitate suā substantiæ in profundum corporis ingreditur, per vniuersos corporis poros dilatatione arteriarum attractus: partim quia est pabulum, imo de substantia spiritus vitalis.

Ipsē vero aer in se multas patitur mutationes, tum propter substantiæ suæ raritatem, quæ valde mutabilis est, tum quia inter quatuor Elementa (si Astrologis credimus) plures habet Planetarum Sphæras, quæ ipsum continuo mouent ac alterare possunt. Sphæra namque Solis tantum mouet ignem: Sphæra Lunæ aquam: Sphæra stellarum fixarum terram: reliquæ vero Sphære omnes, sicut Saturni, Iouis, Martis, Veneris & Mercurii, mouent aerem. *Si credimus, inquam Astrologis.*

Cuius rei gratia aer vbi bonus est & commodus,



us, plus iuuamenti humano corpori adfert omni alia re naturali. Contra vero ubi nocuus est malusque, ibi omni re est nocentior, imo pestilentissimus est.

Saluberrimus vero vniuersis hominibus aer iudicatur, qui optimus ac purissimus. Optimus autem ac purissimus aer is est, qui nec stagni, nec paludis halitu sit infectus, nec aliquid ex metallis, aut caminis, aut barathris sibi admixtum habeat, nec ex profundo specu pestilentem auram spiret: Nec qui ex cloacis, quæ urbem aut numerosum exercitum purgant, virium contraxerit: Nec qui ex animalium, olerum, aut leguminum, aut cuiuscunque rei putredine coinquinetur: Nec qui ob stagnum aut flumen vicinum nebulosus sit: Nec qui editis vndiq; montibus aut ædificiis in cauo loco oclusus nullum recipit perflatum: suffocans enim putrisque est, similis ei qui in domibus quibusdam est inclusus, in quibus ob putredinem & perflatum defectum plurimus aceruatur situs. Huiusmodi ergo aer omni ætati est noxius: sicut è diuerso qui purus omnino est, nulli non ætati est saluberrimus.

Hinc admodum prudenter mihi agere videntur Principes ac magnates, qui in locis liberis veluti ad finem ciuitatum, ad Orientem, Septentrionem, aut Occidentem arces suas ædificare solent, ubi commode perflari possint, & ab hominum mechanicorum foetore, præcipue cadaverum, sint libera.

Sic aeris quidem essentia vniuersis hominibus æqualiter conuenit, quæ optima est.

At vero quæ ex ipsius qualitate, calido scilicet

E e

cet



cet aut frigidus, humido aut sicco contingit diuerfitas, non perinde se ad omnes homines habet: Sed corporibus quæ optimo temperamento sunt, etiam optime temperatus aer est saluberrimus. Optime autem temperati aeris termini hi sunt, ut in aere quidē ambiente, neque horreat corpus propter frigus, neque sudet propter æstus. In quibus vero aliqua exuperans qualitas dominatur, his utilissimus aer est, qui ei qualitati maxime est aduersus: utpote frigidus aer calidæ, calidus frigidæ: Humidiori qualitati, siccus aer: Sicciori quam par est, tanto humidior, quantum siccitas ipsa modum excessit. His omnibus prospiciat oportet qui vires illas tue-ri velit.

#### DE QVATVOR MVN- di plagis.

Quod autem ad quatuor mundi plagas attinet, Orientem videlicet, Occidentem, Septentrionem, & Meridiem, nō ignorandum est, quod aer & venti Septentrionales omnium pene saluberrimi censentur.

*Galen. in 1.  
de temp. lib.*

Quippe qui non modo putredinem aliquam non adferunt, verum etiam ipsam, si adest, corrigunt. Quamobrem tempore pestilitatis huic plagæ fenestras nonnunquam apertas esse expedit, quia Boreas, qui frigidus & siccus natura ventus est, pestilentem aerem, sicut & solares radii, corrigere solet, omniaque imputria seruare. Orientales vero venti, quia calidi & sicci, Occidentales vero, quia frigidi & humidi censentur, non insalubres existunt.

Om.



Omniū deterrimi sunt Meridionales venti, quia calidi natura & humidi sunt: qua de re omnia facillime Austrino flatu putrescunt. Vitandi igitur sunt, præcipue vero infecti aeris tempore.

### D E A N N I T E M - poribus.

Inter quatuor anni tempora saluberrimum Ver esse Hippocrates testatur, ideoque temperatum esse constat: Longeq; errant qui ipsum Ver *Ver.* calidum humidumque esse autumant, cum nulum temperamentum putredini magis obnoxium sit, quam calidum & humidum. Quod sane temperamentū (ex Galeni sententia) in quatuor anni temporibus inuenire nequeas: in graui ac pestilenti aeris statu nonnunquam incidit. Aer itaque Vernalis, tum quia temperatus est, tum quia ob solem ascendentem à commixtis vaporibus depuratur: saluberrimus minimeque mortifer censendus est.

Autumnalis vero aer sedulo fugiendus est, nō quod frigidus sit & siccus, vt falso quidam illi hoc temperamentum absolute adscribunt, sed propter inæquabilem eius temperiem, qua maxime autumnum morbiferum facit & exitialem, sicut Hippocrates illa sententia significauit: Cum eodem die modo frigus, modo calor nos vrget, Autumnales expectandi morbi sunt. *Autumnus Gal. 1. lib. de temp.*

Hyems vero frigida & humidā, Æstas autem *Hyems & æstas.* contra, calida & sicca est. Et huiusmodi, quidem temporum vicissitudo iuxta Prouerbium, ἡ μέ- *1. omnium* πᾶσι τῶν πάντων γλυκεῖα non solum suauis *rerum vi-* est.



*estitudo sua-  
nis est. Ga-  
len. de tem-  
pera. lib. 1.*

est, verum etiam ad valetudinem necessaria. Nam si vnum anni tempus frigidum in corpore pituitoso aut parato commouere poterit Epilepsiam, Apoplexiam, Paralyfin, aut similes morbos: Tempus vero calidum in corpore bilioso & parato, maniam, febres acutas, & id genus alios morbos: Quanto magis si duo triaue tempora, aut totus annus eiusmodi fuerit? præcipue si totus annus (aut magna ex parte) Austri- nus fuerit, pluatque per æstum imber largus assidue. Id namque humidi ac calidi status proprium est, vt in æstu assidue pluat. Tum vero necesse est, vt aut magna pestilentia succedat, aut magna hominum corruptela, ob putredinẽ subsequatur. Quapropter excedens temporum qualitas cum contraria sibi qualitate semper corrigenda est.

Hac quidem de aere, qui deperditam aeream igneamque corporis substantiam, videlicet spiritus, restaurat, nunc sufficiant: si modo hanc restorationem, per virtutem pulsatiuam seu spiritualem perfici denuo admonuerimus. Nunc vero de restauratione humidioris sicciorisq; substantiæ quæ effluxit, dicendum est. Atque hæc quidem restauratio per virtutem naturalem nutritiuam perficitur. Cui quatuor virtutes naturales nulli non corporis parti insitę attractrix inquam, retentrix, concoctrix & expultrix deseruiunt. Cibus namque & potus non nutriunt,

nisi per dictas virtutes probe mutati  
confectique sint & adsi-  
milati.

*De fi-*



*De secunda re non naturali.*

## C I B O E T P O T V.

Circa cibi potusque administrationem multa à multis dici solent, omnia tamen fere eo referuntur, ut bona commodaque comestorum in ventre fiat concoctio. Neque enim quisquam (si Galeno Medicorum principi credimus) morbo corripereetur, si accurate observaret, ne in cruditates incideret, nec post cibum vehementer exercitaretur. Hinc idem Galeus à crassulentique succi cibis non prohibet eos, qui nulla re impediti exercitatione multa somnoque ad facietatē uti possunt. Breuiter igitur circa cibi rationē sex consideranda sunt.

*1. lib de cibis  
boni ac mali  
succ.*

Primum cibi substantia, secundum cibi quantitas, tertium cibi qualitas, quartum tempus, quintum ordo, sextum consuetudo.

## D E C I B I S V B S T A N T I A:

Primum quo ad substantiam, An tenuis, aut crassi succi cibus sit, observandum est.

Quamvis neque crassus neque tenuis cibus damnandus sit, neuter tamen quandoque vitio caret. Siquidem crassus cibus difficulter concoquitur, lentumque ac glutinosum succum gignit, qui calorem innatū suffocando extinguere potis est.

Tenuis autem cibus parum nutrit, corpora; quæ eo aluntur, & gracilia & imbecilla reddit: imbecillitas vero morbis facile est obnoxia.

Ad bonam itaq; tenendam valetudinem cibi

E c 3. sunt



sunt eligendi, qui neque tenuem neque crassum penitus succum gignunt, sed qui mediam quasi inter tenue crassumque naturam habeant. Cuiusmodi sunt.

## DE PANE.

Panis mundissimus ex farina triticea cum sale ac fermento secundum artem probe confectus: cuius grana non in aëre infecto, nec de terra corrupta sed sana sunt collecta quiq; ob vetustatē non corruptus sit, nihilq; vitiarum loliue, quę oculis nervisq; incommodare solent, commixtum habeat.

Ex Gallinaceorum genere sunt tam mares, quam foeminae, & caro pullorum.

## DE AVIBVS ET

*Piscibus.*

Ex auibus phasiani, perdices, columbae turtures, & omnes fere aues syluestres.

*Galen. in li.  
de boni ma-  
lig. succi  
cibis.*

Ex piscibus sunt saxatiles, marini & squamosi, qui in aqua munda arenosa & nati & capti sunt habentes carnes duras, friabiles, sapidas & bene odoratas.

Aues namque & pisces fere omnes boni succi censentur, exceptis lacustribus, palustribus, & qui in immundis fluminibus ac turpidis degunt: minus enim sese natationibus exercent, vitiatoque tum aëre, tum victus genere vtuntur: praesertim si in aquas illas vrbes alicuius amplissimae latrinarum, balnearum, culinarumque loturae purgamenta defluant. Caro enim animan-  
tium



tium, quæ in eiusmodi aquis viuunt ac immo-  
rantur, deterrima est.

*De syluestribus & quadrupedibus.*

Syluestrium animalium caro, quia multis cur-  
tationibus se fatigant, & in aëre sicciore ver-  
santur, quam domestica incolumior censetur.  
Pluribus enim diebus à putrefactione adserua-  
tur. Caro tamen hœdina, vitulina, aliorumque  
id genus laudabilem animalium, non est rei-  
cienda.

DE LACTE.

Lac omnium vere Medicorum sententia pro-  
batissimi succi habetur. Muliebri tamen lac pri-  
mas sibi vëdicat, deinde lac asininum: postea ca-  
prinum, tandemque vaccinum & ouinum.

Necesse autem est vt animal, ex quo lac sumi-  
tur, sit boni habitus boniq; succi, qui quidem ex  
optimis pascuis ac nutrimentis eueniunt.

Immiscenda tamen lacti est vel mellis puri,  
vel sacchari & salis nonnihil, ne in stomacho co-  
aguletur: vacuo præterea stomacho sumendum  
est seorsim, præsertim absq; piscibus.

Porro assiduus lactis vsus dentibus ac gingiuis  
officere solet, has enim humentes & flaccidas,  
dentes vero putrefactioni & erosioni obnoxios  
facit. Assumpto igitur lacte conuenit vino dilu-  
to, cui aliquid mellis sit admixtum, aut (quod  
præstantius est) primum melicrato, deinde vino  
adstringente os abluere. Sic enim si quid ex la-  
cœ caseosum dentium interstitiis gingiuisque  
infarctum obhæsit, abstergetur.



## DE OVIS.

Inter cibos mediocres numerantur ona gallinarum. Eliguntur autē paruula, oblonga, ad mediocritatem cocta. Nam si nimis forbilia sunt, vt facile digeruntur, ita & eorum nutrimentum facile euanescit, dissipaturq;

## DE CASEO.

Caseus omnis crassi, vetus vero etiā mali succi est: recens autem nonnunquam mali, sed minus crassi succi est quam vetus.

## DE CIBIS OMNIBVS HOMINIBVS VITANDIS.

Cibi vero vniuersis hominibus noxij sunt, qui excellentem in primis qualitatibus virtutem obtinent, siue in calido, siue in frigido, siue in humido, siue in sicco: vt sunt allia, cepa, porri, caules, sinapi, & fructus pene omnes qui assuerari exiccarique nequeunt, sed antea quam exiccentur putrescunt, vt mora, persica, fungi, pepones, & id genus. Hac de cibi substantia sufficiant.

## DE CIBI QUANTITATE.

Secundo consideranda est cibi quantitas, quæ tanta esse debet, vt commoda eius fiat in ventre concoctio, & quantū naturæ, non appetitui sufficiat, quæq; minime grauet ventriculum: quod cum vitari in imbecillo ventriculo nequeat, proximum



zum est vt quam citissime grauis esse desinat. Solus enim temperatus stomachus tantum appetit, quantum concoquere potest.

Frigidus vero natura stomachus melius appetit, quā cōcoquit: Calidior autē stomachus contra melius concoquit, quam appetat: potius ergo eibi crassi, quam subriles ei conueniunt, quia illi concoquūtur, hi vero in eodem corrumpuntur. *Galen. in ar. med.* Exploranda igitur est stomachi tēperatura, quæ pro ætate, sexu & aliis variatur.

Ad hæc sciendum quod vt nimia quantitas, ita & nimia cibi paucitas stomachi coctionem, impedire poterit. Nam si in magno stomacho adeo exiguus sit cibus, vt stomachi corpus corrugatum vndiq; amplecti cibum non possit, non exacta, nec commoda fiet cibi concoctio. A nimio autem cibo stomachus multo vehementius læditur. Membrū enim vltra modum extensum in continuitate sua nonnunquam soluitur, quare virtus eius naturalis omnino deficit, fitq; crudititas, quæ mater est omnium ægritudinum; ob idq; dici solet, Plures mori crapula, quam gladio. Etenim multis nominibus exitialis est crudititas. Primum enim crudi succi si copiosi in corpore sunt, grauāt: Deinde tum multitudine tum crassitudine sua exiguos corporis meatus obstruentes calorem innatum extinguunt. Rursus manifesta sua qualitate nō tantum alterant temperamentum mediocritatem, verum etiam corrumpunt. Denique cum nutrire corpus, priusquam concoquantur, crudi succi nequeant, syncopæ obnoxium reddunt.

Quotquot enim superflue se repleuerunt, aut 2. Aph. 15.

E c s

rupta



rupta vena, aut suffocato calore naturali subito interierunt, vt Galenus de quibusdam athleticis estatur. Et Hippocrates, Vbi cibus (inquit) præter naturam copiosior ingestus est, inde morbum creari sanatio indicat. Hinc est quod medici communiter ferculorum multitudinem in vna mensa damnant, ne ob varietatem, quæ delectare solet, plus cibi quam concoqui possit ingeratur. Quamuis mihi non pauci sunt noti, quos vnius cibi repletio magis quam moderata varietas lædit, vt in hoc certe consuetudo experientiaque non parum momenti habeant. Breuiter vero sciendum est. Quod

Cibus	{	Multus, plenus seu	{	corpo-	{	auget	
		crassus				ris vir-	confer-
		Moderatus				tutem	uat, mi-
		Paucus seu tenuis				nuit.	

Si igitur augere corporis robur voluerimus, vtemur alimento multo seu pleno: si custodire, mediocri. Si vero minuere ac demoliri vires corporis voluerimus (id quod per sanitatem nunquam, in morbis vero non omnibus, sed quibusdam iisq; acutis moliendū est) vtemur alimento pauco ac tenui victu.

2. Aph. 4.

Sicut igitur in substantia cibi dictum est, medios cibos eligendos, ita in quantitate etiā mediocritatem seruasse optimum fuerit. Hinc recte Hippocrates inquit: Non facietas, non fames, neque aliud quicquam, quod modum naturæ excellerit, bonum: Omne enim nimium naturæ est inimicum.

Quan-



Quando tamen à medio ad aliquod extremorum declinare necesse fuerit, tutius, meo quidē iudicio, erit vt plurimū in paulo pleniore, quam nimis tenui victu excedere, vt clarissime Hippocrates testatur. Quiuis, inquiens, error cōmittitur grauior in tenui victu quam paulo pleniore. Propterea etiam sanis valde tenuit stataq; & exquisita victus ratio parum tuta, quoniam errores grauius ferunt, ob hoc igitur tenuis victus atque admodū exquisitus, eo qui paulo plenior est, vt plurimū magis periculosus existit. Ex his Hippocratis verbis manifestū sit, per victum paulo plenorem vires corporis augendas potius, quā per tenuem deiciēdas esse. Sicut enim corporis imbecillitas morbis fere omnibus obnoxia est, ita contra natura fortis nulli nō morbo resistere potest, dum materiam morbi mire expellit, Galeno teste. Atque hęc fere causa est, cur violenti nonnulli homines omnibus pene in rebus inordinate viuētes nullam tamen ægritudinem incurere videātur. Adde quod nocumentum cruditatis & morbi materiales facilius sanantur, quam motbi immateriales & arefactionis.

Summe tamen curandum, vt si quando mediocritas plane seruari nequeat, excessus saltem sit mediocris. Ne habitus corporis ad summum bonitatis attingat: ne Si enim refectiones, siue euacuationes, si ad extremum perueniant, periculosa sunt teste Hippoc.

## D E C I B I Q V A L I T A T E.

Tertio consideranda est cibi qualitas, *Hisc. 6. lib. de san-*  
*aim qui æquali temperamento sunt præditi, æ-* *nitas. tuend.*  
qua



quales ac temperati cibi ac potus maxime conducunt. Tanto enim melius est nutriendus, quanto iis iucundius est quod comedunt. Itaque cibis medicamentosis vti iis temere non expedit, siquidem calidiores cibi (vt allia cepe, sinapi &c.) sanguinem adurunt & excoquunt, frigidiores autem cibi phlegmaticum humorem generant, qui tum manifesta sua qualitate, tum substantia sua crassa & viscosa, calorem innatum suffocando extinguit.

*de sanitate  
tutenda.*

Porro intemperatum quidem temperamentum si vertere quis in melius velit, alimenti species contraria esse superanti qualitati debet. Sensum vero id citraque noxam fiet, si & praesit medicus, & is qui curatur, a negotiis ita liber sit, vt omnia suo tempore peragat. Nam qui negotiis districtus est, illi longe tutius fuerit, vt nec tentet temperamentum suum mutare, sed accommoda sibi nutrimenta sumat. Aptae autem sunt humidis quidem humida, siccis vero sicca: Nutritio enim fit, cum cibus corpori assimilatur. Cuius vero adsimilantur sicca siccis, & humida humidis: hinc rectissime Hippocrates: Humidus victus omnibus febricitantibus (inquit) conphor. 16. 6. fert, maxime vero pueris, & aliis qui tali victu de sanitate vti consueuerunt.

*tutenda.*

Qui vero calidiore frigidiorve temperamento sunt praediti, iis contraria dare semper expedit. Facilius enim similibus alimentis in morbosam intemperantiam abeunt, quam qui humidior aut siccior sunt temperamento, ob calidi frigidique vehementem efficaciam Physicis notam.

Porro



Porro tamen si moderata ciborum varietas concedenda sit sedulo, tamen cauendum est, ne cibi vna vice sumendi siue substantia, siue qualitate valde inter se diuersi sint: Nam ob substantiæ diuersitatem inæqualis fit concoctio, vt patet de carnibus bouum & hœdi in eadem olla simul decoctis.

Ob qualitatis vero contrarietatem ac pugnam inter se oriuntur in ventre tormina & inflationes, quæ non nisi pugnantium expulsionem finire solent: vt Galenus de brassica testatur, quæ licet simplex esse videatur natura, tamen composita est. Succus enim eius ad expulsionem stimulat, solida autem eius substantia stringit ventrem: ob id tutius est succum à substantia separare.

*1. de alimentorum facultate.*

#### DE CIBANDI TEMPORE.

Quarto obseruandum est in cibando tempus, quod trifariam consideratur: Primo ratione anni, secundo ratione ætatis, tertio ratione diei. Non parum enim ad victus rationem instituentiam anni tempora conferunt. Hyberno namque tempore & plus appetunt homines, & cibum facilius concoquunt, quam in æstate. Cuius rei causam reddit Hippocrates, Ventres, inquit, hyeme & vere natura calidissimi sunt, & somni longissimi: quare per ea tempora alimenta copiosiora sunt exhibenda: Etenim calor innatus tum plurimus est, vnde & pluribus egent alimentis. Oportet enim esse alimenta non solum quantitati eius quod ex corporibus nostris effluit, sed & innati caloris multitudini proportionata.

*1. Aphorismo. 15.*

Porro Hyemi adsimilatur & veris initium, & *Hip. de vict. Au- rati. pri.*



Aurumni finis: Æstati vero finis Veris, & Autumni initium similia sunt.

*Hyems.*

Quod autem ad temporum qualitatem attinet, Hyemis quidem tempore, cum immoderate frigida humidaque sit, corpus calefaciendum exsiccandumque est: ideoque plurimo cibo, sed calido & sicco: potu vero paucissimo, eoque meracissimo: carnibus magis assatis, quam elixis: holeribus paucissimis hoc anni tempore utendum est.

*Ver.*

Vere autem: quia temperatum est, temperatis cibis ac potibus utendum, paulo plus dilutiusque, quam in hyeme bibendum, ciboque paululum demendum est.

*Æstat.*

Æstate vero, quia hoc anni tempus calidum siccumque est, corpus exurit, squalidumque euadit: ob id humectandum refrigerandumque corpus est. Commodissimum igitur fuerit tum temporis nutrimento uti humido & molli: carnibus potius elixis, quam assatis: potio sit multa, magisque diluta, quam in vere.

*Autumnus.*

Per Autumnum vero cibo paulo pleniore & ficciore bonique succi uti expedit: minus vero sed meracius bibere commodum est. A fructibus vero qui tum abundant, quia communiter putrescibiles sunt, abstinendum est, exceptis fructibus austeris, qui non facile corrumpuntur.

*Secundum  
tempus æta-  
tis.*

Differentia ætatum etiam nonnihil conducit ad victus rationem capiendam. Siquidem senes facile ferunt inedia: pueri difficulter: mediæ autem ætates inter senes & pueros, quanto alteri ipsorum proximiores sunt, tanto minus aut magis ex longis inediis offenduntur. Egregie  
igi-



igitur Hippocrates: Senes, inquit, facillime ieiunium ferunt: secundo loco, qui ætatem constantem agunt, minus adolescentes, omnium minime pueri, præsertim qui inter eos viuidiore sunt: Qui enim crescunt, plurimum habent calidi innati: plurimo igitur egent alimento: alioquin corpus absumitur. Senibus vero parum calidi innati inest: paucis propterea fomitibus egent, quia à multis extinguuntur.

Ex his manifestum est, pueris multum cibi ac sæpe in die dandum esse, propter multum eorum calorem innatum qui alioqui in substantia humida ac molli absumitur defluitque. Senioribus vero ac decrepitis sæpe quidem, sed parum pro vice comedendum esse, ne paucus eorum calor multo alimento extinguatur: sicut parua flamma multo oleo simul infuso extingui solet.

Tempus vero diei sic considerandum est: ut per ætatem sapius quidem in die, parum tamen pro vice vna, & horis & locis cõmuniter siue arte siue natura frigidis, cibum sumamus: in Hyeme vero contrario modo. Nunquam tamen, nisi priore cibo probe concocto verus ac naturalis adsit appetitus, edendum est: sicut rursus nec famelico stomacho cibus denegandus est, ne impleatur malis humoribus, videlicet biliosis, pituitosis ac serosis, quos iecur nonnunquam stomacho valde appetenti trahentique remittit.

## DE ORDINE CIBORVM.

Quamuis melius sit minime varios neq; substantia, neque qualitate cibos simul in vna cibatione coniungere: tamen quando id ob con-

sue-



2. *Alimen.*3. *lib. ar. co-  
rat.*9. *method.  
medend.*

suetudinem, aut magnatum reuerentiam hoc nostro tempore vsu venit, tum si stomachus fuerit frigidus, qualis in senibus & ociosis hominibus esse solet, semper mollia & humida & quæ concocti sunt facilia præmittere expedit. Contra vero, si stomachus fuerit præcalidus, vt est in quibusdam iuuenibus laborantibus ac exercentibus se (quos Galenus facilius carnes bouinas, quam saxatiles pisces concoquere posse scribit) iis expedit crassos, siccos, durosque cibos præmittere subtilibus ac mollibus. Crassi namque cibi sat belle in eorum stomachis concoquuntur: subtiles autem in nidorulentam ac fumosam quandam qualitatem corrumpuntur. Eiusmodi vero cruditas, si Galeno credimus, deterior est ac promptius febres accendit, quam ea quæ ob frigiditatem cibos in acidam qualitatem vertit.

Communiter tamen humida, pingua & dulcia primo loco: quæ sicca astringentiaue sunt, secundo loco assumuntur.

## DE CONSVETVDINE.

Consuetudo non solum in cibo & potu, verumetiam in omnibus aliis rebus non naturalibus diligenter obseruanda est. Maximam namque, vbique & maxime principalem habet vim, tam in recuperanda, quam in conseruanda sanitate. Cuiusque enim corporis naturam ostendit, adeo vt Galeno sui temporis medici nonnulli etiam sensu communi caruisse videantur, qui eam velut inutilem reicere audebant. Quis enim adeo stupidus est, vt magnopere ex aquæ frigi-



frigida potione lassus, hanc in diutinum usum duxisse velit?

De consuetudine sic inquit Hippocrates: Qui *2. Apher. 49. 50.* consueti solitos labores ferre, etsi fuerint imbecilles & senes, non consuetis fortibus atque iuuenibus facilius ferunt. Quæ enim ex longo tempore consueta sunt, etsi deteriora sunt, insuetis minus molestare solent. Ac cum nemo sit hominū, qui inopinatis rerum fortibus non subiciatur, periculosa est vnica tantum cōsuetudo. Addit ergo Hippo. Oportet igitur ad insueta permutari: mutatio tamen debet esse modica.

Quod vero consuetudo longo tempore contracta temere mutanda non sit, aptissime Galenus ex ista Hippocratis sententia euincit: Humidus omnis victus febricitatibus est idoneus, potissimum autem pueris, & aliis qui ita cibari sunt fueri. Febricitatibus enim, ut inquit, ex ipsa contrariorum indicatione, humidus victus conducit: Pueris vero & aliis qui tali victu uti consueuerunt, ex indicatione similium. Vt enim ætas *8. lib. meth. medend.* pueris, non morbus, sed secundum naturam est: ita consuetudo ascititiam quandam naturam in corporibus gignere solet, cui contraria dedisse imprimis est noxium: gaudent enim naturæ cōsuetis semper. Ergo assuetudines tametsi prauæ sunt, tempore ægritudinis non sunt mutantur. Imo nec per summam sanitatem semper id tentandum est: sed tum cum à negotiis maxime liberi sumus. *5. libr. de tuenda sanit. Galen.*

Ad consuetudines etiam naturarum proprietates pertinet, quas recentiores Medici Naturas específicas, aut insequentes materiam appellant.

Ff

Secun-



7. *Art. cura-  
ti. libr.*

2. *Apho-  
rismo. 38.*

Secundum quas quidem proprietates (ex Gale-  
ni sententia) alii semper ad alios cibos & potus  
recte se aut non recte habent. Et in hoc certe fal-  
luntur nonnulli, ac imprudenter operantur, qui  
exhibent vinum, aut aliud quippiam secundum  
proprietates specificas alicui contrarium, quan-  
tumvis cognouerint illud secundum qualitates  
manifestas conuenire. Proprietates enim in om-  
nibus, siue specifica, siue insequens materiam,  
est supra omnes dispositiones manifestas obser-  
uanda. Et hoc est, quod Hippocrates ait: Parum  
deterior cibus & potus, delectabilior vero, me-  
lioribus quidem, sed minus suauibus est praefer-  
endus. Atque in hoc experimentum vincit ra-  
tionem.

#### DE POTV.

Quoniam compendiose de ratione cibi, quo  
substantia sicca è corpore nostro effluxa restau-  
ratur, actum sit: nunc breuiter dicendum est de  
potu, qui substantiam corporis humidam efflu-  
xam restituit, tamen si sint qui esse ipsum vehicu-  
lum tantum cibi existiment.

#### DE POTIONIS MODO.

7. *lib. me-  
thod. me-  
dend.*

Potionis, Galeno credimus, is modus erit, vt  
nec in ventriculo innatet, nec fluctuationis vl-  
lius sensum inuehat. Illico etiam post cibum an-  
tequam concoquatur, bibendum non est: si qui-  
dem innatant cibi si bibantur, ita vt eos ventri-  
culi corpus propter interpositum humorem non  
contingat: veruntamen sitibundus si quis fuerit,  
prohibere eum in totum vt graue est, ita nec ex-  
pediens: sed tantillum indulgendum est, quod  
&c



& desiderium soletur, & sitim leuet. Posteaquam vero nutrimentum concoxerit, abunde bibere sinendus est: quippe celerrime, si ita fecerit, per corpus alimētum distribuitur, id quod extenuatis cumprimis conducit. Qua de causa potum hora cibationis non in quantitate continua, sed discreta, non vna inquam, sed pluribus vicibus assumere expedit.

Potus vero tum substantia tum qualitate eiusmodi esse debet, vt præcordia celeriter transiens non diu in ventre fluctuet.

## D E A Q U A.

Aqua quidem optima est fontana recens, cuius nulla qualitas vitiosa aliunde sit contracta, cuius fons ad orientem solem erumpit, quæque per meatum aliquem mundum, aut puram colitur terram, quæque calefiat, refrigereturque optime. Cauendæ vero sunt aquæ quæ ex stagnis hauriuntur, & quæ turbidæ, & quæ male olentes, & quæ salæ: Denique in quibus qualitas aliqua gustu deprehenditur: quando quæ optima est, non gustui modo, verumetiam olfactui omnis qualitatibus expers videbitur. Eadem quoque tum potui iucunda erit, tum plane pura. Quod si præcordia quoque celeriter transit, nihil est quod magis idoneam requiras: quædo si qua pura limpidaque est, nec potu insuavis, ac nihilo secius tamen circa præcordia hæret, hæc vitio non caret, atque abstinendum ab ea cenfeo: uti cum prorsus est frigida calefacta, non dissuadeo. Tutissimum tamen fuerit experientia ipsa de eiusmodi aqua iudicium fieri.

*Gal. I. de sanitate tuenda.*



## DE VINO.

Vinum haud ita omnibus sicuti aqua conducit : quam enim iam optimam iudicauimus aquam, hac vti puero, iuueni, seni (velut & de aere dictum est) conducet. Vino autem aliis alias pro ætatis ratione vti expedit. Sciendum enim quod vinum calefacit & humectat : cuius rei gratia pueris, qui calido humidoque sunt temperamento, minime conducit. Nam præterquam quod nihil commodi ex vini potione sentiunt: etiam læduntur, eo quod non solum plus æquo calefiunt humectanturque, sed etiam quia caput iis halitu repletur, sicuti & aliis omnibus, qui calido humidoque temperamento sunt præditi.

Quare neque adolescentibus vinum nisi modice sumptū vtile est, quod videlicet & ad iram & libidinem cos præcipites faciat, & animi rationem hebetem turbidamque reddat. Cum autem sit omnis excessus fugiendus, maxime hunc fugere expedit, ex quo nō corpori modo, sed etiam animo damnum accedit. Senes autem quia frigido siccoque temperamento sunt, omnium commodissime vino vtuntur.

## DE VINI INVAMENTIS.

Inuamenta vini sunt humectare ac nutrire quicquid immodice siccatum est, siue ex immodicis laboribus, siue ex proprio ætatis temperamento siccitas prouenerit. Bilis item amaræ acrimoniam mitigare ac frangere, per sudores vrinasque eandem vacuare : ea quæ in ventriculo aut venis sunt concoquere: vires organo-  
rum:

12. lib. art.  
enrat.



rum augere: excrementis expellendis viam facere, & cum vina boni succi sint, corpus nutrire: quorum tamen iuuamentorum pene nullo egent pueri.

Porro vina validissima sunt, quæ plurimum aquæ in mixtura sustinent, qualia mox colore flaua, ætate vetera, boniq; odoris esse solent: quæ vero paulo minus calida existunt, fulua sunt: quæ adhuc plus à vehementia caloris recedunt, rubra ac dulcia sunt: quæ vero colore alba & aquosa *Gal. lib. 12. meth. med.* conspiciuntur, omnibus minus calefaciunt, & quasi media inter aquam & vinum videntur.

Austera vina roborant quidem ventrem, caputq; inter omnia minime tentant, cæterum digestionem in corpus minime accelerant.

Vinum substantia tenui & qualitate calidum conducit phlegmaticis, crudos humores habentibus, ob idq; in syncopen incidentibus. Vinum vero substantia crassum confert macilentis, qui impinguari desiderant. Cauendum autem, ne obstructions inuehat.

Ieiuno præterea stomacho bina communiter cauenda sunt. Quemadmodum autem diluenda sint vina ratione temporum, dictum est supra, cum de cibandi tempore ageretur. Breuiter cuique obseruanda est sua consuetudo. Sunt enim quibus caput ob imbecillitatem, si vel paulo meracius biberint, statim tentatur: rursus sunt, qui meraciore adeo delectantur, vt si dilutius biberint, eorum stomachus subuertatur. Verus vero vinum adeo sitim non extinguunt, vt in exhaustam etiam sitim generet. Quidam enim veteri vino obrutus ac inebriatus siti periisse legitur.

Ff 3

Et



Et immoderatus ingestum, præter cætera nocu-  
menta, etiam apoplexiam, morbum comitia-  
lem, & id genus alios morbos frigidos excitabit,  
calorem innatum suffocando.

*De tertia re non naturali.*

### REPLETIONE ET evacuacione.

Dixi hætenus nonnihil de primo sanitatis tu-  
enda, scilicet de refectionis eius, quod è corpo-  
re effluxit, modo. Nunc breuiter dicendum est  
aliquid etiam de altero conseruandi sanitatem  
modo, qui per excrementorum, quæ per conco-  
ctionem collecta sunt, expulsionem fit.

De repletionem, quod vitanda sit, dictum est su-  
pra in cibi quantitate: quia omnis immoderata  
repletio, siue ad vasa, siue ad virtutem, siue ex  
potu, siue ex cibo perniciosissima existit.

Hic præter dicta obiter notandum, duplicem  
esse repletionem: vnam recens factam: alteram  
paulo ante factam. Recens factam repletionem  
voco, quando quispiam se nimio cibo & potu sic  
repleuit, vt grauem se crudumq; sentiat. Et ista  
quidem repletio per purgantia pharmaca, vt  
nonnulli ignari faciunt, haud curanda est, sed  
potius per abstinentiam, per deambulationem,  
per somnum multum, & his similia, donec cibus  
ad inferiora descenderit. Tum enim adiuuari  
potest, aut glande subdita, aut leui per anum  
infusione.

*lib. de sa-  
nit. tuend.*

Nam si crudi humores in corpore collecti ad-  
modum pigri, & ad expulsionem inepti ob cras-  
situ-



fitudinem frigiditatemque sunt: quanto magis cibi nondum in ventriculo confecti, neque in humores conuerſi. Vbi igitur cruditas in corpore eſt, alui deiectionis plus periculi, quam iuuamenti adfert: præterquam enim quod nec notatu quippiam dignum educit, etiam tormina, roſiones & animi deliquia creat: id quod Hippocrates illo oraculo præcauit, quo breuiſſime præcipit, Concocta medicamento tentanda eſſe, *1. Aphor.*  
non cruda, &c. *22.*

Paulo ante facta repletio eſt, quando cibi & potus longo temporis ſpacio in humores conuerſi, ac per calorem innatum iam non nihil concocti ſunt. Et huic quidem repletioni conuenit Euacuatio, quia rectius non curatur, quam euacuatione. Hanc duplicem repletionem innuit Hippocrates illa ſententia: Sudor multus ex ſomno factus abſq; cauſa manifeſta, &c. *4. Aphor.*  
*41.*

## D E E V A C V A T I O N E.

De euacuatione ſciendum, quod Hippocrates *4. Aphor.*  
euacuationem ſimpliciter vocare ſolet, quando *17.*  
humores omnes æqualiter euacuantur: purgationem vero appellare, quando humores praua qualitate affecti educuntur. Vbi enim æqualiter *Gal. lib. 13.*  
inter ſe ſucci ſunt adaucti, id & plethoran Græci *meth. med.*  
vocant, nos plenitudinem & ſuccorum redundantiam dixerimus: vbi vero vel flaua bili, vel nigra, vel pituita, vel ſeroſis humoribus refertum corpus eſt, eum habitum cacochymiam, quaſi ſuccorum vitium dicas, nominant.

Ergo plethora tum ſanguinis miſſione ſcarificationeue curatur, tum frequenti balneo: tum

Ff 4

exet-



exercitatione: tum frictione præterea digerentibus medicamentis, & præter hæc omnia ex accidenti inedia.

Succorum vero vitium, purgatione, quæ cuiq; superanti succo sit accommodata, corrigitur.

Cum autem purgantium medicamentorum vsus sanitatis tempore rarus esse debeat, nec nisi valde indigentibus, & ex longis interuallis utilis sit (quoniam earum, quæ quotidie generantur, in corpore superfluitatū euacuatio plerunq; minor est, quam vt purgantis pharmaci operationem exigit) non erit nunc de iis locus.

Sed breuiter notandum, cum eorum, quæ è corpore exigenda sunt, variæ ac multæ sint species, non solum vacuationem secundum easdem variandam esse, sed vnumquodque etiam excrementum per conuenientem regionem ac propriam à natura sibi inordinatam viam excernendum esse.

Sunt enim excrementorum species: aliæ quidem eorum, quæ in ventre perficiuntur, & à sero separantur, ac per omnia intestina paulatim impulsæ tandem per secessum excernuntur. Aliæ vero eorum, quæ in iecinore perficiuntur, & est aut flaua, aut atra bilis: quæ & per aluum, & per vomitum expurgari possunt. Cæterum aptior est vacuatio per aluum, tanquam vsu iam valentibus intestinis iecinoris superflua tolerare. Aliæ eorum, quæ in arteriis & venis: & est vrinæ aquositas, per renes ad vesicam transmissa. Aliæ eius, quod per singula membra distribuitur alimenti: & est partim sudor, partim materia, quæ per omnes exiguos corporis meatus seu po-

103

*Gal. lib. 7.  
method. med.  
dend.*

*Gal. 1. de sa-  
nitat. tuend.*



ros euaporat, ac per occultam transpirationem, evanescit, quæ ut sensum fugit, ita & nomen non habet. Sunt præterea tamen partes, quæ præter hos latentes meatus alios quosdam apertos & conspicuos obtinent: sicut cerebrum propter suam eminentiam plurimis maximisq; canalibus expurgatur, primum per nares & palatum: secundo per utramq; aurem: tertio per calvaria commissuras: nec non etiam aliquid ab eo confluit ad oculos. Oculus vero, quo probius munus suum obeat, per euidentes meatus eiicit, quicquid in eo excrementi gignitur, nempe per nares genasq;. Sic pulmo per sputum ac tuſſum præcipue expurgatur.

Porro omnium excrementorum retentorum commune hoc documentum est: quod retentionis causæ semper contraria causa admouenda sit. Exempli gratia, si restricta aluus fuerit ob comestorum paucitatem ac siccitatem, videndum, ut tum plura, tum humidiora exhibeamus: si vero ob siccitatem tantum, non quidem plura, sed humidiora offeramus: si ob comestorum austeritatem & acerbicatem dulcibus & pinguibus cibabimus.

Quod si in ordine ciborum erratum est, ut si ea, quæ adstringunt siccantq; primo: quæ vero humida, dulcia ac pingua sunt, secundo loco sunt comesta: tunc corrigendus error, & mutandus ordo est.

Si vero ob utendi modum, ut si quis cum bis edendum esset, tantum semel comederit, non bis tantum, sed & sæpius cibabimus.

Deinceps, si excrementi mora ob ventris in-

Ff 5

testi-



testinorumq; intemperiem quandam euenerit, considerandum est, an naturalis, an recens contracta intemperies sit. De naturalibus quidem hic nihil agetur.

Recentium vero intemperierum octo sunt differentia: quatuor simplices, calida, frigida, humida, sicca: quatuor composita, calida & humida, calida & sicca, frigida & humida, & frigida & sicca.

Quaecunque ergo ex his recens contracta intemperies, siue simplex, siue composita fuerit, contrariis sibi remediis reducenda ad aequalitatem est, quam ad rem peritus nonnunquam ac fidelis aduocandus est medicus.

Sic de reliquorum excrementorum in corpore retentorum speciebus haud dissimile esto iudicium.

## DE VOMITV.

*3. lib. de usu  
part.*

Bene, inquit Galenus, antiqui medicorum simul cum aliis documentis ad sanitatem tuendam pertinentibus, à cibariis vomitum singulo mense suadebant: nonnulli quidem semel sufficere existimantes, alii autem etiam bis concitandum censentes. Omnes tamen hi qualitates ipsas comestorum acres & absterforias eligendas suadent, vt totum phlegma ventris expurgetur, & nihil cacochymia laedatur corpus. Frequens tamen & laboriosus vomitus omnibus fere hominibus cauendus est, praecipue vero iis, qui stricto pectore & ad sanguinis reiectionem per os parati sunt. Nocet enim pectori, auribus, oculis, dentibus, & ipsi quoq; capiti, nisi ob stomachi repletionem sit laesum.

DE



D E P H L E B O T O M I A E T  
scarificatione.

Venam per annum sæpius incidere haud conuenit: vna enim cum sanguine vitalis spiritus excernitur, qui si copiosius absumatur, fit vt tota moles reddatur frigidior, operaq; naturalia deterius perficiantur. Quamobrem à minus principalibus, puta cruribus, detractio cum scarificatione facienda est.

*Ex lib. Gal.  
de hygu. &  
re vul. cu-  
curbitula &  
scarificat.*

Vbi tamen magni cuiusdam morbi metus immineret, cum virium robore florenteq; ætate, tuto sanguis mittendus esset.

*Gal. in lib. de  
rat. curandi  
per sanguin.  
miss. & 3.  
lib. de lacin  
affectu.*

In hoc tamen considerata est naturalis hominis temperies. Nam quibus ample sunt venæ, quiq; modice graciles sunt, nec candidi, nec tenera carne præditi, securius sanguinis missione vtuntur. Contrarii vero minus tuto: quippe qui exiguum sanguinis habeant, carnemq; facile transpirabilem: cuius rei gratia nec pueris venam secare tutum est vsq; ad quartum decimum ætatis annum. Qui igitur nigriores natura sunt, crassiorem sanguinem ac magis melancholicum colligunt: magis vero, si etiam magnas habere venas conspiciuntur, ac corpore hirsuti sint, ii selecta vena iuuantur. Qui vero albidiores natura sunt, & carnosi, & paruas venas habentes, sanguinem plerunq; tenuem accruare solent: quocirca iis malleolos aut poplites scarificare, quam venam incidere, præstiterit.

Senibus prætera venam incidere periculosum est: Ætas tamen senilis, non annorum numero solum, sed & corporis habitu æstimanda est.

est.



est. Sunt enim, qui septuaginta nati annos venæ sectionem adhuc perferant, cum rursus sint, qui ne sexagesimo quidem ætatis anno ferant. Si igitur vires robustæ adfuerint, quas pulsus vehemens cum æqualitate indicare perpetuo solet, vel septuagenariis (si affectus iubeat) venam secare par est: minus tamen utique iis detrahendum est sanguinis, quam ætate florentibus, tametsi affectio sit utrisq; æqualis.

## DE BALNEIS.

2. *Aphorif.*  
*Com. 17.*

3. *Aphorif.*  
*Com. 15.*

4. *Aphorif.*  
*Com. 2.*

3. *lib. de vi-*  
*uend. rat. in*  
*morb. acut.*

10. *lib. meth.*  
*medend.*

Balnea, quia per cutem æqualiter corpus euacuant, recte ad sanitatē tuendam nonnunquam adhibentur. Et quamvis parua sit, quæ per balnea fit euacuatio, tamen à Galeno omnes pene euacuationes, quibus Medici circa ægrotantium corpora vtuntur, recensente, etiam balnea inter ipsas adnumerantur tutiusq; crebro, quam purgantia pharmaca adhibentur. Raro autem lauacro vtuntur homines (si Hippocrati credimus) quod ipsum præparare nesciunt: Balnea namq; si veterum Medicorū ritu instituuntur, quatuor partibus varia facultate peditis constant: ob idque Galenus recte easdem calidæ intemperiei heceticisq; febribus duplici ratione, tam per se, quam ex accidenti prodesse autumat.

Primum enim homines balneandi in aëre ver-  
fari calido debent: postea in aquam calidam descendere (lauacrum vocant) mox ab hac egressi in frigidam: postremo sudorem detergere. Quibus enim omnia rite adhibita sunt, ii post frigidæ vsus adhuc sudant, & omnia ipsis excrementa euacuantur. Præcipue autem euacuatur per bal-



balneas quicquid in corpore vel fuliginosum, vel humidum fuit. Consistunt autem in naturali symmetria, tum caro ipsa, tum cutis: solidarum partium ariditas corrigitur, & calor non modo is qui ex lauacro accessit, verum etiam qui prius fuit ex frigida usu, summovetur.

Hæc quidem commoda balnea aquæ dulcis potabilis sequuntur.

Aquæ vero naturaliter calidæ medicamento-  
sæ (quas thermas vocant) siue marinæ atq; sal-  
sæ fuerint, siue nitrosæ, siue sulphuræ, plus qui-  
dem bilis educunt, quam dulces: sed non ita hu-  
mectant, neque prosunt: imo qualitate sua non-  
nunquam plus nocere, quàm euacuationibus iu-  
uare conspiciuntur, vti Galenus testatum reli-  
quit de quodā, qui corrupto iudicio iis balneis  
usus, ad tantam corporis extenuationem ac per-  
niciem peruenit, vt tabe consumptus interiret.  
Dulcium autem calefactarum aquarū, si media  
temperie sint, vis calida & humida est: sin tepi-  
diores sint, humida & frigida: quod si isto cali-  
diores fiant, calida quidem, sed non perinde  
humida vis est. Qui carnis augendæ gratia bal-  
neantur, sicut macilenti, & qui atrophia vexan-  
tur, nullumque ex cibo fructum sentiunt, post  
comestionem, facta tamē prima & secunda con-  
coctione, balneas ingredi debent, ac tantisper  
in iis morari, donec membra ac venæ in tumo-  
rem attollantur: sed antequam concidat tumor  
egrediantur, ne id quod attractum est nutrimē-  
tum resoluatur.

Qui vero gracilis esse cupit, ieiunus ac fame-  
licus balneandus est, calide magis quam frigide,  
mo-

*Gal. 3 lib de  
sanit. tuend.*



moreturque in lauacro, donec tumor ac venarum inflatio minuatur, ac post exitum dormiat.

### DE CAPITIS LOTIONE.

Caput vero lauandum est aqua aut lixiuio valde calido, quantum scilicet quis tolerare poterit, ne superfluitates ob repiditatem aut frigiditatem in capite retineantur: moxque pannis calidis caput exiccandum est.

*De quarta re non naturali.*

### MOTV ET QUIETE.

Motus quidem omnis calefacit corpora, contra vero quies refrigerat. Hæc calidis, ille frigidis naturis ex usu est.

Non omnis motus ex æquo omnibus exercitatio est: Idem enim motus alteri potest exercitatio esse, alteri vero non.

Is vero motus exercitatio dicitur, qui anhelitum crebriorem citatioremque reddit. Sed omnium exercitationum vtilissima hæc esse probantur, quæ non corpus solum, sed & animum oblectare poterunt. Hinc admodum sapienter fecisse videntur, quicumque venationes aliasque animalium capturas excogitarunt.

*2. libr. de salut. tuenda.*

Exercitationis iuuamenta licet multa sint, tamen tria præcipue numerat Galenus, quibus reliqua priuatim commoda accepta referuntur.

Primum est, membrorum durities ac robur, ex mutuo eorum contritu eueniens.

Secundum, innati caloris augmentum.

Tertium, spiritus citatior motus.

Porro ex membrorum duritia utiq; sequitur,

vt



ut & membra ex labore minus afficiantur, & ad labores valentiora promptioraque reddantur.

Ex calore vero aucto omnes corporis virtutes seu facultates, præsertim naturales, vegetiores redduntur. Atque adeo tum validior fit deducendorum in corpus attractio, tum immutatio magis expedita, tum nutritio magis foelix.

Ex spiritus vero valentiore motu, & purgari omnes exiguos corporis meatus necesse est, & excrementa expelli.

Si igitur hoc præstat exercitatio, sicque impura atque ab excrementis parum mundata corpora quanto magis nutriuntur, tanto magis læduntur, vtilius certe est ante cibationem omnem adhibere exercitationem. Id quod Hippocrates his *2. Aphorismo, 10.* verbis indicat: Labor, cibus, potio, somnus, Venus, omnia mediocria. Singulorum enim mediocritatem seruandam esse: per epitheton mediocria præcipit. Tempus vero ipso sermonis ordine definiuit, interpretante sic Galeno. Illud *Ga. li. de cib. boni ac malis succi.* idem Hippocrates clarius sic ostendit: Labores, inquiens, cibos præcedant. Ex his manifestum est, prauam atq; erroneam esse in omnibus ferme gymnasiis literariis consuetudinē: vbi literarum studiosa iuuentus nunquam pene nisi ab assumpto statim cibo corpora exercitare solet. Sicut enim maximi momenti ad sanitatis tutelam est exercitium ante cibos, ita perniciosissima res est, omnis post cibum motio: distribuitur namque tum cibus ex ventre per omne corpus, priusquam concoctus ac vtilis factus sit, &c.

Cōmodissimum ergo ad exercitationem tempus est, cum hesternus cibus prorsus iam duplici con-



2. de tuenda  
valet.

concoctione sit confectus, ea videlicet quæ in ventre & ea quæ in vasis sanguinis agitur, ac iam denuo cibandi tempus instet. Nam si aut prius, aut posterius exercitatione vttere, aut crudis humoribus hominem impleueris, aut pallidæ bilis prouentum auxeris. Huiusce vero temporis nota, calor propriæ vrinæ cuique esse poterit. Vrina namq; quæ aquæ speciem præfert, erudam adhuc in venis esse succū eum indicat, qui à ventre submittitur. Quæ vero ruffa biliosaq; est, iam dudū concoctum esse huiusmodi succum: quæ modice pallet, peractæ iamiam secundæ concoctionis est signum: cum namque bili infecta vrina nondum est, aquæ speciem albedinemque præfert. Cum vero plus iusto eius bilis acceperit, ruffa cernitur. Ergo cum mediocriter est ruffa, mediocriterve pallens, tum est exercitatio adeunda: expulsis tamen prius excrementis, quæ vel in vefica vel in inferiore ventre continentur, ne quid ex his vi caloris (qui per exercitationem accenditur) in habitum corporis rapiatur.

1. Aphor.

48.

6. Epi. p.

3. Aphor. 5.

Hæc de exercitationis tempore iam dixisse satis sit. Quod autē ad exercitationis quantitatem seu mensuram attinet, sciendum quod tum demum à motu desistere fas est, quando vel tumor corporis detumescit, vel coloris pulchritudo & robur mutatur, aut cum ex motu vel lassitudo vel sudoris copia sequitur: id quod Hippocrates partim in Aphorismis testatur, partim in sexto Epidemiorum libro, quem nostra tempestate Leonhardus Fuchsius, Medicus omni & bonarum literarum & rerum cognitione insignis, doctissime felicissimeque interpretatus est: cum pri-



primum enim lassari cœperit corpus, confestim quiescendum est.

Qualitas etiam exercitationis corpus alterare potest. Motus namque in quibus validissime ocysissimeque corpus mouetur, gracile, musculosum, durum, compactum ac vegetum corpus reddunt: contra vero remissi, tardi ac languidi motus plane dinersum à prædicto, languidum videlicet ac molle corpus efficiunt.

## D E Q U I E T E.

Esse quosdam eorum qui florente ætate sunt, qui quietem postulant, testatur Hippocrates in *4. p. G. lib. sen. 13.* libro de vulgo grassantibus morbis, ubi calidis naturis quietem imperat. Magnæ enim flammæ, eo quod calorem accendat minime egent, cum satis ipsæ sibi ad tutelam sint, & ut materiæ dominantur. Vnde præclare Galenus: Illud multo *5. libr. de sanitate tuenda.* maxime, inquit, mirandum est, cum Hippocrates moneat, calidis naturis utilius esse in ocio agere, quam exercitari, non paucos tamen Medicos esse, qui ne norint quidem: cuiusmodi tamen homines sint: sed omnibus iuxta exercitationes iniungant.

Non tamen ignorandum est, quod Hippocrates per ocium non plane intelligat desidiam, qua nusquam in totum adiutus quisquam est: sed cum quietem agere calidis naturis suadet, vehementi motione uti vetat. Qui enim calido & sicco sunt temperamento, ob vehementes motus plerumque in ætate biliosos morbos incurrun: intermissis vero immodicis laboribus sani seruantur.

G g

Si-



Similiter etiam à cibo tum animi tum corp-  
tis quies habenda est.

## DE FRICTIONE.

Quia corporis frictio eandem fere cum exer-  
citatione vim habet, recte de ea hoc in loco agi-  
tur. Debito enim modo adhibita vitale robur ex-  
ficcat, & modice calefacit: vnde fit vt distributio  
alimenti fit faciliior, & nutritio promptior. Nam  
multi, quorum corpori longo tempore ex ali-  
mento nihil accessit ἀποφέντες Græci vocant,  
commoda frictione adhibita paucis diebus car-  
ne impleri sunt.

Frictionis quatuor præcipua sunt genera:

Fri- ctio	{	dura	}	vim	{	ligandi	}	car- nem.
		mollis				soluendi		
		multa				minuendi		
		mediocris				augendi		

Expedit autem varium in frictione fieri ma-  
nuum iniectum & circumactum, quo videlicet  
vniuersæ musculorum fibræ, quoad fieri potest,  
omni ex parte fricentur.

2. facit, tu-  
and.

Porro apud veteres frictionum plurimus erat  
usus, adeo vt nemo etiam ex iuuenibus prius ex-  
ercitaretur, quam fricatus oleoque inunctus fu-  
isset. Nostro vero seculo tum potissimum eius v-  
sus est, quando vel ob impeditum motum, vel a-  
liam quamcunque causam exercitatio fieri ne-  
quit: supplet enim vicem exercitationis. Frictio-  
nis quantitas, qualitas, ac tempus eundem pene  
scopum, quem exercitatio & balnea habent.

His enim qui carnis augendæ gratia fricantur

tunc



tunc plane finienda frictio est, cum corpus & intumuit, & ad summum fere tumorem peruenit. Qui autem ad excitandum iam præparantur, his minime id tempus expectandum, sed longe prius desistendum à frictione est: potissimum si optimi temperamenti & ætate puerili sunt.

Qui vero carnis minuendæ causa fricantur, ea-  
tenus fricandi sunt, donec corporis tumor con-  
cidat in sese molesq; deponatur: primum namq;  
corpus attollitur, deinde fit gracile, veluti aqua  
calidam infundas, primum quidem corpus intumescit: deinde si largius infundas, concidit: ita  
& frictio quoque attollit quidem primum, postea contrahit ac molem deponit.

Postremo quia frictio vacuandi vim obtinet, maxime confert iis qui prauis simul ac crudis humoribus oppleti syncope prehendi solent, cuiusmodi nonnullos vidi. Hi sane vacuari postulant, verum neque venæ sectionem, neque alui deiectionem citra noxam ferunt. Nulla igitur alia iis vacuatio excogitari potest commodior, quam ea quæ ex frictione paratur.

*Galen. libr.  
12. method.  
medend.*

*De quinta re non naturali.*

### SOMNO ET VIGILIA.

Somnus vtrumque fere sanitatis tuendæ modum adiuuare videtur. Primū restitutionis modum, quia per somnum spiritus resoluti regenerantur, & calor & humiditas radicalis conseruatur augeturque.

Alterum vero, qui per excrementorum expulsionem fit: quia neminem latet toto hoc tempore, quo quis dormit, animalem facultatem quiescere:

*Gal. in lib.  
de morb. causis,*

Gg 2

scere:



3. Aphorif  
mo 15. Gal.  
de morbor.  
caufis.

scere: naturalem vero validius agere. Ob id in  
somnis longioribus superfluitates expurgantur,  
quæ quidem exquisitè extenuantur per cutem:  
quæ vero in vapores conuertuntur, per expira-  
tionem: quæ vero sufficientem habent craffitu-  
dinem, per vrinas.

Hippoc. 2.  
reg. acc. vi-  
gan. de mor.  
cauf.

Experientia enim videmus, quod somno con-  
uenienter facto omnes fere corporis superflui-  
tates per suos meatus rite expurgantur, siue id  
ob naturam instauratam contingat, siue quia  
materia concocta fit. Optima enim fit per so-  
mnum, non solum in ventriculo, verum per vni-  
uersum etiam corporis habitum concoctio: &  
sunt qui præcipuum esse somni officium putant,  
adiuuare concoctionem. Siquidem multæ vigi-  
liæ cibos potusq; tum crudos, tum incoctos red-  
dunt. Ad hæc quia per somnos quiescit prima  
sentiendi vis, quæ non in corde, vt Aristoteli, sed  
in cerebro residet, vt Galeno Medicorum princi-  
pi placuit: quamobrem temperatus somnus non  
solum corporis, sed & animi sanitatem conser-  
uat, eiusq; morbis, vti Phrenitidi, Melancholiæ,  
amentia, & similibus mederi solet: Vigiliæ vero,  
quia somno plane contrarium effectum obtinēt,  
corpusque exsiccant, omnibus tum morbis, tum  
naturis siccis aduersissimæ sunt. Vt autē somnus  
sit temperatus, quatuor breuiter obseruanda sunt.  
Primum Tempus, secundum Locus, tertium  
Corporis situs, quartum Somni quantitas.

#### DE SOMNI TEMPORE.

2. præfa. II.  
c. 12.

Scribit Hipp. ad hunc modum: Quod ad so-  
mni rationem pertinet, quemadmodū secundū  
na-



naturam consuetū nobis est, interdum<sup>iii</sup> quidem vigilare, noctu vero dormire oportet: ab hac consuetudine si quis aberrauerit, peior erit somnus, qui à tertia diei parte ad noctem vsque capitur, quam qui matutino tempore fit. Pessimū tamen est, si somnus neq; noctu, neq; interdiu accedit: id enim vel ob dolorem laboremq; accidit, vel delirium futurum significat. Ex quibus Hippocratis verbis manifestum est, aptissimum somno tempus ob tranquillitatem eius, noctem esse, hanc si quis insomnem transegerit, aptius dormiendo tempus esse matutinum, minus vero aptum tempus pomeridianum, quia somni tum non quieti, nec sine interruptione fiunt, quod citra digestiue virtutis noxam non contingit. quāquam dandum sit aliquid consuetudini. Quæ enim ex longo tempore cōsuetæ sunt, minus molestare solent insuetis.

Huc pertinet quod illico post assumptum cibum dormire nocet & sensibus, nervis & capiti, multarumq; agritudinum occasio est, præterquā quod somni sunt inquieti, vanis ac phantasticis somniis perturbati, quæ ob cerebri repletionem sæpe eueniunt. Conducit ergo à cœna vnam & alteram horam ante confabulando, aut instrumentis musicalibus, aut aliter latādo transigere, quam quis somnum admittat. Ieiuno etiam dormire stomacho, corpus debilitat & extenuat, stomachumque malis replet humoribus.

## D E S O M N I L O C O.

Secundo conuenit, vt locus, in quo dormitur sit subobscurus, radiis solaribus ac lunaribus pri-

Gg 3 uatus



natus : in caliditate vero ac frigiditate temperatus , aut subfrigidus potius, quam calidus & vaporosus. Si enim in loco præcalido admittatur somnus, periculum est ne accedat syncope, ob somni & caloris extranei mutuam inter se pugnam. Spiritus enim & calor innatus propter somnum suapte natura ad interiora refugere soliti, ad exteriora & ad circumferentiam corporis à calore extrinseco trahuntur.

## DE SITV CORPORIS

*per somnum.*

Primus & ultimus noctis somnus fieri debet super dextro corporis latere: medius autem super sinistro, capite semper eleuato: quanquam etiam super ventre dormire adiuvat stomachum in concoquendo. In dorsum vero dormire supine, omnibus malum est, quia præparat corpus ad multas & periculosas ægitudines, superfluitates cerebrales retinendo, atque ad expulsiōnis viis auertendo, quæ in anteriori parte capitis exsistunt.

## DE SOMNI QVANT-

*titate.*

*Gal. in lib.*

*de ar. med.*

*per san. mag.*

Somni quantitas vniuersis hominibus æqualiter præscribi facile non potest. Nihil enim est, quod artem Medicam æque coniecturalem reddat, atque singulis in rebus quantitas.

Solum autem optime temperati absq; præceptore somno modum præliniunt: alii autem qui intemperati sunt, egent aut prohibente, aut adiuvante somnum, penes quantitatem suorum lapsum ad calidum vel frigidum, humidum vel sic-



secum, &c. In frigido enim & humido corpore cum maior soleat esse somnus, quam ut solum restauraret quod dissolutum est, nimia etiam caloris constrictione ipsum corpus suffocat & extinguit: in corpore vero calido & secco minor est somnus, quam ut restauret deperditum. Atq; hoc est quod Hippocrates ait: Somnus & vigilia, utraq; si modum excefferint malum.

Tamen si autem sint, qui somni naturalis terminum communiter in septem horarum spacio consistere contendunt: rectius tamen, quod eorum pace dixerim, & perfecta ciborum concoctione, quam ex horarum numero somni terminus sumendus est. Non enim est dubium, quin senibus & aliis qui debili ac frigido sunt stomacho, aut *βραδυμψία*, id est, concoquendi tarditate quacunq; de causa laborant, longior somnus sit concedendus.

Ad hac manifesto novem horas æquinoctiales somno naturali præscribere Galenus videtur, idq; non plane liberis, sed aut Romæ aut in magna Alexandria sic ministrantibus, ut sole occidente libere à ministerio recedant, corporisq; curam agant. Nam cum minima nox (inquit) novem horas æquinoctiales æquet, abunde iis fuerit, si *ibidem*: id totum tempus somno dederint.

Somni igitur terminum manifestat perfecta ciborum concoctio. Hanc autem perfectam esse præsumitur, primum ex stomachi contractione ventrisq; ob ciborum descensum mollitie: postea ructuum paucitate, aut saltem eorum insipiditate, deinde ex capitis totiusq; corporis leuitate ac agilitate: postremo ex urina colore &c.

G g 4

De

*6. libr. de  
sanita.  
tuenda.*



## ANIMÆ ACCIDENTIBVS.

*Gal. lib. de  
exer. parua  
pila.*

Adeo potentes sunt isti motus animi, vt multi, morbis saepe ex latitia liberati, multi rursus ex nimia cōturbatione mente capti sint: Nullus est autem corporis morbus tantus, qui vehemēior animæ agritudinibus esse possit, quapropter minime sunt ea affectiones negligendæ, qualescunque tandem fuerint: sed tanto diligentior instarum, quam corporis passionū habenda ratio est, quanto anima corpore præstantior censetur.

*Gal. lib. 12.  
meth. me-  
dend.*

Non solum autē subiti timoris, sed & immodici gaudii seu voluptatis occasione nonnullos periisse, non tantum historicorum, sed & Medicorum testimonio constat. Quamobrem manifestum est sanitatis conseruatori vitandos esse omnes animi immodicos affectus, videlicet iræ, tristitiæ, furoris, timoris inuidiæ, &c. Hæc enim alterant & à naturali statu corpus auertunt. Imo si magnitudine non iugulant, ac certe facile resoluibilem infirmumq; spiritum reddunt, viresque resoluunt, sicut frequentes vigiliæ. Vehementes sane animi motus, si modum nimium excedunt, biliosum calidumq; hominem reddunt, febresque accendunt: si intra modum nimium subsistunt, pituitosum frigidumq; reddunt, atq; adeo viscerum obstructionibus, comitialibus morbis, apoplexiæ, & ceteris frigidis morbis obnoxium efficiunt. Hinc legimus non paucos ægros à Galeno quotannis persanatos esse, solis animi motibus ad debitum modum reuocatis.

Reuocantur autem vehementes animi motus  
ad



ad mediocritatē, tum per non spernendam artē  
Muscam instrumentaq; Musicalia, tum per hi-  
striones & mimos, & cantilenas ridicularum re-  
rum. Quo nomine non temere, nec sine singulari  
consilio aut prudentia factum esse arbitror, vt in  
omnium fere Principum aulis id genus morio-  
nes alantur, qui facete suis dictis aut factis Prin-  
cipum ac magnatū animos, ob varias rerū publi-  
carum curas seueriores mulcere atq; ad medio-  
critatē reducere queant. Id porro Æsculapius, to-  
tius fere Asiæ numen, primus instituisse fertur.

*Gal. lib. 1. de  
sanit. tuend.*

Rursus quibus segniores deiectionesq; animi  
motus sunt, illis profecto non solum venandum,  
equitandum, & in armatura corpus exercitan-  
dum: verumetiam & venationis & armorum &  
motuum species definienda est.

Non enim pari modo excitatur animi vis,  
quando leporem, aut capream, & id genus fuga-  
cia ac timida animalia sectamur, atque vbi cum  
apris, vrsis, tauris & id genus robore prævalenti-  
bus feris agitandis sumus attentī: Nec similiter  
cum in leui armatura, & graui exercitamur, nec  
pariter cum citato cursu dimouemur, & cum  
mediocri motu agimur: nec vbi cum aliis con-  
tendimus, aut vbi soli agimus: Iam clamorene  
an tacitus & labores inhorteris irritesque, non  
parum interest.

Denique vnusquilibet immoderatus animi  
affectus contrario sibi affectu corrigendus est.  
Perpetuo namque certa atq; rata hæc regula est,  
Contraria contrariorum esse remedia, non solū  
in elementarium qualitatum, verumetiam in o-  
mnis alterius rei excessu.

Gg

s

DE



## DE VENERE.

Quia vsus Venereus absq; imaginatione fieri posse non videtur, solēt ipsum Medici animæ accidentibus annectere, deq; eo hoc loco non nihil dicere: quanquam non absurde & inter euacuationes numeretur.

Innoxia autem his tantum Venus est, qui calidi natura sunt & humidi, quique genitura naturali abundant. Maxime vero aduersa res est iis, qui frigidi sunt ac sicci.

Præterea Venus nō, sicut cibus & potus somnus & vigilia, & exercitium, & ceteræ res non naturales cuiusque est ætatis, sed tantum ætate florentium est. Quæ enim hanc vel præcedunt, vel sequantur ætates, aut plane semen non effundunt, aut certe male fœcundum effundunt.

Tempus vero ad vtendum Venere opportunū est, quando in omnium excessuum mediocritate corpus constitutum fuerit, quando scilicet nec supra modum plenum, neque vacuum extiterit, neque nimio calore aut frigore, neque nimia siccitate aut humiditate affectum fuerit.

Quod si in his alicubi aberrare cōtigerit, intendendum est, vt excessus sit exiguus. Deinde sciendum, quod tolerabilior tamen excessus sit, si calefacto potius quam in frigidato, & pleno quā vacuo, & humecto potius quam exiccato corpore Venereis vtamur: eo quod cruditas & repletio facilius tollitur, quam marasmus, phthisis, aut arefactio corporis.

Tantum denique interualli in Venereorū vsu adhibendum est, vt neque resolutio aliqua inde

*Gal. in 3.  
techni.*



de fentiat, & homo feipfo quodammodo leuior fibi factus, ac melius fpirare videatur. Sic enim venereorum vfus corpus leuat, animam exhilarat, iram ingentem remittit, & plerafq; phlegmaticas melancholicasq; ægritudines aufert, vertiginemq; tollit, feminis videlicet fumos à cerebro expellendo.

Tempus vero ad prolem procreandã aptiffimum eft, vel incipientibus, vel ceffantibus mulieris menftruis: id enim conceptionis tempus eft. Cum enim fœmina conceptura eft, acetabula, hoc eft, venarum ora, per quæ fingulis menfibus fanguinis fuperfluum in vterum deriuatur, menfesque expurgari folent, aperiuntur: quamuis autem reliquo toto expurgationis tempore aperta ora hæc funt, non tamen tunc concipere mulier vilo modo poteft, cum femen nequeat in matrice remanere, fed ab influentis fanguinis copia eleuetur. At ceffantibus vel incipientibus menftruis & ora aperta funt, & menftruum non multum, neq; vniuerfum, fed paucum & paulatim effluit, quafi humiditate quadam infudante: vnde efficitur, vt ob afperitatem matricis femen adhæreat, fatisq; alimenti ex fanguinis confluentis paucitate habeat. Ante enim quam menfes veniant, conceptus fieri propterea non valet, quia & alimento caret femen, & adhærentiam nullam inuenit.

Ad hæc tam mari, quam fœminæ commodiffimum eft, poft congreffum Venereum fomnum admittere: mari quidem, vt lassitudo quæ Venere comitatur, diffipetur, viresq; refarciantur: fœminæ vero, vt femen genitale eo facilius retineat.

*Gal. lib. de  
vul. diff.*



neat. Tametsi autē ex retento semine longē maior, quā ex menstruis mulierū noxa vniuerso corpori accedere possit, ex immoderato tamē Venereorum vsu grauius, quam ex eius intermissione corpus ladi posse existimandum est. A Venere namque & laxius corpus & frigidius & imbecillius & ficcius efficitur. Nulla praterea res est, quæ sic debiliter senectamq; acceleret, atque immodicus creberq; Venereorum vsus: quippe vna cum feminali humiditate vitalis spiritus ex arteriis euacuatur, vt minime sit mirum, intemperantius coeuntes & imbecilliores effici, & voluptate immodica accedente, quæ ipsa per se vitale robur dissoluere potest, nonnunquam subito interire posse. Itaq; si omnibus in rebus modus seruandus sit, vt Hippocrati placet, profecto in Venereorum vsu sapientis hoc dictū, vt ne quid nimis, sedulo obseruandum est: præcipue tamen pestilentia tempore.

Multis praterea cōducit post iustum cibi modum aliquid eorum accipere, quæ stomachum roborant, cuiusmodi sunt austera fere omnia, vt mala, pyra & punica: nam horum vsum ventrem soluere experientia compertum est. Non tamen multum de horum singulis pro vice sumendum est, sed quantum imbecillitatem stomachi reficere queat. Nullum autem medicamentum admodum calidum, quod ad cibi distributionem vehementer faciat, post cibum sumendum est: Non enim distribui tum quæ sumpta sunt, sed concoqui est vtilius. Satiū ergo fuerit iis, qui externo aliquo præsidio ad concoctionē egent, hoc tempore exhiberi medicamentum, quod ex  
tribus

*q. sanita.  
ruenda.*



tribus piperum generibus fit, Diatrion pipereon vocant, non medicamentoſum illud magis ope- roſum & compoſitum, ſed ſimplex. Cuius com- poſitio talis eſt: ad cuiuſq; trium piperum drach- mas quinquaginta abunde adduntur aniſi & thymi & gingiberis, ſingulorum drachmæ alias octo, alias ſedecim, in puluerem omnibus reda- ctis, ac per tenue cribrum tranſmiſſis: admiſce- tor mellis odori, ſilui acerrimi dulciſſimiq;, ad- hæc curioſe deſpumati, quantum ſatis eſt, aut lo- co mellis admiſcetur zaccharum albiſſimum, & formetur ad ſumentis placitum eclegmā: Va- rianda namque ſunt pro ſumentis tum natura, tum placito pleraq; medicamenta. Nec proban- di ſunt, qui omnibus ſub vna quapiam menſura eadem medicamenta conficiunt. Simpliciſſimū quidem medicamentum hoc eſt, atque hoc ipſo magis ſimplex, à quo detractū gingiber eſt. Pru- dens hic omitto varia quædam medicamenta, quæ tamen fere omnes hoc tempore prædicto medicamento admiſcent, veluti ammi, cuius lo- co nonnulli amomum ponunt, Seſeli, libyſticū, helenium, nardi ſpicam, & caſſiam. Cum Galeno namque ſentio, hæc medicamento ſubtrahenda eſſe, propterea quod cruda minimeque mutata ab iis qui ea ſumpſerint, longo tempore durare in ventre intelliguntur.

Debet autem, ſi haberi poteſt, aniſum Creten- ſe eſſe, thymum vero vel Atticum, vel plane ex e- ditis locis ac ſiccis: piper vero quod quidem lon- gum eſt, & ſimiliter gingiber, debent eſſe vtrq; integra minimeq; perforata atq; ex Barbaria al- lata: Album vero & nigrum piper vtrunq; eligen- dum



1. de locis af-  
fectis lib.  
Galen.

dum est, quod ponderosum, plenissimum, maxi-  
mumque sit, quod nec rugosum, nec exile, nec  
crassi corticis fuerit. Ad hunc quidem modum  
hoc medicamentum rite paratum auxiliatur iis,  
qui parum concoxerunt, & qui recens frigus in  
ventre habent, ac pituitosum succum: adhuc a-  
cidos ructus dissipat: quemadmodum fumosos  
ructus sanare solet medicamentum ex aloe fa-  
ctum, quod hieram picram vocant: verum sic as-  
sidue eo uti non licet, sicut prædicto diatrion pi-  
pereon, quo etiam si quotidie utatur, quem fri-  
gidus venter infestat, nihil incommodi ex eo sen-  
tiet. Imo quia huius medicamenti calor in totum  
corpus non defertur, veluti aliorum quorundam,  
sed circa ipsas primas venas extinguitur, non  
tantum semel aut bis quotidie porrigere conue-  
niet, sed & sæpius. Siquidem mane, & ante  
cibum, & post, etiam cubitum eun-  
tibus recte datur.

F I N I S.



FRANCOFORTI,  
E Typographéo Iohannis Saurii, Im-  
pensis Vincentii Steinmeieri.



---

Anno M.D.C.V.



Lactis abundantiam nutricib. facit  
caulis decoctus. Plin. lt. glauciscig  
e iure sumtus. Vid-in Decimat. Lac.



A. Lex. Recam.

C.

Alvum insigniter Capitis dolor. 287.  
riet, herba Mercurij  
alis. Buignkraut  
Mercurij Kraut.

B.

P.

Bilis atra expurgatio. 286. Defluxio capillor. 287.  
Ventium clera. 288, 283.



E.

G.

F.

H.



I.

M.

I.

N.

Lachenar. curat. 288.



O.

P.

*Podagra curat. 286.*

*Pulmonis vitior. 287. 282.*

*Pudices necantia. 177.*



5

U.

Vifuy g/eruaō. 117.

T.



1887  
1605  
282



Ne imitare malos Medicos, qui in alienis  
morbis proficuntur, se tamen medicinae  
scientiam, ipsi se curare non possunt.  
Cic. in Quest. 4. 7. 8. 9. 10.